





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.7.91





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.7.91




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.7.91



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.7.91



1.7.91



GREGORII
CORTESII MUTINENSIS,
S. R. ECCLESIAE

Presb. Cardinalis.

EPISTOLARVM FAMILIARIVM LIBER.

*Eiusdem Tractatus aduersus negantem B. Petrum Apostolum
fuisse Roma, ad Adrianum VI. Pont. Max.*


DVPLICI ANNEXO INDICE:

Quorum alter, nomina eorum ad quos Epistolæ
missæ sunt; reliquus verò, scitu di-
gniora complectitur.

CVM PRIVILEGIO.



VENETIIS, Apud Franciscum Franciscium Senensem. 1573.






S. D. N. GREGORIO XIII.


PONT. OPT. MAX.

Herfilia Cortesia de Monte. S. P. D.

 *V*M *Epistolarum Volumen & Opusculum hoc de cathedra Diui Petri à bo. me. Cardinali Cortesio patruo meo, dum inhumanis esset conscripta, quæ aliquot post eius obitum annos latuerant, & paulò ante non sine labore, atq; industria mea inuenta fuerunt, nunc eruditorum, præstantiumq; virorum hortatu impulsæ, edere in lucem decreuerim, cogitans cui potissimum illa dicarem, nemi in magis id muneris conuenire visum est, quàm Vestra Beatitud. Nam cum diuina faciente bonitate, Sanctitas V. & summa sua cum laude, & maximo Ecclesiæ, populorumq; suorum beneficio, in ipsamet cathedra hoc tempore sedeat, atque eundem Cardin. animo bencuolo, grataq; memoria prosecuta omni*
a ij tempore

tempore fuerit, in me autem humillimam ipsius
famulam, ea paterna benignitatis indicia de-
derit, quæ nec parua, nec obscura fuerunt; iu-
re optimo hic libellus Vestræ Beatitudinis tute-
læ, & auctoritati est commendandus. Eum igi-
tur, ut qua consuevit benignitate suscipere di-
gnetur, humillimè rogo, Deum orans, ut ean-
dem S. V. nobis, Sanctæq; Ecclesiæ quàm diu-
tissimè seruet incolumem.





Gregorij Cortesij Cardin. Vita.



REGORIUS CORTESIUS MUTINENSIS,
Monachus Casinas, ex nobilissima Cortesiorum
familia originem duxit: quæ quidem, teste Planu-
sio Campano, in libro de Familiis Italicis, à tem-
pore Caroli Magni, Mutinam nouam ab eodem
ex ruinis antiquæ Mutinæ, à Gothis Longobardisq; destructæ,
reædificatam, habitare cæpit. Hæc enim Cortesiorum familia,
à quodam Imperiali Vicario nomine Ludouicus Cortes inter
Gallos nobilissimus, ortum suum habuit, qui cum esset à Con-
siliis Pipini Regis Italiæ, Caroli filij, ciuitatem illam inhabita-
uit. Ex ea igitur Gregorius hic noster natus est; qui Græcis,
Latinisq; literis mirum in modum eruditus, ab iuente ætate,
Ciuiili, Canonicoq; iuri operam dedit; & apud Ioannem Me-
dicem Cardinalem, postea Leonem Decimum Pont. Max. au-
diendarum causarum munus exercuit; vt ipsemet fatetur in
quadam ad eum Epistola. Demum, cum huiuscemodi laboris
onere præmeretur; & ad diuinarum litterarum studium, quie-
tamq; transigendam vitam, diuino quodam instinctu pertrahe-
retur, ad Cœnobium Diui Benedicti apud Mantuam conuo-
lauit; ac Monaci indutus habitum; in eo viuendi genere ita
profecit; vt omnibus muneribus, quibus apud cœnobitas il-
los potiri consuetum est, mira fuerit prudentia functus. Tan-
dem eius virtutis, probitatis, Religionis, ac scientiæ fama indu-
ctus Paulus Tertius Pont. Max. in Collegium Cardinalium il-
lum asciuit, Anno sui Pont. VII. Domini vero M. D. XLII.
Die 11. Iunij. Factus ergo S. Rom. Eccle. Presb. Cardin. TT.
S. Ciriaci in Thermis; nihil ob eam dignitatem candoris, nihil
probitatis

probitatis, nihilq; antiquę comitatis amisit, sed omnibus gratus,
in sacrarum literarum studiis, innocenter ac pie, noctes, diesq;
transibat. Anno verò eiusdem Pauli Tertij xiiii, acri morbo
correptus, xi Kalend. Octobris, Romę è viuis excessit; & in Ba-
silica xii. SS. Apostolorum honorifice ante altare S. Eugenię,
omnium, & maxime suorum luctu, sepultus est. Plurima huius
clarissimi viri monumenta relicta sunt, ingenium eius ac doctri-
nam testantia, præter hoc Epistolarum compendiolum, & ad-
uersus negantem B. Petrum Romę fuisse Tractatum: quę ta-
men à nobis hucusque desiderantur; ea autem sunt

De Theologica institutione Liber.

De potestate Ecclesiastica Tractatus.

Hymnorum, & Carminum Liber.

*Tractatus D. Cypriani de Virginitate è Græco in La-
tinum versus.*

Epistolarum Familiarum etrusco sermone Liber.

Quamplurima etiam opuscula ab eodem edita; cum ad Theo-
logicam, tum Philosophicam facultatem spectantia, Græcè,
Latinèq; conscripta: quę (faxit Deus) vt aliquando virorum
proborum opera in lucem prodeant; ne huiusmodi lucernę
diutius sub modio lateant, neve huius illustrissimi viri glorię
quis inuidere videatur.

INDEX EORVM, ad quos Epistolæ missæ sunt.



<i>Bbati cuidam.</i>	fol. 142
<i>Amico cuidam.</i>	260
<i>Andrea Naugerio Greg.</i>	17
<i>Antonio de Prato.</i>	237
<i>Augustinus Episc. Grass. Jacobo Sadol.</i>	41
<i>Augustino Grimoaldo Episc. Grass. Greg.</i>	34. 37.
	92. 98. 179. 251.

B <i>Aptista Flisco.</i>	93
<i>Benedicto Theocreno Greg.</i>	21. 25. 33. 49. 57. 185

C <i>Card. S. Marcelli.</i>	286. 287
<i>Card. Rodulpho.</i>	278. 279
<i>Cassiano Camillo Genuensi.</i>	64. 76. 96. 99
<i>Celio Calcagnino Greg.</i>	16
<i>Christophorus Long. Greg. Mon.</i>	12
<i>Christophoro Longolio.</i>	9. 59
<i>Collegio Canon. Mutin.</i>	288. 289

D <i>Jonysio Monacho.</i>	55. 142. 194. 195. 197. 198. 229.
	244. 258

E <i>Vsebio Mutinensi Monacho.</i>	232
---	-----

F <i>Ederico Fregosio Episc. Salernit.</i>	38. 80. 103. 106. 107. 111.
	112. 114. 117. 119. 121. 122. 123. 124. 183. 211. 214.
	217. 219. 223. 226
<i>Francisco Bellincino</i>	265
<i>Francisco de Sancto Venerio</i>	66. 200. 242

G <i>Eorgio Monacho.</i>	162
<i>Guido Ascanio Card.</i>	281. 282
<i>Gulielmo Langieo Regis Franciæ à secretis.</i>	147. 267
	Heliseo

H Eliseo Monaco.	152. 161
Hieronymo Adurno.	44. 46. 47. 68
Hieronymo Ghinuccio	101
Hieronymo Grimaldo.	188
Hieronymo Moneliano.	86
Hieronymo Monferr. Albat.	83. 153
Hieronymo Palmario Greg.	31

I Acobus Sadoletus Episc. Carpent. Greg.	7. 75
Iacobo Sadoletto Episcopo Carpent.	4. 73. 212
Iacobo Ferro Ninenfi.	1. 143
Ioan. Medices Card.	220. 234
Ioanni Morono.	246
Ioan. Saluiato Card.	284. 285
Iuliano Monacho.	56. 89

L Amberto Episcopo Venusino.	40. 176
Leoni X. Pont. Max.	247
Luciano Monaco.	53. 78

M Michaeli Bentino Germano.	216
Michaeli Placentino Monaco.	239. 242

P Amphilus Saxus Greg.	189. 191
Paulo Sadoletto.	255
Paulo I. Pont. Max.	269. 270. 272
Petro Bembo Card.	275. 276
Perpetuo Henriotto.	225
Philippo Saulio Episc. Brugn.	63

R Raphaeli Placentino Monaco.	174
Rascastio Iurifconsulto.	185
Seuerus Monachus, Cisterciensis, Cortesio Monaco.	138. 139. 264

S Tephano Saulio Greg.	14. 18. 27. 29. 35. 88. 131. 132. 138
-------------------------------	---------------------------------------

T Heocreno Greg.	23. 109. 127. 129. 203. 205
V Incenzio de Borlasca Geruenfi.	170
Vitali Monaco.	208. 209. 228. 253. 256. 262

INDEX EORVM,

QVÆ IN HOC OPERE

scitu digniora visa sunt.



CADEMIA M.Varronis in monte Casinate
fuit. fol. 233

Acciaioli commentaria in librum de moribus
Arist. commendantur. 122

Aduersa fortuna, verè amicos non tollit. 116

Amicitia quomodo excolenda. 8

Amicitiae veræ signum. 200

Amicus verus, thesauro præciosior. 31

Amor diuinæ sapientiæ, omnē alium amorem abiicit. 91

Andreas Nauigerius, virtutum, & literarum amator. 17

Antonius de Prato exoratur, ne contra Cenobium Lerinen
se, quid indignum meditari velit. 237

Aquariana aqua salubris. 191

Athanasio regreſſo ab exilio, quo honore fuerit exceptus. 345

Augustini Grimaldi in Gregorium Cortesium amor. 181

Aurium tinnitus, ex amicorum distantium sermonibus. 37

B Abylonia Aegyptia, à quibus fuerit condita. 355

Bellū inter Columnenses & Vrsinos, intra menia Ro-
mæ gestum. 243

Benedictus Theocrenus, filij Regis Galliarū præceptor. 187

Bessarion Cardinalis, monachus Casinas. 138

C Halydij commentarij in Tymæum vbi extant. 87

Camilli Cassiani diligentia in illustranda Cosmogra-
phia. 117

Cardinales diuersi gratulantur Cortesio, q̃ collegio Cardi-
nalem fuerit ascriptus. 275

Celij Calcagnini commendatio. 233

Cenationis, eiusque architecturæ descriptio. 142

Cenobij Casinatis instauratio à quo meditata sit. 234

Christus, quando decessit ex hac vita. 310

Collegium Canonorum Mutinensium gratulatur Corte-
sio, q̃ Cardinalis creatus fuerit. 288

b Comme

I N D E X

Commentariorum Chrysostomi in Genesim commenda-	
tio.	41
Cornelius Tacitus aduersus Christum impius scriptor.	336
Corpora Apostolorum Petri & Pauli Romæ iacent.	322
D istantia locorum amicitiam non soluit.	27
E cclēsia vexatur diuersis heresum erroribus tēpore Pau-	
li Tertij	272
Epistolæ amicorum in aduersis leuationē adferunt.	42
Excusatio in amicitia superuacua est.	25
F rancisci Galliarum Regis apud Papiam infelix concer-	
tatio.	240
Frāncisci Regis Galliæ amor, erga humaniores literas.	148
Franciscus Rex captiuus ad Picighitonum ductus fuit.	242
Fulgosæ familiæ laus.	22
G recorum vocabulorum declaratio.	136
Gregorius Cortesius ex Monaco Cardinalis efficitur à Pau-	
lo tertio.	269
Gratias refert Pont. summo.	270
Gregorij Papæ, commendatio & laus.	301
Gymnasia publica humaniores literas, rarò profitentur.	30
H emorrois, serpens venenosissimus.	164
Hercules Gensagus, politioris linguæ amator.	264
Herodes duo fuerunt, Antipas & Agrippa.	312
Hiantes coruos deludere quid.	3
Hieronymus in scribendis historiis, diligens inquisitor ve-	
ritatis.	319
Hispani post victoriam partam superbi.	241
Hymnus in Deiparam Virginem.	150
I ndignatio honesta erga amicum.	21
In Diuum Honoratum, carmen.	157
In Lerinam Insulam, Carmen.	153
Ioannes Baptista, vbi iugulatus fuerit.	313
Ioannes Gallus Musicus excellens.	218
Iudei omnes Roma expulsi.	315
Iuliani Grimaldi innocentia.	48
Iuuenibus danda est relaxatio animi, & quare.	92
Laus	

INDEX

L	Aus hominis monasticam vitam suscipientis.	3
	Lerina insula reliquiis sanctorum Eucherij & Honora ti decoratur.	86
	Lerinenfis insulae laus.	10
	Leoni Decimo Pont. Max. gratulatur quod ad Pont. assum- ptus fuerit.	250
	Liber omnis, aliquam vtilitatem affert.	41
	Libri; quibus chari sint.	29
	Libri studioso viro, quam chari sint.	46
	Liberius Pontifex Romanus, cur in exilium missus a Con- stantio.	345
	Librorum prohibitorum licentia retinendi ac legendi, a su- perioribus petenda.	75
	Lingua hebraea D. Hieronymum deterruit.	216
	Longolij interitus ab Gregorio deploratur.	177
	Longolius Celio Calcagnino commendatur.	16
	Lupum auribus tenere prouerb. quid significet.	184
M	Arfilius Patavinus, vir impius.	309
	Mensura cumulator reddenda est iuxta Hesiodū.	9
	Momus, cur reprehenderit facturam hominis.	47
	Mores corrupti ciuitatis Genuensis.	70
	Mortui viri ex Saulia familia commendatio.	136
	Musica apud Pythagoreos, quanti esset.	218
N	Arcissus quidam, tanquam vagus describitur ab Am- brofio.	340
O	Crauiani Fregosij constantia, dum Neapolim dedu- ceretur.	123
	Onus gubernandi viro literato molestum.	209
	Orationis Feder Fregosij ad Genuenses commendatio.	118
P	Auli Sadoleti epigrammata commendatur.	256
	Patres antiquiores, dum scriberent contra hereticos, nō eos maledictis incessabant.	307
	Peruasor contradicit verbis Lucę Euangelistę.	342
	Petrus contra Simonem Samaritam Romam venit postre- mo Neronis anno.	317
	Petrus post mortem Christi, quot annos vixerit.	310
	Petrum Romę fuisse, ibi crucifixum testimonia plurima.	
	3 22. 3 23. 3 24. 3 25. & sequ.	

Petrus

INDEX.

Petrus viginti quinque annis Romæ cathedram sacerdotalem tenuit.	321
Philippus Saulius, Euthymium in Psalmos interpretatus est.	245
Philosophia omnis in arduo posita est.	109
Pudor subrusticus quos terreat.	4
Q Verelæ ex amicitia tollendæ.	176
R Egio pessima est, in qua est cum Orco luctandum.	78
Regis filius, quomodo sit erudiendus.	187
Reprehensio honesta negligentis amici.	24
Rex est lex viua.	68
Romæ antiquitates admirandæ.	79
S Ancti, venerandi sunt.	191
Saulia familia Genuensis, officij ac humanitatis amica.	133
Scriptorū antiquorum noīa, quorū opera desiderātur.	84
Seneca duobus annis ante Neronē obiit.	348
Sermones quotidiani, morum indices.	68
Seuerus Monachus Cisterc. M. Tullij Ciceronis orationes emendauit.	139
Silentium inter amicos soluendum est.	258
Socratis dictum in iuuenem petulantem.	69
Solitudo, etiam hospitalitatem admittit.	100
Stephani Saulij erga Gregorium dolus ciuilis.	206
Studia molestiis obruuntur.	44
Studium literarum commendatur.	56
T Empus amissum, iterum aquiri minime potest.	28
Teocrenus præceptor filij Regis Franciæ.	67
Thomæ Aquinatis laus.	236
Tractatus aduersus negantem Petrum fuisse Romæ 300. cur hunc tractatum scripserit.	302
V Enetiarum commendatio.	18
Vespasianus gentem & nomē Iudeorum extinxit.	323
Volumina antiquorum patrū, ex Græcia aduecta.	63
Vita solitaria quàm delectabilis sit.	223
Vita Sancti Geminiani, à quo fuerit descripta.	189

FINIS.



GREGORII CORTESII
CARDINALIS,

Epistolarum familiarium

LIBER.

Iacobo Ferro Ninenfi. Gregorius Sal.



*Ex literis tuis, & ex verbis eius, qui sub
fidei tuae testimonio literas ad nos detu-
lit, facile cognoui, quanto amore collegium
hoc nostrum prosequaris. Et si istud ipsum
iamdiu & pollicitationes tuae mihi testa-
tissimum, & suscepti pro nobis labores perspectissimum
fecerant, nuper tamen hoc officio per te sponte suscepto,
vidi, ut ea quae oculis cerni solent, tibi, cui nota sit hu-
ius collegij integritas, cura etiam esse, ut pro meritis be-
ne audiat, quippe qui, ut nimium amantes solent, vul-
gi etiam rumusculis commouere. Ego vero, mi Iacobe,
tantum abest ut hac vulgari fama in alterutram partem
afficiat, ut mihi magis minusue placeam, ut etiam tunc
recte me quippiam fecisse probatis viris probaturum cre-
dam, cum factum aliquod meum, vulgi sermonibus dam-*

A nari

nari cognouero: quippe cui nunquam non sint cordi mendacium & Vanitas. Rectissimeq; inquit Tertullianus, eam fame esse conditionem, ut non nisi cum mentitur perseveret: & ita demum vera nunciare, cum desinit esse fama. Quod si antea aliquando, nunc tamen potissimum, ut opinor, verum id esse à te cognosci potuit. Tam nempe diuersa, tam inuoluta, tam etiam inter se pugnantia de Borbiensi regulo, vulgo erat disseminata, ut quemlibet vel mediocri præditum prudentia supputare possit, eo fremitu fuisse commotum. perinde quasi non sit ille vulgi mos, tam in laudabilibus quàm etiam in malefactis transuersum ferri in erroris scopulos. quæ vero mihi nunciata sunt, eiusmodi extitere: ut nisi te teste, nunquam fuerim fidem adhibiturus, esse istic tam leuem tãq; ociosam plebeculam. Quid est enim quod tantopere admirentur, si vir unus atq; adeo omnium testimonio reſti exempli & probatę integritatis, cupiat sacris initiari? nouum quippiam credo aut inauditum? an non quotidie, ut quęq; ciuitas maxime Christo seruatori, operatur, ita & libentissime aliquid audit eiusmodi & maxima insuper laude prosequitur? Sed, opinor, eos mirari, quod hic, inter principes ciuitatis erat, at istud ipsum admiratione debuerat imminuere: quis enim facilius caduca hæc & inconstantia, quæ falso nomine bona appellamus, contemnere potest, quam qui fuerit sæpius eorum blanditiis deceptus, vexatus molestiis, elusus mutabilitate? Nam quod in nos vulgo culpa reicitur, quos dicunt dudum, hunc

hunc hominem sollicitare: id vero eiusmodi est, ut & verum esse negemus, nec tamen, si sit, culpam deprecari velimus, quippe quod, nescio quid comune habeat cum actis Apostolorum, quos constat uniuersum pene orbem peragrassse, ut eadem ratione animos sollicitarent. Quod vero ad hominis patrimonium attinet, non satis video cur deteriore eius conditionem esse velint, qui se remque suam, quam qui nudus, semetipsum Christo offerat: curque si hoc laudaturi fuerunt, illud tantopere damnent. An forte iccirco stomachantur; quod, ut inquit Flaccus, deluserit hiantes coruos? nam & affines & propinquos habuit, quibus præ ceteris, consultum esse voluissent, quasi verò illis omnibus qui pretium ad pedes Apostolorum proiciebant, nulli fuerint affines aut propinqui. Quid si etiã cognatorum non mediocris illi cura futura est, num adeo indignum videri debet, si qui profanus integro usus erat patrimonio, nunc sacris addictus parte frui velit, quasi ipse sibi non sit hæres legitimus, aut Christus ipsi? Hactenus ad ea quæ vulgo iactantur: sibi vero persuasissimum esse certo scio, nihil nos aut cupide, aut inconsulto facturos. Fit enim omnibus copia conueniendi hominẽ & quinquagenarium & suæ spontis, & qui sermone patrio loqui nouit explicite. Nudius tertius etiam cùm eodem congressi sunt cõplures affinium, quos puto, non mediocri rubore affectos abcessisse, ob ea quæ de nobis passim falsoque iactauerant, cū præter opinionem repererint illum nec mutasse vestem nec dominium rerum suarum à se alienasse.

A 2

Quid

Quid vero deinceps nouitius hic noster acturus sit, scio me tam ignorare, quàm etiam non curiose inquirere, quod ex eius hereditate nulla mihi ad commodius uiuendum fieri possit accessio, nec etiã si futuram sperẽ, maximopere id sim curaturus. Credo equidẽ, patres meos, nec precibus ab eo quippiam, non modo non vi, expressuros, nec tamen munus aliquod si ab eo offeratur, repudiaturos esse. Quod reliquum est, me tibi & fuisse semper amicissimum existimes velim, & futurum etiam confidas. Vale.

Iacobo Sadoletto, Episcopo Carpen-
toratenſi. Greg. S.

C*umprimum in hanc prouinciam veni, vehementer admiratus sum, nominis tui apud omnes eam esse claritatem, ut nihil sibi omnino scire videretur, qui memoria lucubrationes tuas non commendasset. Nec eo sane admirabar, quod nescirem virtutes tuas facile opinionem omnium vincere, sed quod nequaquam tantum humanitatis iudicij & literarum in prouincialium ingeniis residere cognoueram. Cum vero omnia illa predicatione nostra longe maiora comperissem, sæpius statui de ea re, datis ad te literis, fundamentum aliquod amicitie ponere. Veruntamen, nescio quo pacto, simul atque id cogitassim, deterrebat me pudor quidam (ut Cicero inquit) penè subrusticus, quod verebar eum, præsertim occupatissimum interpellare, in quem nullum non modo officium*

officium nostrum extaret, sed nec paulo firmitus constituta
intercederet amicitia. Mirifice tamen accidit ut dum
hac cogitarem, tu Pontifex Carpentoratenſis crearere.
Id vero poſtquam mihi renunciatum eſt, ſtatim in ſpem
maximam veni, fore ut aliquando conſuetudine tua frui
poſſem. Cum enim ego patriam hac provincia commuta-
rim, tibi etiam honeſtiſſima impoſita ſit neceſſitas etatem
in ea traducendi, videbam me non diutius id fruſtra
deſyderaturum. Nuper autem cum Graſſenſis noſter ex
Syria reuertiffet, cuius beneficio, & ocium & facultas
nobis ſuppeditatur in ſtudiis acquieſcendi, eumq; tibi in-
tellexiſſem eſſe amiciffimum, illico has ad te literas dare
conſtitui. Accedebat patriæ Vinculum, & ſanctiſſimum
illud neceſſitudinis genus, quo haud ſcio, an aliud grauius
excogitari poſſit, ſtudiorum videlicet ſimilitudo quædam,
& ſi ea quidem valde diſſimilis. Vix enim ſimilitudo
dici poteſt, ubi, quamuis in eadem ſtudia incumbemus,
incredibilis tamen eſt progreſſus diſtancia. Tibi vero
tam facile docti etiam omnes concedunt, ut cum docto-
rum princeps citra controuerſiam iudicare, ſummopere
omnes gaudeant te poſſimum ea auctum & gratia &
potestate, ut doctis omnibus, quantum ingenio & doctri-
na, tantum etiam dignitate præſtes & eis prodeſſe non
minus poſſis ac velis. Ne tamen aliquid deeſſet ad ex-
citandam voluntatem meam, opportune accidit acceſſus
Archidiaconi Auenionenſis, ad urbem, dicam an ad te?
quando is tibi uni tantum tribuit, ut non grauate fuerit
ſi iſtinc

si istinc abesses, urbe cariturus: cum vero adsis, pluris urbem q̄ patriam faciendam esse ducit. Cum eo mihi summa est necessitudo, rursusq; eum tibi plane scio esse amicissimum: quare gaudeo hunc precipue testem accidisse quàm te colam & obseruem. At qualem testem? qui suauitate congressus, morum grauitate, rerum experientia, totius vitæ integritate nemini forte concedat. Jam vero quàm sancte & diligenter amicitiam colat, tibi etiam credo esse perspectissimum. De quo, nisi ad te proficisceretur, parcius omnino verba facerem. nunc vero, cum non verear ne me abuti ignoratione tua credas, & ne virtus eius prædicationi meæ non respondeat, tibi polliceor te maioris cōsiliij, grauitatis, modestiæ, adde quod caput est, erga te beniuolentiæ vidisse neminem. nam quantos habeat in liberalibus studiis progressus, tu facile presens poteris iudicare. Quāti vero eum faciat Grassensis noster, vel inde poteris cognoscere, quod cum nihil habeat quo magis amicos demereri possit, quàm ut tibi illos conciliet, te tamen huius præ cæteris cupit esse amantissimum. Superest ut quoniam tres tales viri in amicitiam conspirastis, me tam suauis & honestæ coniunctionis, quam spero apud posteros fore celebrem, non socium sed spectatorem & preconem ascribere ne grauemini: nolim enim, ne si concedatur quidem, gratiarum meo interuentu turbare congressum. Nunc quoniam aduentū tuum ad hanc prouinciam propediem futurum intellexi, me interim ea spe consolabor, fruār q; assidue & Grassensi nostro

stro, & Lerinensis insula solitudine amœnissima, in qua mira literarum & religionis contentio viget, ut tamen coniunctis animis cum squallida barbarorum colluie continenter bellum gerant, ita græcis & latinis literis humana & diuinæ philosophiæ iuxta dies noctesq; illic incumbunt. Quod cum tibi gratissimum, tum etiam summo Pontifici, ut est virtutum omnium supra quæ dici potest, amantissimus, iucundissimum fore confido. Vale.

Iacobus Sadoletus, Episcopus Carpentoratensis. Gregorio S.

ET si fidem mihi de te faciebant literæ tuæ: scriptæ enim amice ac pereleganter declarabant singulare ingenium tuum, coniunctum pari erga me benevolentia, tamen, postquam etiam Archidiaconi Auenionens. testimonium accessit, ea de te prædicantis, quæ de optimo viro & homine doctissimo poterant commemorari, non dubitavi, quin tu esses non modo mea (id enim non tanti est) verum omnium bonorum benevolentia dignissimus. Ita enim intellexi te, cum summa religione & integritate vitæ, coniuncta habere omnium artium studia optimarum. Nec id tantum quod ab ordine vestro præstari aut expectari solitum est, posuisse te operam in dialecticis & physicis, aut his etiam quæ pertinent ad Theologiam literis, sed hæc omnia latinitatis lumine, hoc est, eloquentiæ cultu ac diuitiis instituisse ornanda, quamquam huius quidem instituti

fituti tui atq; iudicij, egregium testimonium literæ mihi
tuæ attulerunt. Sed ego quo rariora hæc in te ornamenta
esse conspicio, hoc sum magis ad te diligendū, tum cōmuni
meo in tales viros studio, tum propria erga te voluntate
incensus. Nam & sanctissimum & tu rectissime per-
scribis, accedit patriæ vinculum & studiorum similitudo,
in quibus ego non modo non primas appeto partes, sed &
commode agi mecum arbitror, si in maximis occupationi-
bus, quæ & animum meum & operam distrahunt, ali-
quod retineam vestigium pristinae voluntatis. Omnino
otio nihil beatius optabiliusque, quod quidem in legendis
aut etiam emulandis doctissimorum virorum monumen-
tis traducatur. Quo posteaquam ego spoliatus sum, tu qui
id optimi & liberalissimi præsulis Grassensis nostri bene-
ficio, ut scribis, es affecutus, partem tibi beate vitæ ma-
ximam ab eo esse collatam debes existimare. In quo ego
& tuo & bonarum artium ac literarum nomine habeo
illi optime merenti gratiam, libentissimeque profiteor, me
quoque tali pro munere ei esse obstrictum. Ac mihi uti-
nam aliqua aliquando tribuatur occasio ad vos & in istā
provinciam proficiscendi, ut cum consuetudine vestra,
tum eo ipso quod cæteris rebus omnibus antepono, otio per-
frui mihi liceat, in qua una nunc spe & cogitatione ac-
quiesco. Sed quando id nisi salvo officio faciendum non
est, & ut quidem nunc est, non perspicio quo pacto ho-
neste me explicare possim. Quod nostræ interea est pote-
statis, institutam amicitiam nostram & fide & beniuo-
lencia

lencia mutua excolamus. Quo ego in genere, arbitror si me de rebus tuis quid vel intersit tua, vel tu maximè optes admonendum duxeris, me tibi satis esse facturum. Vale
 Et Grassen. nostrum saluere à me plurimum iube. Ex urbe pridie kal. Maias. M. D. XVlll.

Christophoro Longolio. Greg. S.

Quod fieri posse non arbitrabar, ut ad Venusini nostri in me innumerabilia merita cumulus aliquis accederet, hoc proximis diebus, dum Romæ esset, sum consecutus. Ut est enim in explendis omnibus amicitie numeris, non officiosus modo, sed penè dixerim ambitiosus, non satis ei fuit (quod quidem erat maximum) te sibi conciliasse, nisi me quoq; in amicitia tuam insinualet, et quidè tam arcte, ut, si repentinus eius discessus nō obsititisset, fueris literas ad me daturus. Quæ etsi mihi pergratæ futura fuerunt, facile tamen patior, partem aliquam instituendæ inter nos amicitie mihi abs te fuisse relictam.

Quando enim tot tuis meritis responderem, qui nec etiam nunc, qua ratione id perficiam scio? Quanti enim me putas facere, quod prior ad me amandum accesseris, non modo nullo beneficio astrictus, sed nec de facie quidem cognitus? Si enim cumulatione mensura iubet Hesiodus reddere, αὐτὰρ δὲ νῦν quid faciemus beneficio prouocati? Illud vero non iam amicitie fructum, sed felicitatis partem non modicam nobis polliceri videtur, quod te desiderio

B

huius

huius nostræ solitudinis non mediocriter affici intellexi. Nequeo enim id maximopere non probare, quo, & delector ipse vehementissimè & tranquillissimè fruor. Caue vero credas, locum aliquem salubriorem amœnioremque esse insula Lerinensi, cuius cælum cum ad corporis firmitatem, tum etiam ad excitanda ingenia plurimum valere cognoui. Etsi enim non satis mihi probantur vis terræ occulta, aut locorum genij, quæ Platonici video placuisse, referre tamen plurimum quo sub cælo quisque degat, Thebanorum & Atheniensium argumento, grauissimos etiam philosophos opinari nouimus. Cum vero omnium ferè insularum hoc proprium sit, ut liberrimo & serenissimo cælo gaudeant (quare comodissime in insulis visus est sibi Homerus fingere sedes beatorum) ea tamen potissimum Lerinensis insulæ natura est, atque adeo, ut nullius unquam dies fuerit, quin aliqua eius hora solem viderimus, ne iam de vniuersis Syracusis hoc dici posse videatur. Quàm autem faueat ingenijs, coniectura facile possumus assequi, ex uberrimo doctissimorum hominum prouentu, qui inde aliquando prodierunt. Taceo liberalium artium studia, quæ hic tam nunc floride reuiuiscunt, quàm olim situ & incuria exaruerant. Nec quidem arroganter dictum velim existimes, cum per omnes disciplinas, & merito laudatam *εγκυκλοπαιδία* in arcem doctrinarum certatim conentur qui hic degunt euadere. Solitudo vero ea est, ut profanum modo vulgus oderit & arceat, qua nihil puto amicius ingenijs, qui maximum nescio
quid

quid spectantes, totos se liberalibus studiis tradiderunt. Accedit Episcopi Grassensis mira quaedam liberalitas & honestus amor in literatissimos quosq; hoc est, tui similes. Quae omnia, cum & predicationem nostram & opinionem tuam superare non dubitem, te summopere hortor, ut quam tibi mentem Deus Opt. Max. dedit, eam audias, illi obsequaris, nec te aspectus ille urbis & fallaces illecebrae, in quibus tanquam in aestu iactaris, transuersum ferant. Magnum est quidem in urbe totius orbis facile principe, inter doctissimos viros, vel primum vel in primis numerari, magnum, quis nescit? At verò illud maximum, quod te audio animo concepisse, tranquillo solitudinis literatoq; ocio triennium ad summumve quadriennium frui, quo possis totius antiquitatis monumenta excutere & emulari, tibi immortale nomen, aetati nostrae decus, posteritati utilitatem non mediocrem pariturus. Qua quidem in re, (si solitudinem hanc adamaris) & fidem & operam meam tibi polliceor. Nec ideo credas velim, me, quid mea intersit, potiusquam quid tibi conducat prospicere. Longissime id quidem & ab animo & ab instituto meo est, ut meis potius commodis quam amicorum progressibus consultum velim. Expecto equidem quid de hac re statueris quamprimum fieri certior. Et si enim te magis quam tuas literas desyderamus, erit tamen quod tibi acceptum referam, si literis saltem institutam amicitiam excolere non grauaberis. Vale.

B 2 Grego-

Gregorio Cortesio monaco. Christo-
phorus Longolius. S.

ITa est, ut scribis. Venusinus noster in explendis omnibus amicitiae numeris, non officiosus est modo, sed penè dixerim ambitiosus. Parum ei scilicet visum fuit, me, nihil tale neque merentem, neq; sperantem, in amicorum suorum album retulisse, quod certe apud me maximi est beneficii instar, nisi & istic te quoque mihi conciliaret: & quidem tam arte, ut etiā literas ad me confestim dederis, tui in me amoris indices locupletissimas. Ne, quid hic de eximio illarum candore, & vere prisca illa elegantia commemorem, quibus sanè dotibus à rescribendo me tam facile deterres dum inuitas, quàm earum humanitate etiam atque etiam prouocas, ut haud satis compertū habeam meritis ne sit de me Venusinus antistes optimè, quod mihi tantum amicū comperarit; an pessimè, quod me ad hanc rescriptionis aleam, hoc est, infantiæ meæ professionem, incautum perduxerit. Profecto nisi me aut coniectura, aut eius in me fallit amor, ea vobis de me pollicitus est, quæ nec vir modestus agnoscat, nec homo Gallus præstare queat. Alioqui, tibi in mentem qui venisset, homini longe doctissimo, ut me, quem ne nomine quidem noras, ad amicitiam ultro prouocares? ad contuberniū tam humaniter inuitares? Verum quibus ille me laudibus onerauerit, quid tu illi de me oppido quàm amanter nuganti,
remere

temere credideris, vos ipsi videritis. Ego namq; cum id
 etiam sim etatis, ut literas honeste amplecti possim, ea in-
 scitia ut maxime debeam, eo animo ut summopere cupiā,
 fruar interea illius amore, tuo errore, amborum haud scio
 quā vana, mi certe frugifera persuasione, videbor mi-
 hi hactenus operam in re literaria haud omnino luisse, quod
 cum illi tam belle imponere, tum te virum tam anxie eru-
 ditum rebus meis adiacere potuerim. Licet ille fidem im-
 modica mei praedicatione sua apud te labefecerit, licet tu
 commendationē eius secutus, nunc te falsum doleas, meus
 tamen es, quādo nullo meo dolo malo huc deductus es, uti
 syngrapham ad me dares, qua mihi & te amicum profite-
 ris, & fidem operamq; tuam ingenue promittis. Hic tecum
 summo iure experiar vir doctissime, quatenus intelligas
 nihil tua referre, mea plurimum interesse, ut istuc quam-
 primum deuolem, illo vestro amoenissimo secessu per oīū
 usurus, consuetudine tua fruiturus, commercio tot do-
 ctissimorum dicam an sanctissimorum hominum? beatus
 futurus. Nam ut partim ab iis, qui istinc quotidie ve-
 niunt audio, partim ex Sapphico illo tuo carmine, quin etiā
 ex literis tuis intelligo si usquā gentium terrestris illius
 παρὰ δ' αἰθέρου simulacrum conspici potest, istic potest, ut mi-
 hi haud dubie Lerina insula cum ob cæli clementiam atque
 soli benignitatem, tum ob circumiacentis maris cōtinentis-
 que felicitatem, quibus veluti bonorum omnium cumulus
 accedit incolarum diuinitas, fortunata merito dici possit, ni-
 si forte iustus est, cā à præclaris illis heroibus multiplex co-
 gnomē-

gnomentum trahere, ut eadem honorata, eadem amanda, eadem hylaris appelletur. Sed hæc huius non sunt temporis. Mitto ad te exemplum illarum quibus te ad amicitiam prouocaui literarum, ne in hoc tibi imprudens blandiaris, quod instituenda inter nos amicitia auctor fueris. Ego enim si nescis, ut par erat, princeps ad te græce scripsi, dedique epistolam eodem quo hinc Venusinus noster profectus est die, ut mirum mihi sit, eam tibi nondum fuisse redditam. Vale: Romæ, octauo kal. Februarij.

Stephano Saulio. Gregorius S.

Parum absuit, quin amicitia tua, qua haud scio an aliud gratius mihi, non modo acciderit aliquando, sed nec in posterum possit accidere, Grassensem nostrum mihi reddiderit subiratum. Cum enim quæ inter nos constitueramus cum eo agerem, multiplici illum molestia affectum intellexi; Primum quidem, quod incommode accidisset eo te potissimum tempore ad nos accedere, quo sacrorum procurandorum gratia, illum necesse fuerit abesse; Deinde quod personam dissimulaueris, ut nec absens quidem declarare posset aduentum tuum, sibi fuisse quàm gratissimum. Postremo, quod cum satis speraret omnibus esse testatissimum, nihil sibi esse optatius, quàm sua omnia exposita esse virtutū amatoribus, tu tamen præter animi ornamenta, splendore etiam nobilissimæ familiæ, sibiq; adeo coniunctissimæ, instructus, veritus aliquando fueris, quin omnia quæ
illius

illius sunt, tibi essent communia. Nec multum defuit, quin etiam conuictis ab eo pessime acciperer. Dolere enim se mirum in modum dixit, quod cum meo quodam iure possem quicquid libuisset de eo polliceri (utar enim testificatione sui erga me amoris) non continuo te eiusdem iuris socium participemque acceperim. Quare nihil est deinceps, quod à Grassensi nostro verearis, quem semper eo animo præditum erga cupidos literarum noui, ut beneficium dando sibi videretur accipere. Nouit insuper (quod M. Tullius ait) valde esse decorum, patere domos illustriū hominum, illustribus hospitibus. Quæ igitur ad te scribo, non modo eius voluntate scito me scribere, sed perinde ea accipito, quasi ab eo obsignatam syngrapham acceperis. Quicquid potest opibus, autoritate, gratia, totum eius nomine tibi polliceor, nihil illi gratius facere poteris, quàm si eo uteris ad omnia quæ in rem tuā fuerint. Utaris vero ea animi magnitudine, qua tibi offerri vides. Quapropter, confestim ad nos venias censeo: venies enim & illi & nobis optatissimus, eo quæ amplius, si Longolium, communes omnium nostrum delicias, tibi socium adiunxeris. Mitto præterea ad te caput, laborum dicam an ineptiarū mearum? quando ita tibi libuit, nec petenti fas erat quicquam denegare. Tuum erit & fidei & officij meminisse, ut cum ea, quibus visum fuerit ostenderis vel suppressas, vel certe scindas. Opus est, ut scis, cuius non modo coronidem: sed nec adhuc penè dicam fundamenta posuimus. Et si aliquibus longior in hoc proæmio videbor fuisse,

fuisse, debebunt illi ex hoc membro, laxitatis totius corporis coniecturam facere. Excrescet enim, quod adhuc conijcere possumus, in sex & triginta libros. qui deinceps in sex tomos, ut fastidio lectorum prospiciamus, diuidentur. Fortasse etiam, ut sunt mutabilia hominum ingenia, ex his quæ ad te dedimus, nihil perfecto opere remanebit. Ut quod antiqui pictores. ambitiosius omnino fecerunt quàm verius, potuerim fronti operis ^{exoleu} inscribere. Vale.

Cælio Calcagnino. Gregorius S.

Quandò post diuturnum silentium literas eram ad te daturus, gaudeo eam mihi potissimum oblatam esse occasionem, qua neque gratior, neque honestior desiderari potuerit. Quid enim mihi omnino aut iucundius, aut optatius accidere potest, quàm ut opera mea tibi homini longe doctissimo, virum admirabili doctrina conciliem? Verisimile est, Christophorum Longolium tibi fama esse notissimum, is Venetias profecturus, fuit apud nos dies aliquot; cum quo sepe de te sermonem habens, rogare non destiti, ut te visurus Ferrariam diuerteret. Sed plane precibus meis locum non reliquit: cum enim quæ in te essent ornamenta morum & doctrina & à Grassensi Episcopo & à me accepisset, ita tui visendi desiderio exarsit, ut si nulla alia esset causa, grauissimam hanc iudicaturus fuerit, propter quam iam iterum in Italiam reuerteretur. Habes ergo virum non amicitia tua tantum, sed consuetudine, & ut ita dicam,

cam, contubernio dignissimum, Cum quo mihi intercedūt omnia iura summa necessitudinis, sed illud præcipue, quod in eo multæ sunt & elegantes cum grace, tum latinæ literæ, & admirabilis illa ut græci dicunt ἐγχευα τὰ ἰδιώταις. Quare quod facilitate tua sponte eras factururus, ut te doctissimo viro totum traderes, magnopere rogo ut commendatione mea cumulatus facias. Et si enim omnia virtuti per se debentur, æquum tamen est, ut amicorum commendatione præsertim non vulgari nec perfunctorie, etiam cumulatissime voluntati aliqua fiat accessio. Vale.

Andreae Naugerio. Gregorius S.

Nisi mihi esset perspectissimum, quod facile in amicorum numerum reciperes, non modo doctissimos quosque, sed vel mediocriter cupidos literarum, pluribus fortasse verbis essem usus, ut tibi Christophorum Longolium conciliarem. Veruntamen, cum illum tibi fama esse notissimum certissime credam, etiam nihil scribente me, iam te illi ob innumeras eius virtutes esse amicissimum certo scio. Amico tamen Venetias proficiscenti & postulanti à me sæpius ad te literas, deesse non potui. Id vero eo feci libentius, quod duplici officio mihi defungi videbar. Primum quidem quod tandiu absens, tibi quem mirabiliter & diligo & observo literas à me sciebam deberi. Deinde quod quas dedissem Longolio velut quoddam vinculum interpositum, ita nos vicissim deuinctorum considerem, ut sicuti primum me-

C dio

dio, sic istud ipsum postremo connecteretur. Quod fortissimum vinculi genus in devincienda rerum omnium natura, commentus est Plato. Est omnino Longolius noster cum bonorum omnium, tum præcipue tua amicitia dignissimus, ob animi virtutes complures, & absolutam quandam omnium disciplinarum cognitionem. Quæ ut nihilominus diligentius excolat, & quod vix fieri posse intelligo perfectius assequatur, Venetias est profecturus. Ita patriam tuam ex omnibus potissimum locis sibi delegit, quod in ea bonarum artium propemodum alibi extincta studia non modo id quod apud omnes constat, reuixere: sed etiam dijs hominibusque fauentibus, felicissime adolescunt. Quare si quid commendatione mea ad id quod sponte facturius eras accedere potest, te summo opere rogo & obtestor, ut hunc talem virum omnibus officijs demereri velis. Si. n. illi gratia opibus & studio commodaueris, nihil erit (crede) quod aliquando eius amicitie te poeniteat. Vale.

Stephano Saulio. Gregorius S.

Fuit apud nos Longolius noster dies aliquot, benignè admodum exceptus à Grassensi nostro. In quo inueni, quæ virtus cui præstet, non facile dixerim, ita omnes principem sibi locum in eo vendicare videntur. Admiratus sum tamen in ea ætate, cum disciplinarum ferè omnium cognitionem, tum præcipue quod id potissimum profiteri videretur, de quo verba facere libuisset. Nam morum

rum

rum facilitatem, suauitatem congressus, facile mihi persuadeo illum ex diutina tui consuetudine fuisse adeptum. Cum igitur tot in eo admirabilia inuenerim, unum tamen fuit, quod potissimum admirarer, ea tamen ratione, ut non modo non probarē, sed etiā summopere detestarer. Quod scilicet, nec precibus meis, nec obtestationib⁹ adduci potuit, ut nobiscum esse uellet. Agebam ego cum illo ex syngrapha, quod mihi id per literas fuisset pollicitus, producebam testem Venusinum Antistitem, atque adeo rationibus ostendere nitebar ita in rem suam esse, quid quæris? Unica exceptione tam difficile iudicium euasit. Imperatū sibi esse dixit à Pont. Maximo, ut simulatque rebus domesticis consulisset, denuo reuerteretur in Italiam, ibiq³ esset quo iussus esset accedere. Quoque minus illum temere immutasse voluntatem conicere possemus, maximis se affectum beneficijs ostendit, & in rebus aduersis gratia subleuatum, uti integrum sibi non esset quæ Pont. iussisset, facturum non recipere. Jam quæ huic amici morbo Grassensis adhibuerit medicamenta, superuacuum est scribere: cum nec aliquid profecerint, & vix credibile videatur, virum tantæ autoritatis, suadentem ea quæ amico tantopere conducerent, quæ peteret non impetrasse. Id vero mi Stephane, & si molestissimum tibi fore certo scio, tuæ tamen prudentiæ erit, non ex unius voluntate pendere. Maximum & summopere laudabile est, quod animo concepisti, et si perfeceris, animi tui magnitudine dignissimum. Nec vero locum inuenies, qui

C 2 tam

tam facile huic desiderio tuo quietum otium, & commodum secessum præstet, sicut Lerinam nostram. At non erit nobiscum Longolius, molestum id sane, doctissimi scilicet amici absentia, longe tamen futurum molestius, si non vel maioribus vel certe paribus commodis damnum hoc compensari posset. Primum quidem quod erunt nobiscum alij forte tam græcis quam latinis literis (quod pace amici dicere liceat) Longolio non inferiores, qui à te honorifice habiti, libentissime te sequentur, & eo præsertim ubi non minus sibi ipsis quam tibi prodesse poterunt. Nam quid in hac insula sis inuenturus, malo te tacitum & reminisci & cogitare, quam id à me tibi scribi, quippe quod de eo periculum feceris. Melius tamen omnino negotium hoc tractatum esset, si coram nos mutuo alloqui potuissemus, quod nisi & longinquitas viæ & maris inconstantia obsisteret, adhortatus te essem ut omnino hac æstate ad nos proficisceretur, de communibus rebus collocuturus. nam quominus ego ad te proficisci possim, scis me & ritu & ceremonijs religionis impediri. Si tamen quæ mea sit de hac re sententia penitus exquiris, scribam apertè sicut & mea natura & nostra amicitia postulat. Si hominem habes apud te, qualem habiturum sperabas, mihi plane opinor tibi esse conducibilius, quam ut quamprimum ad nos adules, non modo de his rebus collocuturus, (id enim vix tanti esset) sed domicilium habiturus in ea insula, cuius dominium dudum adeptus es, non ex nostra tantum, sed & ex Grassensis nostri liberalitate. Nec ut ita tibi suade-

suaderem, amor tantum mihi suavit, longe id quidem à me
ut in re tanti ponderis antequàm ad dicendam sententiã
accederẽ, non omnia collustrarim, qui plane scio, si te ali-
quando huius profectiois pœnitere cœperit, futurum esse
ut me quoque consilij pœniteat. Jam mihi videre vi-
deor qui congressus nostri futuri sint, quàm ex longissimis
dies in angustissimum spaciũ sint contrahendi, quàm de-
nique quotidie apud nos magni aliquid & literarum cupi-
dis perquàm utile sit nasciturum, quod deniq; tecum mu-
sas gratiasq; omnes ad nos sis aduecturus: quod ut quã-
primum facias etiam atque etiam rogo. Vale.

Benedicto Theocreno. Greg. S.

Nisi me humanitas officiumq; coegissent, melius omni-
no modestiæ rationem habere potuissẽ, si nullas ad
te dedissẽ literas. Tuæ nanque & si amicissime scriptæ,
ingenium facundiamque tuam summopere declarabant,
me tamen tam multiplici laude onerabant, ut ferè etiam
tui similes & iure laudatissimi, magis vim amoris in eo,
qui scripserit, excusare, quàm eiusmodi præconium recogno-
scere potuerint. Quare non aliter causam hanc explicari
posse existimaui, quàm ut vel tacitus locum hunc præter-
irem, uel quamlibet elaborata epistola, quantum de me de-
ciperere locupletissimũ afferrẽ testimonium. Tu igitur vi-
deris quid de me sentias, viderit Saulius noster, quantum
in hac sententia peccet, viderit denique Longolius & si
est om-

est omnium πάντων διδασκαλικώτεον quam inconsulto in hoc iudicium venerit. Ego certe satis habeo, si vel hac ratione in amicitiam tuam irrepsero, quem οὐκ ἀνδρωπίσκ' οὐτ' ἄμουσ', ut inquis, ἀλλὰ τ' περὶ ἰστανὶ ἄνδρα καὶ πολυμαθέστατον. Non ergo tantum, sed doctissimi quique & diligunt & observant. Quod nisi fidem de te mihi fecissent elegantissima illa tuæ literæ, verè ex diuino fonte manantes, satis declarare poterat, quali esses ingenio quantaque doctrina, quod unus electus sis à Fulgosis principibus, qui illis assidue hæreas, quorum id est iudicium, ea prudentia, ut cū omnibus absq; controuersia splendore, & animi magnitudine præsent, magis tamen in eo sunt admirabiles, quod hi prudentissimi iudicantur, qui illorum prudentiam, non dico assequi, sed quanta sit intelligere possunt. Quod cum ita sit, nemo est qui ambigat, nihil illis probari posse, quod non idem in suo genere sit omnium probatissimum. Tantum igitur abest, ut vel absens vel præsens aliquid à me discere possis, ut præclare etiam mecum agi putem, quod me in amicorum tuorum numerum ascribere non grauaris: nisi forte iuxta sensum græci Prouerbij mihi volueris esse discipulus πολλοὶ γὰρ μαθηταὶ κρείττους διδασκάλων. Posthac certe ita tibi persuadeas velim, multos esse qui virtutes tuas & si cupient æmulari, assequi tamen posse diffidant innumeros qui tantum admirentur. Me sane unum esse, qui cum illarum luce perstringar, amorem erga me tuum omni humanæ felicitati anteponam. Illud modo superest, ut mutuis & officijs, & literis institutam amicitiam excolamus. Si quid
igitur

igitur in re tua deinceps accidet, ut quippiā à me tibi gratum proficisci possit, id de me tibi licet polliceare, quod de homine à teneris (ut græci dicunt) unguiculis, tibi coniunctissimo. Vale.

Benedictus Theocrenus. Gregorio
Monacho S.

Redditas tibi fuisse literas meas, illud fidem facit certissimam, quod, quas ad te Saulius eidem homini dederat, accepisse te ad Saulium scribis. neque fieri potuit, ut alteris incolumibus, alteræ perirent: præsertim uno in fasce (ut ait Saulius) colligatæ. Nihil tamen, quod ego quidem sciam, aut certe suspicari possim, adhuc respondisti: nam, si quid scripsisses, fuisset id non minus ad nos perlatum, quàm, quod ad Stephanum aliosq; item, quos eos genere officij non indignos duxisti. Unus itaque præteritus est Theocrenus, idque à Cortesio, qui scribendi diligentia, quos non vincit, facile æquat. An ego sic tibi indiseratus, (&) facultatis oratoriæ omnino expers visus sum, ut meas nugæ initio repellere malueris, quàm eas bis, quod tamen non effugies, perpeti? at humanitatem tuam nemo non prædicat, est quæ ea iam pridem constans de te opinio, ut literarum studiosos, quotquot nactus fueris, ultro inuites & aptis suasionibus ad propositum tuendum hortaris, tantum abest, ut ex eo numero aliquem fastidiosè abijcias. An vero potius occupationes effecerunt, ut mei obliuiscer-

obliuisceris? minime inquires: durum est enim etiam homini pluribus negocijs districto, confiteri, memoriam sibi alterius excidisse, qui prior amicitiam secum instituire am-
biuerit. Quid igitur causaberis Gregori? quo saltem pre-
textu negligentiam tuam minus culpabilem ostendes? In-
eas. n. te angustias compuli, ut vel tergiuersans elabi non
possis, quāquam aiunt disputatorem esse vehemētissimum.
Verum nō protinus adeo inexorabiles aduersus te fuerimus,
ut iusto dolori plus demus, quā vnīs literis tuis, modo
aliquando scribas. Quod si abste impetrare nequiuero,
non committam posthac, ut vllius nos impotunitatis re-
darguas. Video hic, quod nimis acerbe feram, ingenuo
te rubore confundi, ut stylum arripias & ex temporali apo-
logia non solum obiecta purges, sed eo amplius me recrimi-
neris, quod potuerim in animum inducere, negligentia te
peccasse. Sed quid faciam, cum nihil mihi occurrat,
quod te ea suspicione liberet? Verum de his plura fortas-
se, quam tenera adhuc nostrę amicitie incunabula patian-
tur. Christophorus Longolius, ut ex eius literis ad Sau-
lium scriptis cognouimus, Lugdunū sospes peruenerat, in-
de digressurus cum primum se equosque de via fessos cu-
rasset. Dij boni, quā pręclare vir ille de vobis sentit?
quę de isto secessu commemorat, tum de liberalitate & ani-
mi magnitudine Grassensis vestri, cuius si decem prin-
cipes similes haberemus, optimē cum literis ageretur, bre-
uīque tantus ingeniorum prouentus appareret, ut nun-
quam antiquitas fortius prouocata sit. Eitū me Gregori,
si mutuo

si mutuo amabis, totum trades, non enim puto hominis de-
ditissimi patrociniū ab eo Antistite repudiatum iri, qui
nihil aliud dies noctesque agitet, quā, ut literarum stu-
diosos omnino aliquo insigni beneficio sibi demereat, quan-
quam ego ipse intra paucos menses omnino te, illumque in-
uisam, cum minime vercar, quin in octo aut ad summum
decem dies, commeatum à principibus meis impetrem,
praesertim ad tam praeclarum negotium, tamque necessa-
rium. Vale.

Gregorius. Benedicto Theocreno S.

Serius tibi redditas esse literas nostras, non admodum
moleste tuli. Fuit enim hac tarditas causa, ut &
amor in me tuus; & ingenij tui libertas, aliquanto quidem
quamprius, apud me expressiora fierent & illustriora. Et
si enim non alium te esse quā Saulius noster mire descri-
pserat mihi erat persuasum, fecerunt tamen posteriores tuę
literę, ut quę in te sunt ornamenta morum & doctrine,
perinde atque ea quę oculis cerni solent, mihi essent perspe-
ctissima. Gratanter igitur amicissimam increpationem tuā
accepi, amaui libertatem, amorem recognoui, admiratus
sum eloquentiam. Eo tamen magis gaudens, quod in quo
accusabar, culpa vacabam. Licet namque in amicitia ex-
cusatio omnis superuacua videatur, nequaquā tamen in-
genij animi indicium esse duco, ibi culpā recognoscere, ubi
non est. Dedi vero ad te literas, si non eodem die quo tuas

D

accepe-

acceperam, certe altero aut tertio. Ut autem citius serius-
ue redderentur, qui præstare poteram? Tu vel tardita-
tem vel negligentiam meam ut libet accusato, dum tamen
ab omni ingratitude (ut nunc loquimur) nota me libe-
res. A qua tam animus meus abhorret, quam etiam co-
gnomen gentilitium. Quod vero scribis vereri te ut acrius
me increpueris, quam tenera adhuc amicitia nostra incuna-
bula patiantur, longe mi Theocrene, quantum fert opi-
nio mea, deciperis: ut enim incunabula hæc esse non nega-
uerim, quippe nedum annicula amicitia, sic non contrario
tenera et imbecilla confitebor, quando ut aliquid de
Poetis afferam, etiam in crepudijs legimus elisos angues.
Ego vero quo primum die tuas accepi literas, ita me to-
tum tibi tradidi, ut ante Saulio condonaram, nihil suspi-
cans minus illius fieri quod tibi esset traditum. Quare iam
adeo fixas radices amicitie nostræ non dubito, ut nec tem-
poris diuturnitate, nec silentij incuria possint aliquando la-
befactari. Accidet vero aliquid, quod etiam eius fibras
corroboret, si iam ex condicto ad hanc amœnissimam insu-
lam, rusticatum an feriatum dicam? diuerteris. Quod
nisi à principibus tuis, qua sunt humanitate, facillime cõ-
meatum (ut ipse ais) impetraturum esse considerem, post-
habita omnino temeritatis macula, quæ fortasse mihi meri-
to posset inuri, id ipsum etiam ab eis per literas expetissem.
Suppeditaret mihi, crede, amor in te meus, etiam Demo-
sthenis fulmina, ut quicquid liberet, vel ab inuitissimis
possem extorquere. Te igitur propediem expectamus, neq;
ego

ego tantū, sed & Grassensis noster, unus hac tēpestate,
aut certe cum principibus tuis tantum, literarum patro-
nus. Is, ex quo die tuas ad me literas legit, quæ aduentū
tuum ultro pollicebantur, non facile absentis desyderiū
ferre potest. Quare recte feceris, si nos hac expectatōne,
qua nihil (ut scis) molestius est amantibus, quā ocys-
sime liberaueris. Vale.

Gregorius. Stephano Saulio S.

ET si propter locorum distantiam nihil hætenus amorē
nostrum unminutum esse, ex me ipse certissi me intel-
ligo, hoc certe incommodi longinquitas hac in amicitiam in-
uexit, quod uterque nostrum rarius ab altero literas acci-
pit. Nam quod abs te, ex quo Genua discessisti, nulla mihi
reddite fuerint, malo id quidem fidei tabellariorum, quā
vel obliuioni vel negligentia tuæ ascribere, qui adeo dili-
genter & sancta amicitie iura omnia custodire solitus es,
ut nullus in te sit obliuioni in eo genere, aut tarditati lo-
cus, præcipue cum ad te iam binas dederim. In eam igitur
opinionem veni, ut suspicer, vel quas scripsisti ad
nos non esse delatas, vel rursus nostras ad te minime per-
uenisse. Quorum utrum minus vellem, non facile di-
xerim. Quod si forte grauior quæpiam honestiorque cau-
sa tibi rescribendi facultatem ademit, feram id quidem
æquo animo, patiarque me interim incredibili illa volu-
ptate, qua in legendis literis tuis affici soleo, ad tempus pri-

D 2 uari.

uari. Hec vero nulla alia esse potest quam studiorum assiduitas, à qua omne tibi tempus surripi, tantopere lator, ut non magis acceptis literis tuis sim gauisurus. Si vero satis & studijs tuis & desiderio meo diligentia tua fieri posset, nemo me beatior. Ardeo enim cupiditate incredibili, intelligendi abs te potissimum, an istic bonarum literarum studia regerminent. Cui praeipue disciplina te totum tradideris, an quod magis opinor circa orbem illum laudatissimum verseris assidue. Si quos tibi viros haecenus conciliasti ingenio, doctrinaq; excellentes, & complura eiusmodi, quae si simul essemus, inter nos colloqueremur. Ego vero in proximis Reipub. Casinarum Comitijs, vacationem à publicis muneribus impetraturum me esse confido, id enim petij & emixissimis precibus & compluribus ab honesto utilique ductis argumentis. Quod si extorquere potuero, ita me deinceps studijs bonarum literarum dedam, ut quod haecenus temporis aliud agendi elabi potuit, & si non reuocare, certe diligentia, & sedulitate compensare possim. Jamque idoneum sicessum ipsa etiam Lerina amoeniorem salubrioremq; maxima cura Grassensis meus mihi praeeparat. Cui cum ob innumera alia beneficia in me, tum praeipue hoc nomine tantum debeo, quantum vix animus meus capere potest. Veruntamen, ut deinceps res se se habebunt, fies à me in dies certior. Longolium nostrum si iam tecum est, à me saluere iube, ad quem etiam literas dedissem, si mihi esset exploratum ipsum esse Patauij. Illud praeterea te nolo ignorare, quod apud nos per triduum fuit

fuit Theocrenus noster cuius, & eruditione, et comitate ita delectatus sum, ut vix nunc absentis desiderium ferre possim. Longus mihi de te cum illo sermo fuit, & de Lazaro Uercetino viro doctissimo, de quo tu iam antea ad me scripseras. Cui si me totum tradideris, tam mihi erit gratum, quam à me scis doctorum virorum non modo desiderari, sed ambiri etiam amicitiam. Vale.

Stephano Saulio, Gregorius S.

Cum te propediem sperarem ad nos esse venturum, accepi literas tuas, datas kal. Iulij, tardius tamen redditas, quam uterque nostrum desiderasset: accepi enim ad XVII. kal. Septembris. Causa fuit, quod is cui dederas, sarcinulas quasdam in quibus literae erant repositae, Genua abiens, sicum deferre oblitus est. Detulit tamen grecorum librorum fascem, pro quibus ad nos transmittendis, amorem an diligentiam magis in te predicem, non satis scio, utrumque certe summopere admiror: qua de re, si iam ad amicitiam nostram, si ad tua erga me merita cumulus aliquis addi posset, hoc officio omnia essent cumulatissima. Quid enim gratius, quid optatius ei accidere potest, qui in studiis est assiduus, quam ut librorum illi adsit copia? quod magna ex parte, amore & diligentia tua sum consecutus. Illud tamen vehementer admiratus sum, quod pretium non indicaueris, praesentem enim pecuniam tibi soli imperassem. Id vero ut quamprimum facias te etiam
atque

atque etiam rogo. Ex eisdem praterea literis intellexi quod
suspensio animo et sollicito scire cuperes, quid de Longolio
nostro actum esset, scripsi id ad te longiore epistola quam
non dubito, quin acceperis. Quod vero consilium exqui-
ris meum, et si nemo melius quam tu tibi dare consilium
potest, dicam tamen, quod sentio. Vix adduci possum ut
credam, te in patria id assecuturum quod in animum in-
duxisti, ut assequerere, scriberem quare ita sentiam, nisi
te quoque idem sentire confiderem. Enimvero si consiliū
esset, ad celebre aliquod Gymnasium te conferre, cuiusmo-
di sunt in Italia plura, nec id plane satis probarem: qui
enim publicas scholas habent, genus illud literarum quod
tu tantopere cupis, nec profiteri volunt, si possint, nec for-
tasse etiam possunt si velint. Quod si in ipsis utrunque
adesset, adhuc tamen hanc solitudinem, anxii illorum ma-
gis quam utilibus, ex hedris prætulissem. Viuendū illic
ex multorum sententia, habenda ratio et nobilitatis et di-
gnitatis, quin temporis interdum non levis iactura facien-
da est, ne aut morosus, aut intempestive seuerus indicere.
Si igitur iam virum tecum habes, qualem habiturum con-
fidebas, quid erit cur in hac amœna solitudine constitutus,
tumultuosos Gymnasiorum cœtus desideres? Totus hic
tuus eris, nisi forte cū ipsemet sponte volueris noster esse.
Nihil ambitioni, nihil gratiæ dandum erit. Denique plu-
ra in hoc scribenda occurrunt, quàm ut epistola compre-
hendi possint, et coram magis quàm per literas declaran-
da. Quare si sapias mi Stephane (ut certe sapias) ad
nos

nos te confer cum locupletissima illa tua librorum superle-
lectili, iam enim (quod ad studia attinet) pars anni longe
commodissima instat. In qua si me audieris, non unius
modo disciplina instituemus scholas, sed orbem illum lau-
datissimum, maximo animo, aggrediemur. Postremo,
quod me hortaris, ut boni ratiocinatoris more, summam fa-
ciam accepti expensique, feci, et quidem diligenter, ratio-
nibusque subductis, et si alia omnia tibi debeo, nihil me
tamen eo nomine debere comperi. Dedi unas ad te, Mel-
chiori Lanterio, Grassensi binas. Quartæ istæ sunt: à te
vero ternas tantum accepi. Nam quas tu ad me dedisti
τῶν παλαιῶν διαλέκτων rursusque quas ego nautis tuis dedi, om-
nino eximi volo e numero literarum nostrarum. Videris
igitur: et si quod ad elegantiam attinet, χάλκεα χρυσίων,
an quod ad cætera pares fecerimus rationes. Vale.

Hieronimo Palmario. Gregorius S.

Cum una essemus ego et Grassensis Episcopus, reddi-
te mihi sunt abs te literæ, gravissimæ illæ quidem, et
elegantæ, sed ea potissimum de causa supra quàm dici po-
test grata, quod inexpectatum mihi lucrum attulerunt,
amicitiæ tuæ conciliationem. Quam tanti facio, quanti
sanctissimi, doctissimi quæ viri necessitudo fieri debet. Si
enim repente inuento thesauro, fama est homines tanto pe-
re letari, eò absque controuersia magis inuento amico leta-
ri debemus, quo multo rarior pretiosior quæ est amicus ve-
rus,

rus, quàm rarissima illa prætiosi thesauri inuentio. Verum tamen in hac amicitia cõcilianda, nescio quid præ te tulisti senilis prudentiæ, præoccupasti enim partes quæ honestiores erāt, difficiliore vero nobis reliquisti. Si enim auctiore cumulo acceptum beneficium reddi debet, me quamlibet deinceps enitar, longe tamen intra officij debitum relictum iri non dubito. Hoc tamen, in his angustis, utor solatio, quod non referendo tantum, sed habendo etiam gratiam, pares rationes in amicitia, grauissimorum autorum sententia merito fieri posse, dicuntur. Sentio vero mihi Hieronymus, sentio quā graui onere præmar, quod tu prior ad me literas dederis, ea præcipue morum & ætatis grauitate, ut vix futurum fuerit ut auderem, nisi prouocatus, me in amicitiam tuam insinuare. Misisti præterea multiplex elegantissimumq; munus, quod mihi iccirco gratius fuit, quod in hanc solitudinem, ut rectissime suspicaris, rarissime talia perferuntur. Idemque ut deinceps facias sæpius, etiam atque etiam rogo. Non enim vereor ut tibi molestus sim, si id à te repetam, quod sponte debere voluisti. Quod ad cætera attinet, auderem dicere te sacietate quadam & langore stomachi, post Hermolaos Hieronymosque donatos, maximi quidem illos nominis, sed doctrinæ longe maioris viros, amicitiam nostram expetisse, nisi mihi persuasum esset, te id ætatis virum, non doctrinam quæ in me nulla est, sed religionis opinionem quandam secutum fuisse, quam tamen ita profiteor, ut magis hætenus à longe prospicere, quàm consequi posse
videri

videri possim. Quale vero id sit quod sponte appetisti, tuum
erit iudicium. Ego quæ meæ partes sunt, deinceps enitar,
& nisi fallor præstabo, ut quoniam in proferendis ami-
citiae fructibus, longe te ipso inferior sum, in amore tamen
nihil tibi concedam. Ac ne in fructu quidem: si quidē,
quod & perurbane dicit Cicero, finis amicitie nobis pro-
posita est ipsa amicitia. Hac ipsa tamen, nescio an ami-
citia magis quam pietas, recte dici debeat: fecerunt enim
& ætas & uno omnium ore laudatissima virtus tua,
ut te mihi in parentis locum, cōfessim, acceptis literis tuis,
asciuerim. Quare ea tibi de me pollicearis velim, quæ
ab optime institutis filiis, parentes expectare debent.
Sciasque nihil, etiam apud te tibi esse tam promptum, aut
tam paratum, quam in omnibus quæ ad te pertinent offi-
cium voluntatemque meam: Vale & viros doctissimos
Benedictum Theocrenum, & Hieronymum Monelianum
nomine meo saluere iube. Et quoniam aliena magis
quam tua ad me mittere voluisti, mitto & ego ad te Phaleutium
Dionisii Monachi, qui nuper mihi discipulus, nunc etiam
scriptorum meorum Aristarchus effectus est.

Benedicto Theocreno. Gregorius S.

Non potui expressius, in his quæ professionem meam
ad vos attinent, animum meum declarare, quam
ut istuc unum ex collegio nostro mitterem, & eum præ-
cipue, cuius fidem & prudentiam iam diu cognitas habeo:
E quique

quique omnium cōsiliōrum meorum, non modo particeps, sed etiam arbiter, & moderator fuit. Ex eo mi Theocrine intelliges, quid optem & quid statuerim. Te vehemētissime pro amicitia nostra, rogo, ut totus in hoc negotium incumbas, quod si ex sententia confectum erit, omni ope conabor, ut te nunquam suscepti huius laboris pœniteat. Et si enim iure meo quodam, poteram tecum ex formula agere, quod ultro mihi tanta pollicitus fueris, quanta nec optare quidem ausus essem; tantum tamen abest, ut aliquid à te exigere velim, ut etiam commodissime mecum agi putem, si rogatus in hoc negotio, operam tuam impendere non grauaberis. Ceterum diu hæsitaui, an ad principes nostros literas darē, & vicit tandem pudor officium, quod veritus sum sepius molestus esse principibus in maximis rebus occupatissimis. Tu certe si quid tibi, subrustico hoc pudore peccasse videbor, culpam omnem eloquentia tua diluere poteris. Vale.

Augustino Grimaldo Episcopo Grassen.

Gregorius S.

Iam condixeram, ut hodie præsens medicamentum sumerem, pro ea qua detineor infirmitate, cum mihi retulit Benedictus gratum me tibi facturum, si Canoas profiscerer. Dolui sane curationem non posse in alium diem differri: nec minime aduersa valetudo torquebat, quam iussis tuis nō obtemperare; Visum est igitur ut has ad te darem

darē quo fierem certior, quanti in præsens aduētum nostrū ad te faceres. Si. n. Valde id cupis faciet pietas in te mea, ut neque ægritudo ipsa mihi molesta sit, eatenus saltem quoad tecum fuero. At vero si id minus putaueris necessarium, die Veneris tecum ero, & si te ab hospitibus liberum inuenero, vacuūque aliquantisper ab his molestiis à quibus aliquando omnino liberari desydero, eatenus manebo apud te, donec Lerinam simul proficiscamur, ad diui Honorati natalitia celebranda. Vale.

Stephano Saulio. Gregorius S.

Semper quidem mihi gratissimæ fuerunt literę tuæ, doctissimi scilicet hominis, & mei amantissimi. Veruntamen, quas postremo sub discessum tuum dederas, dicere nō possum, quā iucundę, quā etiam dulces mihi visę fuerint. Et si perspectus mihi erat amor in me tuus, exprimebat tamen elegātissima illa Epistola affectus quosdam suauissimi amoris, ut in ea legenda, vim lachrymarum profunderim. Testis est qui simul aderat Dionysius noster, me non ὑπερβολικῶς, sed αληθῶς dicere singultibus impeditus fui, quominus clara voce quæ scribebas possem enunciare, Ne tu homo es penē dixerim intemperata humaitate, qui cum ego omnia tibi debeam, ita mihi gratias agis, quasi iccirco mihi debeas, quòd ego tibi tantum debeo? Quid, quòd & beneuolentiæ & amicitia gratissima quidem nomina, leuiora tibi videntur, quā ut amor in me tuo possint satisface-

E 2 tisface-

tisfacere, Sanctissimo illo pietatis uteris, quod tamen mihi rursus non satisfacit. Etenim, ut ex me ipse facio coniecturam, eiusmodi inter nos vinculo cōnectimur, ut facilius à nobis solis intelligi quæ verbi alicuius notione exprimi possit. Quapropter minus mirandum est, si non magnopere id tentem declarare, quod verbis declarari non posse certissime scio. Tantum habe, ut eum tibi & ingenio & doctrina omnino concesserim, quod ad cætera attinet, Cortesium alterum esse Saulium, mihi esse persuasissimum. Quare pergamus hoc quicquid est amicitiae, magis non descriptum quam non intellectum, mutuis & officiis & literis excolere. Quo quidem in genere, qualem me præstare oportet, magnifice ostendisti. De libris enim in literis tuis mirum silentium, quare coniecturam facio, te id quod eo nomine tibi debebã, expensum donationibus tulisse. Quoniã igitur cumulata mensura iubemur reddere, video si pelle etili etiam oppignerata, non accessione modo cumuli, sed nec pari mensura tibi à me posse persolui. Veruntamen bene habet, quod eo pacto iubet Hesiodus, si tamen reddi possit. Quare, quoniam nullo pacto referre, certe habere gratias, potero. Non enim videor mihi cum Cicerone posse dicere, me eum esse, qui confidam nullam esse gratiam quam remunerando cumulandoque illustrare non possim. Erunt igitur libri illi cum ob dignitatem suam, tum ob studium meum, incredibilis tui amoris apud me testes sempiterni. Ceterũ ex literis Longolij Lugduni datis ad Grassensem nostrum, coniectura assequor illum iam apud te esse. O suaves congressus

gressus. O suauiora colloquia. O suauissimam necessitudinem. O qui me gelidis in vallibus illis sistat. Jam incipit mihi sordescere Lerina mea. Enimuero quoniam vix fieri posse intelligo, ut gratissima cōsuetudine vestra fruam; illud mihi erit gratissimum, si intellexero de me inter vos quàm sapissimis sermonem haberi, ut mihi inde nunquā aures non tinniant. Postremo quod fere oblitus eram scribere, vide mi Sauli, quàm non modo te ipsum, sed & tuos omnes mihi esse deuinctos putem. Utor quotidie humanissimorum fratrum tuorum opera, in transmittendis Roma Genuam & inde Lerinam libris græcis, quos frater meus emptos Romæ ipsis fratribus tuis dat ad me. Qua in re, & si nihil adhuc offensum est, gratissimum tamen mihi feceris, si utrique fratri dederis literas, coniunctionis & amicitiae nostræ testes, ut quod adhuc factum est humaniter, promptius deinceps fiat & alacrius accessione commendationis tuæ, creberrimas à te literas expecto. Vale.

Grassensi Episcopo. Gregorius S.

Quamuis aduentus Sadoletti ad nos gratissimus mihi fuerit, longe profecto gratior futurus erat, si tu hic affuisses, quæ enim ad eiusmodi hospites recipiendos spectant, omnino diligentius curata essent, data tamen est à tuis opera, ut quàm fieri posset, comodissime exciperetur. Euenit vero præter spem, ut tumultuarie sumpto prandio, cum paulo ante meridiē applicuisset, hora tertia hinc discesserit

scēsserit, Antipolim profecturus. Ego autem cum putarem satis anguste pro ea multitudine, hospitium illic paratum esse, statui ea die profectioe supersedere, mane deinceps hominem consecuturus. Eiusmodi autem tempestates secutae sunt, quae me omnem profectiois cogitationem coegerūt abijcere. Nihil enim (ut scis) adeo imbecillitati meae contrarium est, ut vehemens auster, qui ea die qua profecturus eram, fuit vehementissimus. Enimvero cum semper haec corporis imbecillitas mihi molesta fuerit, nunc demum visa est etiam crummosa, quod propter ipsam factū sit, ut longe mihi gratissimo spectaculo caruerim: trium scilicet virorum congressu, optimorum simul & doctissimorum, addo etiā (quod caput est) amantissimorum mei. Summopere vero tibi gratulor, quod tales apud te hospites habiturus sis, quorum memoria arx ipsa Monoeci longe mihi impostulerum futura sit gratior. Persuasum habeo Castellanum diutius apud te fore, et si enim de remansione sua ambigue mecum loqui mihi visus est, quae tamen est hominis humanitas, scio ipsum, cognita de se expectatione tua, nec precibus tuis locum esse relicturum. Vale.

Federico Fregosio Episcopo Salernitano. Gregorius S.

Adem sapius ad te scribere non grauabor. Quando enim nulla abs te nobis redduntur, facile mihi persua-
deo, nostras quoque minime ad te perferri. Nequaquam
enim

enim verisimile sit, post eas quas Parisiis scripsisti, etiam si nihil literarum à me acceperis, nihil à te datum esse. Lerinam veni pridie Id. Julij, eo potissimum consilio, ut te quamprimum conuenirem, quem Massilia esse intellexeram, fruererque saltem diebus aliquot iucundissimo illo atque suauissimo congressu tuo. Deiectus demum ea spe, quod te Lugduni etiam tum moram trahere, ciues quidam Genuenses tibi coniunctissimi, mihi renunciarunt, statui tantisper apud Grassensem commorari, quoad casu aliquo tu ad hanc Prouinciam diuerteres, quod breui fore honestis grauibisque de causis mihi persuadebam. Deditque interim diligentissime operam, ut saepius nostræ ad te perferrentur. sperans hac saltem ratione, facile quippiam literarum à te elici posse. Quod cum secus ac sperarem ceciderit, & si nihil erat in quò te accusare nec vellem si possem, nec possem si vellem, subibat tamen interdum (fateor) animum meum cogitatio, me tibi penitus excidisse; Inter has meas sollicitudines repente superuenit Iacobus Sadoletus, qui euocatus à Pont. Max. Romam pergebat. Is vero statim, ut est tui amantissimus, Nunquidnam, inquit, à Salernitano? nihil inquam, & si saepius ad ipsum literas dedi. Minime, inquit, mirum est. Equidẽ ex quo ad hanc prouinciam applicui, cum crebris illum epistolis excitarem, nec literam quidem ad hanc diem ab ipso exprimere potui. Tunc vero omnis ex animo meo dubitatio abscessit. Et si enim nihil te in amicitia aut officio peccare posse, mihi antea erat persuasum, tunc demum tamen statui, te nunquam

quam commissurum fuisse, ut tantus vir, c^m prior ad te ipse scripsisset, frustra à te literas desideraret. Omnemque in iniquitate temporum & quorundam hominum malitia culpam reieci. Veruntamen, ne & ego diutius literis tuis carerem, quo nihil mihi molestius accidere potest, & ut Sadoletum quoq; eisdem à te expectare fieres certior, statim ad te hanc scripsi epistolam: dedi que operam diligentissime, ut ad Andream Auriam regie classis præfectum illico perferretur. Persuasum habens, neminem esse qui certiores ad te nuncios dirigeret. Satis mihi erit mi Federice, si inter maximos difficillimos que negociorum fluctus, quibus te continenter agitari non dubito, tantillum saltem temporis amori erga te meo impartias, ut me facias certiorē, an spes aliqua supersit, fore, ut te citò videre possim. Nulla est, mihi crede itineris difficultas, aut laboris molestia, quæ me à te conueniendo possit absterre. Vale.

Lamberto Episcopo Venusino.

Gregorius. S.

ANtonij nostri ingenium & diligentiam nequeo summo pere non probare, qui, & si, ut audio, humanioribus literis nunciū remisit: & in interdictis totus & actio nibus versatur, iucundam tamen adhuc memoriam retinet prisinorum studiorum, nec aquo animo pati potest bonarum literarum candorem, quem tanto sibi labore, & studio comparauit, barbarorum sordibus maculari. Decla-
rat

rat nimirum istud erudite & pereleganter ad te scripta
 litera, & inuestigandis Bibliopolarum officinis mirifica di-
 ligentia. Ceterum, quod requiris quosnam libros iudicio meo
 magis probem, ex his quorum nomina ad te dedit, facis tu
 quidem humaniter & amice, ut quorum (ut ego inter-
 pretor) usum mihi tecum communem fore desyderas, in
 his etiam coemendis, iudicium meum velis interponi. Sed
 ut omnino temerarium opinor de his quae nunquam vide-
 rim imprudenter iudicare, sic Chrysostomi commentarios
 in Genesim, modo accesserit interpretis fides & diligetia,
 omnino tibi habendos puto. Sunt enim apud me iidem gre-
 ce scripti, quibus nihil fieri posse opinor in eo scriptorum ge-
 nere absolutius. Enimuero, quid opus est singula persequi
 cum Plinij sententia omnes tibi probati esse possint? Nul-
 lus adeo malus liber est inquit, ex quo non quippiam utili-
 tatis erui possit. Non igitur timenda est haec quātula pecunio-
 la iactura, praesertim si cum eiusmodi re commutetur, quae
 facile omnibus pecuniis longo intervallo pretiosior iudica-
 ri debeat. Vale.

Augustinus Episcopus Grassensis.
 Iacobo Sadoletto S.

Grauiissimo mihi fortunae uinere afflicto, reddita
 sunt litera tua plenissima & officij & humanitatis.
 Cum enim me abs te summopere amari mihi antea fuerit
 persuasissimum, haec tamen potissimum Epistola expressius
 F quodam

quodammodo & illustrius incredibilem tuam erga me benevolentiam, tãquã ea quæ oculis cerni solent, mihi perspectam fecit. Quapropter, multis honestisquæ de causis, non modo grauiissimi casus leuationem aliquam, sed solatium etiam non mediocre nobis attulit. Cum enim hoc meo tempore te ita affectum fuisse cognoscam, ut penè ipse consolatore indigueris, eiusmodi tamen & sententijs & rationibus usus es, quæ cum per se ad leuandum dolorem grauiissimæ essent, fiebant tamen accessione autoritatis, atque eloquentiæ tuæ longe grauiiores. Ego vero, quemadmodum nunquam me fratrem meum, præcipua quadam conditione inter ceteros homines natos esse existimaui, ut non subitis maximisque fortunæ iectibus subiaceremus, sic fateor, nunquam me eam animi celsitudinem prætulisse, ut omnes humanos casus animi mei magnitudine inferiores esse crediderim. Enimuero, quis adeo præmeditatus, aut præmunitus esse potuisset, quem si non mors acerbissima unici fratris, genus saltè ipsum immanitatis & inaudita crudelitas non commoueret? Nullam opinor aut prudentiã, aut doctrinam tantum virium habere potuisse, ut acerbissimum hunc dolorem moderate fuerit toleratura. Sed ne atrocitatem sceleris commemorando acerbum illud vulnus recrudescere faciã, ad me ipsum, measquæ proprias calamitates me conuertam. Erit enim per quàm salubre medicamentum, incredibilis doloris erumnas meas atquæ calamitates tecum communicare. Ego quidem cum iam inde ab adolescentia eruditioij & literarum fuerim cupidissimus, assidue

assidue tamen grauibus curis eisdemque necessariis simul
& molestissimis, velut quodam reflante vëto, à tranquil-
litate portus quam à longe intuebar, in maximos negocio-
rum fluctus memini me esse delatum. Cumque diutius
difficillima, vt ita dicam, nauigatione vsus, nunc demũ
immensum illud pelagus superasse me putarem, cœperam
iam ad diu cupitum vitæ genus actiones meas accommo-
dare, potissimũq; aduentus tui ad hanc prouinciam expe-
ctatione recreabar, quod in eo me cernerem partem lon-
ge maximam felicitatis collocare posse, si tecum mihi viue-
re liceret. Postquam vero mihi renunciatum est, te istuc
aduentasse, tantam animo cœpi voluptatem, vt me putarẽ
quod diu optaueram, cumulatissime consecutum. Et vt ni-
hil mihi deesset ad id quod institueram, diligentissime ope-
ram dedi, vt apud me haberem Gregorium Monachũ ci-
uem tuum, cuius cum mores, & pene dixerim, pietas er-
ga me mihi cognitissima sint, animo meo longe carissimus est
atque gratissimus. Ex ea vitæ tranquillitate, adeo mori-
bus & institutis meis accommodata, repente non in luctũ
modo laboremque detrusus sum, sed ad tam afflictam per-
ditamq; fortunam deuolutus, vt non amicis tantum, &
his omnibus quæ summo mihi studio comparaueram, sed
meipso etiam mihi penitus sit carendum. Quare, tantum
abest vt dies ipsa luctum meum leuare possit, vt sum-
mopere verendum sit, ne etiã longinquitate tẽporis augea-
tur. Cum enim ceteri dolores vetustate mitigari consue-
uerint, hic non potest non & sensu præsens miserie &

recordatione prateritę vitę quotidie augeri. Jam solatia illa studiorum quę ipse mihi adhibiturus fueram, irruentibus undique molestiarum fluctibus sic obruuntur, ut nec vestigium fere superesse possit pristinę consuetudinis. Unica mihi inter tot calamitates iucunditas superest, Gregorij mei consuetudo, & quotidianum ut ita dicam contubernium, in quo interdum aliquantisper depositis curis & doloribus, acquiesco. Apud quem, tantum valuit sanctum & venerabile amicitię nomen, ut spreta studiorum gratissima quiete, spretis tot locorum amœnitatibus, quibus ordo ille hominum potissime abundat, non moleste tulerit mecum in has locorum angustias detrudi & ablegari. Cuius cum tantus amor erga me sit, interdum tamen vereri cogor, ne te dio atque sacietate præsents vitę & prioris desiderio, inter tot tamque molestas sollicitudines, solum me repente destituat. Quod si forte contigerit, erit tunc mihi literarum tuarum solatium, quod nunc quidem maximum est atque optatissimum, tunc etiam unicum mihiq; precipue necessarium. Vale.

Hieronymo Adurno. Gregorius S.

Quod nunquam fore putavi, ut illis gratias deberem, qui me librorum meorum suppellectili spoliarent, id mihi nuper beneficio atque humanitate tua contigisse gaudeo. Ea nanque iniuria potissimum causa exitit, ut gratia atque favore tuo indigerem, quę mihi ita humaniter, atque

atque abunde pollicitus es, ut tamen amplissimas pollicitationes, opera atque officio superaris. Jamque animo meo gratius est atque iucundius quod te rogarim, quam id quod postulaueram impetrasse. Accidit enim mihi, licet aliud agent, eius tamen rei cupidissimo, ut in amicitiam tuam clanculum insinuarer, qua nihil mihi gratius non modo aliquando contigit, sed vix etiam in futurum contingere posse non dubito. Libros præterea diligentia atque amore tuo conseruatos ad unum omnes recuperaui. Ceterum & si officio ipso admoneor, ut à te suscepti pro re mea laboris assidue memoresse debeam, præcipue tamen cum ad hos ipsos libros accessi, nihil aliud nobis persuadere velle videntur, quam ut cuius opera factum est, ut cum ipsis assiduus esse possim, eius saltem iucundam suauemque memoriam assidue teneam, quando nequeam tantis tuis in me beneficiis, aut studio aut opera respondere. Ego vero facile hoc me facturum recipio, quod ut opinor, egregie sum præstiturus. Tantum enim abest ut moleste feram in hac nostra ratione, me tibi plurimum debere, ut etiam si quid ad cumulū accedere potest, magis magisque in posterum tibi debendissim cupidissimus. Quod vero ad cetera attinet, nequaquam expectandum est, ut tibi quippiam de me pollicear, cui deinceps liberum fore confiteor cuicumque volueris de me polliceri. Vale.

Hieronymo

Hieronymo Adurno. Gregorius S.

Nihil mihi molestius accidere poterat, quàm ut nostræ
ad te literæ non perferrentur. Quod siue iniquita-
te temporum euenerit, siue negligentia eorum quibus com-
mendatæ fuerant, non satis scio. Certe cum idipsum mi-
hi Saulius noster renunciasset, qui postquam eas fidelissime
accepit, quas ad se eodem die dederam, compluribus die-
bus se tecum fuisse dicit, nihil mihi visum est eidem of-
ficio præuertendum. Quares forte, quidnam grauioris rei
literæ illæ habuerint, ut ipsas periisse tantopere doleam. Il-
lud utique, quod in maximorum virorum vitam mores-
que intuens, maximam semper vim in optima quaque na-
tura habuisse cognosco. Vereor enim ne parum memor ac-
ceptorum beneficiorum iudicari possim: cum hoc ipso ni-
hil facilius efficere possit, ut male collocata esse videantur.
Ea uero quæ in me cõtulisti, talia tãtiq; p̃deris extitere, ut
me ipsum mihi hoc officio abs te restitutum esse & confitear
& præmiferam, cum illud mihi restitueris, sine quo vita
omnino mihi acerba futura videbatur. Quid.n. libris gra-
tius esse potest, his qui in libris assidue versari cōsuevere?
Quare, cum nequaquam par gratia à me possit tanto bene-
ficio referri, certe operam dabo, ne eius memoriam ulla
unquã deleat obliuio. Et si qui deinceps fructus futuri sunt
studiorum meorum, quod à te omnes proficiantur, meri-
to etiam tibi dicatos consecratosque suspendemus. Vale.

Hiero-

Hieronymo Adurno. Gregorius S.

Illud demum summæ innocentie testimonium mihi esse videtur, cum diligenti hominum peruestigatione cuiuspiam moribus uniuersoque vitæ cursu seuerè exanimato, nihil inuentum fuerit, non modo quod puniri debeat, sed nec quod iure reprehendi posse videatur. Et si quispiam eiusmodi inuentus fuerit, hunc non verebor illis præferre, qui tranquillam & opinione omnium innocentem vitam ducentes, nunquam hominū iudiciis aut quæstionibus excussi decesserunt. Quare si mihi Scipionis illius qui à Se. Rom. vir optimus indicatus est, Censorij quæ Catonis qui quater & quadragies causam dixit, toties absolutus, facienda sit contentio, nō verebor longo interuallo Catonem præponere. Quod & de quibusdam Aristophonte & Cephalo scripsit Æschines, quorum prior γραπὰς ἐβδόμη κονία καὶ πένητε πέ-
 φδεν alter autem οὐ δεμίαν πόπολε γραφὴν πέφδεν. Infinita sunt nempe non in pectoribus modo, sed in hominū etiam actionibus latebræ. Innumerabiles sinus, dissimulando multa, plura etiam simulando, complures innocentie bonitatisque nomen nancisci posse videntur. Ut non alia de causâ fabricatorem hominis Momus reprehendisse videatur, quod non pectora hominum fenestrata fecisset, ut non actiones modo, sed cogitatus etiam liceret intueri. Cuius vero vita pulsatur quæstionibus, iudiciis agitur, vexatur testimonis, in eo nihil latebrosum, nihil occultum residere patitur,

tur, inimicorum diligentia, importunitas accusatorum, in lucem prodeant. *Uniuersane* necesse est. Adde etiam, quòd cum calumniarum obrectationumque plena sit vita, ille ipse innocens, si in suspicionem uenerit, non uerius absolui potest, quàm si cum inimici quid in eo reprehendant non potuerint ostendere, nec iuratus etiam iudex inueniat quid condemnet. Recte igitur maiores nostrum, facile patiebantur plurimos accusatores esse, quod innocens si postulatus sit, ex ea ipsa accusatione gloriam, honoremque consequi potest, reus nisi accusatus, non potest condemnari. Vtilius uero esse iudicarunt innocentes absolui, quàm nocentes causam non dicere. Id ipsum usu accidisse opinor Iuliano Grimaldo qui duabus rebus, quæ plurimum in Rep. Valere cōfuerunt, gratia scilicet, & clarorum uirorum ingeniis oppugnatus, vim omnem accusatorum, iudiciorumque tela, à seipso sociisque innocentia tantum & integritate tectus, magnifice repulit atque deiecit. Quare, nec locupletius quidem testimonium integritatis potuerat optare, quàm illum ipsum exitum iudicij, tam præclarum atque magnificentum. Ut iam non mirum esse uideatur, quod absolutus fuerit, sed quid in mentem uenerit inimicis, tanta innocentia uirum accusare. Admiranda tamen omnino mihi uidetur huius uiri mens atque consilium: cui cum olim non suffecerit optimorum uirorum sententia illa, quæ, conscientiam mille testum instar habere dicit, nunc etiam publico iudicio absolutus non acquiescat, ut facile coniectura assequi possimus, nō potuisse eius hominis mentem iniquum aliquid concipe-

concupere, qui se in suspitione venisse perpetrati delicti, etiam absolutus, tam inique patiatur. Cum igitur acta omnia eius iudicij examinarim, non secus de ipso iudicare potui, quā quod inimici eius, quod iuratus iudex, quod vir ille deo dicatus humani diuiniq̃ iuris cōsultissimus, iudicarit, Julianum scilicet tam longe abesse à culpa, quā illi ipsi accusatores à modestia abfuerunt. Hortarerq̃ te ut eadē de ipso sentires, quē tot testes iurati senserunt, nisi mihi esset persuasum te non id à me quāsisse, quod se- cus sentires, sed quod tecum quāmplurimos illius inno- centiæ testis habere velis. Vale.

Benedicto Theocreno. Gregorius S.

Nihil mihi sanè magis, præter spem accidere potuit quā vehemens isthac tua expositulatio. Quæ qui- dem, ut est magna vis eloquentiæ, me etiā ipsum primo aliquantisper commouit. Veruntamen, cum me collegissem, comparareq; factū meum cū expositulatione tuā, nihil om- nino fuit, quod partem aliquam officij, illo tuo tempore, à me derelictam fuisse, mihi persuadere possem. Nec qui- dem tantum mihi arrego, ut affirmare ausim, quicquid amicitie nostræ debebatur, à me præstitum esse. Illud enim infinitum quoddam est, & quod à nemine, ut opinor, præ- stari posse videatur. Quicquid tamen à mediocri viro ex- pectari potest, abunde tunc à me præstitum tibi fuisse, vehementer contenderim. Nec sanè equum esse arbitror,

G te,

te, ex magnitudine animi tui, aliorum coniecturam facere, quem natura excelsum quendam & superiorem omnibus humanis casibus effinxit. Me vero vel frigidum, vel etiam si magis ita libeat, in communibus officiis ineptum appelles licet, dum planè nihil prudentem volentemq; in amicitia peccasse cōfiteare. Sed quoniam ad disceptatorem Federicū me vocas, à quo nec mihi, nec tibi est prouocatio, nihil est quod mihi difficile fore suspicer in hac causā, quādo & arbiter, non solū propitius, mihi contigit, sed qui patroni etiam personam suscipere non sit veritus. Post cuius quidem patrociniū, nefas omnino mihi esse putarem, verbum aliquod pro mea causā facere, nisi ad id aduersarius me coegisset. Et nonnihil etiam vereretur, ne tua hac expositione, in quotidianis congressibus, quæ tibi vis persuadendi est, etiam ita erga me animato iudici, quippiam persuaderes. Cum sit illud eloquentiæ τὸν χρείητον ὁ σῖς ὅτι καὶ ἡ ἡγορα. Ego mi Theocrene, quantū memoria repetere possum iniquissimi illius temporis discrimina (&) calamitates, neminem fuisse opinor tā sui compotem, qui, ultra id quod ob oculos esset, potuerit prospicere: quod si aliunde non satis nosti, ex te ipse coniecturam facias licet. Ego certe cum ad primam statim hostium irruptionem cōplures deinceps impetum, in me fecissent, qui se pro comperto habere dicebant, auream argenteamq; suppellectilem, maximum præterea pretiosæ vestis (&) gemmarum numerum à Federico ad nos fuisse translata, amicorū consiliis acquiescens statui, mihi tantisper temporī cedendum esse, donec atrox illa
tempestas

tempeſtas acquieuiſſet . Nec toto illo triduo quiſque omnino mortaliū fuit, non dicam qui à te mihi tulerit nunciū, ſed nec qui ubi gentium eſſem, poſſet cognoscere. Cum vero ex illis, ut ita dicā, latebris prodiiſſem, iamque pro aduerſæ valetudinis curatione dilutum neſcio quid biſſem, certior factus te Genuæ eſſe, quem cum Federico noſtro profeſſum credideram, aduentumque meum ad te deſyderare, oblitus omnino & valetudinis & pharmaci, conſeſtim ad te aduolaui. Hic vero libenter taceo, in quibus viris quantaque opulentia, non illorum quidem, ſed temporis iniquitate, nihil non dicam auxilij, ſed nec conſilij quidem, te inueniſſe mihi narraueris : ne cum demum de me ipſe loquar, prudentiam tuam videar deſyderare, qui id ab hoſpite, & ut ſeres tunc omnium habebant, indigo rerum omniū, ſperare potueris, quod tot ciues tui, qui in ſuis ſummis verſabantur, præſtare non potuiſſent. Amicorum inquires opera utendum fuit . Id quidem certe dicere poſſem, quod meminiſſe te arbitror: cum plures me tunc appelleſſe, ſed illud planè tibi perſuaſum eſſe certo ſcio, me in tantillo temporis quo Genuæ, hoſpes fueram, neque certiores, neque fideliores amicos parare potuiſſe, quàm tu in patria tot annorum ſpacio paruiſſes . Quod vero ad Sfortiam Barbaroſque attinet, ſcis me difficillima diei hora illò tunc profeſſum, quo non ordinis, nò valetudinis quidē, ſed amoris tantum noſtri ratio poſtulabat . Inter gentem efferatiſſimam, cuius ſe non regem, ſed ſubiectum eſſe ipſemet Sfortia, non eſt veritus conſiteri . Addiditque inſu-

G 2 per,

per, nihil te sperare de conditionibus quas firmaris posse immutari. Acerbeque me audiente Gilinū increpuit, quod vas pro te factus, ad illos proficisci nō extimuisset, à quibus suspicari posset magnum aliquod malū sibi imminere. Summa postremo sermonum hæc fuit: Cupere se quidem tibi Gilinoque strenuam operam nauare, sed nihil earum rerum fore in potestate sua. Hic vero dicerem optandā mihi fuisse vim tuam persuadendi, nisi viderem, te postea diebus compluribus, additis ad eloquentiam sordibus & squallore, vultuque illo tuo, qui tacens etiam, maximioratoris instar habere consuevit, nihil de summa, quam pactus fueras, detrudere potuisse. Nihil illos flexisse ad misericordiam, quos, qui ego non flexerim, tam acerbe mihi iratus fuisti, ut etiam summo iure mecum experiri non dubitaris. Illud postremo quod minimum quidem est, in tam constituta amicitia, quoniam me ad calculos reuocas, praterire non possum. Ut ex Feritore, ubi diutius sub ardentissimo sole multa à me difficultates deuorata sunt, tandem correptus vehementissimis doloribus, vix domum me recipere potuerim, & ut sequenti nocte inter manus ministrorum assiduaque somenta, iacuerim semiuiuus. Id vero ea de causa accidit, quod sumpto medicamento, cōsuetam diligentiam non adhibuissem. Quare mihi necesse fuit, postridie eius diei quo hæc contigerant, violentius pharmacum sumere, cuius vi affecto corpore cōplures dies memini me iacere: misiq; illico qui nomine meo de his omnibus te faceret certiore. Hæc sunt mi Theocrene

ſi ſc d a-

ὡς ἐδίδμε ἀπολογίαν quibus si acquieveris, pergratum mihi
 erit, si minus rursus ad Federicum. Philippo Saulio non
 modo nomine tuo salutem dixi, sed ad ipsum quoque detu-
 li querelas tuas, qui, cum festinatissimo suffragio secundū
 me iudicasset, magis mihi visus est operam dare, ut te ni-
 hil in amicitia peccasse, mihi persuaderet, quā ut me
 quippiam peccasse suspicaretur. Cæterum ita tibi persua-
 deas velim, siue irato animo ad me scripseris, siue ut ipse
 prætefers, literarum mearum eliciendarum gratia, me cū
 à Federico discesserim, neminem habere, quem æquē ac te
 diligam & obseruem, mihi iam diu persuasum esse te miri-
 fice nobis in amore respondere. Quoniam vero ea tempo-
 ra inciderunt, ut mutuo amore nostro, coram frui non pos-
 simus, danda est saltem opera ut & literis & officiis nos
 inuicem creberrimis excitemus. Pergratū mihi erit si Bu-
 daū nomine meo salutaueris, nosque feceris certiores, quot
 qualesque doctos viros tibi conciliaris, quid literarum,
 quid iudicij istic inueneris. Vale.

Luciano Monacho. Gregorius S.

Vt verissime scribas, magnopere à me peccatū esse,
 qui non latine ad te scripserim, illud certe dicere nō
 audebis mihi abs te facillimam tuam ostensam non esse
 ὡς τὸ ἀντιμιμνήσκων quid imitari volueris, quod in me tā-
 topere tibi displicuisset. Nam quod me, & maiore ocio
 abundare scribis, & plus facultatis habere, ut cōmodius
 officio

officio potuerim satisfacere, mirum quod non videris futurum, ut neutrum à me tibi concederetur, nam & facultatis tantum in te esse certo scio, quantum vir ingeniosissimus, assidua lectione autorum eloquentissimorum, adde etiā longo usu scribendique exercitatione, consequi potuerit. Ocijs vero tam mihi, quàm tibi nihil suppetet, si hoc scribendi munus à qualicunq; negotio valuerit impediri. Ego vero quod ad me attinet, non cōmittam posthac ut in hoc genere me accusare possis. Tu vide, ne ullam spem excusandę negligentie in negociorum multitudine colloques. Quod si à te fieri intellexero, ego quoque undique collectis excusationibus te obruam. Ceterum multis grauib; que de causis, pergratę mihi fuerunt literę tuę, sed ea potissimū quod de Cœnobio illo nostro, immo etiam communi patria, optatum mihi nunciū attulerunt: vix enim dici potest, quàm mihi complures iam annos molesta fuerint, quę de illius calamitate, ociosis hominibus obloquendi occasionem præstiteret. Nunc vero vehementer gaudeo, omnibusque qui istic degunt summopere gratulor, quòd rebus in pristinā, vel certe longe meliorem fortunam restitutis, nihil erit quòd ad cumulum summę felicitatis desyderari possit. Cum. n. diuina istic inter tot clades magis augmentum quàm imminutionem acceperint, valde consentaneum est, humana quoque priorem statum abunde superatura esse. Quod vero de professione mea istuc scribis, scito rationē rerū mearū sic cōstitutā esse, ut sine maximo valetudinis & studiōrū incōmodo, addam præterea nisi ratione officij derelicta, pedem

pedem hinc mouere non possim. Quare, quicquid tibi impedimento fuit quominus ad nos proficiscerere, illud ipsum longe abominor & detestor: caue enim credas aliud mihi gratius magisque optatum accidere potuisse, quod propediē quoque fieri posse ut denuo accidat non omnino mihi desperandū est, nisi tibi mihiq; deesse volueris. Dionysius noster mecū est, eritque, ut opinor, dies quāplurimos, ut omnino cumulatissimo gaudio nihil deesse potuerit, si tu quoque istinc ad nos profectus esses. Vale, meque sapius literis tuis inuise.

Dionysio Monacho. Gregorius S.

Recte suspicaris mi Dionysi, literas tuas nobis redditas non fuisse, quem quidem casum et tuli & fero molestissime. Carui enim oblectatione maxima, qua in legēdis literis tuis affectus essem, & quod præterea amici diē perdidi. Si n. Monachus ille qui huc appellere debuit quippiam opis vel gratiæ nostræ indignisset, & si eius generis omnia in me sunt, ut Lucretij verbo utar, paruissima, cognouisset tamen quanti Dionysium meum faciam. Eiusmodi enim est amor in te meus, ut dum tibi morem gerā, nihil mihi arduum aut difficile videri possit. Alterum vero, quod scribis te ingēti mei desyderio affici, si omnino lex ea amoris est, ut amantes redamare cogamur, & in copotissimū pares facere utriusque paginae rationes, ex animo meo facio animi tui coniecturam. Cæterum de valetudine

tudine non adeo incommode mecum agitur, siue id clementia cœli, siue medicorum solerti cura, siue, quod caput est, quod omnibus aliis curis vacuus, huic præcipuè incumbo, ut accepta valetudinis incommoda aliquando resarciam. Postridie eius diei quo hæc ad te scripsi, arrepturus iter erā Romā versus. Vale & fratres omnes à me saluere iube.

Iuliano Monacho. Gregorius S.

Ostendit mihi nuper tuas ad se literas Dionysius noster, quarum elegantia & candore mirum in modum delectatus mihi ipsi imperare nequii, quin statim tibi plurimum eo nomine gratularer. Nec pro eo tantum quod hætenus te consecutum video (& si id est maximum) quantum quod in posterum certissimā mihi spem attulerunt mirifici progressus tui, ut verissime mihi persuadeam, te hoc itinere pergentem, facile in arcem disciplinarum breui cuasurum esse. Perge igitur Iuliane, perge. Eandem nempe viam sibi munientes maiores illi nostri, ad eum & doctrina & sanctitatis gradum peruenerunt, ut non tantum sibi ipsis, sed posteris etiam præclaro illo & admirabili labore profuerint. Quæ enim omnino vita esset eorum, qui se religioni totos dediderunt, nisi ducibus viæ maiorum lucubrationibus manutentim, ut ita dicā, per hos anfractus tenebrosæque loca incolumes deducerentur? Studia nempe literarū cōiuncta pari pietate, Hieronymos, Gregorios, Basilios, & eiusmodi cum plures nunquam satis laudatos pro
meritis

meritis nobis peperere. Per quorum vestigia quisnam est qui tute possit incedere, nisi itineris oēs difficultates & discrimina, ab eisdem & exploratas & literis traditas cognoscere valeat? Quod profecto facere nequeunt, qui spretis honestissimis studiis nihil fere supra communem hominum consuetudinem rationem verae vitae & religionis leges valent peruestigare. Nobis admodum placet diuina illa Augustini sententia Deum alloquentis. Beatus, inquit, qui te nouit etiam si ista nesciat, longe tamen futurus beatior si & te & ista cognouerit. Verum cum initio propositum mihi fuisset, non exhortatione uti, sed gratulatione potius, nescio quo pacto ad te exhortandum imprudens delapsus sum. Quare, hac potissimum sententia concludam epistolam. Libenter tibi eos audiendos esse, qui te ad honestarum disciplinarum studia accedentes, equo sponte currenti calcaria adhibent. Si qui vero secus facere tentauerint, quod vix contingere posse mihi persuasum est, eos putare debes ministros eius esse, cui nihil rectum, nihil sanctum, nihil laudabile placere potest. Vale.

Benedicto Theocreno. Gregorius S.

Quod me nescio quo pacto suppuderet inconstantia literarum mearum, in his quae reuersionem meam ad vos spectant, longissimumque esset rationem reddere totiens immutati consilij, eo mihi Theocrene fui tardior ad scribendum. Cum enim circiter kal. Maij. eo consilio ab urbe

H discessi-

discessissem ut littorali via nihil interrupto itinere Genuam profisciscerem: nondum recuperata pristina valetudine, medicorum, qui Florentiae sunt hortatu, mutata itineris ratione, ad Aquarianas balneas profectus sum. Quae me occupatum sexaginta & eo amplius dies habuerunt. Successit deinceps mule nostrae aegritudo, & illa quidem adeo grauis, ut nec ad hanc diem ita conualuerit, ut ea commode uti possim. Et si hoc ipsum moram fortasse reuersioni meae allaturum non fuisset. Licet enim eius potissime incessus imbecillitati meae adeo accommodatus sit, ut fere non alio vectore, a quo animo uti possim, facile tamen fuisset conducto nauigio Mutina Papiam subuehi, nisi eisdem fere diebus literas accepiissem à Pontifice, ut Ferrariam quamprimum profisciscerem. Ibi vero compositis quibusdam cum Principe negociis, Ad XIII kal. Augusti Patauium veni, ubi diebus aliquot doctorum virorum utar consuetudine, deinceps Mutinam reuersurus & illic continuo ad vos aduolabo. Habuerunt me in his quae ad reuersionem meam spectant magnopere anxii, tumultus bellici & suspecta undique itinera, quoque magis etiam mouebar audita istinc, dicam audacter, patriae meae discrimina. Cur enim eam patriam non appellem, quam gratissima complurium consuetudo, ipsa etiam Mutina mihi gratiorem carioremque reddidit, ut eam mihi potissimum in patriam cooptarim? Omnino quandiu à vobis absuturus sim, nec coniectura assequi possum, nec si possum, satis ausim scribere, magnopere timens ne denuo immutati consilij

filij, à vobis exposulari possim. Illud certe audeo affirmare, cum primū per bellicos tumultus mihi licitum fuerit, me continenti itinere Genuam profecturum. Id vero si serius acciderit quàm vellet uterque nostrum, animo quidem certe desyderio, voluntate, ne momento quidem temporis me à te seiungi posse certissime te opinari volo. Et si principes nostros negotiorum magnitudo non ita distinuerit, ut id ipsum quoque impedimentum aliquod illis allaturum videatur, gratissimum mihi erit si ipsis rationem hanc diutinae absentiae nostrae, longius explicaueris. Vale.

Christophoro Longolio. Gregorius S.

Accepi à te epistolam, plenam consilij, summaeq; tū benevolentiae, tū etiam prudētia. Quae iccirco mihi gratior fuit, quod nihil à sentētia mea, cōsilium tuum visum est discrepare. Nunquam. n. ita docti inane nomen appetij, ut non longe magis desyderauerim non haberi modo, sed etiā bonum virū esse. Ut etiam si alterutrius facienda esset iactura, nè ego haud paulo malim id propter quod potissimum cupimus docti esse, quàm non vanam modo & inutilem, sed etiam eo pacto perniciosam doctrinam. Veruntamen, quod ad negotium id attinet, de quo ad me tam multa scripsisti, non memini me aliquando id tibi oneris imponere, ut Romae quippiam de me cōficeres, & si tecum saepe quaestus sum, muneribus publicis omne mihi ocium

H 2 surripi,

surripi, nō ea tamen mente id agebam, ut ne si possem quidem, vi aliquid extorquere à Senatu nostro vellē. Egit. ſæpius pro ea fortasse familiaritate quæ ei tecū eſt Graſſenſis Pontifex, ut negotium illud conficeres, iccirco credo quod tute ſponte tua idipſum receperas curaturum, cū tamen ego cum primum id intellexi, auribus magis quàm animo pollicitationes tuas acciperem. Eius rei teſtis eſt ipſe Graſſenſis, cui poſt diſceſſum tuum quaſi iam conſeſſo negotio mirum in modum mihi gratulanti, reſpondi, vix mihi perſuaderi poſſe abſentem te id conſeſſum eſſe, quod etiam ſi Romæ eſſes, haud ſcio an ob rei magnitudinē fueris impetraturus. Tum vero is qui antea rei deſyderio nihil non ſperauerat, admonitus, ſtatim e ſententia diſceſſit. Quod vel ea coniectura intelligere poteras, quod àinceps ab illo nihil literarum de ea re accepiſti. Et ſi in tuis Lugduni datis, aſcriptum erat te iam epistoſas ad Bembum, Sadoletumque ſuper hoc negotio meditari. Ego vero ſi à Pont. Max. vacationem munerum cogitaſſem aliquando impetrare, neque id nuper tantopere à Senatu noſtro eniſiſſimis precibus efflagitaſſem. Neque non Sadoleti opera abſque inter nuncio liberrime potuiſſem uti, cum quo mihi præter ſanctiſſima illa patrię & propinquitatis, omnia iura ſummæ neceſſitudinis intercedunt. Pontificem vero Max. mihi tantū tribuere ſcis, ut ſi me id intellexerit deſyderare, nec preces quidem noſtras ſit expectaturus. Eo tamen nomine me tibi debere fateor, quod qui de dando beneficio, ut quidem tibi videbatur, ſponte cogitaras, quoniam honestate,

ne state ipsa, ut ais, ductus, aliter atque antea coepisti cogitare, non ante conquesti, quam mihi ostenderis te honestissimis de causis à pristina cogitatione discessisse. Illud postremo quod mihi tantopere gratularis, non satis quid sibi velit intelligo. Nec enim quid de ea re Senatus noster censuerit habentius intellexi. Tu si aliquid habes, gratissimum mihi erit, si me de omnibus feceris certiore. Vale.

Philippo Saulio Episcopo Brugnateñ.

Gregorius S.

Cum à te amoris & humanitatis plenissimam epistolam acceperim, eo fui tardior ad rescribendum, quod mihi nequaquam persuaderi poterat, navigationem meam ad vos in hanc diem reiiciendam esse. Contigit autem præter spem expectationemque meam, ut negotium illud, quod me simulatque applicuissim, confecturum putaram, difficilior omnino exitum opinione nostra habere experiremur. Et si non admodum moleste fero, me potissimum eo tempore hic affuisse, quo absentiam meam Grassensis Pont. molestissime fuerat toleraturus, absentis tamen tui desiderium, cum plurimque qui mihi penè meipso cariores sunt, mirum in modum me anxium habet atque sollicitum. Veruntamen quoniam nisi saluo officio hinc discedendum non est, non video qua ratione, ut nunc se res habent, ad vos redire possim. Vrges me tu quidem & velut obsignatis tabellis mecum agis. Εγὼ πᾶν λόγον ἔγραψα ἡμῖν χεῖρ. Quam igitur ratione

*tionem ex his laqueis potissimum me expediam? Vtar eodem
 Paulo auxiliatore, & patrono* εἴ πως ἤδη τοτὲ ἐνοδωθήσομαι ἐν τῷ
 δεσμήματι τοῦ θεοῦ ἐλθεῖν πρὸς ὑμᾶς. *Rursus que.* Εβουλόμην ἔλθειν
 πρὸς ὑμᾶς πρότερον τοῦτο ὅω βουλόμην μή τι ἄρα ἢ ἐλαφία ἐχρησάμην.
*Necesse est enim ad varia temporū momenta actiones etiā
 nostras accommodare. Non verebor igitur, eius criminis
 accusationem subire, in quo prius peccasse Paulum, si ve-
 rē crimen est, nobis necesse est confiteri. At si maxime pec-
 catum esset, cuiusmodi est Grassensis mei in me amor atque
 benevolentia, ut eius gratia vereri non debeam opinionē
 meam de amicitia ad Theophrasti opinionem accommoda-
 re. Quarependi putat & compensari, leue damnum de-
 libat honestatis, maiore alia grauioreq; in adiuvando ami-
 co honestate. Utinam vero fieri posset, ut tu quoque re-
 laxādi animi gratia, huc aliquando proficiscerere, ea est hu-
 ius cœli clementia & salubritas, ea amœnitas locorum, &
 quod moribus meis maxime consentaneum est, grata quæ-
 piam & amabilis solitudo, ut fieri posse non dubitem, te
 quoq; ab eisdem vinculū captiuumq; retinendum esse. Si. n.
 tantum virium habuit nescio quis ille Lotophagorum cibus,
 ut quod Homerus ait ὅστις λωλοῖο φάγοι μελὶν δέα καρπὸν οὐκ ἔτ' ἀπαγ-
 γέλλαι πάλιν ἠθέληεν οὐδὲ νείεσθαι. Quidnam futurum esset, si præter
 amœnissimam locorum faciē, præter fructus terræ sua-
 vissimos, fortissima illa vincula tibi iniiceretur, quibus etiā
 Sirenas ipsas apud inferos detineri Plato confinxit? Verū
 quoniam id ne sperandum quidem nobis esse videtur, dan-
 da est saltem opera, ut literis inter nos quamsepissime col-
 loquamur.*

loquamur. Quod si tibi gratum fore cegnouero, me in co-
genere mirificè tibi respsnsurum esse polliceor. Caterum
quod scribis te cum Paulino nostro assidue in græcis & eis-
dem sacris literis oblectari. Idem ego & Dionysius in
hac amœnissima solitudine facere cogitamus. Ad hanc
nanque diem Monæci apud Grassensem commorati, non-
dum animum adicere potuimus, ne oculos dicam, ad eius-
modi quippiam pertractandum. Gratissimum nobis erit,
si nos quâ sapissime feceritis de vestris studiis certiores.
Erūt nanq; literæ vestrae honestū quoppiā incitamentū no-
bis, ad id sōlicitius peragendum, quod sponte quoquo mo-
do eramus facturi. Theophylacti commentarios tibi tan-
topere probari mirum in modum gaudeo, cēseo q; nobis om-
nino utendum esse beneuolentia & liberalitate patrum il-
lorum, ut tantisper apud nos sint, donec integri describā-
tur: si enim te id paulo vehementius desyderare cognoue-
rint, nō committent, ut importuna exactione, tali officio,
partum humanitatis nomen amittant. Quod si forte im-
portuniores futuri essent, non vereretur sententiam Euri-
pidis in re longe honestiore quàm Etheocles usurpare. Si
violandum est iusiurandum, librorum gratia violandum
est. Chrysostomi opus cum primū acceperis, si ad nos trās-
mittere non grauaberis, dabo operam diligentissime, ut ad
vos duplex reuertatur, libēter tentaturus, quidnam in eo
genere possim, quod felicius casurum opinor quàm in Na-
zianzeno ceciderit. Addent stimulos expectata ex Chio
& Constantinopoli volumina, desyderio enim nouæ lectio-
nis,

nis, iam prouideo animo, me interpretandi laborem illum, confestim deuoraturum esse. Nuper Lugduno accepimus Chrysostomi commentarios in Genesim, in lucem produsse, eos, & si nondum uidi, omnino tamen tibi habendos esse censeo, nā si græcis latina respondet, necesse est, opus eiusmodi esse, ut in eorum doctrina grauitas, cum utraque pugnet eloquentia. Postremo, quæ de Stephano & Naugero scribis, tantum in me desyderium concitarunt, quantum uirorum doctissimorum & amantissimorum mei expectatus aduentus excitare debuit, & quoniam Naugerus, ut scribis, legatus ad Cæsarem in Hispaniam profecturus est, omnino non desperamus fieri posse, ut vel casu vel consilio ad nos diuertat. Vale.

Cassiano Camillo Genuensi. Greg. S.

EGO vero mi Camille, absens multiplici fructu careo amicitia nostra. Cum quod uberiores omnino futuri erant ex quotidiana consuetudine; tum etiam, quod non ex epistolis tantum (id enim raro & ad breue tempus contingit) sed ex suauissimis illis sermonibus & familiari uultu tuo, assidue nobis quippiam lucri afferebant domestici congressus. Nihil vero causæ erat, cur nobis ita irascere, ut Theocrenum debueris imitari, etiam si nihil temporis nobis à lucubrationibus surriperetur. Binas enim tantum abs te accepi, cum iam ternas ad te dederim. Quare, si quod uos facere consueistis diligenter rationem subduxeris, nihil erit

erit quod me tibi eo nomine debere putes. Quod vero a deo diligenter de reditu meo requiris, omnino tibi persuadeas velim, nihil animo meo gratius acciderè posse quam vobiscum in ista patria vivere, & cum tuo tum etiam civium tuorum amore & benevolentia perfrui. Verum ut nunc est, non video qua ratione æquo animo ad vos reverti possim. Non quo diluvij fabulam hanc pertimescam, imminet enim maiora & graviora non in palustribus tantum locis, sed in ipso etiam Alpium iugo pertimescenda. Et quæ non ex astrorum consyderatione, sed ex ipsis iam rerû initiis, nemo est qui cõiectura assequi nequeat. Quare ubicunque fuerimus omnes nos in eadem naui futuros esse suspicor. Quæ vero me retrahunt ea sunt eiusmodi, ut etiã in maxima rerum omnium pace, quemlibet possint retrahere. Quæ omnia facile à Pont. Brunensi intelliges, ad quem de his rebus scripsi diligentissime. De opere tuo Geographico, cuius maxima apud omnes expectatio concitata est, longum esset si literis quid sentiam explicare vellem. Faciat Deus Opt. Max. ut aliquando absque incommodo valetudinis apud vos commorari possim. Et si enim video quam sint omnia in me eius generis, quæ ad tantum opus necessaria sunt tenuia, faciet tamen amor in te meus cum enitendo tum etiam laborando, ut tibi aliquo adiuvento esse possim. Accepi à Graß. Pont. librũ tuum, quẽ tantopere cupiebam, eo mihi nondum uti licuit ad opus ad quod, & si à me iandiu institutum est, nondum tamen est manus apposita. Omnino mihi opus esset non libro tantum,

J sed

sed etiam opera tua, tenuissima enim, ut scis valetudine impediatur, ut quæ diutius à me excogitata sunt, scriptis nequeam commendare. Caterum quod de Areopagite volumine scribis, Dionisius illud se tibi restituisse constanter affirmat. Quare tibi diligentius vestigandum est, ne forte te inscio, in illa librorum tuorum strue delitescat. Tuncydidem & Homerum simulatque certum hominē nactus fucro mittam ad te. Vale.

Francisco de Sancto Venerio. Greg. S.

Fessus iam in scribendo ad te, statueram nihil amplius molestiæ tibi à me inferri debere. cum, ut video, tibi funditus exciderim. Vide tamen quantum possit amor, affectus etiam tam insigni contumelia, à me ipso impetrare nequivi, ut tibi irascerer. Quare certissime tibi persuadeas velim, me tandiu tibi molestum fore, donec aut aperte inimicitias nobis denunciaueris, aut totiens rescripseris, quotiens à me literas accepisti. Illud enim dicere non audebis, nostras tibi redditas non fuisse. Nam cum tuas in eosdem fasciculos coniecerim in quibus ad complures alios dedi, qui mihi amicissime rescripserunt, nequaquā sit verisimile, incolumibus ceteris, tuas tantum perisse. An forte illud dices te mihi iratum esse, quod iam septimum mensem absim? Enimvero cum primum isinc abij, nemo fuit, qui certius quàm tu intelligere posset, me non facile cōreuer surum, ubi sæpius tecum conquestus sum omnia, præter

ter cœli clementiam, mihi esse ad conseruandam valetu-
dinem longe difficillima. Quod quidem neque religiosi
illis viris assignare possum, à quibus, tantum abest ut
quippiam eo nomine peccatum sit, ut etiam experientia
ipsa didicerim, illos assidue supra facultates solitos es-
se conari, ut omnia mihi humanissime suppeditarentur.

Sed nostri loci illius tenuitatem, ne dicam inopiam. Illud
ipsum quod mihi ad eo humaniter exhiberi videbã, me ad-
monebat, ut tam pleclare meritis de me, diutius oneri es-
se non deberem. Quare iudicari posset, ut opinor, homi-
nis parum sibi met consulenti atque adeo inconsiderati, si
cô reuerterer unde antea hac rerum difficultate compul-
sus sum abire: cum præsertim nulla mihi spes ostenda-
tur ex pristinis illis conditionibus quippiam immutari pos-
se. Caue enim credas me æquè libenter alibi futurum æquis
etiam conditionibus. Nunc vero Grassensis Pont. bene-
ficio, abũde mihi omnia suppetunt, quæ istic deerant, perin-
de enim rebus illius utor, ac meis. Reliquum est, ut quo-
niam locorum interuallo disiuncti sumus, creberrimis sal-
tem literis amicitiam nostram excolamus. Nisi forte ma-
gis opera danda est, ut vel tu huc ad nos proficiscare, vel
ego ad vos reuerti possim, quorum utrum magis cupiam,
vix satis declarare possem. Cæterum ex literis Theocre-
ni Parisiis datis accepimus, illum apud principem Gallie
maxima cum autoritate tum etiam gratia florẽtem, curam
regis primogeniti breui accepturum esse. Quod si forte
contigerit, censebo tibi illò aduolandum esse, ut hominis

J 2 ami-

amicissimi non iam beneuolentia tantum, sed etiam liberalitate perfruare. Vale.

Hieronymo Adurno. Gregorius S.

Cum omnium legislatorum ea potissimum mens, id consilium esse debeat, ut ciuitate stabilita, optimis, et legibus et institutis, sic ad ea ciues assuescant, ut quo ad fieri potest, legibus ipsis mores sint consentanei. Maxime plane ad id assequendum prodest, si de his, quæ facere oportet, quæque euitare, ciues ipsi inter se, quam sapissime fuerint collocuti. Maximum nanque momentum habet ad stabiliendos, euertereque mores, quales quotidie sermones habeantur. Index certe morum est oratio, quæ tum demum in nobis honeste secusque affecta esse consuevit, cum iam in alterutram partem morem habitumque, crebro usu actioneque nacti fuerimus. At vero regem in ciuitate legem viuam esse credidit Aristoteles, qui tanto melior, tanto solertior, esse debet, in regendis moribus instituendaque ciuitate, quanto in animis animata præstare certissimum est, et ea potissimum animæ parte uiuentia, quæ non in sensibus tantum, sed etiam in ratione ipsa dominatur. Enimuero, cum in magna ciuitate multa Principes latere necesse sit, quod soli diuersa et penè infinita negocia sustineant, non arrogans uideri debet, si honesti iustique gratia, adde etiam amore in ipsum principem, quispiam inuentus fuerit, qui si quid in tanta mole, ueluti in uas-

sto cor-

Sto corpore, luxatum fuerit, ad eius notitiam deducat, ut illius opera reponatur. Morbum siquidem omnem, qui in quavis corporis parte oriatur, in caput demum redundare, neminem opinor esse qui negare audeat. Est sane Princeps in ciuitate idem qui in domo paterfamilias, is vero, modo liberaliter institutus sit, non obscæne tantum facta, sed dicta etiam turpiter, aut coërcere, aut certe pœna prosequi uolet. Qua in re, tanta extitit, in recte institutis ciuitatibus, grauissimorum hominum cura, ut etiam cū necesse esset quippiam nominare, quod obscænum aliquid in cogitationem reuocare posset, alieno nomine uterentur: hinc nimirum metaphora, hinc similitudines & eius generis complura: & si paulum hac in re controuersia exstitit inter antiquos Philosophos. Si quidem Stoici acuta quadam partitione, nihil esse obscænum ostendere nitebantur. Quos tamen omnes & præterea Cynicos, ratio ipsa, communis uitæ usus & Academicorum insuper autoritas refellebat, verum esse negantium quod à petulantibus illis Philosophis diceretur, qui quemadmodum flagitiosa dicendo obtegere non curarunt, sic in obscænis patrandis, lucem ipsam & turbas non verebantur. At quanto secus parens ille philosophiæ Socrates, qui cum speciosum iuuenem paulo petulantius loqui audisset, plumbeum dixit gladium ab eo extrahi ex vagina eburnea. Enimuero licuerint omnia priscis illis Philosophis veritatis expertibus: nunc vero christiana lex, quemadmodum in ceteris omnibus, quæ laudabilia sunt, culmen ipsum arcemque obtinuit, sic in hac

in hac etiam parte, æqua fermè animaruerfione dicta ipsa ac facta compefcuit. Fornicatio inquit Paulus, nec nominetur inter vos. Rursus: Stultiloquium & scurrilitas, quæ ad rem non pertinet. Te vero dudum expectare scio, quonam hæc nostra spectet oratio: quicquid sibi velit tã alte & ex philosophia repetitum principium. Quod si non penitus auribus careres, aut certe si ita affecta tibi essent, ut Principis decet esse, statim audita de honestate sermonis, de quæ verecundia disputatione, quo nam peruenturus essem intellexisses. Quis enim non audiat, qui nã sint perditorum adolescentium in honestissima hac ciuitate, per totas noctes, cantus, quæ sermonis licentia, quæ procacitas obloquendi? Circustrepunt voces obscenæ grauissimorum ciuium aures, feriunt vulnerantque lasciu cantus tenerarum virginum mentes & corda. Matronæ porrò castissimæ, licet ad id horæ in tenebris & nocte versentur, cuperent, si fieri possit, pudore & verecundia, in occultiora etiam loca se illatebrare. Id rogo ad aures tuas nondum peruenit, quod non opifces modo, sed vilissima quæq; mancipia, & audiunt & erubescunt. Parietes mediusfidius ipsi: hanc tantam licentiam si fieri posset, incursu suo refutarent, audis. Aut si forte & tanquam in Milesiorum, aut Alexandrinorum & Sybaritarum moribus sis educatus, nihil tibi momenti habere videntur, ad euertendam non disciplinam tantum, sed etiam statum Reip. parum mihi diligenter videris, pace tua dixerim, in Platonis tui Top. versari. Qui non tantum seueriorem musicam immutari

mutari prohibet, sed id fieri posse negat, absque Reip. immutatione. An non audisti præclarum artificem Thimotheum, quod id ausus fuerit, Lacedemone expulsus, extorem deinceps exulemque vixisse? Hoccine illud fuit quod de te sibi pollicebantur ciues tui, cum funestam illam uniuersi patrimonij direptionem, moribus & ingenio tuo compensatum iri putabant, ut quantum detractum esset rei familiari, tantumdem accessurum expectarent ciuili disciplina? Quare summo opere tibi cauendum est, ne non tantum longa pace cumulatis diuitiis, sed hone sis etiã moribus direptam spoliataque patriam, posteris tuis derelinquas. Hic vero nequaquam necesse est, ut id sibi impune licere opinentur, quod poematum hac consueuerit esse licentiã, ut libere procaciter obloquantur. Ausus enim est mihi quidã nuper Ouidium opponere, qui cū dixisset, nihil apud Menandrum absque amore scriptum reperiri, demum subiecerit, & solet hic pueris virginibusque legi. Dignus quidem, ut quod factum est, pro hac mente perpetuo multaretur exilio. Longe vero diuersa mens fuit Pauli. Qui inter tot amatoria Menandri, præclarum illum senariolum delegit. Corrumpunt bonos mores colloquia mala. Dixerit licet de quodam Hadrianus & censor & Imperator, ut Apuleius ait. Lasciuus versu, mente pudicus erat. Dixerit Catullus. Castum esse decet pium poetam ipsum, versiculos nusquam necesse est. Dixerit postremo alius, cuius etiam nomen erubesco. Lasciuus est nobis pagina, vita proba. Si namque vera est omnium philosophorum

rum opinio, Verba esse earum rerum quæ sint in animo no-
 tiones, nemo, ut opinor, adeo demens reperietur, ut cum
 nulla labe maculatum animū habeat, affinis ei crimini ve-
 lit esse, cuius omnino culpa carere se nouerit. Sed nimirum
 perinde atque intus affecti sunt, sic etiam necesse est ab il-
 lorum verbis animum mentemque declarari λόγος γὰρ ἔργου
 σὺν κατὰ δὲ νόμον. Quare nunquam assequuntur ut nō plu-
 ris sit apud nos alius ob sermonis honestatem Parthenices
 cognominatus, ut non magis iudicio meo probati sint,
 qui tam absolutam pudoris rationem habuerunt, ut neq;
 ductari excercitum, neque arrigi aures, neque quasitum
 per membra soporem, voluerint dici. Quin etiam tantum
 ab illorum opinione distat opinio mea, ut et si nunquam
 equanimiter, minus tamen iniquo animo, toleraturus sim,
 id in soluta oratione, quam in poematis peccari. Cum quod
 diuinū quiddam esse carmen ipsum omnes ferè consentiūt,
 quod obscenitate illa nequaquam debeat inquinari, tum
 etiam quod suauitate quadam & oblectatione cantus, ad
 verborum obscenitatem accedente, facilius in animos illa-
 buntur carmina; & incautas audientium mentes ipsa sua-
 uitate conuulnerant. Enimvero quid te ego conor instrue-
 re, Sus, ut aiunt, Mineruam? quasi per te ipse nescias im-
 pudētium adolescentium congressus istos, verissime ratio-
 nis obiectu refellere: qui consueueris etiam ex temporali
 eloquentia, illud quod tantopere oratores admirandos facit
 consequi, ut inferior causa, superior esse videatur. Quare
 cum hoc tantum adiecero, concludam epistolam, nequaquā
 nerens

nerens ea libertate tecum uti, quam ipsemet mihi tradideris. Graue vulnus existimationi tuæ, familiæque vestre ignominiam sempiternā inussisse videtur, miserrima istæ patriæ tuæ direptio. Quæ tamen eo pacto eleuare solitus es, ut vel omnem culpam in eos transfundas, qui parum memores virium suarū, potentissimo exercitui nullis præsidiiis, se obsistere posse sperarunt. Vel in primos exercitus ductores quibus tantū aberat ut imperare posses, ut etiā tibi inuito, illis fuerit parendum. Nunc autem adepto patriæ tuæ imperio, si corruptelam hanc morum, non tantum æquo animo toleraueris, sed præterea nutrieris tacendo & dissimulando, non in fortunam amplius, aut ea, quæ supra diximus, sed in te, ipsam & in peruersam quandam naturam, quod à te quidem alienum est, isti obloquentiū fluctus redundabunt. Ut iam optatius tibi esse debuerit, patria carere, quæ te exule florens opulentaque viscebatur, quam adepto regno tibi posterisque tuis, sempiternum dedecus acquisisse. Quando ne tu quidem negare audebis, longe maiorem fieri honoris iacturam, si ciuitatis mores te regente corrūpantur, ut eius rei in te princeps culpa esse videatur, quàm si nescio quid diuitiarum amiserit, cuius iactura & breui reparari potest, & eius te autorem fuisse constanter poteris denegare. Vale.

Iac. Sadolecto Episc. Carpentoratē. Gr. S.

Quod tibi proficiscenti facturum me esse receperam, ut crebras ad te literas darem, ideo facilius præstabo, quod

K

bo, quòd maxima cum lucri accessione, à me factum iri nò dubito. Primum, quòd pro epistolis nostris tuas sum accepturus, hoc est, pro inconditis elegantissimas. Deinde, quòd sicut nos discessu tuo afflictos tristes que reliquisti, sic à te renouata hac ratione tu memoria, mirum in modum nos recreabis. Et si ea quidem assidue florens vicensque perseverat, video tamen nescio quo pacto fieri posse, ut crebra renouatione, quasi quodam cultu adhibito confirmetur. Postremo, quòd Grassensi Pont. qui te mirifice diligit & observat, gratissimum id futurum intelligo. Cuius tanta est apud me autoritas, ut hac potissimum de causa, etiam si hoc à te mihi praeceptum non esset, omnino tibi literis meis molestus futurus fuerim. Quare æquo animo feres, si ocio meo ad negotiorum tuorum interpellationem abusus fuero: quando id non amoris meo tantum, quod tamen à te mihi concedendum esset, sed etiam humanitati tuae est assignandum. Quamquam cum has dabamus, nondum erat auditum te Romam peruenisse: quoniam tamen ex dierum ratione id suspicari poteramus, nolui meas literas statim subsequi, quæ pro itineris difficultate superata, tibi nostro nomine, gratularentur. Nisi fortasse magis gratulandum pro ea re videtur, quòd apud Pont. Max. gratia & autoritate florens, maximam bonis omnibus spem attulisti; fore, ut consilio admonitioneque tua, excitatis bonarum artium studiis, tantus breui ingeniorum proventus appareat, ut omnis antiquitas in certamen provocari possit. Quam in re, minus tibi laborandum esse video, quod eiusmodi prin-

di principem nactus es, qui suo pte etiam ingenio, inter maximas difficillimasque curas, quæ eius animum distrahūt, hanc etiam non in postremis sit habiturus. Accedit præterea, quod eorum qui plurimum apud ipsum possunt, iandiu perspectus est, cū magna eruditione, incredibilis etiā amor amplificandi honestissima studia. Damnum igitur, quod ex absentia tua maximum summus habituri, communi hoc omnium doctorum commodo compensabimus. Veruntamen, ne tibi persuadeas, amicitiam meam impedimento tantum non etiam labori tibi futurā esse, unum à te maximis precibus petere constitui, de quo dum tu hic adesses oblitus sum tecum loqui. Nosti, ut opinor, diris omnibus execrationibusque interdictum esse, uti nequis Lutherianorum libros attingat. Id vero sapienter atque salubriter statutum est. Quare gratissimum mihi erit si pro tua humanitate negotium hoc pro me susceperis & conferas, ut absque aliqua animi mei molestia, libros eius generis apud me habere & legere possim. Quod timidius forte peterem, nisi mihi cognitum esset, istud ipsum quamplurimis antea concessum esse. Id vero si precibus tuis, si autoritate tua mihi impetratum fuerit, maximum nobis à te beneficium præstitum esse iudicabo. Vale.

Iac. Sadoletus Epif. Carpent. Gregorio S.

Ocupationibus meis factum est, ut serius quàm ego vellem tibi responderim, addo etiam nunc breuius.

K 2 Ego

Ego tuis literis acceptis, statim cum Pontifice Max. locutus sum de te, ea quæ debui, & visa sunt dixi. Is ita mihi respondit ut non solum bene nosse te, verum etiam non modicriter diligere sit visus, tam multa de tuis laudibus. Quod ad rem ipsam attinet quam petisti, non modo facile tibi & libenter dat, ut libros Lutherianos habere penes te & legere possis, verum gratissimam quoque habere se dixit hanc voluntatem tuam; persuasum enim habet te in circo illa legere velle, ut melius refellere valeas. Quare potes fidenter & absque ullo legum metu & conquire eiusmodi libros & perlegere. Grassensi nostro plurimam verbis meis salutem dicito. Tu ut valeas, meque absentem diligas magnopere abs te peto, hoc mihi gratius facere nihil potes. Vale.

Cassiano Camillo. Gregorius S.

NEquaquam mirum videri debet, si idem negotium tibi sapius commendauero. Et si enim eam esse intelligo amicitia & consuetudinis nostræ vim, ut si quid acciderit quo alter altero indigeat, id vel indicasse tantum nulla commendationis accessione, satis esse videatur. Tantis tamen Grassensis mei beneficiis me astrictum esse sentio, ut nullis officiis mihi videar partem aliquam eius meritorum assequi posse. Nunc vero, cum sororis ipsius spectatissimæ femina eiusmodi negotium agatur, ut aut florentissimi viri, aut penitus inopis uxor futura sit (si quidem

dem de pagis nonaginta iudicium futurum aiunt) admonitus ipsa rei magnitudine, non verebor tibi sepius molestus esse. Ipse vero Grassensis tantam in literis ad te meis spem posuit, ut si forte secus atque optat negotium ceciderit, nihil aliud sibi sit persuasurus, quam non satis diligenter causam suam à me tibi commendatam esse. Cum vero tuo etiam nomine plurimum te diligat, pro his quas in te sitas esse intellexit morum & doctrinae artibus, hunc tantum virum tuo tibi beneficio censeo arctius deuinciri oportere, atque adeo tenaci vinculo, ut nulla unquam temporis iniuria possit labefactari. Cuiusmodi tamen hac causa sit & utri litigantium magis leges faueant, quamuis mihi planè est incognitum, facile tamen adducor, ut credam, filio unico in paternis bonis impedimentum afferri non oportuisse, magis que spectari debere naturæ iura quam irati patris voluntatem. Attamen, quid de iure statuendum sit, tuum erit arbitrium, tantum ut causam intellecta quamocumque finem negotio imponas, etiam atque etiam rogo. Ceterum de communibus rebus nihil habeo quod potissimum nunc ad te scribam, nisi id quod, & si non scriberem, te tamen scire non dubito. Me scilicet desiderium istius ciuitatis ægerrime ferre. Et quanquā laute & abundanter omnia mihi à Grassensi suppeditentur, qui non solum salutis meæ, ut medicus, sed deliciarum etiam ut nimium mei amans rationem habet, sentio tamen nescio quo pacto fieri, ut mihi assidue in hac patria velut hospes & iamiam alio profecturus, moram trahere videar. Quod si adduci

adduci possum, ut sperarem tolerabilius mihi apud nos fore, quam hactenus expertus sim, vel reflante vento continuo istuc aduolare. Sed quomodo nunc est, Catonem mihi audiendum puto, qui pessime agi in ea regione putat, in qua cum Orco assidue sit luctandum. Vale.

Luciano Monacho. Gregorius S.

N Unquam quidem fore putavi, ut literæ tuæ, quæ omnem animi mei ægritudinem mitigare consueverunt, quippiam mihi molestiæ afferre possent. Nuper autem contigit, ut quæ sub aduentum tuum istic à te datæ sunt, mirum in modum in me non quidem desiderium tui, id enim antea vehementissimum erat, sed anxietatem maximam excitarint. Cum enim nihil tibi concedam in mutua cōsuetudine nostra desideranda, ac cedit præterea huic meo desiderio, aduersæ valetudinis molestia. Qua potissimum factum est, ut tecum mihi Romæ esse non liceat. Quare nō ipse tantum sensus urgentis egritudinis me excruciat, quantum renouata suauissimis amicorū literis absentiam recordatione, contabesco. Quid enim ad felicitatem meam, ut communi more loquar, posset accedere, si in ea urbe te mihi frui contingeret, quæ in frequentissima sui parte spectatissimorum hominum assiduam consuetudinem, ubi aut turbis vacat, admirabilem memoriam potest suppeditare? Nam ut illa omittam quæ diligenter à te enarrata sunt, insanas antiquorum substructiones, quarum

rum vix inter ruinas miserabiles supersunt reliquiae, Theatra, Circos, Thermas, Porticus, Basilicas, templa, magis potentiae monumenta quam virtutum, quanta rogo te, oblectatione affici possemus ea diligenter peruestigando, quae vulgo nimis sunt cognita, ubi domus M. Tullij, ad mirabili illa oratione nobilitata, ubi rostra, ad quae idem, & saepius viuens & semel mortuus uniuersum populum Romanum maxima cum sui admiratione attraxit, ubi comitium, ubi campus, ubi fora & pleraque eius generis, quae cum ad cognoscendas Reip. Rom. pulcherrimas institutiones, tum etiam ad optimorum autorum locos explicandos plurimum conferre consueuerunt. Jam illud quanti esset quo me nosti tantopere delectari, maximorum artificum cōtemplari ingenia, in columnarum, adium, basilicarumque generibus, adeo mirabiliter atque ingeniose erectis, ut peritissimi architecti, qui facta vident, negent potuisse fieri? Postremo quod maximum est & instituto nostro magis consentaneum, quanta pietate loca illa inuisuros nos fuisse putas, quae procures illi Reipub. Christianae Petrus & Paulus, lares penatesque Romanorum, sanguine suo consecrarunt, qui quod duces praestantissimi adepta victoria ex utroque Urbis latere trophaeis, orbis imperium, Christi imperio subiecerunt. Quid cum subterraneos illos specus & ut ipsi aiunt nonnunquam lustraremus? In quibus admiratione dignissimi viri multum versati, postremo horrenda absorpti tempestate, perpetuam corporis sedem acquirere. Tanta enim vis, ut recte quidam ait, est in locis, ut ea memoria

memoria magis moueamur, quàm si eorum qui nullis uersati sunt, aut facta audiamus, aut scriptum aliquid legamus. Illud postremo mihi longe iucundissimum esset, si curarum & sollicitudinum, quibus te, pro diligentia tua, assidue distineri non dubito, particeps aliquando fierem, Tantumque in ea re uirium amorem in te meum habiturum fuisse mihi est persuasum, ut aliqua etiam ex parte hominem tali prudentia tantoque usu rerum consilio potuerim adiuuare. Sed quoniam me ita affectum esse sentio, ut magis de ocio quàm de negocijs sit cogitandum, præsertim in isto uestro Quirinali, in quo licet ea cæli clementia commendari consueuerit, nunquam mihi tamen cum morbis, atque adeo cum ipsa morte non fuit colluctandum. Quod unum à me tibi præstari potuit, feci diligentissime, ut te ipsum & cœnobij nostri causas fratri meo arctissime cōmendarem. Quanquā nihil opus esse putabam cōmendatione nostra, ubi adesset Bessarion, qui & in fratrem, & in oēs consanguineos meos paternū ius atq; imperium, quod ex ipsis accepi, iandudum adeptus est. Si quid deinceps forte contingeret quo opera mea indigeas, ita tibi pollicearis uelim, nihil facultatis meæ fore, quod frustra à te desyderet. Vale.

Federico Fregosio Salernitano Archiepiscopo. Gregorius S.

Maxima me expectationis molestia liberarunt postrema literæ tuæ, quas Lugduni Id. Febr. dedisti.
Nec

Nec velim putes quippiam ex oblectatione mea imminutum esse, quod non latinè scripseris. Et si enim elegantia & eruditione epistolarum tuarum mirum immodum oblectari soleo, plus tamen voluptatis ex amore tuo, qui mihi ex sensu literarum fit perspectus, quam ex eloquentia, quæ quidē est admirabilis, percipere consueui. Accedit præterea, quod cum commodo tuo fieri nequeat, ut alia ratione ad me scribas, æque mihi profecto gratum erit, si qualescunque à te accepero, ac molestum esset si omnino literis tuis carerem. Doleo tamen vehementer tuis, non difficilibus tantum, sed molestis etiam occupationibus fieri, ut non & animo tuo & desiderio nostro in eo genere possis satisfacere. Quod vero scribis si nostræ ad te delatæ essent, facile futurum fuisse, ut tu ad nos proficiscerere, sed ut nunc est, non modo te huc non esse aduenturum, sed nec quippiam tibi succurrere, cur ad vos ego proficisci debeam. Omnino tibi persuadeas velim, si mihi aduentus tuus cumprium istuc appulisti denunciatus esset, nihil tam arduum fuisse, quod à te conueniendo me potuerit deterrere. Nunc vero, quoniam suspensio animo istic es, nec quicquam de remansione profectioe tue potes constituere, inuitus & dolens eiusmodi necessitatem deuorabo. Quod de Pont. Carpentoratenſi scribis, quādo fideliores hinc Romam & inde ad nos tabellarij commeant, omnino curabo ut de officio & voluntate tua à me fiat quamprimum diligentissime certior. Ego quidem tantisper statui in Lerina me continere, quoad exitum huius calamitosi belli perspexero, si

L

modo

modo exitus aliquis sperandus est, fui vero Monoeci apud Grassensem dies complures, unde cum aliquando me difficillime explicassem, ad studia nostra reuersus, totum me in literis abdidi, & cum his qui pari amore tenentur, ocio honestissimo perfruor. Daboq; operam donec hic fuero, ut nostræ ad te quàm sæpissime perferantur, idem quoq; ut tu facere ne graueris, maximopere etiam atq; etiam rogo. Non enim difficile futurum suspicor, ut amicissimi hominis opera literæ omnes utrinq; fideliter reddantur, nec est quod de longinquitate, aut impedimento itineris pertimescamus: dabitur enim (quod ad me attinet) opera, ut frequentia literarum omnes difficultates superentur. Scribis in postrema Epistola, te iniquam necem Monoeci principis tulisse iniquissimo animo; laturumq; ægerime, si cuipiam persuasum esset animum tuum ab eiusmodi sceleribus non abhorreere, quæ quoniam quorsum tendant mihi perspicere videor, officij mei esse duxi de ea re aliquid ad te scribere. Ego quidem mi Federice, cum post acerbissimum illum casum confestim Monoecum me contulisset, nihil intelligere posse videbar, quo animus Grassensis nostri à te cognosci posset alienior. Cum vero quotidie plures ad illum venirent, qui ferrent molestissime mutuam inter nos benevolentiam constantissime perdurare, suscepi mihi acerrimam propugnationem & honoris & dignitatis tuæ, sed nescio quo pacto factum est, ut feliciores illi fuerint in alienanda abs te optimi viri voluntate, quàm ego in retinenda fuerim. Nam ut id faci-

facilius consequi possent, contigit precipue, ut opinor, & temporum & euentorum conditione. Quod si casu alter vestrum ad alterum diuertisset, unico congressu, facillimi viri animus à te recuperatus esset. Non enim altas radices ea indignatio habere potest, quæ a maleuolis tantum posita, nihil habet ubi innitatur præter inanem atq; adeo falsam suspicionem. Tu vero velim ad me scribas, quantopere ad utilitatem vel dignitatem tuam pertinere putes, hominis voluntatem reuocari, non enim recusabo in illas locorum angustias iterum detrudi, ut eius animus erga te sit is, qui esse debet. Cæterum nihil causæ fuit cur libri tui à me discederent, nec aliquem fore opinatus sum, cui æque ac mihi commendati esse possint. Nam si quod opto, Genue illis tibi futurus usus est, illico erunt parati. si autem aliò transferendi essent, hac ratione nihil amplius periculi timeremus. Omnino quandocunque tibi decretum fuerit, prompti erunt. Vale.

Hieronymo Monferrates Abbati. Greg. S.

Maximam præclarorum autorum iacturam, quam sæuis agitata tempestatibus Christiana Respublica facere coacta est, neminem esse opinor, qui recte possit intelligere, nisi idem & genus illud antiquorum scriptorum cognouerit, & is fuerit qui inter priscos illos, eosq; qui loco illorum successerunt, valeat iudicare. Ut enim omittam celebratissimi apud latinos nominis, Appollonium, Victorinum, Minutium, & complures alios, quorum labores

L 2 vel

Vel temporum iniquitate, vel hominum negligentia perierunt: Hanc potissimum Insulam maximo doctorum hominum prouentu, nec minus eruditione quàm sanctitate illustrum, mirificum adiumentum laboranti religioni præstitisse neminem puto fore qui ambigat, quorum penè omnium admirabilia scripta, eodem genere calamitatis, quo cætera periere. Sic Vincentij, & Syagrii, labores penitus amissimus, Fausti & Saluiam & Cesarij desyderantur complura. Hilarij & Eucherij virorum ingenio & doctrina excellentium, parue quidem, sed admirabiles reliquie, seuam illam vastitatem vix euadere potuerunt. Quas ne forte casu aliquo idem excidium aliquando pati contingeret, visum mihi est, collectis quasi ex maximo naufragio paruis tabulis, illas ad te mittere, ut fide & diligentia tua, ab interitu vindicentur. Ex his enim veluti membris, facile coniectura assequi poteris, quantum & quàm graue fuerit damnum illud, quod ex integri corporis amissione perceptum est. Non enim admodum multa apud latinos reperies, & eos præcipue qui in sacrarum literarum studio sunt versati, quæ eloquentia, eruditione, & artificio istis anteponi debere viderentur. Illud vero vehementer tibi mirum visum iri non dubito, quod cum uterq; summus in suo genere sit, nihil tamen dissimilius quam ipsi inter se sunt, fieri posse videatur. Est in Eucherio plus candoris & elegantie, superat Hilarius acumine & crebritate sententiarum. Numerosiores illi ambitus, hic spretis numeris, pondere erum examinator.
Exultat

Exultat ille florenti & venusta, ut ita dicam, oratione, hic identidem seuera grauitate suspensus, sic delicias horret, ut in eo tamen ieiunitatem non possis reprehendere. Solutus ille ab oratorum legibus, proprii ingenij impetu decurrens fertur, hic intra Retorum placita semetipsum coërcens, & si locis communibus, quoad eius fieri potest, dissimulatis, mirifice tamen oratorie artis præceptiones obseruat. Ad summum, ille absq; cura comptior, hic, quauis cultu adhibito, longe tamen horridior inuenitur. Vixisse autem illos non in eodẽ tantum loco, sed iisdem etiam temporibus argumento est, quod uterq; alterius mentionem facit. Cum præterea accedat locuples Gennadij testimonium, qui sub Valentiniano & Martiano Imperatoribus utrunq; decessisse scribit. Certissimam insuper eius rei fidem facere potest, quod cum nullus sit in ratione temporum vestiganda paulo diligentior, qui nesciat, Augustinum & Cassianum eadem atate vixisse, Prioris certe ad Hilarium libri, alterius vero collationes, (sic enim ipse appellauit) ad Eucherium & Honoratum, vulgo etiã habentur in manibus. Quare summo opere admiror quendam ex recentioribus scriptoribus, qui pro Hilario Euarium supponere ausus est. Quod stulte illic idem nomen repetitum arbitraretur. Id vero illi accidisse nemini dubium est, quod præter Pictauesem alios etiam eius nominis doctrina celebres fuisse ignorauerit. Enimvero si qua diligentia Eucherium prius apud Gennadium inuestigauerat, eadem deinde quæisset Hilarium, vidisset profecto.

quatuor

quatuor aut ad summum quinque interpositis, eius nomen subsequi, de quo tantopere dubitabat, & qui non Pont. tantum, sed monachus etiam in Lerina fuisset. Cui præterea amplissimam testificationem doctrinae & nobilitatis reddidit Prosper Aquitanus, in illis literis, quas de Prædestinationis questione, ad Augustinum scripsit. Pontifices autem fuisse post diutinam Lerinae habitationem, Lugdunensis alterum, alterum Arelatensis Ecclesiæ, publicis anniuersarijs quæ sacris illorum nominibus institutis, utraque ciuitas testatissimum fecit. Quorum etiam reliquias pie pureque venerantur. Exuberavit vero hæc insula adeo fecundo prouentu hominum, iuxta moribus & doctrina excellentium, ut ad hanc usque diem, eæ urbes in Gallia beatissimæ iudicentur, quibus ex illorum numero aliquando Pontifices contingere. Tibi vero persuadeas velim, maximam te cum apud omnes homines, tum præcipue apud ipsos quorum nomen ab interitu vindicabis, gratiam initurum, si diligentia tua, parua quidem, sed maximi pretij lucubrationes, in manus hominum quàm emendatissimæ exhibunt. Vale.

Hieronymo Moneliano. Gregorius S.

Cum pluribus iam antea diebus Monoeco discessissem, hodie demum in Lerina accepi literas tuas, quas 1d. Febr. dedisti, quibus lectis, molestissime tuli non eas ante mihi redditas fuisse, quàm a Grassensi discederem. Quicquid enim autoritate et gratia apud illum possum, id
ipsum

ipsum tibi totum potuisssem. Persuasum vero mihi est, & eius Principis liberalitatem, & æquitatem postulationis tuæ, facile omnino exitum negotio præstituras fuisse. Ne tamen penitus animum hominis intentatum relinquerem, scripsi ad eum de hac re diligentissime, & eas ipsas literas Abbati Lerinensi qui Genuam proficiscebatur, reddendas tradidi. Ut quoniam salutandi Grassensis gratia omnino Monoecum est diuersurus, explorata eius voluntate, certi quippiam ad te deferre possit. Tu cum primum ab illo acceperis, quid tibi de ea re sperandum esse videatur, confestim me facies per literas tuas certiore. Ut si forte nos illuc iterum proficisci contingat, non ignorem, quantum mihi in eo negotio perficiendum reliquerit. Enitar certe quoad eius rei fieri poterit, uti ne frustra in fide & diligentia nostra præsidium tibi posuisse videaris. Cæterum Syngrapham ea potissimum ratione apud me retinere volui, ut qui sponte (sic enim mihi persuasum est) æquitati fuerat concessurus, adhibita etiam eiusmodi tanquam honestissima coactione, nullum omnino sibi effugium patere cognoscat. Chalydij commentarios in Timæum, si ei qui has ad te deferet, nobis reddendos commisseris, tantopere mihi erit gratum, quantopere eius libri lectio à me diutius desyderata est. Statim enim ad nos reuersurus quicquid illi a te commendatum fuerit, ex fide restituet, Quod si pretium indicaueris, illico tibi pecuniam representari imperabo. Vale.

Stepha-

Stephano Saulio. Gregorius S.

ET si tua incredibilis benevolentia & summus erga me amor, multis maximisque tuis beneficijs mihi perspectus, nullius testificatione indigebat, gratissimum tamen mihi fecit Bessarion, quòd omnia quæ cum ipso de me locutus es, diligentissime ad nos perscripsit. Quanquam enim nullius prædicatione fieri posse putandum est, ut ætiori vinculo tibi coniungar, quæ quo me obstrictum esse sentio, maxima tamẽ cum animi mei oblectatione intellexi, te præclare admodum rationem excogitasse, quòd mutuus amor noster, qui iam ad summum peruenisse putandus erat, quippiam etiam incrementi domestica consuetudine posset accipere. Qua quidem in re, & si (quemadmodum quidem nunc est) accessio liberalitatis tuæ minime mihi repudianda esse videtur, nullos tamen fructus uberiores suavioris in amicitia esse statuo, quàm ipsius amicitie propria quadam incunditate cumulatam observationem. Et quidem in hac nostra, licet omnem gratiarum actionem superuacuum semper esse iudicaucrim, (quod ea aliena esse debere videatur, à tam veteri tamq; constituta amicitia) haud quaquam tamen ipsemet mihi imperare potui, quin pro tantis tuis in me meritis, immortales tibi gratias agerem. Si enim nullum omnino tuum in me officium extaret, si nulla amicitie fundamenta posita essent, cognito tamen hoc tuo desiderio consuetudinis nostræ, tanta amoris vi à me prosequendus esse viderere, quantam vix animus meus capere

capere posset. Qua enim ratione fieri potuisse putandum est, ut me cuperes assidue tecum esse, nisi vis incredibilis quædam, & (ut ita dicam) intemperantia amoris, te ipsum de me decepisset. Nunc vero cum ad innumerabilia merita tua, postremus hic velut cumulus accesserit; nihil aliud ad ea quæ ad me Bessarion scripsit respondere possum, quam cõmunibus votis me satisfacturum esse. quæ iccirco communia appello, quod nequaquam tibi concedam in mutua consuetudine nostra expetenda. Sed quoniam aduentum tuum in Calendas Julias reiecasti, statui & ego tantisper mihi à profectione supersedendum esse, donec te Genuam applicuisse audiero. Multæ enim grauiissimaq; causæ nobis occurrunt, quare aduentum tuum decessionem hinc nostram, præcedere cupiam. Gratissimum igitur mihi feceris, si cum primum tibi de reuersione tua statutum fuerit, istinc nos de omnibus feceris diligentissime certiores. Et ni tibi molestum futurum est, omnino interim reuocanda videtur, nescio quo casu, diutius intermissa frequentia literarum. Vale. Et N. verbis meis salutem dicito plurimam. Quem, & si de facie mihi incognitum, tamen et quia tibi intimus, et quia doctissimus se à me vehementissime diligi cupio fieri certiores.

Iuliano Monacho. Gregorius S.

Quam verum fuit priores tuas literas candidas
& elegantes fuisse, tam mirum nuper mihi visum est, animum tuum vel leuissima suspitione ob laudationem

M

tionem

tionem nostram potuisse pulsari. Quid enim longius abesse debet à nostro erga te amore, quam consilium & voluntas adulandi? Esset nanque planè nequam hominis, atque adeo in rebus maximis sponte peccantis, si verbis nostris in id vitium inducerere, quo nec maius quidem excogitari posse videtur, ut tui scilicet ipsius ignoratione decipereris. Verissime igitur tantopere prius ingenium tuum laudaui, quantopere nunc quoque, moderationem admiror, qui admonitus etiam, & ab eo potissimum, qui ita te amat ut non possit decipere, te ita diligenter observat, ut nequeat decipi, nec hac quidem ratione germina virtutis quæ in te sunt, possis recognoscere. Sed ne omnino tibi imprudens blandiare, nequaquam te ignorare volo, me, non tam id quod hætenus affecutus es, quam studium & voluntatem tuam summis laudibus celebrasse. Illæ nempe virtutes fuerunt, quæ maximam in me expectationem concitarunt fore ut facile partem aliquam assequaris, eius, quod in animū induxisti ut consequerere. Totum enim ipsum adeo magnum est, & penè dixerim infinitum, ut cum in eo omnem ætatem consumpseris, mirifico etiam progressu, longe tamen plura superfutura sint quam quæ fueris affecutus. Nec id sane dixi quo tardare velim studia tua, aut rei difficultate deterrere: sed ut facilius cognoscas quantopere tibi sit elaborandum, in eo, quod incredibili etiam labore partum, omnes labores sui dignitate cōpensabit: satis enim magna merces est, pro maximis etiam laboribus, quantulacunque pars veræ virtutis acquiritur.

site ὁ γὰρ πλάτων τοὺς τῆς ἀρετῆς κλῶνας, ἰδρῶτι καὶ πόνοις ἔλεγε φυεῖσθαι.
 Omnis vero humanarum rerum cura, omnis superuacua
 sollicitudo, longissime ab animo tuo debet abesse: diuina si-
 quidem sapientiae amor, adeo tener est, & ut ita dicam
 suspiciosus, ut quemuis alium amorem, non riualem tan-
 tum, sed nec socium pati queat. Quid enim socium pa-
 tiatur, qui nihil praefer sapientiā non consueuerit, ut Pau-
 lus ait, ὡς περ σκύβαλα paruifacere? Qua, inquit, ratione eo-
 rum quae in terris sunt, amicitiam non spernat, qui non
 modo terrena omnia, animi sui magnitudine inferiora esse
 arbitratur, sed & terram ipsam instar puncti habere in-
 tellexerit? Qui fieri potest, ut hominum honores non ri-
 deat, qui mentem habeat penitus humana despicientem?
 Jam vero minima illa etiam pudet attingere, a quibus
 animum tuum omnino alienum esse puto, & quae uiliora,
 tantum, ut ita dicam, ingenia apud nos torquere con-
 sueuerunt à quibus etiam tantopere te aliquando à me de-
 territum fuisse recordor, ut nulla ratione fieri posse di-
 xerim, ut & studijs & his quae in cœnobijs quotidie ac-
 cidere consueuerunt, animum possēs intendere. Enimuero
 dum imprudens tecum mihi loqui uiderer, fecit error ipse
 Epistolam loquaciorem. Caterum quod te adeo uehe-
 menti nostri desyderio teneri scribis, scias uelim, præcla-
 re a me rationem initam esse, quo isti tuo desyderio pos-
 sis satisfacere. Qua de re, tecum uerbis meis loquetur
 Lerinensis Praesul. Vale.

M 2 A. Grimal.

A. Grimaldo Episcopo Grasis. Gregorius S.

Dum apud te Monoeci essem, oppressus incredibili quadam agritudinis molestia, id, omnino oblitus sum coram tecum agere, quod potissimum præsens, & summa cum diligentia facere cupiebam. Ut scilicet hac sacrorum Hebdomadæ, Antonium nepotem tuum ad nos mittere velles. Veruntamen mihi persuasum est, quantum propter absentiam commendationi detractum fuerit, tantundem ex vi amoris & petitionis honestate compensatum iri. Gratissimum igitur nobis omnibus, spero item ipsi nepoti tuo te facturum esse, si nos a te hoc impetrare patieris. Nam ut illud scribam superuacuum esse puto, futurum ipsum apud nos maxima cum gravitate & disciplina. Cum, quod hoc ipsum tibi & temporis & loci conditio, tum præcipue perspecti tibi mores hominum cum quibus illi futura est consuetudo, persuadere possunt. Tantisper enim optimo & doctissimo viro eius præceptori, Vicarium Dionysium substituemus, donec ad eam diem quam tu constitueris, ad vos reuertatur. Danda est interdum, ut nosti, iuuenibus animi relaxatio, quo promptiore et recreato, ut ita dicam, ad virtutes spiritu, ad pristina studia alacriores reuertantur. Potissimum cum remissio ipsa eiusmodi, ut spero, futura est, ut non corpus tantum honestissima voluptate, sed etiam pulcherrimis ceremonijs divinorum beneficiorum memoria reuocata, ipse animus mirifica oblectatione recreandus sit. Hoc igitur sic à te petimus,

mus,

mus, ut nihil vehementius peti possit. Et si tantum abest, ut de benignitate & humanitate tua dubitem, ut sperem ipsum eundem nepotem tuum literas ad nos indices tuæ facilitatis allaturum esse. Vale: Acerba illa egritudo mitius mecum agit. Iterum Vale & Salve.

Baptistæ Flisco. Gregorius S.

Cognoui ex acerbitate literarum tuarum, nequaquam te tranquillo animo ad me scripsisse. Nec enim aliter fieri potuisse opinor, ut pro re tantula, præsertim quæ nullo mihi usus futura esset, & furti simul & violatæ fidei tam acriter me exposculares, ut etiam argumento ex diffinitione ipsa, quo nullum certius esse potest aduersum me ad id ostendendum utereris. Quare futurum mihi persuasi, ut cum quietiore animo sedatâq; iracundia, rem diligentius perspexisses, eam personam quam & nobilitas tua, & omnium iudicio probati mores dudum tibi imposuerunt ad te esses reuocaturus. Addo usum rerum, & prudentiam, quæ ita præ cæteris omnibus ea disciplina cui semper operam dedisti, sibi vindicare videtur, ut etiam sapientum cognomen, his qui se profiterentur consueuerit impartiri. cæterum certiore te esse volo longe te ab his decerptum esse, qui quippiam quod tuum esset istinc à me ablatum esse tibi persuadere potuerunt. tantum enim abest, ut libros tuos contrectarim, uteris enim eo verbo, quorum nullus mihi usus futurus fuerat, ut nec meos quidem cum istinc discederem, cogitaui expor-
tare.

tare . Quod, ut tunc res se habebat, propediem me Genuam reuersurum esse sperarem . Eiusmodi vero tempora deinceps consecuta sunt, quæ me, ut officij & amicitie rationem haberem, omnem reuersionis cogitationem coëgerunt abijcere . Cumque certis hominibus, quorum mihi diligentiam perspectam habere videbar, per literas mandassem, ut bibliothecam meam ad me transmitterent, essentque in ea complures libri, quos commodo ab amicis acceperam, memini me mandare, ut omnes, nominatimq; tui, dominis restituerentur . Illi vero cum paulo indiligentius negociū tractassent, paucis restitutis, maiorem illorum partē ad me transmiserunt, quod quidem, & tuli et fero molestissime: fit enim ob temporum iniquitatem, ut paulo difficilior sit, hinc ad vos omnium rerum traiectio . Eius vero rei certissimam testificationem tibi faciet Cassianus Camillus, cuius cū libri plures ad me eadē imprudentia delati sint, benignissime qui sunt hominis mores, admonitum, non modo, nō furti quod tu fecisti, sed nec aliqua in partē violati officij me exposulauit . Si quod autem peccatum meum in ea re accusari potest, eatenus tantum culpam recognosci, quod in amicitia tua iudicanda, quam satis constitutam putaram, paulo securioris animi fuerim . Debueram siquidem simulatq; Pont. Nebiensis Genua discessit, quo præceptore in literis hebreis uti statueram, libros tuos tibi restituere qui apud me in posterum ociosi futuri essent . Potui certe ea ratione non modo inopinati huius casus, sed etiam tinearum periculum euitare . Contigit enim

enim incommodissime, ut cum nunquam postea in illos oculos coniecerim, memoria mea penitus exciderent. Postquam vero huc appuli, nondum tantum oculi mihi suppeditatum est, ut aut tuos, aut meos, qui omnes tui sunt, ex arcibus extrahere possem, ut saltem hac ratione, eorum quos à te acceperam, memoria in me renouaretur. Nec vero præter te quemquam esse puto, qui fuerit opinaturus me fide labi voluisse, in re & minimi pretij, & quæ in publicis etiam tabernis vulgo venalis exposita est. Quod ut certiori argumento cognoscas, scias velim, non eos tantum libros de quibus tu ad me scripsisti, sed Budei etiam, nescio quid, te ipsum mihi tunc ultro commodasse. Quod, ut plerumque in domo opulenta consuevit accidere, omnino tibi memoria excidisse arbitror. Cum primum vero certi hominis, qui ad vos profisciscatur, et illos deferri possit, nobis copia fiet, quod propediem futurum spero, omnes ad te aduolabunt, ne diutius in eo genere tardentur studia tua. Nec tui modo, qui impedimento tantum futuri sunt bibliothecæ meæ, sed nostri etiam quot quot sunt (sunt autem plurimi) ad omnes usus tuos paratissimi semper erunt. Habeoque vero tibi immortales gratias, & pro beneficio tuo, & quod me cautum in posterum reddideris, non temere quam sibi, aliquid polliceri debere de nouis necdum satis constitutis amicitijs. Ceterum quod scribis, lapsum fidei nostræ, causam tibi in posterum præstiturum, ut libri tui alicui monacho non cedantur, vix mihi persuaderi potest, te qui æquitatis cognitioni ex professo das operam, id iuris.

iuris statuere velle, nam si ex me uno, omnes nostri ordinis minus certæ fidei esse iudicare nolueris, ego quoque coniectura ex te tantum facta iurisconsultos omnes, & præcipiti iracundia esse, & facillimos ad indignationem iudicabo. Vale.

Cassiano Camillo. Gregorius S.

Binas abs te accepi literas, plenissimas & amoris & officij: cognoui enim ex eis id quod summo opere desyderabam, te maxima usum diligentia in Grassensis nostri negotio pertractando. Quare, cum nihil mihi gratius posset accidere, confestim feci eum de omnibus per literas certior rem. Ut iam te ab ipso ob merita tua mirifice amari, nulla apud me dubitatio relicta sit. Accessi præterea hortatu tuo ad ea excutienda quæ sub Hieronymi nomine in Acta Apostolorum a Germanis edita sunt. Statimque in ipso, ut ita dicam, vestibulo operis, certissimis coniecturis intellexi, nihil ferè in eo esse quod sub Hieronymi nomine debuerit publicari. Utenim styli ineptias omittam, quæ adeo manifesta est, ut in paucissimis etiam illis verbis & penè nudis nominibus deprehendi possit quod ad Cosmographiam attinet, tam magnis tamque multiplicibus erroribus refertum est, ut non dicam tibi quem nihil in eo genere potest latere, sed omnibus etiam quæ ad eam disciplinam spectare expertibus, statim obuij esse possint. Quare periculo quoque meo pronuncies licet, in eo opere iudicando, verum qui se acerrimi iudicij vult haberi longe deceptum esse.

esse. Sed de his omnibus propediem nos pluribus verbis coram, acturos esse confido. (Caterum & ut darem tibi quod rideres, & ut cognosceres nunquam mihi Theocrenos defuturos, nisi ad te exemplum quarundam literarum quas ad me dedit Baptista Fliscus, vir in ciuitate tua primarius, & in primis iuriconsultus. Qui mirifico arteificio parum absuit, quin mihi ipsi furem me esse persuaderet. Ex posterioribus etiam Analyticis sumpto fortissimo argumento, quem probationis modum eius generis hominibus omnino incognitum esse putaram. Quare cautius mihi in posterum cum iuriconsultis vestris agendum esse intellexi, quando & eiusmodi dialectica callent. Mitto præterea literas, quibus Laconicè eius accusationi respondi, quæ cum à te lectæ fuerint, & quo tibi placuerit sigillo obsignatæ, ut confestim reddantur magnopere te etiam, atq; etiam rogo. Nam ut serio loquar, non sine maxima animi mei molestia accidit, quod cum ad Dionysium scripsissem, ut quicumq; aliorum libri apud me essent, eos omnes ante discessum suum islince restitueret: nominatimq; & de tuis & de illis ipsis pro quibus hæ turba excitatæ sunt, madassem, habuit se in eo negotio paululum indiligentius quàm a me desideratum esset. Quippe quod complures etiam ex nostris parinegligentia Genue dereliquerit, quod tamen non eque ac de illis qui aliorum erat, molestule tuli. At si quod nollem me hic diutius morari continget, non cōmittā, ut tu etiam nobis possis irasci, cuius plusquā omnium aliorum indignatione extimescerem. Vale.

N

Augusti-

August. Grimaldo Episc. Grassensi. Gr. S.

Incredibili me affecit iucunditate, Simon noster, qui cum mihi verbis tuis salutem dixisset, adiecit præterea te in maximam spem venisse breui fore, ut te ipso hic frui possemus. Qua re nihil & nobis gratius, & tibi ad tranquilliores sedatiorumq; vitam accommodatius accidere posse opinor. Cum enim hæc loca semper mihi visa fuerint amœnitatis & oblectationis plenissima, mirum quantum quotidiano hoc experimento, conceptam iam de se opinionem in nobis confirmarunt. Et si mirum immodum voluptas istæc nostra, absentia tua imminuitur, quod non æque gaudeam oportunitatem mihi abs te comparatam esse, ut vitam in rebus iucundissimis traducere possim, ac doleo te illis carere, quæ coniectura ex animo meo facta tibi longe gratiora quam quæ istic habes futura fuisse suspicor. Quare pedibus manibusq;, ut aiunt, tibi enitendum est, ut relicta illa alpiû asperitate, relicto tubarum tympanorumq; strepitu, relicta nocturnarum excubiarum exploratione, relicta deniq; sollicita illa corporis custodia, huc ad nos quam primum proficiscare, ad eaq; confestim adules quæ tibi, & ad molestiarum leuationem, & ad honestissimum ocium tanto studio & diligentia comparasti. Quibus eo difficilius te carere arbitror, quo experte, quæ penitus incognita voluptatis, longe acerbior recordatio consuevit esse. Et hæc quidem non iccirco scribo, quod te non id assidue meditari nescis, sed ut gratissimarum rerum veluti refricata memoria,

memoria, promptior fias ad ea expedienda, quæ, & pondere rerum, & temporum iniquitate puto esse impeditissima. Mitto præterea ad te literas, quas ad me mercator quidam Gepuensis dedit, & ille quidem de facie, ut scribit, non tibi incognitus, qui cum nescio quid sibi a te deberi prolato etiam fratris tui Chirographo dicat, non aliter se tibi commendatum fore credidit, quam si ad æquitatem postulatio nis suæ, vis quoq; nostræ commendationis accederet, quæ iam apud omnes tanti ponderis existimatur, quanti in eam existimari voluisti. Perfectum enim a te est declaratione amoris erga me tui, ut nisi apud amicos & propriæ opis dissimulator, & uni mihi commodus (ut Flaccus ait) haberi velim, eiusmodi officijs frequentius quam vellem tibi cogar molestus esse. Gratissimum mihi erit, si quid de ea re statueris, ad me scribere non gravaberis. Quia in re non Romanâ, nō Gallicam, sed nec prouincialem quidē linguâ, modo, ut id cōmodo tuo fiat, aspernabor. Vale.

Cassiano Camillo. Gregorius S.

RECTissime me omnino suspicareris Epistolas tuas nō tormenta tantum, sed fulmina etiam mihi videri, si id ob vim ipsam impetumq; eloquentiæ, contingere posse tibi persuasisse. Sed non eo certe pacto quo tu intelligi vis, instar mihi bellicarum machinarum videntur habere. Ille nempe horrore quodam sonitus expauescenda, & quod cladem afferant quāplurimis, merito vitanda esse videntur, at uero Epistolis tuis, nihil suauius, nihil amabilius fie-

N 2 ri potest

ri potest, addo etiam leporem quendam, tibi proprium & festiuitatem, quibus adeo non oblector tantum, sed capior etiam, ut non satis constituere possim, elegantia an urbanitate maior sis cum ceteris in utraq; mihi superare videant. Nec vero hac nostra exundans, ut scribis solitudo, ita penitus est inhospitalis, ut non amicorum literas benignissime excipiar, quæ ipsos etiam amicos longe benignius susceptura esset. Sed iam intelligo te ex Gentili nostro Homeri sententiam didicisse, quæ saturitate contumeliam procreari dicit, teq; eo pacto delicias nostras interpretatum. Sed nondum nosti non unum genus deliciarum esse? Quid si in colendis hortulis, quid si in piscationibus, quid si in corporis exercitatione delicia nostra sint? Utinam (quod Dioclitianus spreto orbis imperio dixit) videre potuisses olera manibus meis cõsita, breui te ipsum etiã Anchoretam euasurum fuisse mihi persuadeo. Nec tamen adeo sum harum deliciarum, & huiusce solitudinis appetens, ut non frugalitatis illius vestre, & gratissima consuetudinis longe sim appetentior. Sed ais tu? Ita ne nisi a Saulio Pont. coactus literas ad me daturus non fuisti? Commode omnino cecidit, quod paucis antea diebus scripsi ad te, simulq; Epistolam ad quendam dedi, ex qua facile potuisti percipere, quo pacto a me accipiendus fueras, si vel parum quippiam indignationi concessisses. illic enim te intellexisse opinor, quàm grauitè inimicus illorum sim, qui ita faciles ad indignationem esse consueuerunt. Sed hætenus luisse sufficiat. Gratissima fuerunt officia tua Grassensi nostro,

stro, homini omnium longe gratissimo. Egit enim mihi eo nomine per Epistolam diligentissime gratias. Quare scias velim, nihil ex re tua familiari tam tuum esse, quam ipse Grassensis impofterum futurus est. Caterum postremis meis literis ad te scripsi quale meum iudicium esset de his quæ sub Hieronymi nomine in Acta Apostolorum circumferuntur. Quæ in re tantum abest, ut dubitem quin rectum sit de ea re iudicium meum, ut maximopere admirer illos, qui persuasum habent se nihil non videre in hac clarissima re utroque lumine fuisse orbatos. Vale.

Hieronimo Ghinnuccio Episcopo N. Cameræ Apostolicæ Auditori. Greg. S.

Nondum satis constituere potui, plus oblectationis an molestiæ literæ tuæ mihi attulerint, quæ ad xij. Calen. April. datæ vij. demum Id. Maij nobis redditæ fuerunt. Cum enim ex ipsis cognouerim mirificum quendam amorem erga me tuum, anxiamque de incolumitate mea sollicitudinem maiorem animo meo voluptatem cæpi, quàm ut breui Epistola a me declarari queat. Accedit præterea in fratrem meum (qui mihi meipso penè carior est) satis nobis perspectus ex illis ipsis literis, singularis quidam amor tuus, atque benevolentia, quæ cum a tali tantoque viro, & naturæ & fortunæ muneribus ornatissimo, vix citra impudentiæ notam mihi optanda fuisse videantur, eo gratiora nobis acciderunt, quo longius superarunt expectationem nostram. Contra vero supraquàm dici potest

test moleſte tuli, quod non modo deſyderio tuo adhuc a me ſatiſfactum non eſt, ſed nec quid id ſit quod a te tantopere deſyderatur, ſatis intelligere potui. Cum enim circiter Cal. Aug. a fratre meo mihi reddeſſe literæ fuiſſent, in quibus parua quadaſſa ſchedula qua laudatio Pont. Eboraceniſis continebatur, incluſa erat, nec quid ſibi ea vellet liquido poſſem intelligere, quod id literis ipſis non planè declararetur, coniecturam feci priores aliquas, quibus copioſe negotium exponeretur, temporum iniquitate, vel eorum qui deferrent, negligentia, periſſe. Quare conſeſtim ipſum fratrem meum per literas rogaui, ut quid ſibi ea laudatio vellet, ad me ſcribere non grauaretur, eniſſurum enim me, quantum & viribus & ingenio poſſem, ut honeſtiſſimo eius deſyderio quamprimum a me ſatiſſerret. Enimvero cum ille poſtea de ea re nec verbum quidem fecerit, diu perſuaſum habui, eiufmodi prouinciam aliq̄ demandatam fuiſſe, qui maturius ingenioſius & eloquentius, munere illo deſungi poſſit. Nuper vero acceptis literis tuis, re que diutius conſiderata, poſtremo in eam ſententiam veni, ut mihi perſuaderem, aut me imprudentia, & errore in ſcribendo, aut fratrem meum in percipienda literarum mearum ſententia deceptum eſſe. Ut enim meminſſe mihi videor, nihil me tunc pollicitum fuiſſe aggredi, niſi re que proponeretur diligentius percepta, ſic coniectura aſſequi poſſum, cum ex literis tuis, tum etiam ex verbis fratris mei, me nō adeo diſcrtè rem explicuiſſe, ut a viro in multis maximisq; negocijs occupato, unica le-

eticne

etione intelligi potuerit. Qua in re, dum modo fratrem meum culpa omni & errore vacare tibi persuadeas, non abusus quin vel ineptiae, vel imprudentiae meae omnia ascribantur. Id vero ea potissimum de causa paulo iniquiore animo laturus sum, quod ignorem an commode nunc etiam desiderio tuo satisfieri possit: ut non obducta iam cicatrice medicamentum apponere velle videamur. Quod si a te iudicatum fuerit, id opportune accidere posse, tibi omnino recipio, me diligentissime operam daturum, ut quicquid vitij adhuc per imprudentiam factum est, maxima cura & sedulitate sarciat. Qua in re, omnino necesse erit quicquid in Regem Lutheriani euomuerunt, istinc ad me transmitti, ut ad ipsorum maledicta responsiones nostrae accommodari queant. Præterea, si breues commentariolos de toto negotio confici curaueris, ex quibus desiderium tuum paulo illustrius intelligere possim, erit ea profecto velut expressa quaedam imago animi tui, ad quam cogitatus omnes nostri velut ad certum definitumque signum dirigipossunt. Vale. Et me omnesque meos, qui omnes tui sunt, ut facis ama. Et si præterea quippiam a me proficisci potest, quod tibi gratum futurum sit, sic tibi persuadeas velim, nihil esse in eo genere, tam arduum, quod iussis tuis aggredi non audeam, nec tam difficile quod si fauor tuus accesserit, præstare mihi posse non videar.

Feder. Fregosio Salern. Archiep. Gr. S.

Cum nunquam mihi non gratissime accidere consueuerint litterae tuae, quas tamen nuper apud Taurinos certo homini
ad nos

ad nos dedisti, tanta me iucunditate affecerunt, ut non maiori eas aviditate expectarim. Ex quo enim Nicæa discessisti, & si multa ad me rumor attulerat, ea tamen cum parum certatum etiam omnino mihi molesta fuerunt. Hæc iccirco tantum quod eius generis essent, ut quemvis possent molestia afficere, sed ea potissimum de causa, quod tibi præcipue molestissima accidisse non dubitabam. Lectis autem literis tuis expressius quodammodo & illustrius id cognovi, quod de te ante mihi erat persuasissimum, nihil scilicet iuris in rebus tuis fortunam sibi vendicare potuisse. Siquidem eas tantum res tuas appellare licet, quæ tibi eiusmodi æquanimitem pepererunt, ut nulla queas fortune iniuria a vitæ tuæ tranquillitate dimoueri. Quare propediem etiam futurum spero, ut fortunam ipsam tantæ iniuriæ non pudeat modo, sed etiam summopere peniteat. Quod vero ad rerum successus attinet, scio nec te alios quam fuerunt fore aliquando sperasse, & me a te facile deductum fuisse in eandem sententiam. Quo magis etiam id quod facis facere debes. Nam absurdum sanè videri posset, quod diutius antea futurum esse perspexeris, id posteaquam euenerit, non forti infractoque animo suslinere. Et hæc hætenus locutus sum perinde quasi de rebus tuis aliquantisper diffiderem, quæ mihi tamen nequaquam eo deductæ videntur, ut omnino sit diffidendum. Et si quod ad te attinet, si omnino euentus rerum ex iudicio voluntateque mea penderet, non satis constituere possum, quod genus vitæ tibi potissimum optaturus fuerim: hinc enim laborum

borum & solitudinis plena omnia video, & quod usu
iam experimentoq; didicimus, incerta penitus, & quæ
momento temporis facile immutari evertiq; consueverint.
Inde vero in vitæ tranquillitate & honestissimis studiis
totum te deinceps occupatū iri facile mihi persuadeo. Unum
tantum est quo mouear, patriæ tuæ scilicet, atq; adeo iam
nostræ, charitas, quam moderatione auspicijs quæ tuis, pro
pe dixerim, beatam me visurū esse mihi pollicebar. Verum
quoniam propediem te Nicæam venturum esse confidis,
longiorem sermonem in id tempus reijciemus. Ego vero
suspensio anxioque animo hætenus in hac prouincia deten-
tus sum, cum nullum genus molestiæ sit, quo nō fuerim ve-
hementer exagitatus. Quare cum iam tempus appetat co-
mitiorum nostrorum, statui omnino eam discessus nostri oc-
casione non minus honestam quàm opportunam arripere,
nisi a te secus mihi fuerit persuasum. Interim tamen Ioan-
nem Baptistam nostrum ad regem mittere decreui, pro re-
bus huius cœnobij constituendis, quæ, ut mihi persuasum
est, paulo negotio conficietur. Quod si tu (ut sunt omnino
pro varietate successuum varia consilia) istuc diutius mo-
ram trahere decreueris, magnopere me certiorē abs te fieri
opto. Nam mihi in Italiam quandocunque proficiscenti,
istinc ver esset. Caterum omnibus qui mecum degunt sa-
cerdotibus (scias velim) te tam suauem non modo tui me-
moriæ, sed desyderium etiam reliquisse, ut nihil adeo
in illorum mentibus insitum impressumq; sit, quàm ut ho-
nestissimis tuis votis obsequantur. Idque eo magis Ioanni

O

Bapti-

Baptista nostro quo maioribus grauioribusque de causis tibi tandiu penitus est addictus. - Vale.

F. Archiepiscopo Salernitano. Greg. S.

Cum eo quidem animo a te discesserim, ut non ultra viginti, aut ad summum triginta dies abessem, Mutinam absque itineris molestia tuo potissimum beneficio decima die perueni, rebusque, quarum gratia adueneram compositis, iam ea quæ ad regressionem pertinent parare cœperam. Cum mihi reddita sunt literæ a principe ordinis nostri, in quibus erat ascriptum, ut salutatis assinibus, quamprimum Romam proficiscerer. Ego vero & si ternas iam ab eo de eiusmodi profectiōe literas acceperam, eiusque auctoritati opposueram & longitudinem itinerum, & corporis imbecillitatem, rursus quæ ille nullam se excusationem accipere, rescripserat, statueram tamen apud ipsum denuo me excusare: a compluribus tamen admonitus, hanc quam ego excusationem appellarem, posse aliquos contumaciæ nomine criminari, statui mihi omnino parendum esse, non prius, tamen quam ad te literas dedissem. Video enim me in eiusmodi angustias coniectum esse, ut me ipsum inde explicare penè sit difficillimum, nisi tu qua soles humanitate, negotium meum & susceperis & confeceris. Primum quidne tu ipse me, quod consiliū immutarim, immutata etiā voluntatis expostules, quam nosti omnino ex aliena voluntate pendere. Deinde cum tibi persuaferis, me eiusmodi profectiōem inuitum suscepisse, id ipsum etiam principi nostro

nostro persuadeas. Cuius quanquam mihi perspettissima est humanitas, cum tamē cogito quibus me verbis abeuntem profecutus est, & quid ego de regressione mea pollicitus fuerim, nec ista quidē grauiissima & honestissima causa satis momenti apud eum habitura esse videtur, ut non aliquid ab eo peccasse iudicer. Occurrit postremo noster Theocrenus, qui cum discederem, etiam breuissimum illud tempus, quam longissimum sibi videri dixit. Quare, ut absq; magna animi mei molestia, iter hoc conficere possim, eatenus Mutinae ero, quoad a uobis mihi literę reddentur, quibus intelligere possim me apud vos sufficienter excusatum fuisse. Romae vero, ut idem ille princeps noster ad me scripsit, non amplius decem, aut duodecim diebus commorandum erit, postea Pisas, & deinde litorali via ad vos quam ocysime aduolabo. Et quoniam mula hec qua uectus sum, ita commodo, & molli est incessu, ut illi secundum te prosperam valetudinem acceptam referam, summo opere optarem, si tamen commodo tuo fieri posset, eadem rursus Romam vehi, & inde ad vos reuehi. Dabo enim operam quod & hactenus feci, ut quam diligentissime curetur. vale.

F. Fregosius Archiep. Salern. Greg. S.

Cum te ipsum iam expectaremus, ecce nobis redditę sunt literę tuę Mutinae VII. Calen. Decembris datę, quibus plane intelleximus te non minorem redeundi voluntatem habere, quam eundi habueris necessitatem,

O 2 quorum

quorum hoc æque gratum fuit, ac fuerat illud molestum. Sed quia reditus tuus Romanæ profectiōis causa, longius relabi videbatur, quàm quod nos animo concepisse arbitrareris, humanissime a te factum est, quod de tuis rebus nos certiores facere constituisti, voluistiq; tandiu Mutinæ esse, donec nostræ quoq; tibi literæ redderentur. Putabas enim nos tarditatem reditus tui, nostro desiderio non tuo commodo metiri, quod planè falsum est, propterea nihil est quod de nostra voluntate dubites, nosq; de tua dubitare suspiceris. Nam & si aduentus tuus nobis expectatissimus est, ut etiam pro Octauiano fratre meo loquar, non ideo tamen voluptatem nostram necessitati tuæ anteponenda esse censemus. Quare perge quo vocaris, nec nostri te cura sollicitet. Tantum, hoc solatium nobis a te tribui cupimus, ut quam sæpissime tuis literis nos inuisas, deque tuis rebus facias indies certiores. Nihil enim præter aduentum tuum, nobis iocundius accidere potest. Reliquum est, ut cum Romæ fueris, Jacobum Sadoletum ciuem tuum meo nomine quam plurimum saluere iubeas, deque nobis illi polliceri velis, quæ a fidissimo amico, & ab amantissimo contubernali prouenire possunt. Ad ea vero quæ nobis de mula qua hoc itinere usus es scripsisti, Theocreno nostro respondendi partes reliquimus, qui etiam ociosius quàm nos facere possumus cætera suis literis complectetur. Vale, & me mutuo dilige.

Bene-

Benedictus Theocrenus. Greg. S.

EX ijs literis quas ad me Mutina proxime dedisti, non intelligebam quæ te causa, cum affuturum iamiam sperarem, in Urbem ab nostra, tam certa expectatione traheret. Ita breuiter eam profectionē in extrema pagella proponebas, non poteram tamen quicquid tibi videretur decerneres uē non probare, cum semel mihi persuaferim tibi, omni in re consilij tui constare rationem. Dedit postea legendam mihi Epistolam quam ad se eodē die scripsisses Federicus princeps meus, quæ copiosæ, ut factum oportuit, rem totam continebat. Ego Gregori licet videam quod tibi a Pontifice tuo iniungatur, non posse id te sine grandi flagitio deprecari, sciamq; nolenti fieri, quod tandiu nobis careas: ægerrime tamen fero consuetudine tua defraudari me, & insigni illo fructu studiorum meorum quæ quidem abste maximopere iuuari, & ali, vel tu ipse qui de te modestissi me sentis nunquam negasti. Perceptum enim semel tantum bonū abrumpi, aut etiam intermitti cum acerbum, tum valde inutile, si præsertim quædam sint, aut potius multa, quæ sine prælectore assequi nequeamus. Nam omnis philosophiæ, cuius candidatum apud te professus sum, scientiam, ita in arduo positam video, ut undecunque ad eam sine aliquo duce & præuio ingredi parem, materiæ difficultate deterrear, te unum Deus mihi obtulit, a quo certissimum ad tantam rem adeundam, auxilium exspecto, præterea a nemine. Itaq; quicquid illud est quod
propositum

propositum nostrum, tam laudabile morari possit, id nos uehementer sollicitos habet atq; angit. Quod an ita sit, quis te melius diiudicauerit? qui nisi aliquādo eadem expertus esses, non mehercle, tam saepe operam tuam, tamque promptam ultro mihi spondidisses. Sed illud me aliquantulum consolatur, quod non ultra Id. Februarias abfuturum te recipis. Quas ego ob id toto animo complexus, ita iam amo, ut natali meo chariores habeam: semper vero quoad vixero celebraturus, si mihi hic tecum (ut spero) illuxerint. Quod ad mulam attinet hactenus conueniri se Federicus passus est, ut quod comode te vexerit mire gauisus, eam tibi iam tum inde cum discessisti abs te dono datam diceret, sic enim tum statuisse, ut si tibi in isto itinere usui ea foret, perpetuo tua foret. Quāobrem salua modestia iam respicere eam non potes: ne talis viri quaecumque munus fastidire videaris. Cupit ille magnopere, ut Nicolaum Iudicum cumprimū in urbem perueneris familiaris adeas, atque ab eo post institutam amicitiam diligenter queras, an in urbe per diu futurus sit, an alibi si qua honesta conditio proponatur, esse malit quam Romæ. Tum sedulo intueare, quæ tuæ est solertia, qui mores sint in homine quæ comitis. Hæc tamen omnia ita sunt tibi tractanda, ut nō subornatus, neque alterius impulsu, sed tua sponte intelligere velle videaris. Sic enim, ut fiat, præsentēs Federici rationes exposculant. Superuacuum penè fuerit illud te monere, tum singula speculatus fueris, uti quamocissime ad nos scribas, cum te hoc in genere, vel maxime omnium hominum

hominum impigerrimum semper compererim. Octavianus princeps cum hac scriberem ex podagra decubabat, non illa tamen ad eo graui, aut violenta. Reliqui omnes qui te amant, aut potius norunt (nam quicumq; te norunt idem amant ac suspiciunt) bene valent, præter unum Stephanum Spinulam, qui pridie Cal. Decemb. morbo articulari aliquandiu solito grauius afflicatus diem obierat, quod te omnino scire oportere existimaui. Vale.

F. Archiepiscopo Salern. Gregor. S.

Q UOD posteaquam Romam veni nullas ad te literas dederim, non ea causa fuit, quod amoris tui erga me, aut beneficentiæ oblitus, ab officio aliqua ex parte discesserim, sed quod dies complures in salutationibus, & conueniendis doctis viris conterens, nihil temporis mihi reliquum feci ad munus illud obeundum, quod profecto rebus omnibus anteuertere statuissem, nisi me humanitas tua, mihi iandiu perspectissima satis persuasisset, nihil tibi gratius futurum, quam ut viros qui illam ipsam humanitatem profitentur, & conuenirem sepiissime, et mihi quam arctissime conciliarem. Nunc vero quando videor mihi id quod summopere concupieram aliqua ex parte affecutus, ut docti fere omnes qui in urbe sunt, non modo mihi de facie sint cogniti, sed quotidiana etiam deuincti consuetudine, nihil apud me erit antiquius, quam ut & te ipsum, & principem meum Octavianum quam creberrimis literis inuisam. Nam & Genuam ad conductam diem reuert

uerti non possim, faciunt & fratris & nepotis mei negocia familiaria, a quibus & si omnino animus meus abhorret, inhumanum tamē arbitratus sum, non aliquot saltem dies tanta coniunctioni impartiri. Ceterum ne præsens tibi gratularer de amplissimo maximoq; sacerdotio, quod vir tutibus tuis commendatum esse nemo ambigit, nisi si quis ab omni-virtute est penitus alienus, inuiderunt ea ipsa negocia. Gratulor tamen, ut debeo quàmplurimum, nec tibi modo, sed & illis ipsis quibus concessum est, ut ex optimis moribus, & virtute tua quàmplurimum fructum percipiant. In quorumq; animos vis potestatemq; habes. Deumq; opt. Max. rogo & oro, ut tibi id sacerdotium ita fortunet, ut cum illud diu recteq; administraris, tandem septus frequentissimis turbis eorum qui cura tua seruati erunt, meritum de hostibus triumphum ducens, cœleste capitolium victor possis ascendere. Vale. Quid hactenus confecerim de Nicolao Judeco, scripsi ad Theocrenum nostrum diligentissime.

F. Archiepiscopo Salernitano. Greg. S.

N ullas mihi hactenus abste redditas esse, magis moleste fero quàm admirer, quod item tibi accidere mihi persuasum est. Ea est enim miserabilium horū temporum conditio, ut non modo de grauioribus rebus scriptæ literæ, sed communes etiam & familiares istæ nostræ undecunq; excipiantur. Bis iam ad te literas dedi, quas ea potissimū de causa tibi reddi summo opere optabam, quod tantum de

amicitia

amicitia nostra vel potius mea erga te pietate considerem,
ut sperarem isto tuo tempore, illas quadam ex parte tibi so-
latio futuras esse. Enimvero cum illæ perierint, nullatenus
tamen mihi ab officio recedendum esse existimaui, magis quæ
fidem quorundam quam diligentiam nostram volui a te de-
siderari, præcipue cum certissimi hominis oblatam, nunc
mihi esse facultatem certissime opinarer. Nec tamen ope-
ram assumam, ut te fortissimum virum consoler, præfer-
tim cum ea te semper prudentia præditum cognouerim, ut
in quauis etiam grauissima calamitate, consolatione non in-
digeas, nec ea sit fortuna rerum tuarum, ut te magno pe-
re, vel angere, vel dolere suspicari debeam. Quid enim est,
quod te amisisse conqueri possis, nisi id amittere appellas,
multarum rerum earundemque molestissimarum solitudine
priuari, tandemque te ipsum tibi restitui? quod quidem nisi
hactenus es affectus, propediem tamen fore, ut assequaris,
ex his quæ ad me quotidie afferuntur, & ex perspecta mi-
hi modestia & magnitudine animi tui coniecturam facio.
Non enim ut opinor, memoria excidit quod sæpius mecum
conquerebare te ipsum tibi surripi, nec aliud magis deside-
rare, quam aliquam tibi occasionem præstari quo honeste
secedere possit, reliquumque ætatis in optimis & artibus et
studijs collocare. Quod et si nunc magis a te expressum quam
impetratum conqueri posse videris, equum tamen est, non
si quid mali in hoc negotio est, id ipsum nouis, & sollicitu-
dinibus & molestijs augere, sed ex hac ipsa, ut multi opi-
nantur calamitate, non ostensam modo, sed etiam oblatam
P felicitate

felicitatem toto animo complecti, quod cum certis coniecturis te facturum assequar, nequaquam mihi tantum arrogaturus sum, ut contra ac pollicitus fueram te, vel consolatione, vel consilio, vel adhortatione adiuuare velim. Tantum id addam, te, si quando eiusmodi vitæ genus institueres potueris, quale abste summopere desiderari ostendebas, tum demum facile iudicaturum ex hac rerum commutatione bonine an mali plus consecutus fueris. Ceterum ex compluribus qui istinc ad nos venerunt, te intellexisse cognoui, partem longe maximam librorum tuorum perisse, quod omnibus alijs calamitatibus anteponerem, nisi qui erant inter eos longe optimi apud nos salui essent. Nam Græci omnes manu scripti, impressiq; ferè omnes, & Latinorum aliquot miserrimam illam direptionem euaserunt, De sacerdotalibus vero indumentis, propediem ut scias faciam. Vale. Et si commodo tuo fieri potest, saepe nos literis inuisce.

F. Fregosius. Gregorio S.

*M*frabar profecto quidnam in causa esse posset, quod tuis literis tandiu careremus, nec fieri poterat, ut in hac nostra tam antiqua tanque confirmata amicitia totis tribus quatuorue mensibus, nullas omnino a te datas suspicaremur, hoc præsertim meo tam iniquo tempore, quo & acerrimis curis angitur, & infinitis opprimi malis ex tua prudentia facillime te conijcere arbitrabar. Sed rursus cum tot quottidie istinc recta ad nos profisciscantur, totq;
merca-

mercatores ad trimestres nundinas Lugdunum quotidie
commeent, ubi dum nos illic commorati sumus literæ tuæ
offendissent, si intra duorum mensium spacium data fuif-
sent, & post discesum nostrum quotidie literarum fascēs
illinc ad nos deferantur, factum est, ut dubitarem, an ali-
quid etiam iuris in optimorum hominum voluntate fortu-
na haberet. Quare mi Gregori habeo tibi gratias ingentes
qui me his tuis literis quas ad 15. Cal. Septemb. dederas,
hac præcipue cura liberaſti. Quibus & te alias prius de-
diſſe, & nostras ſummopere deſiderare ostendebas. Nimi-
rum utrunque mihi pergratum eſt. Sed cum unaſ, ut
primum Lugdunum veni, cuidam ex noſtris ciuibus,
qui fidelis nunciuſ haberi poterat, dediſſem, Verebar ne
ultra quàm officium noſtrum pateretur, ſæpiuſ aures tuas
obtunderem, ac ocium tuum interpellare. Sed poſteaquam
ſententiã tuam cognoui, ſecus atq; inſtitueram faciendũ
mihi eſſe arbitror. Ut ſcilicet primum te certioreſ faciam
de hiſ quæ te maxime ex me cognoscere velle exiſtimem.
Sed quid nam aliud quàm de me ipſo ad te nunc potiffimũ
ſcribam, quod tu libentiuſ audire, & ego faciliuſ narrare
poſſim? Quanuiſ hoc totum negocium minime eſſe delecta-
bile utriq; noſtrum exiſtimem: nunc ſcito me in ſum-
mo mœrore verſari. Quiſ enim tam feruſ ac ferreuſ, qui
non patriæ ſuæ direptionem ac prope excidium deploret,
quam ego ipſe quaſi inter vlnas meas conſodi, atq; truci-
dari ab immaniſſimiſ hoſtibuſ vidi? Non poſſum equidẽ
& fateor, in tam acerbo caſu non dolere. Quanuiſ duæ præ-

ter hanc cōmunem cladem insignes ac peculiare fortunæ iniuriæ me pepulerunt. Tot scilicet amicorū, tot clientum, tot familiarium exilium, atq; interitus. Deinde Octauiani fratris mei Viri innocentissimi captiuitas atq; durissimus carcer. Ista quia nunquam prauideram, quis enim tam lyncæus? modo me excruciant, atq; exanimant. Ita tamen, ut non omnino me his curis, atq; solitudinibus obrui sinam, quin & ad te, & ad eos amicos quos nihil molle de me, nihil demissum opinari volo non semper respiciā. Illa vero quæ ad me tantum pertinent ex patria eiectio, euersio imperij nostri, fortunarum dissipatio atq; rapina, nihil serè nos tangunt. Tantumq; abest, ut pro his dolere ac lamentari velim, ut etiam illis gratias habiturus sim non minimas, qui me, quanuis non amico animo, attamen una cum illis multis molestijs, multis laboribus, multisq; periculis liberauerunt. Atq; huc coniecerunt ubi collectis, atque compositis huius naufragij reliquijs, ad ea studia a quibus discedere minime oportebat, aliquando reuerti posse non diffido. In quam spem me maxime erexit incolumitas librorum meorum, non solum eorū qui apud te miseriam illam (ut ais) vastitatē euaserunt, verum & cæterorū, quos, & si in illam inciderunt, spero aliquādo ad nostras manus peruenturos. Quidam enim etiam nomine nobis ignotus qui eos potitus est, nescio quid hac de re mihi verbis suis renunciari iussit. Quod quidem ego omen accipio, tanquā signum future tranquillitatis studiorū meorum. Hæc de nobis modo ad te scribenda duxi, nam ea quæ

tu sane

tu sane nimis amice de me sentire videris, profectū nullum responsum desiderant. Vnū tamen conabor, si quando casus tulerit, ne te amicitiae nostrae, vel pudeat, vel pigeat. Praeterea, inter eos libros quos apud te reliquerā erat quaedam oratio a me scripta, quam olim te legisse arbitror, eam nisi in illa clade perijt, velim ut cumprimū poterit fieri, ad me mittas, nam animus est, aut meliorē reddere, aut omnino discerpere. De sacerdotalibus indumentis deq; sacris vasis si quid superfuerit aueo scire. Nam ea mihi summo opere cordi sunt, quibus ego ipse tātū in re diuina uti solebā, quae vero in aliorū vsus parata erant, facile autem est dignosci, vestrae Ecclesiae dono. Vale & crebrius deinceps a me literas expecta, dūmodo id tibi gratum fore significes. Sacerdotibus quoq; qui tecū degūt multā salutē verbis meis dicito, sed principi vestro quā maximam. Vale.

F. Fregosio Archiepiscopo. Gregorius S.

O Rationem illam quam difficillimis R. P. temporibus ad ciues tuos habuisti, legi quam diligentissime, de qua quidem, nihil omnino ad te scripturus fueram, nisi rescuiissem viros excellentes ingenio & eloquentia, de hac eadem re ad te literas dedisse, ut me non tam deterruerit illorum eloquentia, quā impulerit simile omnino, & ut opinor idem penē de eisdem rebus cum ipsis iudicium. Consueuerunt vero qui apud principes ipsorū, vel mores, vel eloquentiam laudant, facile eorum qui audiunt iniquum subire iudicium, cum non tam quia laudandi, quā quia
princi-

principes, omnia dicta esse videatur. Quod etsi in me vix accidere posse confido, quod id omnino a moribus & instituti mei ratione sit alienum, penèq; impium videri possit, pro ea, quæ mihi tecum est familiaritate, humanissimis moribus & facilitate tua conciliata, me de te ipso apud te mentiri velle, cum præcipue nec eo sis animo, ut quempiam tibi assentari velis, nec eo ingenio, ut qui id faciat te possit latere. Facit tamen orationis tuæ genus, ut ea mihi dicenda sint, quæ a compluribus, non ad fidem dicta, sed ad gratiam conficta esse videri possent, nisi eadem ipsa oratio sui lectione me penitus ab omni eiusmodi nota liberatura esset. Fateri nempe cogentur qui eam in manus sumpserint, non modo nimis a me laudatam, quia tua esset, sed parum etiã, & ut ita dicam, auarè, quia sit optima. Ut enim potissimè a genere ipso incipiam, quod cæteris & ingeniosius & subtilius est, & in quo præcipue maxima inuentionis difficultas versari solet. Quid apertius demonstrari potuit, quàm ea omnia pro quibus verba faciebas, omnino ut tu suadebas deliberanda esse? ordo vero atq; dispositio eiusmodi sunt, ut nihil artificiosius nihil sit magis coherens. Cum enim scires civium tuorum animos, & rei ipsius natura & superioribus solutionibus ita affectos, ut difficile eiusmodi orationem admitterent, ita tibi illos in dicendi initio conciliasti, ut ex re ipsa natum exordium, & maximo vulnere medicamentum afferret, & ad ea quæ sequebantur mirifice aperiret ingressum. Quæ vero in mediam orationem coniecisti: iccirco, ut opinor, quod difficilior tractari posse videban-

videbantur, de lege, scilicet & scripto, ita sunt a te subtiliter disputata, ut putem legislatorem ipsum, nec uerius, nec expressius quid senserit differere potuisse. Omitto hic vim illam & amplitudinem orationis, qua inimicorū impietas, & quæ ab ipsis nefarie crudeliterq; patrata sunt, & maximo spiritu et vehementi oratione ante oculos audientium a te sunt collocata, fulmina perorationis & oratoria illa ornamenta epiphonemata, epichremata, dilemmata, quibus omnibus, & alijs præterea, eius generis conicio illa refertissima est. Jam elegantia & facilitati coniuncta verborum proprietas eiusmodi sunt, ut cum nihil plane ingeniosius & subtilius, nihil etiam candidius, me legisse affirmare possim. Habes meum de oratione tua iudicium, de cuius laudibus ita demum patiar ab aliquibus detrahi, cum quippiam & elegantius & ingeniosius hac tēpestate editum cognouero. Quod quidē tum deniq; fieri posse credam, cū tu in eo genere quippiam rursus edideris. Vale.

F. Fregosio. Gregorius S.

Quemadmodum nihil mihi iucundius accidere potest, quàm ut tecum per literas sæpissime loquar, sic nihil audio molestius, quàm easdem literas quouis casu perire. Quod in illis, quas postremo ad te dedi euenisse, ex ea potissimum coniectura suspicor, quoniā desiderare ostendis te a nobis certiore fieri, an quippiam de libris tuis confecerim. Id vero in illis ipsis quas interceptas suspicor, memini me diligentissime scribere. Sforciam scilicet cuius
nomine

nomine asseruabantur, & a me & a quibusdam, qui principem locum apud ipsum obtinent, diu rogatum, tandem annuisse, ut nobis restituerentur. Veruntamen ex purpuratis eius is quo deprecatore usus fueram, literas ad eos apud quos asseruantur, oblitus est impetrare, quo factum est, ut nondum à me recuperari potuerint, quos tamen propediem ad nos migraturos esse non dubito, dedi namq; ea de re certo homini negotium. Nihil vero præter libros & sacerdotalem suppellectilem aliquid præterea stragule vestis & περιελατῶν ad nos delata fuisse, tam certum est quàm quod certissimum. Quæ omnia, præter libros, pessimo illo incendio conflagrarunt. Quod insuper amice, & humaniter de profectione mea requiris, nequaquam æquum esse arbitror te aduentum tuum ad deliberationem meam accommodare debere, contra autem gratissimum mihi erit, si quandocunq; tibi decretum fuerit ad Lerinam diuertere, me feceris paulo antea certiores, illuc enim acceptis literis tuis confestim aduolabo, eroque illic tandiu quoad tecum mihi esse licuerit. Id vero si quàmprimum statueris, nihil opinor Grassensi nostro optatius posse contingere. Cæterum nisi a te accersitus fuero, qui ut nosi nullis impedior negocijs quominus confestim tibi parere possim, nihil habeo certi quod scribam. Vix enim dici potest audita fama profectionis meæ quàm diligenter mecum egerint fere omnes omnium ordinum spectatissimi ciues, ne se patriamq; istam derelinquerent, quibus cum adiuncta fuerunt eorum quibus cum deo sacerdotum, non autoritas modo, sed etiam

sed etiam preces. Quo fit ut inter Genuam Grassensemque dubius animi pendeam. Ut tamen eius dubitationis eventus ille futurus sit, quem tu, cum certum quippiam de te statues esse volueris. Ceterum cum ad tua innumerabilia in me merita accessionem aliquam fieri posse non arbitrarer, repete tuo patrocinio in his controversiis, quae inter me & Theocrenum futurae fuerunt, maximus cumulus accessit. Quod enim in hac causa sponte mihi cesserit, benevolentiae tuae erga me acceptum refero. Ad ipsum vero Theocrenum literas de hac re dedi, non quidem eo consilio, ut defensionem tuam quippiam à me addi posse existimarem, sed quia id a me desiderare, ipse literis suis ostenderat. Vale.

F. Fregosius Archiepiscopus. Greg. S.

ET si nihil erat in nostris literis quod non vel in ipsa concione recitari posset, tamen quia haec erant, non solum mutuae inter nos benevolentiae indicia, verum etiam intimae familiaritatis testes, nolle prorsus eas alienis oculis subijci, nec in eorum manus incidere, quibus tantum ab re sua ocium est, etiam ut aliena perquirant. Idcirco dum cautior esse cupio, suo inscribendo tardior. Istud tamen quicquid est delicti mihi abste condonari fas est, homini praesertim cum ad scribendum rudi atque ignavo, tum multis negociis atque curis occupatissimo, quae quidem partim ab improbis hominibus, partim ab ipsis temporibus, ut sunt dura atque iniqua mihi procreantur. Sed eas spero brevi omnino confectas fore, aut si id minus continget, quicquid infectum supererit abijcimus,

Q. mus,

mus, ut illud ocium quod iam pridem optauimus, aliquādo consequamur, & literulis ac studioliis uestris insistamus. Quæ ut commodius atq; hilarius possemus perficere, Theocrenum nostrum iandudum accersiuimus, de quo tamē post VII. Calen. Septembris nē verbum quidem audiuius. Ceterū inter libros eos quos apud te reliqueram, erant commentarij à quodā Acciaio florentino editi, in eos Aristotelis libros qui de moribus disputant, quem sane librum superstitem ex illo urbis nostræ incendio euasisse peruelim, quia rarus est & ex illis antiquissimis impressionibus & meo quidem iudicio non inutilis neq; omnino barbarus, ut omnes ferè ex eo genere esse solent. Quid nam de eo factum sit cupio à te quàm primum fieri certior, non enim despero a directoribus potuisse contemni, ut erat incomptus & caræ atq; vetustate confectus, & penè corrosus. Dū hæc ad te scribebā, redditæ mihi sunt literæ tuæ V. Id. Nouembris datæ, quæ quàm grata mihi fuerint scribam ad te alias. Hoc unum interim te scire volui, paucissimos esse quos ego æque ac te amem atq; colam, plus profecto neminem. Has nostras nolui propterea retardari, quin ad te celeriter perferrētur, ne ea voluptate quam ex intimorum amicorum literis percipere soles, diutius careas. Vale, & emitte ut nos quàm plurimum diligas, nihil enim gratius nobis facere potes.

F. Fregosio. Gregorius S.

Quas ad VII. Calen. Decembris dederas, nos III. Id. eiusdem mensis accepimus, superuacuum autem futurum

futurum opinor si ad te scripsero eas mihi longe gratissimas
fuisse, cum in tam veteri tamq; constituta amicitia, noua
(ut ita dicam) verborum conciliatione nihil opus esse cen-
seam. Quod autem & amica & modesta scribis te apud
me excusatum esse debere, si non à te quàm sapissime literas
accepero, facis tu quidem humaniter & beneuole, ut cum
frequentiores à te literæ dentur, quàm ut nobis à tali tan-
toq; viro deberi existimem, non tamen in eo tibi satisfac-
cias: quod & si officij rationem præclare superat, longe ta-
men inferius ipso officio à te esse existimatur, quod illud nō
comuni hominum more, sed animi tui magnitudine metia-
ris. Gaudeo præterea Epistolam nostram incolumen ad te
peruenisse, erat enim in ea quod te scire peruellem, de libris
tuis potissimum, quos propediem apud me futuros esse nō du-
bito. De commentarijs vero Acciaiolini nihil omnino te soli-
citem esse oportet, cum enim talis liber sit, qualem tu optime
describis, nequaquam nobis verisimile sit, illum incolumi-
bus cæteris perijisse, qui & si maxime perisset, idem tamen
est apud me non eiusdem modo autoris, sed eisdem etiam lit-
terarum formis impressus. Præterea in eosdem Aristotelis
libros Enkratij cōmentarij & Sophronij paraphrasēs, græ-
ce cōscripti, qui si tibi vsui futuri sunt, confestim ad te ad-
uolabunt. Proximis diebus cum Octauianus princeps noster
Genuam perductus esset, deinceps Neapolim deducendus,
agrè quidem impetrato aditu, bis ad ipsum accessi, fuiq; cū
eo diutius. Mirum quanta animi constantia acerbissimum
hunc fortunæ ictum tolerare mihi visus fuerit. Perseuerat

adhuc pristina illa hilaritas in congressu, comitas in sermone, & (quod maxime mirum est) in vultu non tranquillitas modo, sed mira etiam serenitas. Qua vero ratione seipsum consoletur, hinc facile coniectura assequi potes, quod cum me paulo subtristiore, (nec enim mihi in ea parte imperare potueram,) cognouisset, prior ipse me consolari cupit, bone Deus, quam infracto, quam celfo, quam erecto animo, commemorare cepit clarissimos imperatores, qui immutata fortuna, eandem calamitatem subierant, quorum tantum abesset, ut se minorem in aduersa fortuna haberi vellet, ut longo etiam omnibus illis magnitudine animi & constantia superiorem se esse arbitraretur. Et ea potissimum de causa quod cum Christianus esset, constantissime confiteretur omnia Dei Opt. Max. disponi sapientia, & prouidentia administrari, sciretque nihil sibi praeter eiusdem diuinitatis decreta accidere potuisse, & ideo parum prudentis fore, nisi ea omnia equissimo animo tolerasset. Itaque qui consolandi gratia accesseram, non parum ab eo solatij reportavi. Quod quidem tibi omnino a me scribendum esse duxi, ut in longe minori calamitate, pare animi celsitudinem adhibere cures. Cetera quae mecum locutus est, maiora et grauiora mihi visa sunt, quam ut in certis et nuncijs et literis committi debere videatur. Vale.

F. Fregosio. Gregorius S.

Nihil erat quod magis optarem, quam ut aliquando ad Lerinam profiscerer, et si iustis alijs grauib; de causis, ea tamen potissimum ut quotidie certos de te nuncios,

cios, interdum etiam literas tuas accipere possem. Vix enim dici potest quam moleste feram, quod iam pluribus mēsis elapsis, cum à me nec literam quidem videris, ego quoque vicissim à te nihil literarum acceperim. Quod ab utroque nostrum eo consilio factū esse certo scio, quod superuacuum putaremus in eo negotio tempus absumere, quod euentu exituq; frustraretur. Persuasum enim mihi est, olim complures à te datas ad me non peruenisse, quod quidē iniquitate temporum accidisse nemo est qui mirari debeat. Ceterū rumor ipse ad nos attulit te propediem Massiliam esse venturum, quod cum exploratus cognouero, nihil erit quod me possit prohibere, quin ad te confestim aduolem. Et si coniectura assessor, inter maxima & difficillima negocia aduētum meū, si non molestia, tamen impedimento tibi fore, amor tamen modum temperationemq; non nouit. Hunc vero opportune accidit ut quidam ex nostris istuc proficiscatur, & is quidem non de facie tantum tibi cognitus, sed a quo cuiusq; gentilibus te ipsum familiamq; tuam non obseruari modo, sed penè dixerim coli, iandudum tibi est perspectissimū, is ad nos certiora omnia de te referet. Omnino mihi supraquā dici potest gratum erit, quod tamen commodo tuo fiat, si me feceris certiorē, ubi, & ad quā diē te videre possim. Ego tantisper Lerinæ ero, donec abs te literæ nobis reddita fuerint. Vale.

F. Fregosius. Gregorio S.

Scripsissem equidem ad te iam pridem historiam itineris mei posteaquam à te discessi, si quid iocūdi tibi eius narratio

ratio afferre potuisset, sed cum eo te animo erga me affectu existimem, ut quæ mihi permolesta ceciderint, ea tibi quoque non iocunda duceres, malui eius itineris successus alienis rumoribus quàm meis literis ad te deferri, præsertim cum ex ea molestia quam fama fortasse conceperas, nihil nostra littera detrabere possent. Quapropter & in hunc usque diem nihil ad te literarum dedi, & modo cum has dem, nihil de rebus superioribus loquar. De futuris autem unum habeo dicere, me nondum coniectura assequi potuisse, non solum quemnam finem hoc tediosissimum bellum sit habiturum, sed nec quem ego potissimum desiderare debeam. Cum ex utriusque victoria multum mali patriæ meæ, quæ mihi ut nosti, quanuis extorri carissima est, imminere putem, mihi autem ipsi nihil boni. Sed cum ego his molestissimis curis angar, hoc tamen te scire volo, quencunque exitum non solum meis, verum etiam uniuersis rebus fortuna statuerit, me fortiter ac placate laturum. Interim una tantum me spe consolari, ea scilicet quæ modo nutantia ac pendente cernimus aliquo breui casura, ubi propter defessas hominum vires aliquandiu iacere necesse sit. Sed de hoc viderint hi qui aliena semper fortuna reguntur, ego vero non dubito inter ipsa media bella pacem mihi breui pariturum. Cogor tamen hic apud Thaurinos, quo posteaquam Regem allocutus sum me recepi, tantisper immorari, donec verisimilem saltem aliquam excusationem nactus fuero, per quam mihi liceat ab huiusmodi castrensi tumultu quamlongissime abesse, nec omnino me spes deserit fore ut quod hiemis superest apud

apud vos, id est Niceæ transigam, unde ego te conuenire facillime potero. Quicquid vero ipse de me statuum, si certos nuncios offendero faciam te certiore. Cætera coram. Vale ac me ut facis dilige, utrisque istis qui apud te sunt omni laude dignis, meis verbis salutem dicit, ita tamen ut Iohanni Baptiste quam plurimum salutis impertias. Iterum vale.

Benedictus Theocrenus. Gregorio S.

Si Thulem non Lerinam incoleres, citius ad nos Gregori perferrentur litteræ tuæ, nam quas ad 111. Nonas Nouembris istinc dederas, idibus demum februarijs accepimus. Quod quidem effecit, ut æquius te prope coram audire visi fuerimus obiecta nostra, quæ solo tarditatis argumento innitebatur, acutissime purgantem, quanquam quid ego tuam in amolienda ingratitude suspitione solertiam commemorem, quam ut absolutissime præ te feras, non est ea tamen meo iuditio inter summas epistolæ tuæ laudes censenda, ubi virtutes aliæ longe antecellunt. Efferunt enim se imprimis atque ostentant in verbis delectus eximius, incredibilis cædor, admiranda vis et efficacia, in sententijs, suum atque adeo consentaneum pondus, iucunda varietas, decetissimus lepor, utrobique perspicuitas, quantum vix hodie præstari posse credideram. Quid singula persequor? omnia illic apta, distincta, et vim plane afferentia: non enim solum uniuersa mihi tela confutans eripui, quibus rursus peti posses, sed quæ in te vano impetu emiseram, sic retorques

ques ut vulnus faciant letalissimum, quod mox tamen
adhibito in tempore medicamento curabile ipse reddis. Di-
dicimus itaq; hoc periculo, Gregori, quam non tutum sit ta-
li viro negotium exhibere, & in forum eum adducere, qui
non alibi sit exercitior. Neque vero id ego solus intellexi,
qui libertatem meam tam infelicitate tentauerā, sed & prin-
cipes mei cum primum Epistolam tuam legissent, grauiter
testati sunt, nihil se id genus a iunioribus scriptum adhuc
scire, quod videatur aut elegantius aut pugnacius. Quo-
rum ego tantifacere soleo iudicium, ut alterum non requi-
sierim. Quicquid enim undiq; ab literatis viris ad nos
scribitur ad eos statim afferimus, & tanquam optimis iu-
dicibus legendum tradimus, vel ipsi recitamus, ij quanto-
pere iam te ament atq; admirentur, paucis dici non potest.
Quod tibi mehercle tam iocundum esse debet, quam tu es
illis admirabilis, quando hic est studiorum fructus praecla-
rissimus tantorum virorum gratiam, doctrinae opinione col-
ligere, taceo reliquos ciues nostros, qui vel testimonio meo
vel tuarum literarum elegantia ita de te uniuersi sentiunt,
ut doctorum omnium sine controuersia ordinem te ducere
existiment, principemq; Cortesium in ore habeant, quotie-
cunq; de hominibus eruditissimis infertur mentio. Quam-
obrem nemo fuit ex his, qui non omnino à musis sunt alieni,
qui non exemplum Epistolae tuae à nobis impensissime flagi-
tauerit, ut non sufficiant ei transcribendae amanuenses mei.
esq; tu tam hic notior quam in urbe Mutina, cui natales
tuos acceptos ferimus. Sed haec parcius, ne si temeritatem
te in-

te increpando incurrimus, videamur tam obliqua satisfactione velle peccatum redimere. Vale.

Benedictus Theocrenus. Gregorio S.

SViratus tibi aliquandiu fui, quod eum te erga nos quem oportebat non praeuisses, illo praesertim tempore, quod ut amicorum fidem maxime postulabat, ita quisque in alterum animo esset, planissime ostendebat. Nam toto quadriduo quod Genuæ in illis ruinis captiuus fui, nūquam me nisi accersitus adiunxisti, & cū semel prece nostra motus aliquid opis mihi ferre conatus esses, id quod non successisset, causam meam, cum omnia me extrema circumstarent, omnino deseruisti: satisfactum abs te amicitiae uno periculo ratus. Quod quidem nobis per incommode cecidit, fuit enim mihi suscipienda Turnensis profectio, in qua parum absuit, quin ter casus fuero ab Germanis militibus, et non ita, neque loco, neque tempore opportuna minacissime deposcentibus; qui agrè principis Sforciae, cui me Ghillinus diligentissimè commendauerat, tum authoritate, tum precibus adducti sunt, ut postenses iugulo meo centies impressos incolumen me inter principis comites Turnum peruenire sinerent. Ubi salus mea ab infandissimis praedonibus centum nummis aureis expressa est. Hinc mille difficultates in nos exorte, nam è Togata ad Federicum penetrandi, quod in primis optabam, omnis mihi in praesentia erepta est facultas, cum victori omnia suspecta essent, & ut semel uniuersa complectar, fuit mihi per innumerabilia pro-

R pemodum

permodum pericula, & noua subinde naufragia quinque ipsos menses in Italia immorandum, quaquam crebris & literis & nuncijs, ut ad se quamprimum irem, Federicus agebat. Ad quem dum bruma iam insequente propero, antea quidem non licuerat, in hostium manus incidi, illud salutem attulit, quod non sum agnitus. Quod si patrocinium nostrum semel susceptum fortiter prosecutus esses, minore omnino precio iam tum inde Genuæ ab Germanis dimissus nauigio in provinciam ad Grassensem tuto delatus essem. Non enim deerant, ut tibi coram tum diximus; qui me eousque optima se fide vecturos pollicerentur. Illic enim apud virum nostri amantissimum tantisper fuisset, dum aliquid certi a Federico afferretur. Multa præterea incommoda & quasdam etiam grauiores impensas effugissemus, si quæ potuit recenti malo medicina adhibita fuisset. Quæcum mecum omnia ipse animo voluerem, non poteram non videri mihi iniuste à te destitutus, aut potius frigide adiutus: quo argumento, te nobis in amore nunquam respondisse colligebam. Id vero quàm mihi causa tua, non solum mea molestum accideret, tute cogita. Sæpe fui tecum hoc nomine expostulaturus sed veritus sum semper nequid acerbius, dum perturbationi indulgeo, excideret, quod in me postea tanquam ex ἀντιπαρρηγορίας retorqueri posset. Ita omne eiusmodi vel officium vel studium in id tempus differendum duxi, quo Federicum coram alloqui liceret, utpote quem non auditorem modo feci arbitrum & disceptatorem huius controuersie inter nos ab initio usque decreuissem nuncupare

pare & habere. Verum ille cum primum querelas de te nostras audiit, personam mihi visus est patroni quàm iudicis malle, ea est erga te hominis pietas. Itaq; paucis tam plene tamq; accurate absentem purgavit ut dubitare cœperim, an exacte satis omnia accusando te expēdissem, sed mox intellexi, quod extra culpam videreris patrono magis quàm ipsi causæ tribuendum. Quamobrem si sapiēs, nonnihil tua interesse putabis aliquid super ijs ad nos rescribere, quæ de industria aliquanto grauiora proposuimus ut dignam ista eloquentia defensionem eliceremus. Ego quidem in te amando propterea nihil immutatus sum, satis nanque putavi in tali officij tui offensione non tacere. Vale.

Stephano Saulio. Gregorius S.

Go vero, mi Sauli, & prudentiam tuam summopere admiratus sum, & amorem erga me recognoui, non enim potuit sapientius ex dignitate mea consuli, quam à te fuerit consultum. Nec tamen id credas velim me aliquando eius fuisse opinionis, ut quippiam aliunde assequi cuperem quàm unde impetrandum esset. Qua de re, tibi fidem facient literæ quas propediẽ ad Longolium sum daturus: curabo enim ut prius ad te non obsignatæ deferantur. Nunc vero angustijs temporis interclusus, & ad te omnino pauca, & ad ipsum, nec unam quidem literam scribere potui. Quod vero ad numerum nostrarum epistolarum attinet, et si non mediocriter doleo si aliquando ex ipsis aliqua deperit, non tamen inter nos eo pacto rationes subducendas esse

R 2 opinor

opinor ut in neruo obstringi necesse sit eum qui aliquid debuerit. Quin etiam interdum vereri cogor, ne te hac frequentia literarum, presertim leuibus de rebus, tedio aliquo afficiam, nec tamen sinit amor in te meus, ut aliquem omit tam quem sciam Genuam profecturum cui ad te literas non dē. Mirifice vero accidit, ut tu nuper in epistola tua verba haec ascripseris. *Faceturam silentij sarciamus, qua in re me tibi mirificum comitem polliceor.* Verum de his haec tenus. Habebis in hoc fasciculo literas ad Isidorum monachum, eas tibi summo opere commendo. Et si ab ipso acceperis graecos Aristotelis libros de Naturali auscultatione, gratissimum mihi feceris, si curaueris genuam aliqua ratione perferendos unde ad nos facillime transmitti poterunt. Praeterea si indicem indicaturamque graecorum librorum qui haec tenus Venetijs impressi sunt, tam in philosophia quam in sacris et politioribus literis: tu qui prope es in conspectu eius urbis habere posses, maximo me leuabis desiderio, si epistola illi quam primum ad nos scripturus es annexere non grauaberis, quod tamen commodo tuo fieri volo. Vale.

Stephano Saulio. Gregorius S.

Miraberis utique mi Sauli, cum has Genuae datas cognoueris, quippe quante intelliges me huc applicuisse, quam suspicari potueris ex prouincia discessisse. Ita nempe repentina navigatio mea fuit, ut fere eodem die aut certe altero quam id decreueram, ex Lerina soluerim. Causa profectiois nostrae fuit parum prospera valetudo, qua nuper

per grauius laborare cepi distillationis assidue à capite in
 petus acerbissima molestia, quæ infirmitas non procul abes-
 se putatur a vitæ periculo, præsertim cū accedit studiorum
 labor, & vocis pene assidua contentio. Hic mihi præsto fue-
 runt humanissimi fratres tui, sed quid fratres tuos dicam?
 Uniuersa prope Sauliorum gens, me, perinde quasi te ipsum
 excepit, omnibusq; officijs declararunt quam putarent gra-
 tum tibi fore talem ipsorum erga me animum. Quo nomine
 & si illis tantum debeo, quantum vix animo capere pos-
 sum, id totum tamen tibi acceptum refero, in cuius gratiam
 hæc omnia fieri certissime scio. Mirum est, quum me cœ-
 lum hoc & aeris clementia non delectarint modo, sed prope
 modum illico restituerint valetudini, ut iam decreuerim
 menses aliquot Genuæ immorari, vel certe usq; ad ordi-
 nis nostri comitia, quæ ineunte æstate haberi consueuerunt.
 Veruntamen cum multa hic sint, quæ me voluptate afficere
 possint, longe tamē magis oblectarer, si consuetudine tua frui
 liceret, quæ, quoniam honestissimis de causis necesse est care-
 re, & crebrius literis nos inuisemus, nec enim ut opinor
 ulla deinceps erit suspicio quin fidelissime reddantur. Scri-
 psi ad te superioribus diebus, magnopere me desiderare in-
 dicem omnium librorum græcorum qui adhuc formis ex-
 cusi essent, hunc ipsum si opera tua affecutus fuero, ma-
 xime me desiderio liberaueris. Nec id sane difficile fu-
 turum opinor, illum enim spe mediocris lucri, cum liben-
 ter tum etiam diligentissime conficerent, ipsimet excuso-
 res. Vale.

Stephano

Stephano Saulio. Gregorius S.

Accepi a Longolio nostro epistolam, in qua si eloquentiam, si amorem, si benevolentiam spectes, nihil omnino est quod addi posse videatur. Veruntamen, quod inter nos dicere liceat, non nihil prudentiae in ea coactus sum desiderare. Mirum in modum enim laborat ut se mihi purget, quod id negotium non confecerit, de quo conficiendo, nunquam a me, nec unum quidem verbum acceperat. Quare, & si iandiu est quod illę ipsę literę mihi redditę fuerunt, putidumq; mihi penę videbatur nunc demum rescribere, tamen quod suspicari mihi visus est, animum meū aliquantisper in honestate peccare, nolui prętermittere, quin & si sero, aliquādo tamen huic vulneri non mederer, nec omnino mihi committendum fuit, ut in nostri instituti homine eiusmodi macula resideret. Quod ne antehac facerę, aduersā valetudine & tedio quodā, non literarum modo, sed penę dixerim viuendi, impeditus fui: Verebar enim ne molestissimo hoc morbo, omnia non studia tantum sed officia etiam nostra impedirentur, Epistola quam ad ipsum dedi, in literarum fratris tui fasciculum est coniecta, quam cum legeris, magnopere rogo ut quo magis libuerit signo obsignatam, reddere ne graueris. Ceterum siue Genuens cęli clementia, siue medicorum cura solerti, siue quod caput est, Dei tantum optimi benignitate, scito me pristinę valetudini restitutum, ut ne vestigium quidem super sit laboriosę illius agritudinis. Accessit fratrum tuorum
non

non humanitas modo sed incredibilis amor & pietas (ut ita dicam) erga me. Quibus secundum deum recuperatam valetudinem me semper acceptam relaturum, profiteor & praefero. Verum quoniam in literis tuis quas postremas accepi, datas V. Calen. Octobris, ascriptum erat, multa tibi in mentem venire, quare hasce studiorum meorum rationes minus probares, omnino gratum mihi erit, si de ea re aliquid ad me scripseris. Si enim modum te non probare dixisses, intellexissem utiq; moderatam rationē studiorum à me requiri. Sed quoniam hasce rationes improbas, nec adduci possum ut credam, te omnino a studijs me abstertere velle, video aliquid, quod, cum à te quid suspiceris intellexero, confestim scribam. Illud enim tibi persuadeas velim, nihil apud me antiquius esse quàm consilium adhortationemq; tuam, quae a summa cum prudentia tum etiam benevolentia proficisci intelligo. Vale.

Stephano Saulio. Gregorius S.

Cum aliquando Mutina Januam profecturus essem, à principe ordinis nostri Patauium accersitus, iccirco libentius & alacrius parui, quòd desyderatissima tua consuetudine (qua nihil mihi gratius aut utilius accidere potest) propediem me fruiturum sperabam. Veruntamen longe aliter ac desyderaueram cecidit: duplici enim molestia ex aduentu meo in hanc urbem affectus sum, & quòd te abesse repperi, et quod de morte viri optimi fratris tui acerbissimum nuncium accepi. Quare, quod mihi facere non licuit,

cuit, ut te præsentem alloquerer & tanto vulnere fidissimè, saltem apponerem medicamēta, idipsum per literas tentare decreui. Magis sane officij ratione habita, quàm quod aliqua ex parte necessariū arbitrarer. Tum quod te virum maxima prudentia & fortitudine, & qui alijs dare consilium consueueris, consolari, ineptum planè esse videbam, tum etiam quod ex longinquitate temporis, coniecturam faciebam, diem ipsam acerbo illi vulneri cicatricem obduxisse. Accidit vero ut mihi literas quas ad se postremo de eadem re dedisti, vir doctissimus & tui amantissimus Christophorus Longolius ostenderet, quibus intellexi non omnino ingratum tibi futurum, si nunc demum etiam de eodem negotio aliquid ad te scriberetur. Ego quidem Stephane, si me grauissime commotum pro tanti viri obitu negauero, tum demum te quoq; commoueri non debuisse contendam. Quod certe scio me nequaquam illis persuasurum esse, qui quantopere illi deberem, & quam sancte illius colerem amicitiam, tandiu perspectum habebant: vix enim fraterno amori mihi videbar in eo amando concedere. Verum cum eius castissimos mores, & sanctissime ad id ætatis ætatem vitam considero, quantaq; pietate Christianam religionem coluerit, ut semper fragilia hæc & ex fortuna nutu pendentia, præ cælestibus illis bonis duxerit posthabenda, si vera sunt (ut sunt profecto) quæ de animorum immortalitate & sempiterna gloria eorum, qui ex Christiana religione vixerunt a vera nobis philosophia sunt tradita, mihi quidem non modo verisimile sit: sed, ut ita dicam, certissimum,

certissimum, fratrē tuum diuina illa frui beatitudine, qua perfectiorem aut diuturniorem nec cogitari quidem a nobis posse nemo est qui ambigat. Eoq; magis illi gratulari debemus, quod non immatura morte, ut vulgo persuasum esse video, abreptus est: sed in ea potissimum etate mortem hanc nostram cum cœlesti illa vita commutauit, in qua omnibus id ipsum assequi, pars maxima beatitudinis existimari posse videatur. Ut enim omittam incommoda illa quæ secum affert atas iam ingrauescens, ut vitæ huius & frequentissimas & maximas calamitates. Nonne illud certissimum est, diuinum animum nostrum a Deo Opt. Max. sincerum, & ab omni labe immunem productum, tetrissimarum sordium & terrestri corpore & huius concretionis magis magisque in dies contagione inquinari? Quare est quod fratri tuo vehementer gratuler, & pro relicta hac laborum dolorumq; regione, & pro adeptâ illa cœlesti & veris gaudijs refertissima patria. Est etiam quod tibi, si ea animi firmitate qua mihi persuasum est, & quæ reliquis vitæ tuæ actis est consentanea, postremo qua certo debes, fortuna hunc acerbissimum ictum toleraueris. Illud magis in animis cogitationibusque nostris insidere debet, nos propediem eos qui bene beatq;, & velut quotidie morituri, vixerunt, si idem conabimur, assecuturos esse. Quod certe faciemus, si verè philosophiæ noctes diesq; intentam operam dederimus, quam nō aliam profecto esse quàm mortis assiduam cogitationem, satis ut opinor mihi tibiq; est persuasum. Vale.

S

Stephanus

Stephanus Saulius. Gregorio S.

Hodie, id est ad XV. Calen. Aprilis, accepi epistolam tuam, quam tu V. Non. Martij Florentia dederas. Cum qua & exemplum eius decreti mihi redditum est, de quo tibi proficiscenti mandaueram, & polliceris te summo studio, labore, ac diligentia curaturum omnia, quæ ad illam causam pertinere intelliges. Quid est mi Gregorij quod aut te horter ad ea quæ sponte tua facis, aut gratias agam, quod amicitia nostra, quæ ad summam benenolentiam iam pridem peruenit, non expectatur. Tantum velim Deus Opt. Max. det nobis facultatem, ut unà aliquando in ocio viuamus ac amore nostro perfruamur. Quando autem, quod te scire velle ostendis, & ubi id futurum sit, non facile est iudicare. Ea enim nunc nobis molienda atq; tractanda sunt, quorum exitus coniectura minime provideri potest, interim tuas literas semper maxime expectabimus, quibus vllas caue putes me gratiores legere. Vale.

Seuerus Monachus Cisterciens. Gregorio
Cortefio Monacho Casinati. S. P. D.

Cum mihi per grata, perq; iucunda semper extitit recordatio consuetudinis, quæ mihi tecum iam inde ab adolescentia intercessit, tum etiam nuper summa cum voluptate renouauit Bessarion, tui ordinis Monachus, quem cum primum apud Belgas vidi, diligenter percunctatus sum ubi nam gentium esses, quid de rerum gereres. Is mihi

mihi de te bona omnia narrauit, & singularē eruditionem
 ceterasq; uirtutes tuas prædicauit, quo nihil gratius inter
 tot calamitates & erumnas meas audire potui. Nec mihi
 omnino perditus uideor, cum intelligam te apud omnes gra-
 tia atq; auctoritate florentem, mei quoque memoriam reti-
 nere. Id quod ex literis tuis de me honorifice scriptis ani-
 maduerit. Eidem Bessarioni qui mihi uir modestissimus ui-
 sus est, omne meum studium atq; operam pollicitus sum in-
 tuenda uestri ordinis dignitate. Eum existimo id omne cu-
 ius gratia ad Cæsarem missus fuerat, summa fide ac diligen-
 tia transegisse. Attamen, si quid in ea causa reliquum est
 aut si quid de integro emerferit, in quo apud Cæsarem
 aut tibi aut ordini tuo alicui uisui esse possim, id me omni
 studio curaturum polliceor, atque adeo, præmefero: sunt mi-
 hi nunc præ manibus emendationes in M. Tulij Ciceronis
 orationes, quas si mihi diutius ab Italia abesse contigerit ad
 te mittere decreui, ut a Calchographis in officina Aldi gra-
 tia & fauore tuo excudantur. Eas cum tibi tum ceteris bo-
 narum artium studiosis, neq; inutilis, neq; iniucundas fore
 confido. Nec me, ut arbitror, post Bucinensem & Nauge-
 rum, in illud opus incubuisse penitebit. Vale.

Seu ero monacho. Gregorius S.

D Edissem omnino antea ad te literas, si mihi explora-
 tum fuisset diutius te apud Cæsarem commoraturū.
 Caue enim putes quippiam gratius aut iucundius mihi eo
 officio potuisse accidere, nisi forte ut te uiderem & alloque-

S 2 rer,

rer, contigisset. Nescio enim quo meo malo fato acciderit, quod ex quo religionem istam quam tu profiteris & ego professus sum, cum te semper, ut ita dicam, vestigijs fuerim infectatus, nunquam tamen assequi potuerim. Nec adeo antea multis diebus, ut te potissimum consiliario & ^{musarum} tantum opus aggrederer. Et quidem quantum memoria repetere possum, nemo te mihi est amicus antiquior, nemo magis coniunctus, nemo cui aequae omnes studiorum meorum qualescunq; fructus acceptos referre debeam. Non enim memoria nobis excidit, nec excidet profecto aliquando, cum tu iam tum princeps ordinis tui, atq; adeo maxima dignitate praeclitus, me adolescentulum & adhuc in literis balbutientem, tantum aberat ut sperneres, ut ultro etiam facilitate comitateq; tua ad continuum contubernium semper prouocaris. Cum noctes diesq; me quietem studiorum tuorum interpellantem, non modo non repellebas, sed ne vultu quidem subtristiore moleste id ferre unquam mihi visus fueris. Resonant adhuc in auribus meis sanctissima illa adhortationes & grauissima praecepta, quibus me assidue & ad bonarum literarum studia & ad Christianam pietatem hortabare. Cum ea ordinis grauitate qua tunc eras, etiam circa incunabula mea cum latinarum tum graecarum literarum, mecum, ut ita dicam, repuerascere non grauareris, ut ad ea ad quae verbis me hortabare, te ipsum ducem, & praenium nobis exhiberes. Quare nihil mihi gratius facere potuit Bessarion noster, quam ut & tibi literas ad se meas ostenderet, & vicissim impetrata abs te ad me

me epistola, consuetudinis nostrae recordatione renouaret.
Quod vero & de eruditione & gratia, ut ais, nostra
apud omnes tantopere nobis gratularis, facis tu quidem hu-
maniter & amice: neque enim mirum est illa omnia, si ita
essent maxima sibi iucunditati futura fuisse, & quod eru-
ditionem tibi potissimum acceptam relaturus fuerim, & si
quid fauore aut gratia, possem id totum me tibi posse profi-
terer: Veruntamen alterum, in quo me fateor non medio-
crem curam adhibuisse, ut scilicet non essem omnino ineru-
ditissimus, ita mediocriter consequutus sum, ut magis ob-
curam diligentiamque in ea re quam ob fructum ipsum labo-
rum mihi gratulari debeas. Alterum vero ita mediocre
est, ut longo tamen interuallo superet in ea re desiderium
meum. Et si enim non minimam laudis partem esse, maiori-
bus visum est principibus viris placuisse, in eoque complu-
res fructum studiorum suorum collocarunt, fateor tamen
non accersitam, sed ultro exhibitam principum virorum
nobis amicitiam prouenisse. Ex literis praeterea Bessarionis
intellexi ipsum opera, consilio, autoritate, gratia tua sic
usum fuisse, ut quod ea ex sententia confecerit, quorum gra-
tia a nobis ad Caesarem missus fuerat, tibi praecipue ingen-
tes gratias agat, quas & ego, non meo tantum, sed uniuersi
ordinis nostri nomine immortales ago, egregie relaturus, cum
tibi animos nostros libuerit experiri. Sic enim tibi persua-
deas volo, nos omnes quoad nostrum fieri poterit praeclare
tibi & voluntate & actionibus esse responsuros. Ceterum
non mediocre in nobis desiderium excitasti emendationum
tuarum

tuarum in M. Tullij orationes legendi. Quod opus, coniectura ex ceteris operibus tuis facta, conicio esse absolutissimum: Ut non modo te nunquam pœnitere possit in eo opere post eos quos nominas elaborasse, sed magis futurum opiner, ut eos vehementer pœniteat quod te in eo labore precesserint. Quorum quidem Naugerum plurimum etiam eo nomine tibi debitum polliceor, idq; præ se laturum. Sunt enim nobis perspectissimi viri illius & integerrimi mores, & cādor supra quā dici potest ingenuus: est enim nobis in primis & amicitia & familiaritate coniunctus. Quare si te diutius apud Belgas immorari cōtigerit, ipsius potissimum opera utemini in excudendis his quæ nobis à te fuerint transmissa. Id autem te latere nolo paucis antea mensibus, Aldum ipsum immatura, & sibi & rei literariæ morte, ereptum, tristissimum nobis sui desiderium reliquisse. Vale.

Abbati cuidam. Gregorius S.

Quod tibi summopere cordi esse intellexi, dedi operam ut in nouo ædificio, omnia ex sententia tua constituerentur. Pri mumq; cœnationem illam quidem amplam & luminosam, (erat enim longa cubitis sexaginta, altitudo latitudini propemodum æqualis triginta cubitorum, eo artificio testudinata quod antiquis incognitum architecti nunc Lunulas vocant, fenestræ quaternæ trinū senumq; cubitorum.) Tamen quia tibi placere audieram, in alteram ædificij partem, membrum illud promouī, ubi hinc orientem

tem hibernum solem, inde vero æstiuum habeat occiden-
tem. Omnino commodior erit ad ipsam accessus <sup>ἐκ τοῦ κοίτη-
τηρίου</sup> haud paulo quàm prius fuerat, fenestras paululum re-
strictiores humilioresq; quam antea fieri iussi, in parua
enim longitudine sexdecim cubitos ipsarum apertiones oc-
cupassent, quod cum deforme, tum etiã vehementer in-
commodum futurum esse videbatur. Ante ipsam cœnatio-
nem, atrium est quadratum, cubitorum triginta, æquum
videlicet cœnationis latitudini, in cuius meditullio marmo-
reus fons est cui subest concha permagna, Lunensis marmo-
ris, duodecim palmis a labio ad labium expansa. Superius
vas sphericum ex Ophite, in quod per tubulos subuecta
aqua, octo demum siphunculis effunditur, sic fusis ex auri
calcho ut dracones videantur, in sublime aquam eiacularan-
tes. In sublimiori sphaeræ parte parua basis est, et in ea Mo-
yses virga percutiens scilicet. In ipsius conchæ fundo, delphi
nos, cetos & eius generis pisces complures eminenti sculptu-
ra fieri iussi, ut cum aqua repletum vas fuerit, nihil iucun-
dus intueri tibi posse videaris. Ex atrio aditus est in peri-
stylium, seu mauis compluuiatum cauædium appellare, in
quo mira sollicitudine artifices laborant, vellent enim
opus sanum rectumq; per comitiorum dies præstare. Erat
porro inter me & Pannutium non mediocris disceptatio,
quod ille non murulos inter columnas, sed stamillos fieri
oportere diceret, & sub unaquaq; columna stylobatã, pu-
tabat enim opus eo pacto longe delectabilius futurum. Mi-
hi ea potissimum ratione non probabatur, quod scirem mu-
rulos

rulos adinuentos fuisse, ne ex stillicidijs defluens aqua, porticus peristylj aspergine madefaceret, nunc si derelinquatur inter stamillos apertio, id incommodum nos vituros non esse facile, omnes intelligere puto. Columnas præterea striatas, cum adeo parvæ sint, & præterea duplices mihi fieri non placebat. Tu quid tibi videatur rescribes. Raphaclem pictorem atate nostra, ut nosli, veteribus illis excellentissimis comparandum, conueniendum curavi, ut cœnationis interiorem frontem pingeret, is ita respondit ut grauate admodum Romam se relicturum esse ostenderet: nec si id faceret, maxima sine mercede esse facturum: ut mihi videatur mille illi aureorum numum ludibrio futurum esse. Quare alterum repperi, qui idē opus trecentis aureis numis absoluet, & si non Apelles, forte tamen Parrhasius futurus. Pavimenta inuicem prius confricatis lateribus, sic polita & coniuncta sunt, ut cum nusquam calcem habeant, nihil tamen diuturnius ut opinor, excogitari possit: summæ præterea pulchritudinis quod operis reticulati speciem præ se ferrant. Bases omnes & capitula dorico opere, nihil pene antiquitati cessura sunt. *Ἡν κοικιτηρίαν* nihil ex priori modulo immutatum est, præter ualuarum compagamenta & epistolia, quæ omnino non apponentur, negant enim id ex simplicitate ordinis nostri esse. In bibliotheca quo ad nostrum fieri poterit elaborabimus, ut ea liberri-
mo cælo & plurimum luminis habeat, & ad saluberrimā regionem prospectus sit, uti ne & libri facile timeas procreent, & situ putrescant cōpagines. Longa erit cubitis cen-
tum,

tum, lata autem triginta. triplici formis testudinata, quorum medius aliquantulum excelsior erit, ea proportionē ad ceteros, quam habet in homine ad humeros caput. Columnis hinc inde nouem medius ipse fornix sustinebitur, ut scilicet intercolumniorum spacium sit cubitorum decem. Epistylum super capitula per totius bibliothecae longitudinē pertinebit sub basibus stylobatæ erunt. sic enim & ad speciem decentius & cōmodius ad vsum futurum esse iudicatum est. Plutei interius exteriusq; libris farciri poterūt, a columnis ad parietis protensi, ut tamen ambulationem duorum cubitorum derelinquant. Sub medio fornice, pavementum expeditum relinquitur, ambulationis gratia. Tu operam dabis ut catenulae ex auricalcho fiant, non minus quatuor milibus. Ad pluteas præterea tabulas ex Laricis quamplurimas si coemeris, eas nos misso ad te nauigio aduerso flumine subuehi curabimus. De Globis in quibus & terrarū orbis, & astrorum situs describendus est, aliàs dabimus operam, ut quid nobis videatur intelligas. Vale.

Iacobo Ferro Philosopho. Gregorius S.

Nondum satis cōstitui molestius ne mihi acciderit quod à nobis discesseris, ut suauī illo tuo congressu mihi in posterum frui non liceat, an iucundius, quod tua hinc profectio honoris dignitatisq; tantum tibi attulit incrementum, ut & amicis utilitati & patriæ tuæ sempiterno ornamento sis futurus. Damnum certe quod ex absentia tua maximum facturi sumus, mirifica hæc voluptatis accessio com-

T pensabit

pensabit. Caue enim putes mihi aliud gratius aut iucundius
nunciari potuisse, quàm quod vnus electus es, qui regis
omnium maximi atq; potentissimi salutis curam habeas, in
qua potissimum conseruanda maxima pulcherrimaq; orbis
partis salutem contineri neminem esse puto, qui audeat dene-
gare. Quare fieri nequit vt tibi non sum mopere gratuler,
quod ab hoc potissimum electus es, cui ob incredibilem sapien-
tiam nihil probari potest, quod non idem sit in suo genere
omnium probatissimum. Quod & si meam de te expecta-
tionem non superat, cuius virtuti hac omnia aut certe lon-
ge maiora ornamenta iam pridem deberi intelligo, gaudeo ta-
men mirum in modum, cum & praeclarorum virorum ratio-
nem haberi, & hac honestissimi laboris compensatione plu-
rimos, vt eandem virtutis viam ingredi velint, exemplo
tuo excitandos esse non ambigam. Enimvero ne omnino
absens tibi gratuler, mirifice accidit, vt ob quaedam nego-
cia & animum nostrum distrahentia, & quae dignitatem
ordinis nostri concernunt, mitterem ad te Ioannem Bapti-
stam familiae nostrae monachum, quo cum tanta mihi con-
iunctio est, vt per illum me tecum collocuturum mihi esse
videar. Et quoniam ex Platonis sententia amicis perinde
atq; nobis ipsis nos natos esse iam pridem tibi scio esse per-
suasum, reliquum est, vt id tibi persuadeas eiusmodi bene-
faciendi facultatem, à Deo Opt. Max. illis potissimum con-
cedi solere, qui quadam animi celsitudine praediti, ita de-
mum ea se recte frui opinentur, si quamplurimis benefece-
rint. Qua in re supremam illam diuinitatis bonitatem po-
tissimum

tissimum imitantur, cuius ea propria vis atq; natura est, ut per omnia benefaciendo pertineat. Quare etsi in cœnobij nostri negocijs penè superuacua esse opinor, accessionem commendationis nostræ, quod te omni officio sponte tua expectationem nostram etiam superaturum non dubitem, fecerunt tamen & negocij magnitudo & incredibilis meus amor in eum, qui ad te venit, ut illa ipsa tibi commendare non verear. Vehementissime igitur abs te peto ut opera, consilio, autoritate, gratia tua sic Joannem Baptistam adiuues, ut non tibi tantum: sed nobis etiam accessionem hanc dignitatis, quæ tibi contigit, factam esse intelligamus. Mihi certe persuadeo me tibi breui per literas gratias relaturum, quod omnia quorum gratia istuc profectus est ex animi nostri sententia confecerit. Vale.

Guliermo Langiæo Regis Franciæ à secretis.
Gregorius S.

Cum iam reuersionem tuam ex Africa expectaremus, teq; de rebus illis & eloquenter & copiose narratam sperarem nos prope diem audituros esse, repete nobis renunciatum est, te adhuc Ticini apud regem commorari. Id vero, etsi etiam quod ad cætera attinet, honestis grauib; de causis accidisse non dubito, ea tamen potissimum ratione supra quam dici potest, nobis iucundum extitit, quod cum nunc demum statuerim certum hominem ad regem mittere pro liberalibus studijs in hoc cœnobio constituendis, video te non modo mirificum adiutorem, sed ut græcorum

T 2 prouerbium

prouerbum est *πρὸ πάντων καὶ πρὸ πάντων* nobis in hoc negocio diuini-
 tus praeſtitum eſſe. Non enim memoria exciderunt amicif-
 ſimae illae pollicitationes, quas te cumulatiffimis officijs pre-
 clare ſuperaturū eſſe non dubito. Perſuadere hoc nempe mi-
 hi humaniffimi illi mores tui, & cum incredibili eruditio-
 ne coniunctus amor amplificandi honeſtiſſima ſtudia. Qua
 in re, & ſi fieri poteſt ut quāplurimas opportunitates
 tibi ſe in poſterum offerant, tantum tamen & huic inſulae
 & inceptis ac deſiderio noſtro a me tribuitur, ut nullam
 putem accidere poſſe, quae longo interuallo huic, quae prope-
 modum in manibus eſt, comparari poſſit: iuſſus eſt igitur
 is qui pro hac re conſtituēda iſtuc proficiſcitur, te primum
 adire, te duce, te conſiliario, te patrono, ſic uti, ut in omni-
 bus ſententiam voluntatemq; tuam ſequatur. Et ſi enim
 locupletiffimis teſtimonijs iam pridem nobis perſpectum eſt,
 quantum ob virtutes tuas apud regem gratia & authorita-
 te valeas, honeſtas tamen huius negocij, quod ut mihi per-
 ſuaſum eſt, maximo ornamento vniuerſae Galliae in poſte-
 rum eſt futurum, ſcit ut omnia tibi & facilia & procli-
 uiora futura non dubitem. Ita enim omnes de maximo hoc
 ſapientiffimoq; rege praedicant, ut ad ceteras animi praecla-
 ras dotes hanc praecipuam dicant accedere, ut nihil aeque
 deſideret, quā ut bonarum literarum ſtudia, quae penē
 funditus euerſa iacent, eius potiffimum fauore excitentur.
 Peto igitur abs te maximis praecibus, atq; adeo vehemen-
 ter, ut magis ex animo petere non poſſim, uti totum iſtud
 negocium & ſuſcipias & conficias. Si enim regis beneficio
 mihi

mibi contigerit, ut in hac insula quiete & tranquillitate animi frui possim, in id potissimum omnia studia meaq; cogitata directurū me esse tibi recipio, ut regis ipsius præclara admirandaq; gesta, per nos sempiternæ memoriæ cōmendentur. Nec velim ut arroganter tibi id nos recepisse existimes, si enim incredibilis amor meus ad tam præclaram, tamq; memorabilem materiam accesserit, iam præuideo animo in eo opere me & vires & facultatem meam longo intervallo superaturum esse. Vale.

Dionysio monacho. Gregorio S.

Contigit hoc anno ut dicit ille, quem nos græco vocabulo περασίδω appellamus, & qui anniuersario ritu Christi dei & regis nostri obitus recordationem singulis annis renouare consuevit, idem esset qui & cælestis nunciij ad Deiparam virginem missi, memoria celebratur. Maxima admirandaq; sunt quæ in hoc ipso die contigisse communi hominum opinione persuasum est, eo nempe, orbem conditum, creatum, eiectumq; Adam, Abel a fratre interfectum, Baptistam ab Herode ἀποκεφαλίσθαι primum his qui ob Veritatis testificationem deinceps periere, exemplum hac ipsa die præstitisse, quæ omnia & si magis peruulgata hominum opinione ad nos peruenerunt, quàm quod a maioribus nostris scriptis memoriæue sint commendata, multa tamen occurrunt quare facile cuius persuaderi possit, vulgare hanc famam non longe a veri similitudine abesse: sed quoniam alterius omnino locus est ab his quæ nunc ad te scribere de creuimus.

creuimus, eius rei peruestigationem in magis opportunum,
 magisq; idoneum tempus reijciemus. Cum igitur hac ipsa
 die multum temporis in secreto absumentis diu cum animo
 meo versasse in enarrabile illam amoris vim, quæ Deum
 Opt. Max. non hominem fieri tantum sed mori etiam, &
 eo præcipue mortis genere coegisset, quo nullum ea tempesta-
 te magis contumeliosum & infame putabatur, sic eram af-
 fectus. ut in meditatione mea nõ ignis modo exardesceret,
 sed oculi etiam uim lachrymarum profunderet. Cumq; diu-
 tius in suauigratissimoq; hoc mærore versatus fuisset, cõ-
 uerti deinceps animum ad Virginem matrem illam, cuius
 innocentissimi mores, illibata integritas, humilitas excelsis-
 sima, ipsum Dei filium ad se traxerunt, statimq; Velut,
 ἐν θουσι ἀκούσας astro percitus hoc carmen effudi, quo tantum
 abest ut admirandum illud diuinitatis domiciliũ satis hoc
 hymno laudatum putem, ut omnino ab eius laude cessatu-
 rus fuerim, ni certo scirem admirandæ bonitati hoc etiam
 accedere, ut quæ a mortalibus dantur munera non propria
 celsitudine, sed eorum qui illa offerunt modulo metiatur.
 Alioqui si nihil illi placiturum est, nisi quod eius magnitu-
 dine dignum esse uideatur, possunt iam cælestes spiritus
 ab eius laude cessare, quos longe magis ei meritis concedere
 non dubito, quã nos ipsis hoc in genere concedamus. Vale.

Suaue dicite Virgines

Carmen, & vario caput

Flore cingite, totus hic

Transseat celebris dies

Et pia prece letus.

Splendidum uidetur ut micat

Lumen

Lumen, aduenit aduenit Et pudicitiae latus
 Virgo quæ peperit Deum, Seruat optima custos.
 Sola quæ meruit parens Cernis ut iubar induat
 Virgoq; & nurus esse. Solis, ut pedibus premat
 Qualis in Libano cedrus, Lunâ, & ut caput ambiat
 Et velut platanus virens Sydera, ut dominam genus
 Explicat patulas comas, Laudet omne animatum?
 Quæq; creuit in arduis Ergo vos agite obuias
 Collibus cyparissus. Virgini date virgines,
 Et velut crocea nitet. Splendeat rutilo chorus
 Veste quæ fugat emicans Igne, thura manu pia
 Diua Luciferû, aut nigra, Lucidis date flammis.
 Farta mercibus India Ne tamen maculas pudor
 Sultat æquora nauis. Vspiam male traxerit
 Talis hæc graditur, rosis Sordidas, caueat rogo
 Vineta purpureis caput, Si qua virgineo cupit
 Quæ throno sedet aureo Ire proxima curru.
 Inter candida Lilia Sentit illico virginis
 Et rubros amaranthos. Virgo sentit anhelitum
 Hinc & hinc resonant chori, Ut sagax leporem canis.
 Spirat undiq; cinnamum Virgo quæ fuerit placet
 Aura, leniter instrepens Digna virgine socru.
 Summam per iuga montium. Nam quot inueniet statim
 Ridet undiq; terra. Tot nurus faciet sibi,
 Ipsa per medios venit Vnicum genuit quidem
 Axe quadrijugo sedens Sed potest tamē hoc, Deus
 Cana quam sequitur fides. Natus unicus ille est.

Heliseo

Heliseo monacho. Gregorius S.

ITa ne omnino alienam putas esse Lerinam meam a Musis, ut, quod Flaccus ait, iratis Dijs atq; poëtis nata sit. Ego vero si usquam est, non Helicon aut Castalia, sed terrestris ille παράδεισος hic potissimum esse, ut mihi verissimilime persuaferim. Ut tibi etiam suadere non vereor, hanc insulam Pindarum somniasse, cum beatorum sedem describeret, ἐνθα μακάρων νᾶσον ὠκεανίδες αὖροι περίπνεουσιν, ἀντίμα δὲ χυσοῦ φλέγει, τὰ μὲν χερσὶ δέν ἀπ' ἀγλαῶν δένδρεων ὕδωρ δὲ ἀλλὰ φέρεται ὄρμωσιν τῶν χέρας ἀνυπλέκοντι καὶ σεφάνοις. Viros enim omni genere doctri-
 nae excellentis & non modo, ut ais, non ἀμούσους sed cū omni prorsus antiquitate illa comparādos hāc solitudinem nutritū, ex his quae scripta reliquerunt manifestius est, quā ut hac epistola à me declarari debeat: nec defuisse praeterea musarum iucunditatem atq; facetias praeclare testificantur Hilarij carmina, quibus ob elegātiā, candorē, & gravitatem, caue ut quippiam putes esse in eo genere absolutius. Ne tamē vel me ipsum amore loci deceptum hęc ad te scribere putes, vel aliter quā scribā sentientem te detipere voluisse, ut ea ratione huc ad nos te attraherem. Scias velim me ut nosti, a musis penitus alienum, musas hic reperisse, cūq; hoc ob loci amēnitatē accidisse putarē, scireq; munus hoc illi me deberi acceptū referre, statui primū poēma in eius laudibus ludere. Quod genus exercitationis tum deniq; in posterum non intermittam, si iudicio tuo preferere προγύμνασμα non omnino fuerit improbatum. Vale.

Parua

Parua sed felix meritis Lerina

Qua stygis victo toties tyranno,

Rite quingenti roseo sacrarunt

Sanguine testes.

Quæ tot ardentis pietate diuos,

Totq; inexhausti monachos rigoris

Protulit, quot non radiant sereno

Sydera cælo.

Hæc Honoratum gremio recepit

Orbis inuisos fugientem honores,

Hæc patrem demum populis, ducemq;

Reddidit orbi.

Struxit hic lectas acies Amandus

Quis diu pugnans, numerosa fudit

Agmina insignem referens fugato

Dite triumphum.

Maximum post hos superantem idipsum

Nomen, an blandum eloquium disertum

Cæsari dicam, an rigidum Conona

Polemiumæ.

Singulis obstat numerus, sed inter

Cæteros splendet duplicata Laurus

Hilari, hunc dulce eloquium et renidens

Musa coronat.

O Satis nunquam celebrata tellus

Dulce solamen requiesq; cordis,

Cœlitum sedes, procul à prophani

Turbine vulgi.

V

Tu

*Tu procellosos aquilonis ictus
Spernis, & saui fremitum tridentis,
Atq; in obstantes scopulos furentem.*

Nerea frenas.

*Ante sublimi minitaris, alto
Iminens ponto Jouis ut satelles
Rupe de celsa timidis miratur
Ungue columbis.*

*Inter undarum vitreos recessus
Ludit, exultin pecus omne Prothei
Et micat, stringens agili rotatu
Littora Delphin.*

*Fertilis Citri tibi bruma ridet,
Lata lauretis paphiaq; myrto
Et tepet grato redolens December
Germine florum.*

*Vere gemmatus nemus omne crines
Explicat, spirans arabum liquores,
Et vagam Chlorim sequitur referto
Copia cornu.*

*Mulcet aëstatem placidus Fauoni
Spiritus, mulcent agitata sensim
Aequora, exceptat nemus undecunq;
Frigus opacum.*

*Quid, quod insanos animi tumultus
Ipsa ridentis facies serenat
Aeris, nudas fugiuntq; cautes
Liuor & ira.*

Ergo

Ergo curarum stimuli valete,

Qui diu tortos laniante flagro

Cæditis, gnari cupidos latenti

Flectere pœna.

Hieronimo Monferratenſi Abbati. Gre. S.

Cum me poſteaquam in hanc inſulam venimus, ſæpius hortatus eſſes, ut aliquid de diui Honorati moribus & vita ſcriberem, eo genere carminis quo nos plurimum in τῇ συνάξει utimur, id ego diutius facere renui. Non quod nescirem & ritu & legibus noſtris non poſſe quippiam à me tibi denegari, & amoris præterea tuo tātum à me tribui debere, quantum nec recipere modèſtiæ, nec præſtare facultatis noſtræ videri poſſet. Fecit tamen rei magnitudo, coniuncta diuturna deſuetudine noſtra ad id genus ſcribendi, ut diutius ad eam rem animum non adiecerim. Sciebā præterea, quantæ eloquentiæ laudatores Honorato contigiffent, poſt quos verba me facere velle, omnes homines non mediocri impudentiæ assignaturos exiſtimabam. Accedebant viri præclariffimi admirabilia geſta, quæ cum mihi æque admirabilem ſcriptorem poſtulare viderentur, omnes etiam illos eruditiffimos qui illi contigerant inferiorees eius meritis eſſe non dubitabam. Cumq; inter hæc dubius animi multo tempore pependiſſem, aduenit tandem dies, quæ diem honorati memoriæ dedicatam præcedit, ea vero eſt XVIII. Cal. Februarij, quo ſcilicet anni tempore acrius hiems ſæuire conſuevit, nec tum quidē

V 2 iuris

iuris sui oblita, adeo horribili tempestate cælum mareq;
agitare capit, ut prospectus tantum ex terra nobis esset for-
midabilis, sequere venti, himbres ruere, fluctus ad cælum
usq; sustolli, sequi deniq; omnia terribiliora, ut poetica Sa-
tyrici tempestas nobis esse videretur. Dolebamus omnes
vehementer, quod mirifica illa letitia nos carituros esse opi-
naremur, quam ex frequentia eorū qui vota soluturi adu-
riq; gratias ad insulam eo potissimum die veniunt, percipe-
re consueueramus. Nox superuenit, magis magisq; intume-
scit mara, sauiunt venti, vis himbrium conduplicatur. In
noctis medio de more ex stratis surgimus, nocturnas Deo
laudes, ipsiq; Honorato cātaturi. Hic vero bone Deus, quis
fragor tonitruum, quis fulgurum impetus aures oculosq;
feriebant. Cū vero iā ut illucesceret aurora expectaretur,
maiores se tenebrae intendere cœperunt, ut iam nulla su-
peresset spes diē illum solita cum letitia celebrandi. Et ecce
tibi in ipso solis ortu vehementissimo choro expulsæ nubes,
tantam serenitatem reliquerunt, ut secutus paulo post
Zephyrus, in media hyeme ver nobis aduexisse videretur,
deinde tranquillitas atq; adeo malacia, uti ne sentirentur
quidem fluctus cum litoribus ludere. Tum vero innume-
ra turba cymbarum undiq; cōuenire cœpit, latissimo quo-
dam celeumate insperatam contestans letitiam. Porro qui
mutam mēstamq; diem illam nos celebraturos esse opinati
fueramus, eiusmodi primum miraculo, deinde populi fre-
quentia excitati, tanta cum animi nostri letitia rite sacris
operam dedimus, ut nullus omnino hominum fuerit, qui
præter

præter pompam & reliquum apparatus, eiusmodi celebri-
tatem in ea insula se aliquando vidisse contestaretur. Tunc
ego quoq; veluti diuino quodam instinctu afflatus, mihi
ipsi imperare nequii, quin confestim in hymnos carminaq;
prorumperem. Itaq; hac potissimum ratione quod ipsemet à
me dudum impetrare nequuerā, id ab inuito expressit Ho-
noratus. Et si ita me inuitum confiteor, quicquid id est ope-
ris perfecisse, ut tamen in posterum nec pigere, nec pœnite-
re me possit. Quod in præsentia ad te mitto, ut si quid in eo
à me peccatum est, quod quidem accidisse non dubito, id
omne tuo iudicio emendetur. Vale.

Vnde resplendet in bar hoc corusca

Luce? cur mollis zephyrus repente

Dispulit sauas hyemis procellas

Flamine leni?

Nempe quod festi rediere soles

Queis Honoratus niueis quadrigis

Insidens, cælum merita decorus

Fronde petiuit.

Quid prius dicam, faciles ne mores

An decus formæ, generis vetusti

Stemmata, an circum redimita castis

Tempora vittis?

Vendicat primum sibi iure carmen

Indoles celsæ generosæ mentis,

Quippe, non assis faciens caduci

Culmina regni. Spreuerat

*Spreuerat virgas, trabeam, curules,
Et leues plausus popularis auræ,
Atque confertos opibus penates
Te duce Jesu.*

*Cui puer casti niueum dicarat
Corporis florem, tener æq; fructus
Asentis, aucturus stabilem beato
Fœnore censum.*

*Quem nec annosi lachrymis parentes,
Nec propinquorum vetuere fletus,
Quin crucem nudus tulerit, latenti
Concitus æstro.*

*Credidit semet pelago, requirens
Dulcius quiddā patria & propinquis,
Donec audaci tetigit carina
Littus Achaum.*

*Hic velut languens amaranthus, ictu
Falcis excisus, moreris Venanti
Inter amplexus lachrymasq; fratris
Luce relicta.*

*Qui, licet mœrens, tamen obsequente
Legibus fixis animo, sepulchri
Iusta persoluit, precibus piaque
Mente parentans.*

*Hinc iter flectens ad inhospitalem
Iusulam, seuos precibus dracones
Expulit, iuges lachrymis dederunt
Marmora lymphas. Fregit*

Fregit antiqui statuas Leronis,
 Dona nautarum, veterisq; fani
 Impia exurens adyta & tepentes
 Sanguine lucos.

Hæc Honorati domus, hic iuventam
 Egit anfractus fugiens dolosi
 Orbis, & solus latitans opaco
 Abditus antro.

Gaudia & lusus iuuenis fuere
 Sancta lessæi modulata regis
 Carmina, & dulci comitata fletu
 Vota precesq;.

Impetus blandæ domuere carnis
 Algor atq; æstus, vigilata somni
 Tempora, & sumens caua dextra potum
 Semper ab amne.

Vt micat tectus reparatq; lucem
 Clarior, vultu rutilante Titan,
 Sic nequit cecis tenebris latere
 Abdita virtus.

Fama mox vulgat perisse echidnas
 Huius ingressu, fluij's scatere
 Dulcibus littus, subitaq; lucum
 Fronde virere.

Cuncta festinat manus, omnis illinc
 Aeger, accepta remeat salute,
 Nesciens Christum redit expiatus
 Fonte salubri ..

Infulis

*Infulis demum redimitus, illud
 Robur oclusumq; animi vigorem
 Protulit, nulla Sathan irruentis
 Territus arte.*

*Post famem, frigus, gladios, flagella
 Orbe calcato superavit hostem,
 Atq; virtutis monumenta magnę
 Magna reliquit.*

*Illius iussu, nimium procaces
 Aeolus frendens renocavit austros
 Illius iussu, pelagi tumentis
 Vnda resedit.*

*Sola vox morbos variasq; pestes.
 Sola vox, mirum, lemures fugabat.
 Sola fatales Lachesis coegit
 Volvere fusos.*

*Quin & implexos adamante nexus
 Mortis exoluit, stygiaq; seuus
 Portitor cymbæ, remeans silentes
 Retulit umbras.*

*Nunc penes magni solium tonantis
 Nuper optatum genus & nepotes
 Prospicit gratam sobolem & feraci
 Germine letam.*

*Hanc Honorato aërij Casini
 Legifer dono dedit, hanc edaci
 Tempore, absumptas renouare leges.
 Sacraq; iussit.*

Huic

Huic opi innisus pater atq; princeps,
 Ille virtutum specimen, Monoeci
 Arce ab excelsa veniens, labantes
 Erigit ades.

Erigit pessum pœnitus labantem
 Cœnobi cultum, reparatq; stata
 Prô pudor luxu vitata inertî, &
 Senta veterno.

Ignem felici velut arsit ingens
 Ilion mutans Tiberin Scamandro
 Pergamis, nunquam perituri, celsæ
 Mœnia Romæ.

Sic rigor priscus perijt seuerę
 Aedis ut Casto renouata cultu,
 Sanctior lex imbuerat salubri
 Dogmate mentes.

Helisæo Monacho. Gregorius S.

Pauca illa carmina, quæ mihi amor olim expressit pro
 desyderio Grassensis Pont. cum ille hierosolymas na-
 uigasset, perierant omnino, nisi tu illis in longius tempus
 vitam proferre voluisses. Quæ, ut verum, fatear diutis-
 sime quasita, vix tandem ex multitudine scriptorum erue-
 re potui. Opinor eatibi sola breuitate placitura esse, nisi
 etiã iccirco probentur, quod cum pauca sint, minima
 etiã temporis iactura in eis legendis à te fieri potest.
 Vale. Ad diuum Honoratum.

X Agminis

Agminis sacri pater atq; princeps,
 Quem tremit Pluton, metuunt sorores
 Nocte progeneratæ: facilis precantum
 Annue votis.

Nam Lerinensis columen caterue
 Cui sacer frontem decorat Tyaras
 Latius hibernis zephyris quietum
 Nauigat æquor.

Heu nimis credens fidei silentis
 Africi, iam iam decimos videbit
 Voluier fluctus, tumidamq; cælum
 Lambere tethyn.

Summe cælestis moderator aula,
 Cui freta et sæui famulantur astris,
 Omnium spes atq; animas in uno
 Pectore serua.

Comprime insanos pelagi minacis
 Impetus, urge celeres secundis
 Flatibus puppes, radietq; fausto
 Sydere pollux.

Sistat optata statione classẽ,
 Et Palestinas veneretur ades
 Lata mox illinc redeant, solutis
 Carbasa votis.

Georgio Monacho. Gregorius S.

Omnino melius cumulatusq; ad ea quæ scripsisti satis fecissem, si te coram alloqui licuisset, cum magis longa

ga quàm subtili enarratione omnia indigere videantur. Nititur tamen quoad eius fieri potcrit, uniuersa breuiter epistola complecti. Quod primum quæris de vocabulario Ioannis Placentini, sic enim ais, Et si quod ad rectam scribendi regulam attinet, satis mihi est exploratum diligentiam ab Aldo adhiberi consueſſe, nollem tamen virum aliquē mediocris etiā doctrinæ, eius scripturæ inniti testimonio. Fieri enim poteſt, ut uel perperā impositus apex, uel unica litera transposita, in pudendum trahat errorem. Titubatum vero non eſſe aliquando inter tot vocabulorum millia, quis tam temerarius eſt ut affirmare audeat? Qui enim græce ſciunt, non magnopere aduertunt minuta illa, etiam ſi in ea inciderint, a quibus in errorem abduci non poſſunt. At uero eos qui græce neſciunt, neceſſario conſequens eſt, nō animaduertere poſſe. Sed demus nihil erratū in eo eſſe, Quis ferre poſſet, non ſaltē probati alicuius autoris, ſed deſcriptoris illiterati teſtimonio, rē quæ in dubium uocetur, affirmari? Sunt eiufmodi vocabulorum apud græcos collectores, quorum autoritate honeſtius uti poteris. Suidas, Pollux, Eſychius et complures alij, in quibus nihil ferè eſt quod deſyderetur. Quæ uero ſingillatim in epistola requiris, recte ſe omnia habere arbitror ut ſcripſiſti: *ὁ ἰνὸς φορον* enim latine *ænophorum* ſcribi debet, ut Iuuenalis, totū *ænophorū* ſitiens, cōpoſitum *ἀπὸ τοῦ οἴνου καὶ φέρειν*, porro *οἶνον* fieri dicunt, *ἀπὸ τοῦ οἴνους*, uel ut Plato in *Cratylo* opinatur, διὰ τὸ οἴσεως τὸν νοῦν ἐμπιπλᾶν, quod falſis ſcilicet opinionibus mentem impleat, in ſecunda uero ſyllaba *ὁ μικρὸν*

X 2 eſt,

est, quod præter omnino pauca, semper remanet in compositione, penultima syllaba mutauit ε in ο, φέρω φόρος, quod facere consueuerunt omnia nomina quæ a verbis deducuntur, habentibus vocalem illam in eo loco λέγω λόγος, ἀπείρω ἀπόρος. At vero κήρωμα latine Ceroma tam prima quam altera producta dici debet, quod ut nosti, oleum erat ceratū, quo se luctaturi perfundebant, unde & vinctores ceromatiſtæ dicti. Græce aut κηρός, cera est, unde recta deductione verbum κηρήρωμαι, & inde κήρωμα, quo fit, ut contra cōplurium consuetudinem, ceram arbitror apud latinos absq; diphthongo scribi debere. αἰμόρρους, siue αἰμαρροῖς: ille enim mas, hæc fœmina, iccirco duplici ρ scribuntur, quia composita sunt ἀπὸ τοῦ αἵματος, καὶ ρέειν, quotiescunq; enim verba ab eo elemento incipientia in compositionem veniunt, illud duplicant, nisi post ipsum statim sequatur consonans, ut sunt ἀπορρίγω καὶ ἀπορρίπτω, est autem ut recte nosti, hæmorrhōis fluxus sanguinis, & serpentis species ἐν τοῖς περὶ δεισιχνηρομοῖς ἔχων τὰς διατρίβας, ut ait Suidas. Illud vero te non ignorare certus sum, quod inde nomen habeat, quod si quis ab eo percussus fuerit, tam præſenti veneno est, ut illico ex toto corpore sanguis defluat. Cæterum elementum illud de quo tam multa diximus, quotienscūq; duplex fuerit, prius tenue est, sequens vero spiritum habet, cuius rei ratio pluribus verbis ab Herodiano assignata est. De Elegia vero integrum est elegëia ἀπὸ τοῦ ἐλέγου. est enim elegos ludus κατὰ νόηματοποίησιν, ex eo ficta vox quod lugentes sapius εἰε dicūt, κατὰ συνάφειαν vero est ἐλεγεία. Vtriusq; exemplum apud latinos

latinos quoq; habes, Papinius, quas inter, multum petulans elegia propinquat. Et illud Ouidij, Flebilis indignos elegia solue capillos. De Sophrone & Sophronio, nulla est dubitatio. Est enim σῶφρον ex eo genere nominum, quæ cum in recto habeant ὠμῆα, in obliquis tamen sumunt ὀμικρόν, ut γείτον γείτονος, τέκτον τέκτονος: σῶφρόνιος. Vero præter primam syllabam nusquam habere potest ὠ magnum, siue sit a nomine σῶφρον, siue a verbo σῶφρονῶ. Καλὸς & pulchrum significat & honestum: unde & sub Lutiani nomine dialogum habemus περὶ τοῦ καλοῦ. Cicero ad atticum. O hominem amentem & miserum, qui ne umbram quidem unquam τοῦ καλοῦ, viderit de huius vocabuli deriuatione, sic ait Eustathius καλοὶ παρὰ τὸ καλῶν, τὸ κοσμιῶ ἢ παρὰ τὸ καλῶ διὰ τὸ καλεῖν παρὰ ἑαυτὸν ἑκαστον, ὡς τὸ ἀγαθὸν ἐξ ὃ ἀγαν θέομεν. & magn. Basilius in psalmi 44. cōmentarijs κάλλος ὅτι τὸ ἐν τῇ συνθέσει τῶν μελῶν ἀάρεμνον επανθοῦσαν αὐτῷ τιλὴ χάριν ἔχων. Proclus vero lycius in cōmentarijs in Platonis Alcibiadem qui & ipse περὶ τοῦ καλοῦ, inscribitur, dici vult τὸ καλόν, ἀπὸ τοῦ κηλεῖν, quod est demulcere, iccirco quod nihilefficacius sit ad demulcendum quàm pulchritudo: porro κάλλος duplici λ. diuersa etiam inclinatio ne συμμετρίαν τῶν ὁμοιομερῶν ἐν ἡμῖν δηλοῖ, ut Suidas ait. Prius illud epitheton est, hoc aut pulchritudinem ipsam notat, utrumq; autem, scilicet καλ & κάλλος, unico carmine Homerus expressit in ρ. ὀδυσείας, καλλεῖ μὲν οἱ παῶτα πρόσωπά τε καλὰ κάθηρεν. De creopoli & Creopolio nihil est quod mireris, & si enim nascuntur a verbo παλῶ quod utrinq; habet ὠ magnum, ipsum tamen tam in verbis quam in nominibus cōpositis

positis, contrahit prius ω magnum in paruum $\delta\gamma\epsilon\rho\alpha\pi\omicron\lambda\omega\ \delta\gamma\epsilon\iota$
 $\rho\alpha\pi\omicron\lambda\omicron\varsigma$ quæ autore Herodiano $\epsilon\pi\omicron\ \tau\omicron\upsilon\ \pi\omicron\lambda\epsilon\iota\nu$ derivantur. $\pi\rho\omicron-$
 $\pi\omicron\lambda\omicron\varsigma$ $\alpha\mu\phi\iota\pi\omicron\lambda\omicron\varsigma$ $\delta\upsilon\kappa\pi\omicron\lambda\omicron\varsigma$, quare $\epsilon\tau\ \kappa\rho\epsilon\omega\pi\omicron\lambda\omicron\varsigma$ crit $\epsilon\tau\ \kappa\rho\epsilon\omega\pi\omicron\lambda\iota\omicron\nu$.
 Recte praterea sentis multa ex græcis sumpta, latinos im-
 mutasse: idem enim tecum sensere Quintil. & Priscianus,
 cuiusmodi sunt $\lambda\acute{\alpha}\kappa\kappa\omicron\varsigma$ & $\gamma\rho\alpha\beta\epsilon\alpha\tau\omicron\nu$: ex altero enim κ , ex al-
 tero β detriuerūt, quod aut de Polluce et Hercule dicemus
 quæ penè integra sunt immutata, cum sint apud græcos $\eta\rho\acute{\alpha}-$
 $\kappa\lambda\epsilon\iota\varsigma$ & $\pi\omicron\lambda\upsilon\delta\epsilon\upsilon\kappa\eta\varsigma$. Nam crepidam, $\epsilon\tau$ si græce est $\kappa\rho\eta\pi\iota\varsigma$, sunt
 tamen qui à crepando dictam velint, moti scilicet primæ
 syllabæ quantitate. De Chiragra vero, necesse est fateri sy-
 stolen à latinis fieri, quotienscunque contrahitur, vel ex
 diphthongo $\epsilon\iota$, priorem literam detrabi. Oratius postquã la-
 pidosa Chiragra fregerat articulos. Eadem enim ratione con-
 sueverunt poëtæ græci, et præcipue dorici utentes dialecto
 posteriorem literam ex ea diphthongo detrabere, $\chi\epsilon\rho\upsilon\varsigma$ & $\chi\epsilon$
 $\rho\iota$ dicentes. Pindarus in Olimpijs $\delta\upsilon\chi\theta\acute{\omicron}\nu\alpha$ $\alpha\lambda\rho\acute{\alpha}\sigma\omicron\nu\tau\epsilon\varsigma$ $\epsilon\nu$ $\chi\epsilon\rho\iota$ $\alpha\kappa-$
 $\mu\tilde{\alpha}$. Rursusq; $\alpha\phi\theta\acute{\omicron}\nu$ $\epsilon\varsigma\epsilon\rho\acute{\omicron}\nu\tau\epsilon$ $\chi\epsilon\rho\alpha$. Theocritus in Cyclope $\kappa\epsilon\iota$ $\tau\alpha\nu$ $\chi\epsilon$
 $\rho\alpha\tau\omega$ $\epsilon\phi\iota\lambda\alpha\sigma\alpha$. De Catomide, quod scribis lectionē apud Spar-
 tianum à Beroaldo in commentarijs Apulei immutatam,
 ubi decoctores nō catomidari, sed catonudari legit. Id quidē
 mihi non satis probatur, cū quod nihil necesse sit lectionē im-
 mutari, tū etiā quod si immutari deberet, scimus ex Fabio
 eiusmodi semigræca vocabula derideri solere. Quare quid
 mihi succurrat ad te scribam. Legi Romæ in Bibliotheca
 Vaticana Lexicon incerti autoris, in quo sic est ascriptum.
 Catomides cardi ferrei vel virgē nodosæ. Videtur vero
 & ipse

Et ipse Beroaldus librum illum legisse, cum apud eundem
 Apuleium verbum diribere exponeret. Aiunt præterea hi
 qui martyrum historias scribunt, Vitum adolescentem ca-
 tomidibus cæsum. Quare fieri potest, ut quomodo ab hu-
 mero sit ἐτωρίς, in sacris literis celebratissimum uetis genus,
 sic quia præcipue humeri cederentur, ut eadem deductio-
 ne κατωρίς appellatæ sint, & inde verbum κατωρίδην. In-
 telligemusq; apud Spartianum decoctores illos publice thea-
 tro uirgis cætos fuisse. Dicit quoq; pot aliquando cõtumeliæ
 genere affectos, quo ea tēpestate qui decoxissent, consueissent
 affici diciq; catamidiari, à uerbo καταμειδίαν, quod deridere
 et contēptui habere significat. est enim μειδίαν ridere & epi-
 theton apud Homerum frequens μειδίῳσα. φ. Iliados. αὐτοῖσι
 δ' ἄρ' ἔδεινε παρὰ οὐατα μειδίῳσα. et Veneris epitheton φιλομείδης.
 γ. Iliados. δίφρον ἑλοῦσα φιλομείδης ἀφροδίτη. Habet uero hæc præ-
 positio κατὰ quotiens contingit eam componi, vim eiusmodi
 ut ferme id destruat, cui connectitur γελᾶν καὶ αἰγελᾶν φρονεῖν καὶ
 ταφρονεῖν. Nescio præterea quid in mentem uenerit ei de quo
 ad me scribis, dubitare prophetæ nomē græcūmne esset an
 hebræum, cum nihil manifestius sit, quam ἐπὶ τοῦ προφᾶναι
 προφήτῳ sic dici, ut ἐπὶ τοῦ ὑποφᾶναι. ὑποφήτῳ. Utunturq; eo
 vocabulo celeberrimi græcorum autores. Pindarus in Ne-
 meis de Tiresia loquens: δῖος ὑψίστου προφήταν ἔζοχον appellat.
 Lucianus, in Alexandri & Diogenis Dialogo οὐδὲν ὑγιᾶν
 οὐτὲρ ἡ μήτηρ οὐτε οἱ τῶν ἀμμιανίων προφήται ἐλεγον. Quin & femini-
 num genus ab eo fit. dicuntur enim προφήτιδα. Euripides in lo-
 ne προφήτις ἐβεβαίνουσα μαντεῖον θεοῦ. Quin & latini ea vocabu-
 lo præter

lo preter sacros scriptores *usi sunt. Sex. Pomp. Prophetas* inquit in *Adraſto*, *Liuius* nominat *antistites Phanorum* oraculorumque interpretes.

Quod vero ad cetera attinet, uolumen paruum, in quod multa ex græco Lexico coniecisti, percurri totum, nihilq; inueni quare mihi dubitandum esset, nisi forte aliquid subter fugit: legi tamē in eo pleraq; quæ ut opinor, nollent latine, ut græce dici consueuerūt pronounciari. Si enim *τύπωμα*, *Typtomæ* dicamus, erit penitus latinis auribus, nō modo insolēs, sed etiā absonū. Accedit quod diphthongus illa *æ* non semper apud græcos longa est, quemadmodū apud nos *æ*, quotienscunq; enim in nominibus uerbisq; dictionem terminat, toties breuis est, præterquam in modo illo, quem ipsi *ὑπὸ τῷ ὀνόματι* uocant. Et si uideri potest *Vergilius* græcum morem secutus, cum dixit. *Insulæ Jonio in magno*. Illud tamen dici solet alijs de causis factum esse. Quæsisſi præterea sit ne aliquis autor græcus, qui de syllabis scripserit. Extāt certe, & quidem multi, *Apollonius* cognomento *δυσκολος*, eiusq; filius *Herodianus*. Iunior item *Apollonius*, *Ephesſion*. *Maximus Planudes* monachus. *Theodorus Theſſalonicenſis* & complures alijs, quod tamen in latinam linguā conuerſum sit, nihil adhuc uidi, ut tu de *Constantino* scribis, quem tamen non *Aldus*, ut uideris opinari, sed *Ioannes Craſſonius*, uir græce & latine doctiſſi. *Romane* docuit loqui. Præterea, & si opus hoc tuum de syllabis iccirco scripsisti, ut simplicioreſ fratres (sic enim ais) eo potiſſimum utantur, nollem tamen scriptum aliquod à nostri ordinis hominibus

hominibus prodire, quod non ut minus eruditis utile, sic etiam eruditissimis esset probatum, quorum ratio in primis habenda est. Quare certamina illa quæ tibi sumis cum auctoribus postrema notæ, superuacua mihi penitus esse videntur. Clam & eruditi ad eos euoluendos nunquam ut opinor sunt accessuri, & qui eruditionis cupidi sunt, ab illorum lectione mihi penitus absterrendi esse videntur. Quare, si eos silentio præterieris, fiet hoc pacto ut volumen illud immensum quod ad me misisti, amputato inutilium illarum contentionum fastidio, eiusmodi sit, ut a se legendo neminem sua prolixitate deterreat. Scriberem qui autores sunt quos à te omitti vellem, nisi & mihi persuasum esset, te facile id cōiectura affecuturum etiā tales essent ut vel nuda tantum ipsorum nomina, barbarum nescio quid in Epistola nostra sonitura essent. Hæc sunt mi Georgi ea, in quibus nos repuerascere coëgisti, indigna fortasse & ætate tua, & studijs nostris: sed parendum fuit & eius iussis qui ad me literas tuas detulit, & modestissime petitioni tuæ. Imminebat certe utrinq; periculum, ne mihi nota arrogantia inurere tur, vel si scripsissem, vel si conticuissem, tunc enim te docere velle, hic te spernere videri poteram: at utrunq; certe tam nequeo quàm nolo. Malui igitur scribendo in id crimen incurrere, quod humanissima epistola tua diluere mihi posse videbar, quàm tacendo in suspicionem venire parum habitæ a me rationis vel ætatis uel humanitatis tuæ. Non enim fortasse deessent qui opinarentur, me non tam ne scire quàm noluisse ad ea quæ quæsieras respondere. Quo-

T

rum

rum quidem ita mihi displiciturum fuerat iudicium, ut tamen desyderaturus fuerim, non omnino falsa esse. quæ de me falso opinarentur. Vale.

Vincentio de Borlasca Genuensi. Greg. S.

AD ceteras incredibiles animi mei molestias, quibus posteaquam in hanc prouinciam veni, vehementissime me afflictatus sum, accessit nuper nunciata mihi patriæ tuæ calamitas, quam tantum à me amari ob merita in me sua, omnes intelligere credo, ut nulli ciuium in amore concedam. Cum igitur infestissimo bello totam hanc prouinciam ardere uiderem, & (quod in regno Francorum iam inde ab eius constitutione inauditum est) intestinis discordijs penitus conturbari, & si pene intolerabilia erant, quæ cum a prouincialibus, tum etiam ab hostibus perpetiebantur, cum tamen cogitabam, finitimam regionem esse, in quam, si hæ calamitates maiores fierent quàm ut aliqua ratione à me possent tolerari, uidebam tutum mihi perfugium fore, paulisper in ea spe conquiescebam. Nunc autem cum uideam sauiissimo pestilentiæ genere Liguriã ferè omnem principemq; ipsam Genuam deuastari, necesse est incredibiles has nostras misérias, non consuetis tantum solatijs, sed omni spe penitus consolationis carere. Quare, in luctu & squallore me assidue futurum esse dicerem, ni firmissime mihi persuasum esset, tantas clades quantas nunquam legimus, non solum Dei Opt. Max. iustissima seueritate accidisse, sed etiam ea de causâ, ut frequenti hac rerum commutatione admoniti, aliquando nos

do nos alterius patriæ ciues esse meminerimus, in qua pro
tu multu bellorum, animi tranquillitas, pro pestilentie cla
dibus, sempiterna salubritas erit. Utrum vero sic eiusmodi
calamitatibus instrueremur, ut tandem hæc quæ nos spe
cioso nomine bona appellamus, sic naturali instabilitate sua
nos admonerent, uti ne ab ipsorum amore tantopere deci
peremur. Quid enim, rogo te, facturi fuissetis, si hæc quæ
tam arcte tantaq; cum oblectatione complectimur, aliquid
soliditatis habere experiremur? Cum etiam inter vitæ hu
ius assidue fluctantis agitatione, illis veluti tenacissimis
anchoris adherere nos posse confidamus. Quod si cui generi
hominum, ex continuis cladibus, rerum humanarum infir
mitas in animis semper versari debet, id potissimum fore,
ut nunc ciuibus tuis accidat, mihi facile persuadeo. Qui sin
guli superiore anno ob seuam illam direptionem, maxima
sui patrimonij parte, expoliati, deinde vniuersi acerrimo
vexati bello, nunc etiam, ne qua detur a miseris intermis
sio, sequissima pestilentia deuastantur. Quæ cum plurimi ex
amicis (qui mihi me ipso penè cariores erant) perierint, ex
vnius tamen potissimum Camilli nostri interitu, mihi met
imperare nequii, quin plurimum doloris caperem. A me
enim non communis cæterorum æstimatione, sed ea quæ mi
hi fortasse tantum perspecta erat, & virtutis & doctrinæ
excellētia perpendi illum necesse est. Accedit præterea dam
num incredibile, quod ex laboribus eius deperditis, doctos
omnes facturos esse non dubito. Animum enim adiecerat ad
Cosmographiæ partes omnes illustrandas, & cum diligen

T 2 tissime

tissime locorum omnium situs, & eorum quæ antiquis cognita fuerunt, & quæ nuper inuenta sunt, nobis se descripturū speraret, præcipue tamen, quo olim nomine, quo nunc unus quisq; locus appelletur, omni studio uestigarat. Quæ in re, iam tantum profecerat, ut non portus modo, promontoria, sinus, insulas, fluuios, montes, Urbesq; celeberrimi nominis, sed infima quæq; oppida ita memoriter, ut propriū nomen tenere videretur. Quæ omnino nobis minus dolenda putarem, si spes aliqua esset quæpiam pari doctrina & diligentia id ipsum præstiturum esse. Sed quis nam obsecra erit, qui cū exquisita illius disciplina, coniunctam habeat locorum cognitionem, non auditu & lectione tantum sed pedibus oculisq; perceptam? Navigarat enim ut scis, ad Tanaim, ad Phasidē. Peragrarat fēme regiones omnis Asiæ, Aegyptum, Africamq; lustrarat. Taceo de Hispania, Britannia, Gallia, Germania, quas sic habebat cognitatas, ut digitos unguesq; suos. Accedebat admirandum illud in tanto opere præsidium, quod in ea ciuitate illi nasci contigerat, in quā, cum ipsi ciues ad exterarum lōginquasq; nationes quoti die nauigent, tum etiam ex omnibus mundi partibus vel negociorum, vel visendi gratia assidue superueniunt peregrini. In patriæ igitur tuæ tantis calamitatibus, in tot clarissimorum ciuium interitu, nec moderationis, nec prudētiæ tuæ esset, propriam quandam priuatamq; felicitatem desiderare. Sic fratrum tuorum obitus tibi dolendus est, ut de vniuersæ Reip. statu non desinas cogitare, cuius honoratissimam partem & fidei & diligentia tuæ nuper creditam fuisse,

fuisse, tu me per literas certiore fecisti. Quod quidē, cum libenter audiui, tum etiam maxima cum spe, fore ut consilio autoritateq; tua, in hoc communi naufragio, eiusmodi cursum Resp. ista teneat, ut propediem portum assecuturam non desperemus. Quod vero te studio & consiliis meis tantopere indiguissē scribis, in deliberando an impostum tibi a ciuib; tuis munus susciperes, persuasum quidē mihi est ob vim quandam amoris incredibilem, nihil esse quod à me tibi præstari non posse confidas, etiam si eiusmodi sit, ut superet facultatem meam. Quod vero ad hoc negotium attinet, scias velim me eiusdem opinionis in consulendo futurum fuisse, cuius nunc etiam sum in iudicando de consilijs tuis, non potuisse te, scilicet nisi læsa pietate, vel potius absq; maximo flagitio, munus tibi iniunctum communi ciuium tuorum voluntate, non solum recusare, sed nec etiā deprecari. Quare quod recte ordineq; feceris, talemq; te præbueris patriæ tuæ, qualem ante actæ vitæ dignitati cōsentaneum erat, mirum in modum tibi gratulor. Deumq; Opt. Max. rogo, & obtestor, ut tibi familiæq; tuæ perpetuæ dignitati sit præsens administratio. Nam quod omnia tua teq; ipsum nobis adeo humaniter polliceris, dicerem, te id fecisse quod veteri prouerbio fieri prohibetur, ut scilicet actū ageres, nisi scirem infinitam quādam amoris abundantiam, eiusmodi à te pollicitationes expressisse. Quare, ne quaquā equū erit te moleste ferre, si ego quoq; de integro omnia mea officia, studia, cogitationes pollicebor, quæ ad tuam dignitatem & quietem animi pertinebunt. Vale.

Raphaeli.

Raphaeli Placentino Monaco. Greg. S.

ET si, quod tam grauit^r de me conquereris, maxima eor^{um} culpa est, qui nollent nos eo animo quo sumus inter nos esse, nequeo tamen rationem aliquam excogitare, qua te ipsum omnino à culpa huius affinitate liberare possim: fieri enim potest, ut illorum animi, vel odio, vel inuidia antea labefactari, non ita deinde quid officium, quid honestas, quid communis vitæ ratio postulet, intelligere possint. Tibi vero cui iam inde, ut ita dicam, ab incunabulis perspecta est non charitas modo in te mea, sed ut verissime dicam, pietas, nequaquam verisimile fieri debebat, ita nullam a me rationem amoris nostri habitam fuisse, ut etiam maximis te contumelijs afficere cogitarem. Presertim cum antea nulla inter nos dissidij causa intercesserit, ut coniectura assequi posses prislinam voluntatem meam, vel omnino abs te alienatam, vel saltem aliqua ex parte immutatam esse. At si (quod fieri omnino nequit) tibi tantopere inimicus esse vellem, ut posteris etiam testatam relinquere memoriam parum grati animi nostri erga te, quid erat in quo minus te ledere possem, quam ut inueherer in elegantissimum poemata tuum, aut quo magis bonorum odium in me posset concitari, quam si ei, qui cū coniunctissime & amatissime iam inde a pueritia vixissem, sponte mea tam acerbè fierem inimicus? Taceo hic sanctissimum illud religionis uinculum, quo adeo coniunctos nos esse intelligo, ut nihil de honore tuo à me detrahi potuerit, quin tantundem de nostro detraheretur.

detraheretur. Cuius rei tantam a me rationem habendam esse cognosco, ut intelligam, sine maximo flagitio eiusmodi aduersus te contumeliam, ne cogitare quidem nos aliquando potuisse. Accedit præterea scriptorum tuorum coniuncta multiplici doctrinam incredibilis elegantia, quibus ita per se tuta sunt, ut tam à nullo reprehendi queant, quàm à nemine satis laudari. Quid, quod nihil hætenus à te editum est, in quo non prius & iudicium & consilium meum amicissime exquisieris? Harmerias tua, ita mihi ahuc puero cognita erat, ut non tu plura carmina ex ea quam ego, posses memoriter recitare. Scenas uero cum nec edere quidem cogitares, de quibus ea re Placentiæ diligentissime explorares iudicium meum, memini me, te ita ad ea in publicum edenda suadere, ut tandem id tibi multis precibus persuaderi permiseris. In Epigrammatis uero adeo honorifica nostri nominis mentio est, ut quoad opus illud uiuet, (uiuet autem ut spero cum omni posteritate) non possit mei memoria aliqua obliuione deleri. Sed quoniam planè, ut opinor, tibi à me declaratum est, non minus a uoluntate quàm a facultate laedendi tui me semper abfuisse, fieri nequit quin tecum amice expostulem, quòd me id aliquando cogitasse tibi persuaderi permiseris. Quod si non tanti apud te erat Platonis exemplum ut illum imitari uelles, ad quem cum delatæ essent amici in se criminationes constanter affirmauit, aut nunquam dictas, aut utile utriusque fuisse, ut tunc ea sic dicerentur. Poteras saltem quod M. Tullius faciendum ducebat, genus illud totum orationis tollere, disputabant, ego
contra.

contra differebam, dicebant, ego negabam. Hoc nempe Veteri constitutaq; amicitia nostra, hoc ei disciplina quam profitemur, hoc religioni, hoc deniq; moribus & prudentia tua magis erat consentaneum. Possset vero quispiam in amicitia tuenda mei dissimilis, ex eiusmodi querelis animi tui coniecturam facere, sibiq; persuadere eum qui ita facile crediderit, posse alium in amicitia rationibus peccare, aequale & ipsum peccaturum fuisse τὸ γὰρ εἰς κακίαν οὐκ ἔτοιμον, μὴ τὲ εἰς ἀνέμοισιν ἄρπες, inquit Nazianzenus noster. Coniecturam nempe ex eo faciens, quod ferè perinde atque nos in cæteros animati sumus, ita de ipsorum voluntate consueverimus proferre iudicium. Quod quidem longissime abs te tunc cum ad me scribebas abfuisse, ita mihi persuadere volo, ut ægerrime etiam laturus sim, si secus mihi ex re ipsa aliquando persuaderi posset. Vale.

Lamberto Venusino Episcopo. — Greg. S.

Cum maximum tum etiam multiplicem dolorem animo meo accepi, de viri optimi Christophori Longolij interitu, qui nuper cum paucis diebus ardentissima febre laborasset, & si iucundissimam memoriam, tristissimum tamen nobis sui desyderium reliquit. Doleo sane pro ea re vehementer, ego enim Longoliū mirifico amore prosequabar, uicissimq; ita me ab ipso amari intelligebā, ut ea tantū de causa illū à me in amando superatū putē, quod erat longo intervallo dignior qui amaretur. Cuius amicitia, & si tu initio, cum Romæ esses fundamenta posueras, reliquū tamen ipse postmodum

postmodum maximis officijs sic euexit, ut iam ad summum peruenisse, nemo esset qui aliqua ratione posset dubitare. Principio enim, cum me nec de facie quidē cognitum literis suis & græce & latine scriptis ad amicitiam prouocasset, paucis postea diebus difficillimo anni tempore Roma ad Lerinam nauigauit, ea tantum de causa, ut mihi quem absentem amare cœperat, totum se præsens alloquensq; condonaret. Quo tempore, etiam nobis ingenij artisq; plenam orationē, planeq; optimis illis antiquis comparandam, quā paulo antea Romæ habuerat, totam legit, sicq; in ea iudiciū meum passus est interponi, ut quicquid dixissem, siue in uerborum proprietate, siue in oratorijs præceptis, id tanquam præscriptum legemq; mihi obseruare uideretur. Secuta sunt deinde cum multa, tum etiam maxima utriusq; in alterū officia, quibus nos adeo iam deuinctos omnes intelligebāt, ut nihil ferē fieri posse putaretur in communi uita coniunctius. Quare nisi uehementissime mouear tali tantoq; amico orbatu, communi omnino sensus atq; a deo omni humanitate carere, merito iudicari posse uidebor. Quod sanē tam longe à me abesse uolo, ut quod antea dixi, multiplici mœrore ex eius interitu me potissimum affectum esse, omnes intelligere cupiam. Quis enim absq; incredibili dolore, audire posset in ipso flore ætatis (nondum enim trigesimum annum attigerat) in maxima omniū de se expectatione, in medio studiorū cursu, præclarā illā ad omnes uirtutes animi indolem, illud immortalitate dignissimum ingenium, immatura sibi cæterisq; morte, sic repente ereptum esse, ut osten-

Z sus

sus tantum non etiam praeſtitus huic ſeculo fuiſſe uideatur, & tum praecipue cum admodum pauca ſcripſiſſet, incepſiſſet multa, pararet plurima, quibus ſi extremam manum per aetatem imponere licuiſſet, aliquid certe hac tempeſtate uidiſſemus, quod poſſet cum omni antiquitate comparari. Mirabamur ſiquidem in eo omnium pene diſciplinarum nō mediocrem cognitionem, de quibus ſic elegāter & copioſe diſſerebat, ut qui audiebant dubitare ſe dicerent, quā poſſimum profiteri uideretur. Adoleſcens enim iuriſconſultus in Gallia operam dederat, græcam demum linguam didicerat, Romæ, latinam excoluerat. Philoſophiæ uero & mathematicis, Patauij nunc tanto ſtudio incumbibat, ut doctōrum iudicio, eos qui magnos in eo genere progreſſus habebant, longo interuallo ſuperaret. Qui autem domeſtica hominis conſuetudine utebantur, facile meminerunt quā ſcienter de plantis, de piſcibus, de lapidibus, loqui conſueuerit, cum nomina, cum antiqua, tum etiam ea quibus nunc utimur, uimq; & proprietatē unicuiq; redderet. Sic igitur tibi perſuadeas uelim, Gallias noſtras huius interitus tantum amiſiſſe, quantum nunquam fortasſe antea deſyderare auſæ fuiſſent. Et ſi enim complures in ea extiterunt atq; adeo nunc etiam ſuperſunt aliqui, ingenio & doctrina excellentes, nondum tamen uideo candorem et elegantiam, & quod his omnibus plus poteſt iudicium incorruptum in Galliam tranſiſſe, quod cum ex compluribus facile, tū facillime ex ipſo Longolio declarari poteſt. Sunt nanq; apud me orationes ſex, quas cum primum in Italiam uenit ut ue-

ut veterem deleret infamiam qua se laborare intelligebat, quod puer adhuc aduersus Italos orationem habuisset, maximo studio & labore composuit, quibus si alia quam triennio post Roma scripsit, conferatur, vix alicui poterit persuaderi ab eodem homine aliquando editas fuisse. Paucis autem diebus antequam ex hac luce decederet, sex aduersus Lutheryanos actiones scripserat, in quibus cum elegantia & grauitate, tum etiam amplitudine orationes Romanam illam maiestatem affecutus fuisse iudicatur. Quaidem in re adeo se nobis & gratum & facilem præbere consueuerat, ut non modo candorem & iudicium Italici acceptum se referre diceret, sed ea præcipue de causa Italos omnes incredibili beneuolentia prosequeretur. Communis igitur Italici, & Romanis, præcipue qui illum nuper ciuitate donarant, communis Gallie, cui illius natales acceptos referimus, atq; adeo Germanis, à quibus se oriundum volebat, hæc incredibilis iactura contigit: communis præcipue doctis omnibus & his qui bonarum literarum studiis incumbunt, tibi tamem mihiq; in primis, quos ille non amicitia solum, sed familiaritate etiam sua non penitus indignos iudicarat. Vale.

August. Grimaldo Grafs. Episc. Greg. S.

Nihil humana felicitate esse incertius, consuesseque usu hoc accidere ut quo stabilius pedem sibi homines fixisse videntur, eo grauius ruant, si unquam aliàs nuper in memetipso, verissimū esse expertus sum. Qui cum iam plures annos in una tantum re laborarim, iamque vi-

Z 2 derer

derer mihi portum eum tenuisse, ad quem cursum direxeram, repente tam valida tempestate, atq; adeo uehementi impetu reiectus sum, ut nec à longe quidem eam quem tamopere desideraueram, tranquillitatem portus, ualeam intueri. Qua de re, iccirco serius ad te scripsi, quod adhuc grauib; anxij; curis excruciat; nullam officij, nullam conditionis meae, nullam deniq; tuorum erga me meritorum rationem, ex dolore animi habere potuerim. Quis enim non incredibili dolore afficiatur, qui ex tranquillissimo rerum suarum statu, eo miseriarum & solitudinis deuenit, ut praesens calamitas uideri possit, cū pristina felicitate certare? Sed postquam ueluti reuocata ad me ratione, & quis ego sim, & quid ceteris praestare debeam caepi considerare, nequaquam mihi committendum esse duxi, ut quamuis a portu in maximam tempestatem reiectus sim, omnino tamen dimisso gubernaculo in aspera atq; uadosa loca nauem detrudi patiar. Hoc certe mihi honestissime facere posse uideor, ut tecum dolorem meum communicem, à quo potissimum secundum Deum non pars quaedā beatitudinis, sed integra felicitas, quoad hic sperare licet nobis obuenerat. Persuasum mihi erat iam inde ab ineunte iuuentute, cum plura sint honeste uiuendi genera, atatemq; in rebus summopere utilibus atq; honestis traducendi, ad longe omnium utilissimam & honestissimam actiones meas accommodasse. Primum, quod relicta communi omnium hominum tempestate, in religionis portum confugerā, ubi nisi penitus dissoluti & sacrarum rerum

rerum cōtemptores esse velimus, mira tranquillitas, atq;
adeo certa salus inueniri potest. Deinde, quod cum in hoc
genere hominum duplex sit viuendi ratio, altera agendi,
contemplandi altera, relicta priore illa, ad eam quę mihi
& honestior & magis naturę meę consentanea videba-
tur, totum memetipsum conuerteram. Dies noctesq; ver-
sabar in grauioribus studijs, eiusmodi diligentia, ut non
me pēniteret quantum proficerem. Tentaueram postremo
ut Theologię & Philosophię venustas orationis, tanquā
duabus matronis debitus cultus & decor restitueretur,
quo per iniuriam expoliata squalientes diu obsoletęq; ia-
cuerant. Cumq; vidissem in ea re tentanda, studium meum
à te non improbari diligentissime tecum egi, ut si quid etiā
molestiarum aut solitudinis in hac religionis statione mi-
hi relictum fuerat, id omne & autoritate & auxilio tuo
velut duabus iactis anchoris, sedaretur. Quā in re, ita stre-
nue à te nobis nauata est opera, ut nihil in ea mihi desyde-
randum reliqueris. Tu legatos ad principes ordinis nostri
atq; ad ipsa comitia destinasti: tu magno sumptu & labo-
re copiosissima librorum supellectili undiq; conquisita,
vniuersam vsibus nostris exposuisti. Tu ut nobis libra-
riorum copia fieret, quo exscribendi laborem effugeremus,
rationem excogitasti. Tu amœnissimo in loco pulcherrimis
edibus extructis, partem in eis longe pulcherrimam atque
saluberrimam, ad vsus nostros accommodasti. Tu postre-
mo (quod minimum fortasse tibi videtur) mihi autem, ex
quo patriam & satis amplum patrimonium sponte relique-
ram,

ram, iustar est maximarum diuitiarum, ut commodè sumptus mihi suppeditaretur, habita imbecillitatis meae ratione prouidisti. Cumq; hæc omnia iam mihi uiderer certa quadam stabilitate possidere, repente inde tempestas extitit, unde minime suspicabar. ut non tantum ad frugem iam peruenientes oçij nostri fructus omnes absumpserit, sed & in posterum spem omnem propemodum abstulisse uideatur, quod ex summa quiete in sumam sollicitudinem detrusus sim. Satis enim tu ipse nosti, quàm difficile, quam operosum negotium sit, quam postremo & laboris & periculi plenum, alienis animis imperare. Et in pastoris morem diu noctuq; excubare pro caulibus. Accedit præterea incommodum illud maximum, quod tenuissima utens valetudine, & si mente maxime & ingenio ualerm, corpore tamen ad huiusmodi labores perpetiendos, minime idoneus uideri possem. Enimvero aduersum hæc omnia, fortissimus opponendus est obedientiæ clypeus, & quem me fateor cum primum in me acerbis hic nunciis, ex improviso impetum fecit, penitus abiēcisse, confirmato iam animo resumendus. Quod quidem nondum me assequi potuisse, irruentibus undiq; molestijs, & confiteor & præmefero. Nec tantisper me affecuturum spero, donec tu coram incredibili tua hilaritate & familiari vultu, accedente ad mirificam efficaciam in maxima eloquentia, memetipsum mihi restitueris. Quod etiam à te nulla ratione fieri posse mihi persuaderem, nisi spes aliqua superesset, fore ut amore & beneuolentia tua pristinus ille rerum mearum status denuo à me recuperetur.

recuperetur. Cum enim tanta sit apud principes ordinis nostri autoritas tua, quanta profecto esse debet, accessura sit insuper equitas postulationis nostrae, qui non ut ad altiorē gradum prouehar, sed uti ne omnino prouehar, peto, facile mihi persuadeo, si preces tuæ intercesserint, priorem illā vitæ tranquillitatem breui mihi restituendam esse. Vale.

F. Fregosio. Gregorius S.

Cum te propediem Nicæam venturum esse sperarem, repente acerbissimo nuncio de rege Gallorum euentuq; prælij accepto, id quod à te factum est, fore ut omnino fieret mihi persuasi, ut scilicet istuc proficiscerere, id enim & salutis tuæ & officij ratio mihi postulare videbatur. Postremis vero literis quas Lugduni ad xij. Calend. Aprilis dedisti, istuc te futurum intellexi per totos hosce iuniorum dies, postea vero, voluntate quidem te in Italiam trahi, vereri tamen, (ut sunt in tam afflictis perditisq; rebus incertissima consilia) ut necessitatem aliquam non voluntatem sequi cogaris. Quia in re, non tibi consulendum, sed consiliorum tuorum exitum a me expectandum esse cognosco. Ego vero, cum iam (ut ad te scripseram) statuissem ad comitia nostra proficisci, postmodum hac rerum omnium perturbatione. Vehementer territus, non satis tutum fore opinatus sum terrestri. maritimōue itineri me committere, in tanta latrociniorum impunitate, & perditorum hominum licentia. Et tamen summopere vereor, ne hic quoque maximis tumultibus & angustijs affligar. Ut quod

Vetus

Vetus habet prouerbium, Lupum mihi videar auribus tenere, quem nec tuto dimittere, nec absq; maximo periculo retinere possim. Quoniam, si quid molestiarum hic nobis impendeat, non adeo certum est, cum in itinere non dubia pericula sint, omnino suspicor me ex his locis tantisper non discessurum, quoad quietiora tranquillioraq; omnia in itinere esse nunciabuntur. Illud præterea magnopere me mouet, quod neminem esse credo, qui coniectura assequi possit, ea loca ad quæ proficisci decreueram, bellum pacemne sint habitura. Quare (quemadmodum nunc est) magis remansionem quam profectionem nobis eligendam esse iudico. Quod si secus à me decretum fuerit, fies illico per epistolam certior, & ad quam diem discessurus, & quo nam gentium profecturus sim. Tu quoque, ut idem facias vehementer etiam atque etiam rogo, quando ex tuis consilijs non parum dependent consilia nostra. Testamentum quod fidei nostræ credideras, confestim acceptis litteris tuis, quando tibi sic placere intellexi, ut erat obsignatum flammis tradidi, quare nihil est amplius quod pro ea re dubius animi pendeas, ut non quacunque tibi uisâ fuerint, vel corrigas uel immutes. De libris præterea, quando me hinc discessurum non esse confido, nec Jo. Bapt. nec alij cuiquam negociû demandabitur, et uero qui ad nos à te literas deferet, maxima cû fide à me restituëtur. Tu (si fieri cōmodo tuo potest) interim quā creberrimas ad nos literas dabis: nihil enim cû mihi gratius, tū etiā ad rationes uitæ meæ expediendas accommodatius facere potes. Vale.

Rascafio

Rascafio Iurisconsulto. Greg. S.

Vide quam securi animi sim de tenera adhuc amicitia nostra, & humanissimis tuis pollicitationibus? Qui etiam inter tot difficillimas occupationes quibus necesse est animum tuum distrahi, non verear tibi molestus esse? Tu vero ex eare potissimum animi nostri coniecturam facere potes, nam qui mediocriter amant, vicissim quoque magnum quippiam de alterius in se amore sibi polliceri non consueverunt. Ego autem cum tui gratia ad quæque maxima paratissimo animo sim, rursus idem de teipso mihi polliceor. Et si non ea est facultas nostra, ut beneficijs tuis sperem me longissimo interuallo aliquando responsurum esse, sed ut est apud Tribunianum tuum ex Homero pro auro calybem, in amore certe nunquam concessurus sum. Quando te optime intelligere scio, non facultatis sed voluntatis rationem in amicitia haberi oportere. Litteras igitur ad Pontificem Salernitanum uni ex nostris tibi reddendas tradi, ut opera, auctoritateque tua magna cum fide Lugudunum perferantur. Persuasum namque mihi est, ob negotiorum magnitudinem, te quotidie certissimos nuncios, qui illuc profisciscantur, habere. Id si feceris maximum nobis à te beneficium præstitum esse iudicabo. Vale. & nos familiamque hanc dilige.

Benedicto Theocreno. Greg. S.

Magisne tibi gratuler, an regi omnium sapientissimo, regiène stirpi an totius Gallie populis nondum sa-

Aa tis

tis constitui. Tibi certe in primis quo ad amicitia nostra cōsentaneum est, mirifice gratulor. Quod unus potissimū electus es, cuius innocentissimis moribus et sanctissima disciplina futuri aliquādo regis omnium maximi atq; potētissimi, prima rudimenta cōmēdarentur. Ut egregie illius indolis, quæ omnium ore tantopere celebratur, admiranda materia, tanquā in manū præclari artificis deueniret, in absolutum quoddā & ex omni parte perfectissimū opus, formari possit. Quod si tibi iam inde ab ineunte adolescentia, ea mente in honestissimis studijs laboratum vigilatumq; est, ut assidue præclaram aliquam opportunitatem tibi se ostensuram sperares, in qua virtus tua posset enitescere, nunc illa certe se tibi eiusmodi obtulit, ut non maiorem honestiorē tue potueris desiderare. Fidei enim virtutiq; tuæ commendatus est adolescens in tantam spem natus, ut præceptis & consilijs tuis obtemperans, omnis æui præstantissimum se regem sit præbiturus. Quo nomine, non tibi solum aut patriæ tuæ, sed uniuersæ Italiæ laudis, famæq; incredibilem accessionem faciendam esse tibi persuadeas velim, nunc demum enim eruditionis Italicæ splendor sic gentibus illis elucere incipiet, ut tandem credituri sint, fuisse olim homines nostros, tanta non innocentia solum & integritate, sed etiam doctrina & eruditione, ut hi populi beatissimi iudicarentur, quibus partem aliquam tantæ felicitatis voluissent impartiri. Cum tibi non multo minori quàm Aristoteles fuit, hunc longe maiorem futurum quàm Alexander, fructus omnes & indolis & ingenij

genij sui acceptos relaturum esse omnes intelligere poterunt. Quem & ipsum certo scio, cum non à conficta quadam Xenophontis disciplina, sed à sanctissimis praeceptis tuis ad officium diligentis & moderati imperij excultus fuerit, daturum operam ut nomen illud Christianissimi, quod à maioribus habiturus est hereditarium, aliquando etiam per se partum possideat. Et quod Alexandro visum est, magis velit τὰ ἀριστα ἐμπειρίαις ἢ ταῖς δυνάμειν διαφέρειν. Nequeo plane satis admirari regis ipsius providentiam atq; consilium, qui cum Gallias videret uberrimo provenientu doctissimorum hominum abundare, incredibili tamen iudicio, te potissimum ex omnibus elegit, à quo longe maiora quam a patre regis filium accepturum esse putaret. Gratiashq; ut opinor, Deo opt. Max. agit immortales, quod tuo potissimum tempore natus sit, qui quem admodum Phœnix Homericus illum docere possis μύθων τε πητῇ ῥέμμεναι ἀνικτῆρά τε ἔργων. quā in re non ultra tibi laborandum esse video, quam, ut Alumno tuo patris admirabilia gesta proponas, & ad ea imitanda & emulanda, quoad eius fieri poterit, horteris atque incites: ut aliquando cognoscat honestissimam sibi necessitatem impostam esse, illius laudi, & moribus & rerum gerendarum gloriæ respondere. Contigit certe sepius ut qui maiorum praeclare gesta ausi sunt æmulari, illos demum longo intervallo superauerint. Qua victoria nihil puto gratius illis contingere posse, qui ea ratione vincuntur. Ceterum uniuersæ Galliae tanquam pro certa atque adeo iam adepta se

Aa 2 licitate

licitate, mirū in modum gratulor, quod eum qui præceptis philosophiæ egregie excultus fuerit, regem etiam aliquando sunt habiturū. Qui consilijs atque fortitudine, æque prolatis imperij Gallorum ac Christiani nominis fimbrijs, ab extremis orbis partibus ad nos reuectus pulcherrimum ac iustissimum triumphum sit acturus. Cum deuictis omnino nationibus quæ Christiano nomini sunt infestæ, sublato omni & bello et belli timore, pace terra mariq; parta non tantum uictori ipsi, quā tibi cuius præceptis obtemperans, ad eum felicitatis gradum peruenit gratias acturi, nec minori cum admiratione regem ipsum quā Theocrenum intuituri sumus. Tunc etiam liberalium omnium disciplinarum amplissimus prouentus, tanto fructu se efferreret, ut non prouocaturos solum omnem antiquitatem, sed superatuos etiam longo interuallo nos esse confidam. Verūtamen quoniam propediem te uisurus sum cætera in id tempus differemus, non enim mihi persuadeo tantum hunc felicitatis cursum, aliquid in te pristinae facilitatis mutasse, nisi ut quantum uis tantundē amicis possis prodesse, suauitatē igitur congressus tui, perinde atq; antea mihi polliceor. Vale.

Hieronimo Grimaldo. Greg. S.

Gratias tibi habeo maximas, quod literas Francisci ad me, tāta cū diligentia reddi curaueris, longe etiā maiores habiturus, si uicissim nunc operam dederis, ut nostræ ad ipsum perferantur. Scripsit enim ad me, se ex quodam ciuium tuorum intellexisse, volumen, quo in eius scripta inueheret,

inueherer, dudum à me parari. Quod & si nullo pacto nobis verisimile fit, coniectura facta ex ciuium tuorum, qui istic negotiantur moribus, non tamen omnino mihi facien- dum esse duxi, ut illi non rescriberem, quod grauius de me conquerebatur, quam necdum institutæ amicitiae consentaneum fuit, quod si fortasse verum nobis rescribere voluerit, gratissimum mihi erit, si rursus eadem diligentia perfeceris, ut summa cum fide Genuam litteræ perferantur. Vale.

Pamphilus Saxus. Greg. S.

Vltam diui Geminiani huic ad me dato, quam ego composui, non, ut dictis facta eius equarem. Non sum enim tam amens, ut, quæ mente non concipio, verbis explicare contendam, sed ut quas possum, quando quas vellem non possum, gratias illi agerem. Nullum enim tam largum flumen ingenij est, tam ingens copia dicendi, quæ beneficia eius in nos collata, oratione complecti possit. Quare tam amplum est, quod illi debemus, ut nihil amplius sit. Debemus enim aras, focos, arcem, corpora simul & animas. Quoties deuastati agri, depopulatæ fruges direptæ fortunæ, & euersa nobis mœnia fuissent? Quoties atrati in squallore & luctu omnes fuissimus? Ita me dii ament, ut non modo urbs nostra non extaret, sed nec urbis vestigia viderentur. Quamobrem studiosi omnes & præsertim hi qui litteris mitioribus (ut tu) politi sunt iure tenentur Deo huic nostro tutelari, maximum honorem, qui propter

propter maxima merita cuiuspiam debetur, exhibere, hoc est, laudes cumulatissimas, caerimonias & cultū præstare. Sed de his satis. Lerinam tuam ad te mitto, cur enim tuam non appellauerim, quam tu, non ex putri semine, sed sincero & incorrupto genuisti, quam nouus Iuppiter excussō capite, sine matre procreasti? protulisti que fetum qui nulla uinulla iniuria frangi debilitariue potest. Eduxisti illam ex tenebris in lucem, ex caligine in splendorem, ex nocte in diem. Igitur genuisti. Nostin argumentationem? Verum te parentem probaui, quando nihil aliud est gignere quempiam, quam illi lucem, id est animam dare. Sed tu illustrasti eam, patefecisti, in lumen in nitorem dedisti, quæ in occulto latebat. Hæc anima hæc uita est. Quæ nec deleri tempore nec morbo aut senectute corrumpi potest: quando illam memoria alit suo neetare, & æternitas pascit ambrosia. O quam magna & alta de te percipio, si uixeris. Sed uiues si uoletudinem curaueris, intermisseris studia, relaxaueris animum, et in te aliquando descenderis, & ad sensus redieris, rorem que cælestem illum biberis, quem ego soleo Deum parentemque salutis nostræ & nō immerito appellare. Quoniam sine horrore remedia, sine tormento curas, impunitam denique nobis sanitatem gratis etiam offert. De Aquariano latice intelligo, in quo proculdubio incolumitas tua, & salus sita sunt. Cura igitur qua maiore potes diligentia, ut qui semper sanctissime uixisti, firmiter aliquando & prospere uiuas. Nec mireris si semel atq; iterum de curatione uoletudinis tuæ te admoneo,

te admoneo, tua enim cautio, mea cautio est, & in tua vita, nostra consistit anima. Vale.

Pamphilo Saxo Mutinensi. Gregorius S.

SI tantum mihi deberet Lerina mea, quantum tibi Geminianus noster, atque eo nomine ciues tui, non recusarem, quin me & datorem lucis & parentem appellares. Video vero laudationem meam tantum ab eius loci pulchritudine superari, quantum tu ad Geminiani maiestatem ingenio & eloquentia proxime accedis. Nā ut verum fatear, cum superi omnes & pie & caste venerandi sint, sacrisq; & carimonijs propitiandi, præcipua tamen quadam ratione à communi patria honoribus, quam maximi excogitari possunt numen hoc tutelare nostrum afficiendum esse videtur. Nec ea tantum de causâ quod ciuis noster, quod Pontifex fuit, sunt hæc certe maxima, sed longe illa maiora quæ tu & copiose & eleganter enumerasti. In quibus mihi visus es, cum admirandis eius viri meritis, amplitudine & magnificencia orationis velle contendere. Cæterum quod tantum mihi tribuis, & tantopere de salute mea sollicitus es, magis certe vim quandam amoris incredibilem in te recognosco, & ideo me tibi plurimum debere cōfiteor, quam in me quippiam tale videam, quale tu de me tibi polliceri videris. Utar tamen & consilio & adhortatione tua in Aquariano latice bibendo, omnisq; à me adhibebitur diligentia, ut si ea res minus ex voto successerit, nihil tamen à me prætermisum esse conqueri possis, eorum quæ ad corporis fir-

vis firmitatē ualeitudinēq; recuperandā proficere possunt. Magis plane ut diutius suauissima consuetudine tua ceterorumq; amicorū mihi frui liceat, quā ut sperē quippiā iucundū ex ea re mihi cōtingere posse. Quid enim est cur inter assiduas egritudines, totq; & nostra ministrorū incōmoda diuturnitas uita nobis exoptanda sit? Nisi fortasse ut, quo ea fuerit longior, sic ego quotidie magis ingrauescēte ui morbi acerbius torquear. Ut omnibus qui me diligunt miserabilis magis quā iucundus esse possim. Verūtāmē si spes aliqua nobis ostendetur cōmodius hac ratione uiuendi, quādo in uita mea animā tuā cōsistere scribis non cōmittam, ut, & si tā anxia cura ualeitudinis mea causa mihi admodū molesta est, humano generi tñ detrimenti asserā, ut aliqua nostra negligentia, maximo uita tuæ fructu morte mea priuetur. Vale.

Φίλιππῳ Σαυλῷ ἀρχιερεῖ.

Γρηγόριος.

ΓΝώμας ἰνὰς ἡ καλαὶ σοφῶν ἀναλεξάμενος πέμπω σοι θεοφίλες αἱ Φίλιππε. εἰ δὲ μή τι ἡ ἐμῶν, ἰανυῶ ἀναβεβλήδω. εἰσὶ δὲ αὐταὶ ὡς ἀπορήματα προλεθεῖσαι μὴ ὑπὸ ἀμάσιδος τοῦ αἰγυπτίων βασιλέως. διαλυθεῖσαι δὲ ὑπὸ τινὸς αἰδιοπίας βασιλῆως. ὡς φησὶ πλούταρχος κατ'ἐκείνον, μετὰ ταῦτα δὲ ἐν συμπωσίᾳ ἡ ἐπὶ σοφῶν ὑπὸ θαλοῦ κατ' αὐτὸν Πλούταρχον. ἄλλως, καὶ ὡς εἴποι βέλτιον ἀποδοθεῖσαι. τούτου δὲ καὶ αὐτὸς κριτὴς ἔστι. οἶδα δὲ γάρ σε καὶ ἡ ἐξωτέρως φιλοσοφώων τὰς γνώμας, ὡς δεῖ, χαίροντα, καὶ κατὰ τοῦτο οὐκ ἀπάδεις τοῦ τῆς κατ' ἡμᾶς σοφίας σχήματος. βασιλεὺς ὁ μέγας καὶ ὁ θεῖος Ιερώνυμος, πρὸς μαρτυροῦσι τῇ λῶγῳ, ὁ μὲν δίδασκων ὡς δεῖ καὶ τὰ κατ' ἐκείνους ἡμᾶς ἐδ' ὅτε μετέιναι, ὁ δὲ γε θεῖος Ιερώνυμος πολλοῦ μεσὸς φανόμενος τῆς ἡ ἐλληνικῶν παιδείας. οὐχ ἡκιστα δὲ καὶ ἐν οἷς διέξεισι περὶ ἀπολλωνίου τοῦ τυανέως, καὶ τῆς ἰνδῶν ἡ βραχμάνων σοφολογίας, καὶ περὶ τούτων μὴ ἄλλως. πρῶτον δὲ τέθεικα τὰς τοῦ αἰδιοπίας ἀποκρίσεις, πρὸς τὰς τοῦ ἀμάσιδας ἀπορίας, μετὰ ταῦτα δὲ τὰς τοῦ θαλοῦ, τοῦ ἡ ἐπὶ, διορθώσεις τε, καὶ ἐτι ἀποκρίσεις.

ἅμασις

ἡμῶν	ὁ αἰθίορ	ὁ θαλῆς.
τὸ πρεσβύτατον	χρόνος	θεὸς ἀγέννητον γὰρ
τὸ μέγιστον	κόσμος	τόπος. ἴον γὰρ κόσμον οὗτος πε- ριέχει.
τὸ σοφώτατον	ἀλήθεια	χρόνος. ταὶ μὲν ὄρηκε, τὰ δ' ἀ- ρήσει.
τὸ κάλλιστον	φῶς	κόσμος, πᾶν γὰρ τὸ κατὰ τάξιν τούτου μέρος ἐστὶ.
τὸ κοινότατον	θάνατος	ἐλπίς. καὶ γὰρ οἷς ἄλλο μὴθ' ἐν, αὐτῷ πάρεσι.
τὸ ἀφελιμώτατον	θεὸς	ἀρετὴ. καὶ γὰρ τὰ ἄλλα τῷ χρό- νῳ καλῶς ἀφελίμα ποιεῖ.
τὸ βλαβερώτατον	δαίμων	κακία, καὶ γὰρ τὰ πλείστα βλά- πτει παραγενομένη.
τὸ ῥωμαλέωτατον	τύχη	ἀνάγκη, μόνη γὰρ ἀνίκητος.
τὸ ῥᾶλλον	ἡδὺ	τὸ κατὰ φύσιν.

Θαλῆς ἔφη τὸν χρόνον οὐκ εἶναι πρεσβύτατον, τὸ μὲν γὰρ αὐτοῦ γεγονόσ
τὸ δὲ ἐνεσῶς ὄντι, τὸ δὲ μέλλον, καὶ ὁ μὲν ἡμᾶς ἐσόμενος χρόνος καὶ παραγμάτων
ἤν' νῦν καὶ ἀνθρώπων νεώτερος ἂν φανείη. ἡ ἀλήθεια οὐκ ὅτι σοφώτατον,
τοῦτο γὰρ ὁμοιον τῷ, τὸ φῶς ὁφθαλμὸν εἶναι λέγειν. ἡ δὲ περὶ θεῶν καὶ δαιμό-
νων ἀπόκρισις θράσος ἔχει, καὶ κίνδυνον τῷ λέγειν ταῦτα περὶ ἐκείνων. ἄλογος
ἔστι καὶ ἡ περὶ τῆς τύχης, οὐ γὰρ ἂν μετέπιπτε ραδίως ἰχυρώτατον οὔσα ἤν' ὄντων.
καὶ ῥωμαλέωτατον. οὐ δὲ ὁ θάνατος κοινόν, οὐ γὰρ οἱ ζῶντες αὐτοῦ μετέχουσι.
οὐτῶν μὲν τὰ τοῦ αἰθίοπος ἀνασκαδίζει Θαλῆς. συ δὲ ταῦτα ἀμύμων τε ἀπό-
δεξαι, καὶ τῷ ἀδελφῷ σου Δομνίκῳ, καὶ τῷ θεῷ ἡγεμόνι τῆς ἱερειότητος ἡμῶν
σωτᾶξέως, αἷς δούλον με σύσῃσον. ἔρρωσο μεμνημένος τοῦ σου Γρηγορίου.

Φιλίππῳ Σαυλίῳ.

Γρηγόριος.

Εἰς τὸν γὰρ γράφαι ταῦτα πολυτίμητος χρόνον ὤκνου, ὁμολογῶ. ἡ δ' αἰτία
θεῶν περὶ Φιλίππε, διὰ τὸ μὴ διώσθαι με σοὶ χαρίσας φίλων ἀρίστων, καὶ
λαμπρότατων, καὶ καθ' ἡμᾶς. ἐπειδὴ γὰρ ἤν' ὑμετέρων τις κόσμος, καὶ φιλόφρων
πολλὰ καὶ με προὔψεν ἀφικέσθαι πρὸς ὑμᾶς, δὲς που καὶ πρὸς τὸ πρᾶγμα σκε-
ψάμενος, εἴρον ἀδωάτον μοι παντὶ πᾶσι τὰς ἐν ταῦτα παρῆναι διακρίσας.
πάντα δ' ἐπὶ τὰ κενόχοντα μαθήσῃ παρὰ τοῦ προσημνέου. οὐτῶν μὲν οὕτως ὤκνου,
ὡς ἐφύω,

Bb

ὡς ἐφύω,

ὡς ἔφην, πρὸς τινὶ ὀπισθολῶ. φίλον δ' εἰδὼς ἀδικεῖν, εἰ καὶ ἄκων, καὶ ταῦτα φίλον τοιοῦτον. σὲ φημι τὸν θεοφιλέστατον φίλιππον. ἀλλὰ ἀναμνηθεὶς σου τὸ φιλάνθρωπον ὑπὸ σοῦ μὲν ὑπόντος ὑπὸ δὲ τοῦ σοφοῦ καὶ θείου Διονυσίου παρόντος πάλιν ἐθάρρησα, προτραπεὶς ὀπισθεῖλαι σοι. καὶ πρὸς τὸ μέλλον σπολέπων σου θέομαι γράφειν ἥτις δωαίμηνται χαρίσασθαι πρὸς ἀπὸντι εἴθε καὶ παρώνμοι προσέλαπες ὁσημέραι. ἔρρωτο.

Dionysius Monachus . Gregorius S.

Baptista noster, cum sese ad nos recepisset, gratissimum nobis de tuo istuc aduentu nuncium attulit, nisi quod ex navigatione, te solito imbecilliores esse asserebat. Atque ideo effectum, ut ad nos (sicuti promiseras) non nauigaris. Scito enim reditum tuum ad nos, omnibus futurum optatissimum. Cuius dilatio cum omnes molestia afficiat, me tamen eo magis angit, quo maiorem ex consuetudine tua fructum percipere consueui. Tua enim ingens in me humanitas, locataque beneficia (ut interim de ornatissimis moribus fileam) tam arcte me tibi deuinxerunt, ut si te non amem, non tam rusticus aut ingratus, quam etiam impius mihi esse uidear. Quare, non me diocriter adhibenda mihi cura est, ut eorum memoriam (quando tibi gratiam referre non valeo) nulla unquam aut locorum aut temporum spacia delere potuisse videantur. Tuli vero agerrime tabellariorum tantum fuisse incuriam aut certe perfidiam, qua nimirum sit factum ut nostrae tibi litterae minime redderetur. Nam Grassensis tuus, cum mihi tuis rebus semper fauere visus sit, tunc vero lectis litteris tuis, quibus de tuo ad nos reditu sententiam tuam aperiebas, perspectus est à me toto animo de te ac de tuis commodis cogitare. Communica-

tisque

tisq; mecum (quæ est eius in me humanitas) tuis litteris, atq; eius de te sententia, rescripsit ad te ne se diutius in tui desyderio esse paterere. De qua eadem re, & ipse iam binas ad te literas dedi, quibus eius quem in te habet animi admonebam. Is tibi iam ad fastigium usq; cubiculum ex animi tui voto extruxit. Quod omni tumultu ac strepitu liberum tuis studijs maxime commodum futurum non dubito. Huic hærebit ambulatio non minus iucunda quam ab omni hominum accessu secreta & remota. Multa præterea tibi quæ ad negotium pertinent scribere possem, quæ de industria omitto, quod sperem te propediem ad nos venturum. Solum hoc addam, quod & si Virtus tua multos tibi amicos conciliauit, caue tamen putes aliquos te aliquando habiturum, cum quibus æque libere ac iucunde agere possis quam cum Grassensi nostro. Cuius vel tota cura in id videtur conferri, quomodo tuis sese optatis accommodet. Vale.

Dionysio Monaco. Gregorius S.

Nihil noui nobis litteræ tuæ nunciarunt, nequaquam enim mirum est, aduentum meū istuc vobis esse optatissimum, quando is est meus amor erga vos omnes, ut si ei respondere volueritis, non minori vos expectatione meæ ad vos profectionis, quam me vestri visendi desyderio necesse sit detineri. Non quod me cuiquam vestrum longo interuallo comparem, aut quippiam putem in me esse, quod tantopere à vobis desyderari debeat, sed quod eiusmodi

Bb 2 desyderia,

desyderia, non rei ipsius precio, sed mensura amoris extima-
 ri solere non ignoramus, recte enim Theophrast. ait. τὸ φιλῶν
 τὸ φιλοῦν πρὸς τὸ φιλοῦμενον. Litteras vero tuas vel perfidia uel
 negligentia tabellariorum perijisse, tantopere doleo, ut ni-
 bil mihi eiusmodi iactura molestius accidere potuisse putem.
 Cum enim nihil magis optem, quàm ut tecum quandiutis-
 sime uiuam, utarq; & gratissima tua consuetudine &
 suauissimis congressibus, tātisper certe me allocutus fuisses,
 donec ego literas tuas perlegissem. Quare consequens est, il-
 lud in epistolis tuis contingere, quod ut quaq; longissima
 est, ita mihi maximopere sit iucunda. Omitto quod coniectu-
 ra ex cæteris facta, certissime mihi persuadeo, nihil illis lit-
 teris ornatius & elegantius fieri potuisse. Quo fit, ut dam-
 num quod ex earum iactura fecimus ea ratione multiplice-
 tur. Quod uero de Grassensi scribis, scito me omnino ope-
 ram daturū, ut non frustra tantus uir adcoq; mei amans,
 aduentum nostrum diutius expectet. Mihi enim impositam
 esse uideo honestissimam necessitatem assidue cogitandi, si
 qua ratione tot illius in me collatis beneficijs opere respon-
 dere possim. Verum quia id non modo arduum & difficile,
 sed penè infinitum esse uidetur, enitar certe quoad eius fie-
 ri poterit, ut in ea re gratitudinem animi mei aliqua ratio-
 ne cognoscat. Et quoniam (ut ais) & cubiculum & am-
 bulationem nobis tanto studio parari fecit, quod ad edifica-
 tionis formam attinet ex animi mei voto, & quod maxi-
 me mihi voluptati futurū est, ab omni strepitu tumultuq;
 hominum remotissimum, nihil iam apud me antiquius erit
 quàm

quàm ut ad Viri liberalissimi meiq; amantissimi magnifica munera perfruenda confestim aduolem. Mihiq; certissime persuadeo, inter tantam expectationem vestram, me repente vobis in expectatum superuenturum. Vale.

Dionysio monaco. Gregorius S.

Cum elapsis paulo ante diebus prolixas ad te litteras dederim, nulla omnino causa esset, cur te tam frequenter obtunderem, nisi me tam etiam fidelissimi huius nuncij opportunitas prouocasset, quam si elabi permitterem contra officium me omnino facturum esse arbitrarer. Breue est igitur quod te ut rogem meus in te amor cogit, nimirum, ne nos in tui desiderio diutius esse patiari. Quāquam te id fuisse facturum intelligo, nisi nouum aliquod negocium istic adhuc dies aliquot manere te inuitum coëgisset. Gaudeo planè, te in animum induxisse, nullum esse locum qui honestissimis tuis optatis tam pulchre respondeat, quàm hic noster, ubi literato ocio ac quiete, insuper & iucundissima amicorum consuetudine frui possis. Nam & si ubiq; multos esse credo, qui cum te norint amare (quod sine adulatione dictum sit) merito cōpellantur: nusquam tamen facile inuenias quibus aque carus sis ac nobis: quibusque tui aduentus aque sit in uotis. De me omittam dicere. Grassensis noster sola tui memoria se mille curas mitigaturum mihi asseruit, cum quo nunquam mihi esse contingit, quin plura de te loquentes spacia conficiamus. Sed tu ipse, eius in te animum hic coràm melius perspicies. Præterea, Augustinus

Seraptus,

Seraptus, qui has ad te meo nomine attulit, Grassensi nostro est a secretis, hunc si tibi commendem, importune satis me acturum puto, cum tua humanitas benignitasque sese eiusmodi viris etiam ultro exhibeat, homo est cum bonis litteris, tum honestis moribus præditus, tuique imprimis studiosissimus. Vale.

Dionysio Monaco. Greg. S.

NEquaquam vos hætenus suspensos habuissim expectatione aduentus nostri, nisi me Federicus Salernitanus Pont. ad hanc usque diem detinuisset, qui tot tantaque beneficia in me contulit, atque adeo vehementi amore prosequitur, ut nihil maius aut vehementius fieri posse mihi certissime sit persuasum. Et quoniam dubius animi inter Grassensem Salernitanumque pendeo, vereor, ne is me sibi totum vendicet, cui nunc me totum contingit possidere. Accedit quod cum tumultuosissima tempora sint, nequaquam his quibus cum hoc negotium contuli, tutum fore visum est ut mari terraque (ut nunc se res habent) periculosissimo itineri me committam. Præterea, cum hæc ciuitas (ut nosti) factionum discordiis agitari consueuerit, nuper in mentem Federico venit (ut est optimus atque sanctissimus) omne studium cogitationemque in id intendere, ut ea, quæ totam se illi nunc credidit, patria, omnino ad concordiam reuocetur. Qua in re id minimi facit, quod longe maximum ferè omnibus videri posset. Nam si id quod tantopere cupit assequetur, omnino illi dominatu atque imperio est concedendum.

Tanta

Tanta vero est eius erga patriam pietas, ut non absq; imperio solum, sed exule etiam (&) extorris (si ita communibus rationibus conducet) quod reliquum vitæ illi supererit sit acturus, modo florentem tranquillamq; patriam derelinquat. Et quoniam maximus est mihi in hac ciuitate amicorum numerus, nec ferè aliquis est ex principibus, qui non mihi sit coniunctus arctissima consuetudine, diligentissime mecum egerunt, cum Federicus ipse, cū alij complures, quibus publica hæc concordia maxime cordi est, ut nihil omnino de discessu meo cogitarem, secuturos enim esse quamplurimos (&) consilium (&) adhortationem meam. Quare, nequaquam mihi integrum fuit, id negotium derelinquere, pro quo etiam si longissime abessem, Genuam statim essem aduolaturus. Præterea, & si scio me tibi non iucundissimum nuncium allaturum, ut tamen amici memoriæ iusta persolvere possis, nullo pacto mihi committendum esse duxi, ut non te de ea re facerem certiore. Scripsit ad me Petrus Bembus, Longolium nostrum nuper, diebus aliquot continua febri vexatum decessisse. Nihil addam amplius. Tu qui eius viri virtutes probitatem (&) doctrinam æque atque ego cognoueris, facile cogitabis, quantopere nobis pro tam graui casu sit dolendum. Ego quidem ita affectus eo nuncio fui, ut nunc demum me intelligere putemamo, ris uehementiam qua uiuentem illum prosequabar. Non igitur fraudabo amicum debito testimonio. Maxima (&) præclarissima ingenia ætas nostra protulit, unicus tamen mihi Longolius extitisse uidetur, in quo cum virtute probitas, cum

utraq;

Utraq; ingenium: postremo cum his omnibus candor, atque iudicium decertarent. Caterum, Seraptus ille tuus, quem tantopere mihi commendas, si bonis litteris praeclatus sit, non satis scio, cum certus sim illum penitus honestis moribus carere. Exceptus enim a me humaniter & benigne, & fratri meo qui Mutinae erat arctissime conciliatus, post maxima beneficia accepta, sic ab eo discessit, ut me etiam scribere pudeat, in quantis criminibus sit deprehensus. Nescio vero qua ratione accidere potuerit, ut in diuturna intimaq; consuetudine, mores adeo damnandi à Grassensi nostro de tecti non fuerint. Vale.

Franciscus de Sancto Venerio. Greg. S.

Sum miratus, quod, cum ceteris, qui eodem tempore, quo ipse, ad te scripserunt, & alijs etiam, qui nunquam literas ad te dederant, responderis, mihi nihil adhuc ad ea quae volebam rescripseris. Quid vero est quare id accidisse suspicer, nisi vel te nostri penitus oblitum, vel te hoc mearum literarum officium damnassem putem? Ego tamen tui semper memor ero, te & praesens & absens equidem semper amabo. Non enim ex eo hominum numero sum, qui praesentes tantum amant, absentes vero obliuiscuntur. Nec te literis appellare desinam, quotienscunq; mihi scribere vacabit. Itaq; contemnas licet hoc meum scribendi officium, qui quanti te faciam quamq; amem, vel illud certissimum est argumentum, quod de te summo studio & diligentia ex omnibus qui istinc veniunt, & quos natus

Etus sum, semper quaesivi, quod nunquam tam sedulo fecissem, nisi te mirifica vi amoris prosequerer, qui in amore in te meo haud quaquam puto me à quoquam superari, ut ex eo qui tibi literas meas reddet, diligentius intelligere poteris: quares est mihi ad brevitatem aptior. Sed de literis & de meo in te amore haecenus. Decreueram, si vis pestilentiae maior ingruisset, quod tamen sperandum in melius est, istuc me conferre, ut talia tempora tecum exigerem, sed dubitavi ne reciperer. Mihi sane rem gratissimam feceris, si opusculum illud, quod erat alligatum meis ad te literis, euestigio limatum expolitumq; remiseris, quod certe scio in causa fuisse, ne literas abs te acceperim. Posthac ero prudentior. Ego amico nostro qui libellum à me quotidie cultū reposit, intra resurrectionis dies, me abs te accepturum pollicitus fueram: te obsecro & obtestor, cures ad me tuto perferendum. Hoc à te ita peto & contendo ut nihil vehementius abs te unquam contenderim. Vale.

Francisco de Sancto Venerio. Greg. S.

Accidit tabellariorum negligentia, ut uterq; nostrū de altero conqueri posse videatur. Ego binas ad te literas dedi, quas ex tuis coniugio redditas non fuisse, cum vicissim quoq; abs te nihil literarum acceperim. Illud certe mirum mihi videtur, quid causae fuerit, quod cum ceteri omnes, ad quos epistolas dedi, summa cum fide illas se accepisse ad nos nuper rescripserint, tu solus à tabellarijs sis praeteritus. Quare diligentissime danda est in posterum opera

C c ut &

Ut & istec iactura sarcatur, & crebritate literarum omnis superetur tabellariorum negligentia. Nam & si omnino silere statuissem, excitant certe nos mirificus ille amor erga me, quem postrema epistola tua declarat. Scribis enim, te quamuis illud tuum scribendi officium à me contēni perspexeris, iccirco tamen desitutum non esse nos literis compellare. Ego vero tam nequeo officium tuum hoc plenissimū amoris & humanitatis contemnere, quā tu me absentem non potes obliuisci. Cum enim in ceteris omnibus me abs te superari facillime patiar, nunquam in mutuo amore nostro tibi sum concessurus. Ceterum mirifice gaudeo pestilentia istuc remissius desuere: vix enim dici potest, quanta me molestia affecerit ciuitatis istius miserabilis simul atq; diuturna calamitas. Quæ licet omnibus merito deflenda esse videretur, parum tamen absuit, quin inter maximos mœores, nuncium mihi: attulerit optatissimum gratissimi aduentus tui ad nos, nisi tu inconsulte omnino veritus fuisses, uti à nobis non recipere: tantum enim absutura fuit à nobis a deo saua inhumanitas, ut etiam omnes tibi obuiani fuerimus prodituri, excepturiq; publico cum apparatu carissimum hospitem. Quod praterea vereris opusculum illud in causa fuisse, ut non literas à me antea acceperis, fateor certe me ea de re nihil omnino hætenus rescripsisse. Quæ enim ratione fieri posse putasti, ut nunc demum primis grammatices rudimentis denuo operam darem? & quantitatem syllabarum pedumq; mensuram, sic anxie examinarem, ut si desiderio tuo voluissim satisfacere, mihi rursus fuerit

rit repuerascendum. Quare, recte facies si, ut scribis, post-
hac fueris prudentior et diligenter cogitaueris, quidnam à
quoq; potissimum sit requirendum. Vale.

Benedictus Theocrenus. Greg. S.

ET si quid mihi faciendum esset intelligebam, cū Chri-
stophorus Longolius iuuenis eruditissimus, tanta cum
modestiae prefatione ad te scriberet: tamen Stephanus Sau-
lius postquam tuas ad Longolium, Longolijq; rursus ad te
litteras mihi legendas dedisset, tui erga nos amoris, qui nul-
lius in te meriti nobis conscij sumus, vehementiam ita ex-
pressit, ut tam alicuius audaciae quàm ingratitudinis nota,
labi maluerim. Vide, te quaeso, quantifaciam me ab homine
ornatissimo amari, qui hac infantia maximam eloquentiam
prouocare non verear, Censento sane me alij temerarium
tanquam minimum pensi habeam te ipso literis appellando,
cui summi viri primas deferunt, seque omnem reuerentiā
scribendo prætendentes insinuant, dum, quantum ob istam
optimam voluntatem debere me tibi existimem, quouis di-
cendi genere declarem. Nis quidem prae uobis, hoc est, eru-
ditis ἀνθρώποις sumus, sed non continuo οὐτος ἀμύσσοι ut non
plurimi estimemus, quicunq; de literis bene merentur, in
quo tu ordine, quem locum tenere mihi videaris, si dicere
incipiam, magnopere timeo, ne aliquam me hinc tibi amoris
gratiam oblique referre suspiceris, potius quàm ita omni-
no sentire. Quanquam, quas tibi laudes apertissime contri-
buit Longolius, eae à cæteris qui te post Longolium laudaue-
rint,

C c 2

rint, omnem assentationis aleam deprecantur, tam acri est ille (ut inter omnes literatos conuenit) iudicio. Sed qualiscunq; ego fuerim, miro quodam desyderio tui adeundi videndiq; totus flagrare cœpi, ex quo meus Saulius assueverat testatus est, ad illa τὴν ἐγκυκλοπαιδίαν, quæ tibi, aut uni fortasse, aut certe omnium consummatissime, hac ætate inest, accedere incredibilem quãdam morum suauitatem & candorem, quo nomine, quãto etiam imperius te diligam atq; obseruem, haud facile dictu existimo. Ut taceam quod ultro amantem non amare atq; completi ἀπανθρώπου, nedum ἀπανθρώτου semper duxi, præsertim talem virum & tā studiosum amicitie. Auget te coram alloquendi ardorem tum religio, tum amœnitas istius fortunatissimi secessus, quem mihi cum Saulius, ut est ingeniosissimus, adamusim depinxerit, verius tamen nescio quomodo ante oculos posuit, & speciosiore reddidit illud tuum carmen eruditum, facile argutum, καὶ σκελόντι εἰπὼν Horatianum. Sordescerent priscis hominibus, si adessent, cum Pythagora (Croto, Metapuntus, Tarentum & demum quicquid fuit ἐλλάδος τῆς μεγάλης modo propter te insulam inuiserent omnium quas mare circumluat μακαρτάτω, quod si per Patronos meos Octavianū et Federicum Fregosios, quos fama tibi notissimos esse audio, ad te istuc proficisci licuerit aliquando tum Cortesio amici & discipuli coram nomen iucundissime profitebor, & in verba tua sanctissime iurabo, poteris enim non minus postea discipulum absentem docere, quàm amicum mutuo amare. Vale.

Benedictio

Benedicto Theocreno. Greg. S.

Superiore epistola pauca ad te de Saulio nostro scripsi, ne
essem omnino longior, quam eiusmodi literarum ratio po-
stularet. Nunc vero (modo tibi ad legendum ocium conceda-
tur) longiore epistola narrare constitui, ut cum primū huc
adueniens nobis se imposuisse crediderit, et ut ego cor meū
oculis cōfixis, illud ei dicere potuerim. Docte Ligus patrias
nequicquam lubricus artes tentasti. Prima nanq; die eius
hebdomadis, quæ Christi Seruatoris morti dicata est, dum
ego solus in secreto essem, repente nunciatur hospites quos-
dam Lerinam applicuisse, eosq; vehementer postulare, ut
me coram alloqui liceret. Illico iussu meo benigne intromissi
exceptiq; humanissime (sic se enim collegij nostri mores ha-
bent) Deum adoraturi, ad templum deducuntur, ubi ego
obuiam illis factus, eum qui mihi inter ceteros honoratior
esse videbatur, manu apprehensum percunctari cæpi, qui
mortales essent, aut cuius rei gratia illuc essent profecti. Ille
vero ad diu iam antea cogitatam fraudem deuolutus, mer-
catorem Genuensem se esse simulat, Massilia illuc profectum
ut per eos dies nobiscum sacris operaretur. Tum Urbane
complexis liberum esse dixi, ut quandiu vellent apud nos
hospitarentur. Dumq; eum qui hospitum suscipiendorū cu-
ram habet accersitum, expectarem, aliquot spacia cum Sau-
lio ambulando confeci. Ibi vero statim ille de literis loqui
cæpit, & copiose & eleganter, atque ea ratione, ut facile
appareret in eo cum maxima doctrina summum iudicium
esse

esse coniunctum. Admirans ego, ecquid fieri possit interro-
gavi, ut & literis & mercatura adeo intentam operam
navaret, cum neminem ex eo genere hominum aliquando
allocutus fuisset, qui præter accepti expensiq; tabulas quip-
piam literarum se scire profiteretur. Subridens ille. Nihil
inquit literarum novi: sed cum totum pene orbem nostrates
perambulent, necesse est ut interdum etiam cū doctis vi-
ris congregiantur, quorum consuetudine aliquantisper eru-
diti, deinde quæ audierunt, non quæ ex libris didicerunt,
loqui consuevere. Ego tamen interim uultū viri, & quam
apposite de literis loqueretur considerans, statim suspicari
cœpi, dolum aliquem subesse eiusmodi tamen ut sperarem
nequaquam mihi pœnitendum esse, quod eo pacto decipe-
rer. Egregia enim viri indoles, & morum honestas literis
condita, ut non aliud expectare mihi facile persuadebant.
Sic tamen ab eo tunc discessi, ut magis cum docto viro,
quàm multorum negotiorum consuetudinem mihi futuram
esse existimarem. Erat forte nobiscum quidam ex mariti-
ma Liguria ora, qui, quod diu Genuæ commoratus es-
set, principes ferè omnes ciues de facie cognoscebat. hic, cū
eodem pacto Saulius se ei imposuisse crederet, paulo post me
solum convenit, nunciatq; eum esse Stephanum ex opulen-
tissima Sauliorum gente, qui etiam in ordine Cardinalium
fratrem habuisset. Tunc iussus est à me omnia silentio tege-
re, ne ea res molestiam hospiti afferret, cuius fortasse rationi-
bus conduceret, uti ne à nemine proderetur. Me etenim ca-
ptato tempore, hospiti meo personam illam simulatam detra-
cturum.

et *et*urum. Die quæ infecuta est, rursus cum eo diutius com-
moratus tandem de opulentia gentis Sauliæ sermone de in-
dustria inslituto, Stephanum cœpi de Stephano percuncta-
ri. Et primo qua etate esset minimus ille Cardinalis frater,
quem literis operam dare intellexeram: tunc ipse vix risu
compresso, æqualis, inquit, meus est. Ego uero, quomodo, in-
quam, de ingenio moribusq; eius sentis? erubuit sane, nec
tamen negare ausus est, quin quod erat de seipso sentiret.
Postremo tamen discessurus, totum se nobis aperuit. Du-
ctum se illuc dicens nostri visendi desyderio, & quoniam
mira essent quæ de sacerdotum illorum doctrina & mori-
bus intellexerat, iccirco personam à se dissimulatam, quo li-
berius familiarisq; uniuersa explorare posset. Atq; ut
eius testificatione utar, reperisse se omnia expectatione sua
longe maiora. Iccirco daturum se operam, ut apud nos diu
permansurus, confestim reuerteretur. Velle se in ea solitu-
dine inter viros & pietate & doctrina excellentes, trien-
nio saltem literis diligentissime operam dare, habiturumq;
Christophorum Longolium & alios complures doctos vi-
ros, eius desyderij participes. Qua quidem de re, paucis an-
tea diebus Longolius ipse ad me scripserat. Explicui tibi sce-
nam personati Saulij nostri, qui nunc tam auide à nobis ex-
pectatur, quàm libenter eius consuetudine fruituros nos es-
se speramus. Videre iam mihi videor, bonarum literarum
studia in hoc secessu se efferētia, ut nec Lyceo nec Academiæ
simus concessuri. Quod eo libentius ad te scripsi, quo te ma-
iore cum diligentia considerare volo, quanta felicitàte sis
cariturus

cariturus, si non omnino operam impensissimam dederis, uti in hoc doctorum hominum collegio vivere valeas. Qua in re non modo Octavianum Federicumque principes meos, desiderio tuo non aduersaturos esse confido, sed si à te præclaram hanc occasionem negligi senserint, vim etiam adhibituros, ut cum ceteris quam ocysissime huc aduoles, quod ut libenter facias, te, cum tua, tum etiam mea causa, vehementer etiam atque etiam rogo. Vale.

Vitalis monacus. Greg. S.

Nescio mihi potius an tibi gratuler pro hac dignitate tua Gregori pater, quam tibi his proximis commitijs præclarissima virtute & ornatissimis moribus comparasti. Tibi enim non mediocrem video gloriam accessisse, cui tantum honoris gradum, te præsertim inuito, & patribus unanimiter suffragantibus, ascendere licuerit, ut non minus optimam omnium de te opinionem superaturum putem, quam semper antea maximam expectationem concitaris: nec id quidem immerito. Tantam namque apud omnes existimationem incredibili virtute tibi comparasti, ut laus tua non obscuro nec vario sermone, sed & clarissima & una omnium voce prædicetur. Mihi autem non parua decoris & ornamenti accessionem factam esse puto, cui tali prælatione decoratum liceat habere præceptorem, qui & suo splendore omnes discipulos illustrare possit, & maximi autoritate, incredibile sit futurus emolumento. Tibi igitur iterum gratulor pro hac dignitate tam maxima quam benemerita, quam
& si

Et si nunquam ambitiose quaesisti, splendore tamen virtutis, & morum grauitate promereri studuisti. Mihi quoque rursus gratulor, quoniam et voti mei compos effectus sum. Et iam nihil aliud cupio, nisi ut te videam, fruamq; & cōsuetudine & suauissimis sermonibus tuis. Postremo scias uelim, me ut huius dignitatis culmen assequeris, omnem operam & studium adhibuisse. Quam posteaquam maxima cum omnium gratia, fauoreq; adeptus es, primus agnoui, nouem virorum syngraphas, ut moris est, ipse scrutarer. Dij te faustum felicemq; conseruent, ac ad meliora semper dignioraq; ut promeritus es, te prouehāt, ut et tibi tuisq; ac sacre religioni decus immortale acquiras. Quam cum diu felicissimeque gubernaueris, in eius tandem sinu, cum senueris, faustissime requiescas. Vale.

Vitali Monaco. Gregorius S.

ET si intelligo gratulationem tuam ab amico animo proficisci, conieciquē mirificam voluptatem, qua, ex eo qui mihi nuper demandatus est magistratu, affectus fuisti. Et iccirco pro tali voluntate, fieri nequit, ut non tibi immortales gratias agam. Illud tamen te scire volo, nihil unquā mihi acerbius accidisse, nihilq; posthac accidere posse quod grauius feram, quā molestissimum eiusmodi administrationis onus. Nec minuit dolorem quod mihi nihil tale expectanti repente istuc obrepserit, nisi eatenus quoad apud omnes constare gaudeo, me & voluntate & animo ab eiusmodi curis remotissimum, id nequaquam ambitiose quaesif-

D d se, quod

se, quod ultro etiam oblatum mirum in modum me angit
& excruciat. Quod illis certe vix verisimile fieri posse pi-
to, qui inania hæc dignitatum nomina, tanto studio consecra-
tur, ut pro illis etiam digladiari non erubescant: nihil ex
inenarrabili solitudine adepturi præter infinitas molestias
& curarum incredibilia tormēta. Quodq; his omnibus ma-
gis est admirandum, complures esse intellexi, qui, cum pri-
uate vitam agentes, vix idonei fuerint ad semetipsos re-
gendos, maxima tamen ambitione ut cæteris præficiantur
contendunt: ut non secus mihi agere videantur, ac si qui-
spiam non ventorum modo & tempestatum, sed nauigan-
di etiam penitus inscius, onerariā nauem præciosissimis onu-
stam mercibus, inter fluctus maximos & aduersas tem-
pestates regere concupiscat, Quid enim præciosius humanis
animis excogitari potest? quos cum ex huius vitæ procellis
in portum supernæ patriæ deducēdos susceperint, plerunq;
facto naufragio complures in profunda demergunt. Nec
abnuo esse aliquos, quibus tuto navis huius gubernacula de-
mandari possint, sed eos cum paucissimos esse, tum etiam in-
uitos coactosq; ad clauum regendum accedere non ambi-
go. Eoq; potissimum argumento prudentes ab imperitis di-
scerni posse, quod priores onus maximū expēdentes, quoad
ipsorum fieri potest, diffugiunt & reluctantur: inscij ve-
ro illi tanta cum auuiditate id appetunt, ut si præteriti fue-
rint, doloris vehementiam nequeant dissimulare. Quare
non minimam infelicitatis partem eam esse duco, quod no-
uem viri adeo unanimes fuerunt, ad me ex priori trāquil-
litate

litate deturbandum, ut nihil aliud preter acerbissimam memoriam nobis reliquerint pristinae consuetudinis. Ceterum inter mala quibus urgeor, non minimum illud nobis solatium continget, si vel tibi, vel condiscipulis tuis alicui emolumento hac dignitas est futura. Quae in re, meum erit honestissimis omnium votis obsequi, vestrum autem quid à me desiderare de beatissimis diu multumque cogitare. Vale.

F. Fregosio. Gregorius S.

Cum nihil mihi gratius nihil iucundius accidere possit, quam ut diu & familiaritate & consuetudine tua fruatur, hoc mihi praestitit aduentus noster ad te. Et si enim ceteris nobis nostris negotia imprimis huc me pepulerunt, desiderium tamen visendi tui, id quod cunctanter & timide fueram factururus, ut libenti animo alacriterque à me fieret, mihi persuasit. In hac tamen mirifica nostra voluptate, illud intercidit incommodi, quod cum absens crebras à te literas accipere consueverim, & illas quidem pereleganter & amicissime scriptas, nunc cum in illarum locum mutua colloquia & quotidiani congressus successerint, omnino scribendi usu intermisso, summopere verendum est ne cessatores maximi efficiamur, & si nullum tibi inde video periculum imminere, quod ea ratione styli possessionem usu mancipioque ut ita dicam, tibi propriam fecisti, ut non modo de ea depelli non possis, sed & si sponte illi cedere volueris, nequeas tamen quantumvis diuturno tempore, ab eius dominio dimoueri. Mihi uero qui nullam ferme facultatem, minimo

Dd 2 certe

certe *usu stabilitum nactus sum, magnopere cauendū est, ne ex balbo & infanti omnino mutus efficiar. Quare, non tantum patienter feres, si literis meis ocium tuum interpellauero, sed & pro perspectissima mihi humanitate tua, interdum etiam rescribere non grauaberis. Et si enim uideo quā impudenter agam, qui a tanto uiro id petere audeam, quod etiam salua modestia mihi potest denegari, fecerunt tamen humanissimi mores tui, ut etiam verecundię fines apud te transgredi non omnino impudentis esse mihi persuaserim. Quod & si eo nomine me literis tuis accusare uolueris, longe tamen mihi erit iucundius literas abs te accipere quā molestum, impudentiæ nomine accusari. Vale.*

Iacobo Sadoletto. Greg.S.

Quod hætenus ad te literas non dedi, cū multis antea mensibus abs te acceperim epistolam plenissimam humanitatis ac beneuolentiæ, nolim tibi persuadeas id, aut negligentia, aut obliuione nostra accidisse, sed quod & difficillimo bello & belli metu assidue vexati, maximisq; præterea affecti calamitatibus, ut pleraq; omnia, sic & hoc scribendi officium coactus sum intermittere. Nunc autem ob easdem molestias Lugdunum pulsus, cum apud virum tui amantissimum Federicum Pont. Salernitanum diuerterem, mirifice accidit, ut is certum hominem ad te mitteret, cuius opportunitatem nactus, plurimum mihi visus sum in amicitiam peccaturus esse, nisi ad te qualescunque has literas darem. Quibus & aliquando tibi gratias agerem,

rem quod negotium meum pro quo ad te scripseram cum Pont. Max. tam amice confeceris, & me hic diutius futurum te facerem certiore. Nam cum antea decrevissem Salernitani negocia tibi arctissime commendare, in quotidianis congressibus facile perspexi, id quod antea verbis tuis mihi erat persuasum, adeo scilicet viderem atq; constitutam amicitiam inter vos intercedere, ut nullus tibi commendatior esse possit quam qui a Salernitano ipso fuerit commendatus. Quare cum nunc tanta ipsius res agatur, ut si eā pro animi sui voto perfecerit à maximis difficultatibus, atq; molestijs ad tranquillissimum vitæ statum sit traducendus. Certissime mihi persuadeo, te omnem curam atq; sollicitudinem suscepturum, ut tua in eum collocata beneficia, quæ ipse incredibilia esse assidue prædicat, maximo hoc officio cumulentur. Propediemq; futurum spero, ut inenarrabili gaudio afficiar, cum tu intelligam opera autoritate & gratia tua Salernitanum ipsam perpetuam sibi in posterū tranquillitatem animi mi acquisisse. Vale.

Χριστόφορος Λογγόλιος Γρηγορίῳ Κορνησίῳ.

ΟΥΔΙΑ ΤΟΥΤΟ ΠΕΡΙΣΤΑΤΑΙ ΜΙ ΠΡΟΣ ΣΕ ΕΛΛΗΝΙΣΤΙ ΓΡΑΦΕΙΝ, ἢ ὡς ΣΥΓΕ ΤΑΥΤΗ
 ἈΝΤΕΠΙΣΤΕΛΛΗΣ, ΤΟΥΤΟ ΓΑΡ ἌΝ ΕἴΗ, ὡς ἈΛΗΘΩΣ ΑἰΤΕῖΝ ΧΡΕΪΣΙΑ ἈΝΤΙ ΧΑΛ-
 ΚΕΙΩΝ, ΜᾶΛΛΟΝ ΔΕ ΠΕΛΛΥ ΣΟΙ ΑΝΑΓΧΥΤΙΑΝ, ὈΦΛΙΣΚΑΝΕΙΝ, ἢ ὅΤ' ΕΓΩ ΚΟΙΝῇ Τῇ ΕΛΛΗ-
 ΓΩΝ ΔΙΑΛΕΚΤῳ ΡῶΝ ΧΡΕΪΜΑΙ Τῆς Τῇ Ῥωμείων Φωνῆς, ΚΑΝ ΟὐΔ' ἘΝ ΤΑΥΤῇ ΕὔΕΧΩΝ
 ΕΛΛΗΝΙΚῆς ΔΟΥΩ Πῶς ἈΝ ΕἰΔΩΜΕΝ ΕἰΡΕΑΡΟΣ Τ' ὦΝ ΚΥ ΤΡΙΣΙΝ ΟὐΔ' ΟΛΟΙΣ ἙΤΕΣΙΝ ΤΟ-
 ΣΑΥΤΩ ΓΛΩΤΤΑΝ ΜΕΜΕΛΗΚΩΣ. ΕΦ' ὅῳ ΓΟΥΩ ΕἴΠΟΙΣ ἈΝ, ὅΣΓΕ ΠΕΙΘΩΜΑΙ ΤΟΙΣ Τῇ
 ΟὐΕΝΟΥΣΙΑΤΩΝ ἈΡΧΙΕΡΕΩΣ ἘΠΙΤΑΓΜΑΣΙΝ, ΑἰΔΡΟΣ ΟὐΚ ἦ ΠΟΝΣΟΙ ΔΙΔΑΤΩ ΣΩ' ΚΑ-
 ΛΟΚΑΓΑΘΙΑΝ ΦΙΛΑΤΟΥ, ἢ ΕἰΜ' ΟὐΚ ὅΙΔΑΠΩΣ ΚΡΕΤΟΥΤΟΣ ΚΥ Ὁ ΣΑΝΕΙ Δ' ἢ ΠΟΥ ΕΞΟΥ-
 ΣΙΑΝ ΕἰΣ ΕΜ' ἔΧΟΝΤΟΣ, ὥ ΠΕΡ ΣΕ ΧΕῖ' ἘΓΚΑΛΕΪΘΑΙ, ΕἰΤΙΕΝ ΤΑΥΘΑ ἘΝΔΕΞΕΡΟΝΤΕ ΚΥ ΠΕ-
 ΡΙΣΑΟΤΕΡΟΝ ΕΥΡΗΣΕΙΣ, ὡς ΤΟΙ ΠΑΝΤΑ ΠΑΣΙΝ ἈΜΦΟΤΕΡΟΝ ΕΥΡΗΣΕΙΣ, ΔΕΙ ΓΑΡ ΟἶΜΑΙ ΤΑ Ἐ-
 ΣΦΑΛΜΑΤΩ

σφαλμάτων ἀμαρτήματα πρὸς τὸν διαζόμενον, οὐκ εἰς τὸν βιαζέντα ἀναφεί-
 ρειν. τὸ γὰρ ἀνὰ πάθοις, ὁ πότε φίλος τε καὶ κρείττων ἀνὴρ ἀναγκάζοιτο, εἰ ὃ
 χαλεπὸν ὀπτάτοιο ὀπτάγμα καὶ οὐ πάντῃ ἀσφαλές; ἔοικε. ἀλλὰ πάλιν μὲν τῆς
 αἰτίας τοῦ πρὸς σε ἐλλυμῖς ἐπισέλλειν ταῦτα. τίνας δὲ ἐνεκάσοι τοπαράπαν
 φθάνομι γράφων, αὐτὸ τοῦτ' ἐστὶν ἵνα δὴ μετὰ σου ὁ πασσω γενήσωμαι, ὃν μαν-
 θάνω τῶν τε πεπεδευμένων, καὶ εὐσεβῶν οὐδενὶ δευτέρῳ ὄντα τυγχάνειν, μήτε
 λόγων δυνάμει, μήτε φιλοσοφίας πολυμαθίᾳ, μήτε ἱερῶν γραμμάτων ἐξηγήσει,
 μήτε, τὸ μέγιστον πάντων, τῷ σου χρηστότητι, καὶ ταῦτα συγγενοῦς σου πάλυ-
 λου μιμήσει, ὅς τοὺς θεολογικοὺς ἐκείνους ἀφορισμοὺς συγγεγραφῶς ἔτι διὰ
 πάντων σομάτος ἵπταται καὶ λογιώτατον χερσὶν αἰετρίφθῃσεται, πῶς γὰρ οὐκ
 ἂν ὀπιδύμου τῇ σηπαιδεύσει σωεῖναι, εἰ φύσει πασὶν ἀνδράποισι ὑπάρχει
 ἐφίεσθαι τῆς ἀνθρωπίνης τελειότητος, δι' ἣν καὶ ταῖς ἐν ταῦτα τοσοῦτον μακα-
 ρίξῃ ὥς τε καὶ ἐπεγείρεσθαι πρὸς τὸ ἐπισέλλειν, ὁ κληρὸν ἄλλως καὶ μὴ φιλήσαντα
 εἰς πεδίον, φασὶ, τὸν ἵππεα προκαλεῖν, οὐ μὲν δὴ, οὐτε νῦν σε προκαλῶ, οὐτε
 δὴ ἀμείβεσθαι βουλομένην ἂν, μάλλον δὲ τὸ ἀντεπισέλλειν παραιτοῦμαι, ὥς μὴ
 δηλόνοτι τῷ ἀναμείβεσθαι, τὸ ἀπαίδευτον ἐμὸν πάλιν δηλώσωμαι. τοσοῦτον
 ἀξίῳ καὶ δεόμεν σου, τὸν σὸν λογιώτατον ἀπὸντα μὲν αἰετρίφθῃσεται, καὶ τοῦ
 σου νησιδίου ἀφίξεσθαι, ἀφ' ὅθεν ἐκείνῳ ἡσυχιάντε καὶ ἐλευθερίᾳ τῷ παρ' ὑμῖν
 μετ' ὑμῶν καρπασόμενος, ὅπερ ἂν σε ποιήσας νομίζω. τῇ μὲν ὅτι καὶ μὴ ἴσως
 σύμφορα ἐδείκνυτο, οὐ γοῦν ὀπιδύμια, τῇ δὲ διὰ τὸ σοι οὐκ ἀδόξως ἔσεσθαι, εἰ ἐν
 τῷ μουσίῳ σου διατετριφῶς ἐκείνῳ τῷ κορυφῷ ταῖς ἐμαῖς μελέταις ὀπιδύσω,
 ἵνα ἐμοίγε δοκῇ μόνον καθ' ἡμᾶς σωωδὸς εἰς τῇ φιλοσοφίᾳ χώρησις. οὐ ποτε
 παυσάμην ἂν γράφων πρὸς τῷ σὺν παίδευσιν, εἰ μὴ τὸ τε θεός καὶ ἡ ἀπαίδευ-
 σια τὸ σίγησιν κελεύειν. ὥς τε μοι συμβεβυκέναι τὸ ὑπεναντίον τοῦ θυκυδίδου
 λέγοντος, ὅτι ἡ ἀμαθία μὲν θράσεις ὁ κληρὸς ὃ τὸ λελογισμένον ἀπεργάζεται.
 προσαγορεύω μοι ὁ κοινὸς καὶ καλῶν καὶ γαδῶν φίλος Αὐγούστινος Γκριμόλδος
 καὶ ἀντιπολιτῶν ἐπίσκοπος. ὃ περ παρὰ σου, ὡς καὶ συ παρὰ ἐμοῦ σωίσας πάλιν
 πολλοῦ ποιήσιν φησὶ σίλβιος ὁ ὑμῶν, διὸ προσειπέτω ὁ αὐτὸς παρ' ἐκείνου ὀπ-
 μελῶς καὶ προσέτι πάντες οἱ ἐκείμοναχοί σου, ἔρρωσιν. ἐν ῥά μιν πιανεφίῳνος
 ἐνδικάτη φθίνοντος.

Federico Fregosio. Greg. S.

*Si postea quam à te discessi, redito mihi itinere proficisci li-
 cuisset, diu antea à me literas accepisses, cum primum
 enim ad Lerinam venissem, nihil mihi prius statuissem esse
 faciendum,*

faciendum, quàm ut tu fieres de appulsu meo certior, Enim vero quoniam, non solum longiore circuitu facto quàm putaram, huc Veni, sed diuturna etiam mora in compluribus locis detentus, accidit, ut nunc demum ad te, literas dare potuerim. Qua in re duplici sum damno affectus, & quod ob diutinam peregrinationem, nulla studiorum meorum ratio constare potest, & quod tanto tempore tuis literis caruerim, quæ ut vehementissime à me semper desyderantur, ita mihi nunquã non gratissime accidere consueuerunt. Dabitur vero à nobis in posterum diligentissime opera, ut creberrimis literis, quicquid iacturæ eiusmodi incommodo factum est, cumulatisime recuperetur. Et si id quod magis optare quàm polliceri mihi solitus sum dū apud te essem, nondum me assequi posse video, ut tranquillo ocio & animi libertate aliquantisper perfruar, ita omnia hic suspensa & trepidationis plenissima offendi. Accedunt præterea familiares curæ & eadem molestissima, quæ adeo frequentes uno impetu in me simul impressionem fecerunt, ut penè stupefcentē obruerint. Quare, curis & negocijs mirū in modum distractus, & eapropter affectus incredibili molestia, penè iam sarcinulas componere statueram, ut aliò transigrarem, nisi huic consilio Horatianum illud obstitisset.

Quadrigis petimus bene viuere, quod petis est hic,

Est vlubris animus, si te non deficit æquus.

Occurrebant præterea illa, ecquid putas usquam non esse curas & tumultus? Quid si longe molestiores longèque grauiores, quo te proficisci contigerit inuenias? Nonne te
tui

tui pudebit, cum denuo huc tibi reuertendum esse constitues? Nostrum igitur illum in consilium ut opinor adhibebo, qui optare optima, cogitare difficillima, ferre quæcūq; erunt iubet. Nihil tamen omnino aut de profectioe aut de remansione à me constituetur, nisi prius te de omnibus fecero diligentissime certiozem. Cæterum quoniā nihil ad te de studijs meis scribere possum, quod aut tibi gratum aut iucundum fore confidam, de tuis summopere audire desydero, potissimumq; num adhuc tedia illa hebreæ lingue, quæ Hieronymum tantopere deterruerunt, deuoraueris, totumque te immerseris in prophetas, atq; adeo in Moysen ipsum. Crescant ne meditationes illæ tuæ in psalmos, an fortasse nouū aliquod opus institueris. Quæ si ad nos non grauaberis scribere, ex duobus profecto alterum accidet, vel ut emulatione laboris tui ad pristina studia reuocer, vel exemplo cessationis tuæ me quoq; relictorum studiorum neq; pudeat neque peniteat. Vale.

Michaeli Bentino Germano Greg. S.

Cum modestissimi tui mores & candor quidam ingenius adeo me tibi deuinxerint, ut nihil omnino deesse putem, quin summa tibi sim amicitia conciliatus existimauimus mirummodum in amicitia peccaturos esse, nisi iā posita amoris fundamenta, mutuis & literis & officijs ut ita dicam superstructis, ad summum perduceremus. Cum igitur ad Salernitanum perpetuumq; nostrum literas darem, tui etiam obliuisci non potui. Quare vicissim tibi operam

ram dandam esse existimo, ut quoniam omnium rerum quas ad beate viuendum sapientia comparauit, nihil est maius amicitia, nihil iucundius, ut ne quid in ea peccare iudicaris, quod facile apud me poteris assequi, si crebris literis sapius me inuiseris, faciesque de rebus omnibus tuis diligentissime certiores. Caue enim putes quippiam mihi iucundius accidere posse, quam si ex te intellexero, sic constitutas esse res tuas, ut maxima cum animi libertate in studia incumbere possis, atque adeo ceteris curis absolutus, ut apud posteros etiam ratio oculi tui constare possit. Habebis vero, ut opinor, in ea re mirificum adiutorem Salernitanum nostrum, cui si duos tresue ad summum similes aetas nostra protulisset, omnino necesse fuisset, simul etiam doctorum virorum prouentum maximum huic saeculo contigisse. Tuas igitur literas vehementer à me expectari scias velim. Vale.

F. Fregosio. Gregorius S.

ET si nudius tertius ad te literas dederam, in quibus et causam profectiois nostrae, & quo consilio huc me potissimum contulissem copiose declarauim, iterum tamen amico maximis precibus obsecranti, ut se tibi arctius commendarem negare non potui. Perfeciisti enim declaratione amoris tui erga me, ut omnes qui opera autoritate, & gratia tua indigent, ita denique putent satis se tibi fore commendatos, si ad te qualescunque epistolae à nobis acceperint. Ego vero, & si facile patior, eiusmodi opinionem de

Ee hac

hac mutua nostra amicitia in animis omnium insidere, at-
 que ea ratione quantopere me abs te amari putem dissimu-
 lare nequeo, cogor tamen interdum uereri ne tibi, & in lite-
 rarum studijs, & in maximis præterea negotijs occupatis-
 simo, molesta sint eius generis ad te literæ. Atque ea ra-
 tione sæpe iam contigit, ut verecundiæ meæ magis quam
 facilitatis tuæ rationem mihi habendam esse putauerim.
 Enimvero cum is qui à me nuper petijt, ut tibi eiusmodi of-
 ficio molestus essem, dudum inter familiares tuos annume-
 retur, magnopere vereor ut magis superflua hæc com-
 mendatio nostra quam inepta esse videretur. Ioannes Gal-
 lus qui tantos in musicis progressus habet, ut vulgo ob
 id præceptor appelletur, & si quoad eius artis dignitas pa-
 titur, honestum in hac ciuitate locum obtinet, magnopere
 tamen cupit, quibus in alijs spectis conditionibus, ad tuam
 consuetudinem aduolare. Hic vero mihi nequaquam fa-
 ciendum esse puto, ut de vita moribusque hominis quippiam
 ad te scribam, quos diutina familiaritate tibi credo esse co-
 gnitissimos. Tantum dicam, si celeberrimi philosophi au-
 diendi sunt, nihil tuis studijs quæ oblectamento esse posse,
 atque interdum, musicis recreari. Hac ut nostri somnum
 & depellebant & accrescebant Pythagorei, hæc epularum,
 itineris comes erat: hac ipsa & occultarum causarum per-
 uestigationem & sacra omnia auspicabantur, hac eadem
 affectus tedious animis hilaritatem pristinam atque adeo mentis tran-
 quillitatem reuocabant, postremo ut M. Tullius ait, sum-
 mam eruditionem sitam greci censebant in neruorum vo-
 cumque

cumque cantibus, ut qui id nesciret nequaquam satis excultus doctrina putaretur. Cum igitur tanto usu musica esset possit, profecto hunc qui illam egregie profitetur quotidianis tuis congressibus adhibendum esse censeo. Quare gratissimum mihi feceris, si huic ipsi quem tibi tantopere commendatum esse cupio, aliqua ratione declaraueris commendationem hanc nostram, neque uulgarem neque parui apud te ponderis fuisse. Vale.

F. Fregosio. Greg. S.

Mirabar profecto quid causæ esset, quod tandiu peccatissimis litteris tuis careremus. Cumque in temporum difficultatem culpam omnem reiiciendam esse putare, repente accepto acerbissimo nuncio de aduersa valetudine tua, ita animo consternatus sum, ut in nulla mihi licuerit actione conquiescere. Enimuero Deo Opt. Max. immortales ago gratias, qui non est passus me diutius incredibili molestia excruciarī. Accepto enim eiusmodi nuntio, statim confectæ sunt literæ quæ te pristinae salutis restitutum cum incredibili omnium amicorum tuorum gaudio declararunt. Et si eam vim morbi fuisse aiebant, ut non modo pristinum vigorem, sed interdum etiam vires ipsas recuperaueris. Quare gratissimum nobis omnibus facies, si in recuperanda incolumitate adeo diligens fueris, ut ex tam graui morbo culpa tua nulla sequatur offensio: relaxandus tibi est animus, intermittenda studia. Difficillimo anni tempore agrotasti, parum etiam clementi, ut opinor, celo ob

Ee 2 vehementiam

*vehementiam frigoris & διὰ τὴν ὑγρότητα. Caterum ternis
iam literis certiores te factum esse non ambigo, quo consi-
lio eiusmodi profectio est assignanda. A Pontifice enim or-
dinis nostri euocatus, Mantuam proficisci statueram, sed nouis
literis retentus, tantisper hic ero, donec cœnobij nostri nego-
cia ea perfecero, quæ ut nosti, dum Lugduni essem, animam
nostrum vehementissime excruciabant, et quæ nequaquam
dum in Narbonensi prouincia essem ob genti illi ingentia
rerum omnium suspicionem, & prohibita commercia, com-
mode confici potuerunt. Post hac vero, duplicem uideoratio-
nem consiliorum meorum, si enim te in Italiam aduentare
contigerit, dabo operam ut intellecta ratione itineris tui, ali-
quo in loco tibi obuius fiam. Si vero cogitationem illam abie-
ceris, ego quoque usque ad dies comitiorum nostrorum hic
commorabor, deinceps Mantuam profecturus, ut quantum
opera atque ingenio eniti potero, ocium mihi et quietem com-
parem. Interim uero crebras a te literas expecto, quibus et
de incolumitate & de profectioe remansioneue tua, fiam
in dies certior. Vale.*

Io. Medices Car. S. Mariæ in Domin. Gre. S.

Accepi literas tuas, quibus scribis te admirari consili-
um meum, quod relicta urbe Roma, relictis honestissimis
studij s, relicta parente, quæ iandiu uidua pudice et parce
vitam agens, in unica spe progressus mei acquiescebat, re-
licto denique te ipso, cui pene sacramento in perpetuum addi-
ctus eram, me penitus in solitudinem abdiderim, petisque
fieri

fieri certior, quibus rationibus adductus, id consilium secutus fuerim: postremo plus amori quam religioni concedens, persuadere niteris, ut immutato consilio ad pristinum uiuendi genus, & ad consuetudinem tuam omnino reuertar. Ego uero pro eiusmodi amore, immortales tibi gratias ago, video enim adhortationem istam tuam ab amicissimo animo proficisci, eoq; te decipi, quod hoc uiuendi genus, ut pleriq; omnes, omnino improbandum esse ducis. Quod si & animi mei indolem memoria teneres, & ea quae tecum saepius locutus sum, nequaquam me nouum hoc genus uitae sequi uelle, tantopere admirareris, magis autem nunc. demum id me arripuisse tibi esset admirandum. Satis enim ex quo me in numero domesticorum tuorum ascripsisti, a te cognosci potuit, nihil adeo animo meo impressum, insculptumq; esse, quam ut omnino ex Christiana pietate uitam agens, hijs potissimum studijs operam darem, quibus & animus excoli posset, & ea, quam tantopere desyderabam, uera religio intelligeretur, ad quam in posterum tanquam ad certum destinatumq; locum, omnes cogitatus meos dirigere possem. Id uero cum persuasum mihi esset, inter hominum turbas & fori iurgia me assequi non posse, in religionis portum me contuli. Non quod in communi hac omnium hominum uita, salutē inueniri posse non suspicer, sed quod iam inde ab ineunte pueritia, prauis admodum consultoribus usus, ambitione scilicet & quærendi cupiditate, quae quicunq; mihi erant à latere, ut animo meo altius insisterent summopere laborarant, eiusmodi laqueis me impeditū esse

esse sentiebam, ut nisi omnino immutato vita genere, non studiorum, non Christianę pietatis, non libertatis denique ratio aliqua à me haberi posset; vix dum enim decimum et septimum ætatis annum attigeram, cum me fratres insignijs eius dignitatis ornari fecerunt, cui à docendo vulgo nomē inditum est, cum iam quinquēniū iurisperitis operam dedissem, statimq; inter domesticos tuos ascriptus, curam abs te accepi audiendarum litium. Hic vero nemo melius te ipso testatam animi mei molestiam potest derelinquere: scis enim quantopere angi consueverim, cum ab honestioribus disciplinis & sacrarum præcipue literarum studijs, ob lites et iurgia retraherbar, bis deinde, intra menses septem, gravissima in morbi afflictatus, cum omnes Romanum cælum nobis aufugiendum esse clamarent, Mutinam me contuli: ibi vero cum ocij spes aliqua se mihi primo obtulisset, repente gentilis quidam meus, qui pro Mutinensi Episcopo iurisdictionis sacrarumq; procurationē habuerat, e medio sublatu est, tum vero me inuitum & reluctantē propinqui necessarij q; idem munus obire coegerunt. In quo cum non corporis solum mentisq; laborem, sed maximum etiam animi periculum experirer, omni studio diligentiaq; cogitare cœpi, si qua ratione difficillimis illis laqueis me expedire possem, nulla q; mihi visa est oportunior, quàm si ex eiusmodi tempestate in cœnobij alicuius portum effugissem, statimq; se mihi obtulit collegium hoc Diui Benedicti Mantuani, in quo iam menses quatuor solutus omnibus curis, quæ antea animum meum exedebant, totus in sacrarū literarum

literarum studijs, & in sacrificijs diuinarum laudum con-
quiesco; fruorq; literato, & gratissimo ocio, a quo si me reuo-
care iterum tentaueris, sponse uerbis ex Salomonis Epitha-
lamio tibi sum responsurus. Expoliaui me tunica mea, quo-
modo induar illa? Laui pedes meos, quomodo inquinabo il-
los? Et ut finem aliquando faciam, libenter omnes Ro-
manos fastus, libentius delitias, libentissime animi cor-
porisq; pericula uobis derelinquo, qui & generosiore indo-
le & excelsiore animo praediti, per eiusmodi senticeta illes-
potestis incedere. Ego uero in minima cilleula delitescens, pre-
clare mecum agi putabo, si prioris uita uulneribus cicatri-
ces a me obduci potuerint. Vale.

F. Fregosio. Gregorius S.

Intelligo plane longe maiores uberioresque fructus ex
aduentu meo ad te, quam putaram à me expectari debe-
re. Nam tamen si fore sperabam ut tantum ex eo volupta-
tis caperem, quantum ne animo quidem amplius potuissem
complecti, nequaquam tamen ad eiusmodi incredibilem iu-
cunditatem, utilitatem, etiam mirificam communium stu-
diorum accessuram esse suspicabar. Non quod nescirem ni-
hil domestica consuetudine tua mihi utilius contingere pos-
se, sed quod in tam afflictis perditisq; rebus subuertebam,
ut magis impedimento quam voluptati congressus nostri
tibi futuri essent. Mirifice uero accidit, quod cum & timi-
de, & ut mihi tum videbatur, non omnino modestie legi-
bus obseruatis, te ad scribendum prouocassem, non modo hoc
studium meum non es aspernatus, sed inter molestissimas
difficillimasq;

difficillimasq; curas, quibus necesse est animum tuum in presentia distrabi, & confestim rescribere nō es gravatus, & me ut idem sapius facerem, nescio humanitate an amore vehementiori, maiorem in modum es adhortatus. Osten distiq; non minus nunc literis, quā antea vultu hilari & inenarrabili alacritate, quantopere tibi grata fuerit nostra isthac ad te profectio: quare nisi in tam constituta tāq; veteri amicitia nostra, gratiarum actionem superuacua iudicassē, literas ad te daturus fui, quoad nostrum fieri potuisset, & grati animi et optimæ voluntatis testes locupletissimas, ut quoniam fieri nequit, ut tantis tuis beneficijs opere & actione respondeam, literis saltem apud te testatum relinquerem memoriam tuorum incredibilium in me meritorum. Quare gratiarū actione prætermissa, te ad scribendum inuitabo: nihil enim puto rationibus nostris æque conducere posse atq; formā hanc exercitationis. Cum enim forense illud dicendi genus in quo ueteres confectis verisq; causis se frequēter exercere solebant, omnino sublatum sit, nec impedita hac tempora patiantur ut ad longiores lucubrationes mentem animumq; adijciamus, unicum hoc restat genus scribendi, quo in genere, si studium nostrum non aspernaberis, ut nequaquam hætenus aspernari visus es, incredibilem me tibi comitem futurum esse polliceor. Fungarque (ut Flaccus ait) vice cotis, acutum reddere quæ ferrum valet exors ipsa secandi. Vale.

Perpetuo

Perpetuo Henriotto.. Greg. S.

Non intelligo quid causæ fuerit, quod ex quo Lugdu-
no discessi, cum frequentes ad te dederim literas, vi-
cissim ego abs te nullas acceperim. Putēne tibi nostras red-
ditas non fuisse? at istud ipsum non accidisse arguunt red-
ditæ Federico literæ, in cuius fasciculos tuas quoq; coniece-
ram. Assignem ne istud absentia tuæ? Sed scio tibi etiam
absenti literas, quæcunq; ad Federici manus pervenerint,
reddi consueßem. Causam ne fuisse dicam multitudinem ne-
gociorum? at mihi iandiu perspectissimum est, nunquam te
irruentibus etiam gravissimis multissimisq; negocijs solere
ab officio dimoueri. Fortasse quas ad nos dabas, ad manus
nostras non pervenerunt, sed cur à Federico Bentinoq; da-
tas acceperimus? Cum igitur nihil excogitare possim, cur apud
me excusatus sis, nondum tamen mihi persuadere potui, id
à te non optimo consilio summaq; ratione factum esse. Divi-
tina siquidem cōsuetudine, certior factus de tuo in me amo-
re, consequenter etiam intelligo, suauissimos illos mores, ob
quos omnibus es carissimus, nihil posse in amicitia peccare.
Præsertim quod non dum memoria nobis excidit, sed nec
excidet profecto aliquando, officiosa illa sedulitas quam in
rebus nostris adhibere solitus es, cum à latere meo ungue
latius nunquam discedebas, cum vicarium pro me quoti-
die laborem subires, cum deniq; ipso die discessus mei, non
satis tibi fecerit commune illud ceterorum officium, ut me
ad æquum usq; prosequerere, sed relictis negocijs q; ius
F f assidue

assidue urgeri solitus es, Viennam usq; deduxeris. Cum talis igitur tantaq; amoris tui significatio animo meo altissime impressa, & quodammodo insculpta sit, non committā, ut quippiam de te suspicer, moribus tuis & ceteris in me officijs atq; adeo perspectae benevolentiae, non consentaneū. Si tamen posthac molestiam hanc animi mei penitus extergere potueris, tam nobis erit gratum quā quod gratissimū. Illud postremo tibi persuadeas velim, nunquam te silentio tuo affecuturum, ut literis nostris desinam tibi molestus esse. Sed & si in animum induxisses, nunquam mihi rescribere ego contra crebritate literarum eiusmodi pertinaciam expugnarem. Sed de literis haecenus. Ceterum certiore te fieri volo, ex quo à te discessi, nullam mihi fuisse consuetudinem cum libris, nec intermissa tantum, sed penitus ommissa à nobis studia fuisse. Quod iccirco ad te scribo, ne fortasse tibi mirum videatur, quod Paraphrasem illam librorū Aristotelis de moribus, nondum à nobis acceperis, cū praeterea copiosa illa nostrorum librorum supellex in Lerina sit: ego vero Genuae, ubi si quid ocij datur ab aduentantiū in ad nos amicorum interpellatione, totum inscribendis epistolis absumitur. Vale..

Federico Fregosio . Gregorius S.

CUm Michaël Monclius Genua Lugudunum esset profecturus, utriq; nostrum non amicitia tantum, sed maxima etiam coniunctus familiaritate, & si paucis antea diebus ad te literas dederam, nequaquā tamen passus sum absq;

absq; literis nostris illum ad te proficisci. Longe tibi gratius fore existimans, si inanem à me epistolam quàm si nullam tibi re ddidisset. Quæ tamen omnino inanis non erit. Cupio enim abs te fieri certior, an istuc ad te allati fuerint libri illi, quos ante discessum meum ex Narbonensi prouincia à me maximo cum desyderio postularas. Cum enim nulla mihi se antea obtulisset opportunitas eos transportandi mercatoribus, qui ad trimestres nundinas proficisci consuevere, iam tum in itinere constitutis, discedens negocium demandaui Joanni Baptista, quem sciebam mirifica diligentia in rebus tuis uti consuesse, curaturumq; ut cumprimũ fieri posset ad te deferrentur, veruntamen, cum deinceps de ea re nihil acceperim, cupio ad te fieri de omnibus diligentissime certior. Scire etiam cupio, nũ ad manus tuas peruenerint, literæ, quibus Joannem Gallum musicum tibi commendabam: dici enim non potest, quanto cum desyderio tuam de se voluntatem expectet, quæ quidem in re nihil abs te peto nisi id maximo tuo commodo fieri possit: nosti enim prudentis hominis esse, commendationis officium, vel eis qui mediocri amicitia sibi coniuncti fuerint non denegare, modesti vero id tantum sibi polliceri ob eiusmodi commendationem, quod amicorum commodo fieri possit. Quod iccirco ad te scribo, ut non ignores quatenus ego eius causa laborem. Ceterũ literis tuis, quas vnas post discessum meum istinc à te accepi, scias uelim nos omnes in maximam tui expectationẽ à te concitatos esse: scribis enim primo Vere te in Italiam aduenturum. Idemq; postea mihi retulit Andreas Auria

Ff 2 homo

homo ita tibi coniunctus, ut mihi, cum illo cum loquerer, te cum loqui viderer. Quare te vehementer etiam atque etiam rogo, ut quicquid de ea re constitueris, id continuo ad me scribas: ego siquidem cum omnino Mantuam profecturus sim ita ad rationes itineris tui, meum hinc discessum atque iter accommodabo, ut omnino aliquo in loco tenui congregi possim. Vale. Et si noui quippiam istuc apud bibliopolas ternis istis nundinis, quibus ego absui, casu inuentum esset, quod nostris studiis utile fore existimares, id ut ad nos cum primum deferri cures te vehementer rogo. Iterum vale.

Vitali Monaco. Greg. S.

Scripsit ad me Dionysius noster, nullas tibi a me redditas fuisse, quod et si verum esse facile mihi persuadeo, coniectura et ex temporum iniquitate et ex alijs copluribus epistolis nostris facta, longe tamen gratius mihi fecisses si id ipsum me non ex alienis, sed ex tuis literis voluisses intelligere, fuisset certe ea et amoris et diligentiae tuae locuples testificatio. Erat enim et facilitatis et diligentiae tuae, nec silentio meo ad silentium prouocari, et crebritate literarum omnes itinerum difficultates superare. Nam quod ego ad te sapius scripserim cum istuc veniam argumentum mecum habeo exempla omnia epistolarum nostrarum, quas velut nescio quo pacto praesagirem, ita ut accidit euenturum, omnes apud me maxima cum diligentia describendo curavi. Quare tibi summo opere curandum est ut praeteriti tempore

temporis culpam frequentia literarum postea diluas, & enim fore non video, ut alia ratione apud me, nec Dionysio quidem ipso patrono excusatus esse possis. Caterum cum à Lerina Genuam venissem, eo animo ut ad vos continuo profiscerer, exceptus hic novis multiplicibusq; molestijs, hætenus impeditus fui, impediarq; ut mihi videre videor dies complures, ut non & desiderio meo & complurimum amicorum expectationi satisfaciam. Cum primum autem per eiusmodi negocia mihi licuerit, diligentissime operam dabo, ut tarditatem aduentus mei non voluntati aut iudicio, sed necessitati tantum omnes ascribendam esse intelligaris. Crebras tamen interim à te literas expecto, quibus & de tuis et de Benedicti nostri rebus fiam in dies certior, quem adeo taciturnitatis amatorem esse intelligo, ut omnino verear, tam altum silentium literis nostris interpellare. Vale & utrique Benedicto plurimam à me salutem dicito.

Dionysio Monacho: Gregorius S.

Compluribus de causis, gratissimos tibi fuisse negotiorum nostrorum successus, nequaquam est admirandum. Et quidem in primis eius Cœnobij gratia, quod à te tanto opere amatur, ut nemini dubium esse possit te nulli in amore eius loci comedere. Deinde ob retentam totius ordinis nostri dignitatem, quæ una cum periculo eius negotij, quod nuper transactum est, periclitari uidebatur, præterea quod, ut amicissime scribis, potissimum per nos res omnes sint ad
mi

ministrata. Et si postremum hoc nequaquam mihi, sed cum Honorati patris auxilio, tum etiam principum Gallie benignitati est assignandum, quorum voluntas adeo propensa est ad totius ordinis nostri conseruandam dignitatem, ut quod hactenus absq; causa factum est, nihil sit deinceps de Lerinensis Cœnobij retentione dubitandum. Accidit præterea commodissime, quod cum ego ob nimiam licentiam illarum mulierum restringendam, quarum cura nobis est demandata Tarasconem diuertissem, tuorum propinquorum consuetudine per ocium mihi frui licuerit, qui adeo humaniter nos exceperunt, ut nulla alia de causa debuerit persona tua desiderari, nisi ea propter ut fierent congressus nostri, suauitate morum tuorum iucundiores. Nam fratres tui adeo se faciles mihi exhibuerunt, ut per dies cōplures, quibus et Tarascone & Arelatæ fui, nunquam à latere meo discesserint. Quod vero scribis aduentum meum istuc tantopere à compluribus desiderari, facile id ita esse mihi persuadeo, cum rursus ego quoq; uehementissimo vestrum omnium desiderio tenear, et nunquam ferè accidere consueuerit, uti vis hac amoris mutua non existat. Veruntamen, quomodo nunc est, prope certus sum, fieri non posse, quin dies aliquot Genuæ supersedeā, non quod me et Saulius Pont. et Stephanus sint detenturi, esset certe ea causa grauissima, sed sunt aliæ longe grauiores. quas omnes ad Presidentem nostrum diligentissime scripsi, & quibus fortasse fieri posset, ut usq; ad comitiorum dies hic retinerer. Habeo præterea tibi gratias, quod me feceris et de studijs tuis & de opti-

mo-

morum adolescentium mirifico progressu certiore. Quos
 omnino mirū in modum proficere admirādum non est, cum
 ob diligentiam tuam in instituendo, tum ob ipsorum seduli-
 tatem, tum vero præcipue ob incredibiles fructus eruditio-
 nis & eloquentiæ, qui ex illis autoribus percipi consueue-
 runt, in quibus edisserendis, hoc toto biennio est à te elabora-
 tum, & quos omnes ita præbo, ut cupiam tamen discipulos
 tuos non ignorare, Rethoricos libros ad Herennium, non M.
 Tullij, sed cuiuspiam alterius esse, longe illo & eloquentia
 et ingenio inferioris. Nec ideo id scribo quo opus illud im-
 probem, est enim elegans, eruditum, prope accedens ad anti-
 quorum candorem. Et quod præcipue adolescentibus utile
 esse, consuevit distinte admodum & præse oratorias præce-
 ptiones describit. Sed quod cupiam, ut Fabius ait, in omni
 lectione admistum esse iudicium. Cæterum dici non potest,
 quantæ oblectationi nobis fuerint hendecasyllabi tui, nec tā-
 tum ea de causa quod perspectum nobis antea amorem in
 me tuum expressius declarabant, sed quod ex illis cognoui-
 te nōdum blandioribus musis nuncium remisisse, quod qui-
 dem tranquillæ mentis & quieti animi argumentum esse
 consuevit. Veruntamen, & si carmen id venustum est, ele-
 gans, argutum, & quod potissimum in hendecasyllabis com-
 mendari solet, candidum, & facile, ideo tamen apud me,
 ὡς τῇ κλειδίῳ erit, quod dudum statui opus, cuius fronti erat
 ascribendum in lucem non mittere, non quod quippiā adhuc
 in eo cognouerim, quo me scripsisse aut pudeat, aut peniteat,
 sed quod quatuor iam de ea re σωτάγματα edita sunt, me fie-

ri potuit, ut quæ à me animaduersa sunt ij, qui in eodem sudarunt puluere saltem simul omnes non viderint, præsertim cum inter eos sint aliqui doctrina & ingenio excellentes. Quare cum intelligam id nunc mihi præceptum, quod ego ceteris omnibus præripueram, non comittam ut eius lucubrationis amore publice possim & furti simul & impudètiæ postulari. Vale. Et Raphaëli Placentino plurimam à me salutem dicito.

Eusebio Mutinensi Monaco. Greg. S.

ET si iure de me conqueri posse videris, quod cum tu plures antea ad me dederis epistolas, vicissim nullā habetenus à nobis acceperis, si tamen præteritorum temporum calamitates animo volueris expendere, quantisq; hoc toto biennio molestijs pressus fuerim, nequaquam, ut opinor, mirum tibi videbitur, eiusmodi officium à me intermissum esse. Et qua es prudentia, facile coniectura assequi poteris, ne minimam quidem ocij partem ab operosis illis negocijs aliquando nobis super fuisse. Nec enim tu solus es à me præteritus, sed ea ratione eiusmodi curam abieceram, ut postea intellexerim, patres etiā ipsos diutius suspensio animo de me fuisse. Fateor certe, inter multiplices illas molestias tumultusq; bellicos, si quam nunciorum occasionem nancisci potui, nullam à me fuisse prætermisam, sed nec certo homini aliquando clare licuit, & illas ipsas quas incertissimis dabam consentaneum est fideliter redditas non fuisse. Quod si spes aliqua se nobis obtulisset foris ut literæ redderentur,

tu

tu profecto a nobis & in primis & creberrimas accepisses. Veruntamen cum firmitior stabiliiorq; sit mutuus amor noster, quam ut, vel longinquitate temporis, & locorum, vel diuturno silentio possit labefactari, omissa præteriti temporis recordatione, danda in posterum diligentissime est opera: ut eiusmodi iactura, frequentia literarum recuperetur. Ego quidem diutius inter fluctus hosce bellicos, tanta tempestate actus sum, ut tandem Lugdunum usq; compulsus fuerim, ubi menses aliquot commoratus, confectisque ex sententia negocijs Cœnobij nostri, Lerinam deinceps & postremo Genuam me contuli, ubi futurum me suspicor, usque ad comitiorum dies, si tamen voluntatem meam mihi sequi licuerit, nam & crebris & eisdem, ut ita dicā, imperiosis literis, quotidie Mantuam à Præsidente nostro accersor, quo si forte proficiscar, ex propinquiore commodioreq; loco frequentiores à me literas es accepturus, si tamen tu quoq; ad nos rescribere non grauaberis. Cupio te nomine meo Calium Calcagninum cōuenire, doctissimum sane uirum, & ut facile ex ipso intelliges, mei amantissimum, uetus certe cum ipso atq; adeo à pueritia ipsa, nobis amicitia intercedit, quem sic nomine meo saluere iubebis, ut eum tibi etiam quàm arctissime concilies: etenim ea est humanitate, ut nemo ad bonorum amicitiam sit propensior, ea autem eruditione, ut neminem instituta cum eo necessitudinis possit pœnitere. Ludouicum præterea Areostum si conueneris, dixerisq; ei à me salutem plurimam, utriq; nostrum, ut opinor, gratissimum facies. Vale.

Gg Ioann.

Io. Medices Card, Greg. S.

DEtulit ad me Aloisius Lottus, quem secretis tuis adhibere solitus es, te noctes diesq; cogitare, si qua ratione afflictas perditasq; res Casinatis Cœnobij possis instaurare, ut renouato ibi diuino cultu, & Benedicti institutionum obseruatione, speciem aliquam primeuæ maiestatis recuperare possit, habereq; te Iulium Pont. Max. & Consaluum Ferandum regis Hispaniæ copiarum ducem, eius consilij non participes solum, sed arbitros etiam & mirificos adiutores. Digna sane cogitatio animi tui magnitudine, & antea cœ vitæ consentanea: digna patris tui Laurētij atq; atauī Cōsmæ religione, qui & vetustate collapsa tēpla plurima pristina restituerunt magnificentia, & complura à fundamentis incredibili impensa extruxerunt. Tū vero non parietes ipsos, nō contignationes, non cæteras partes ædificij sanctas tectasq; reddes, sed religionem, sed castitatem morum, sed pietatem pristinam, Benedictum denique ipsum suis adibus hac ratione restitues. Huc accedit, quod cum multa celebrentur maiorum tuorum in re publica atq; priuata gesta præclarissime, maxime quod illorū fauore atq; auspicijs extincta dudum liberalia studia reuixerunt, debetur quidem tibi nescio quo pacto hereditatis iure, pars quædam eius laudis, sed ea ratione ut rei soliditate ipsis maioribus derelicta, umbram solum, & uelut auram quampiam tibi inde vendicare possis. Enimuero, si id quod tanta cum indole aggredi cogitas, à te fuerit confectū,

tum

tū demum consequeris, ut integrā laudem consilio pietati
atq; ingenio tuo omnes assignandam ducant. Præterea
quotquot futuris retro temporibus et penè dixerim, in om-
ni æternitate in augustissimis illis ædibus sacris operabun-
tur, illi omnes in primis te ipsum familiamq; tuam, uel cer-
te secundum Deum, tanti operis autorem confitebuntur,
cum sacrificijs laudibus continentia, adorationibus diui-
num fauorem generi humano satagent demereri. Mouit te
ad hoc ut opinor cogitandum, quod sacerdotium id tibi cō-
mendatum esse putas, non ut ex eius annuis fructibus equo-
rum magna multitudo, canes venatici, volucres ad aucu-
pia nutrentur: nec iccirco ut maior pompa & numero-
sior caterua stipatus ad Pontificias ædes deducerere: non
ut uno alteroue episcopis esses inequitando comitator: quæ
ut Christianæ simplicitati & bonis moribus certum est ma-
gnopere repugnare, sic ab animo cogitationibusq; tuis lon-
gissime abesse debent. Sed ut sacerrimæ illæ ædes diuinis
laudibus multiplicatis, die noctuq; psallētium uocibus re-
sonarent: ut quæ olim ibi uiguerunt liberalium artium stu-
dia reuiuiscerent, deniq; ut ex Christiana religione illic
omnia administrarentur. Etenim locus ipse, ut nosti, diui-
na quadam prouidentia electus esse uidetur, qui & bona-
rum artium & omnis eruditionis, ut ita dicam, officina
assidue futurus esset. Sic nanq; ante exhibitā nobis à Chri-
sto Opt. Max. admirandam humanitatem M. Varronis
Academia est nobilitatus. Sic deinde studijs omnium disci-
plinarum floruit, ut medicos, philosophos, postremo Tho-

Gg 2 mam

mam Aquinatem illi debeamus, inter eos qui nouum hoc Theologiæ genus professi sunt, facile principem. Nam de Benedicto ipso loqui quid attinet, cum nulla ferme regio sit, nulla ciuitas atq; adeo nullum ignobile oppidulū, quod non & illi dicatis & dibus & eius disciplinæ professoribus sit refertum? Ut mihi videatur acerrimus ille humani generis hostis, iure quodam suo, Casinate Cœnobiū præ cæteris omnibus odio & maleuolentia prosequi, quod ex eo potissimū penè infiniti duce extiterint, qui collatis secum signis sapius victoriam exportarunt. Quare, pro eiusmodi cogitatione tibi mirum in modum gratulor, hortorq; atq; obsecro, uti ne diutius cunctando negotium differas. Scio te & quamplurimos & acres aduersarios habiturum, partim mentito nomine Christiano Christianæ religionis hostes acerbissimos, partim etiam qui iniquissimo animo sunt laturi eius sacerdotij opulentiam, non amplius ad Luxum & delicias, sed ad diuini cultus decorem & pauperes nutriendos conuertendam esse. Tu vero, certe scio, qua animi magnitudine negotium aggressus es, eadem atq; etiam longe maiore ad exitum usq; prosequere, ut nec pietas in voluntate, nec in proposito constantia, nec consilium in exequendo desiderari possit. Qua de re, tecum pluribus aget Eusebius Mutinensis, ordinis nostri Præsident, qui has nostras, ut opinor, tibi est redditurus. Et cuius fidei quedam à me commendata sunt ad te deferenda, ut gratissimum omnino mihi facturum sis, si de omnibus fidem illi adhibere uoueris. Vale.

Antonio

Ant. de Prato Episc. Galliarum Canc. Gre. S.

SI per negocia tua mihi licitum fuisset, ut ea quæ nunc per literas agere constitui, coram teq; alloquens agere possem, commodius certe ac maiore cum animi libertate, tum etiam fiducia à me esset hæc causa tractata, fretus siquidem & æquitate causæ meæ, & religione tua, & si auctoritate aliquantis per deterreri potui, cum ea tamen incredibili humanitati sit coniuncta, opinor omnino futurum fuisse, ut quantum auctoritas tua me deterruisset, tantundem prouocaret humanitas. Quid enim mihi dubitandum fuit, cū apud te religioni sacrisq; ut accepi, magnopere deditum, religionis causam mihi tuendam suscepissem? In qua ea ratione agi debere humana omnia diuinaq; iura sanxerunt, ut si in dubium uerteretur, esset quæ ius controuersum, deberet tamen ab omnibus secundum ipsam iudicari. Tu vero si parum libet animum ab infinitis illis negocijs euocare, quæ in maximo regno administrando, mentem cogitationemq; tuam, sibi totam uendicare possunt, propone tibi ante oculos uniuersam familiam nostram, diuina re, cui dies noctesq; pure pieq; operatur, paulisper intermissa, te per cōmunia sacra per easdem initiorum leges orare atq; obtestari, ne tot suos labores maxima cum animi alacritate hætenus susceptos, ut sacerrimæ Lerinenses ædes in antiquam religionem reuocarentur, cassos inanefq; labi patiare, ne sanctissima penetralia, quæ decimo abhinc anno, uerum legitimumq; Dei cultum recuperarunt, nunc demum culpa tua,

¶

Et ut libere quod sentio loquar, propositi contumacia, pri-
 stino squalori restituantur. Nobis ne id obesse debeat
 quod rerum omnium parenti naturæ est assignandum, quod
 in alieno cælo simus progeniti? Fateor, Itali sumus, sed
 prophetico præcepto, obliti populum nostrum et domum pa-
 tris nostri. Sed Pauli admonitu pro eo principe sub cuius
 potestate degimus, assidue Deum obtestamur, ut tranquil-
 lam quietamque agam vitam. Denique et beneficiorum me-
 mores, quæ à rege omnium maximo atque humanissimo acce-
 pimur, et Gallorum genti maxima coniuncti beneuolentia.
 Quod si graecorum barbarorumque, ut Paulus ait, idem Deus
 est, et ea de causâ potissime Christianorum omnium, cur
 qui eisdem legibus, sacris institutis, communitate vitæ vo-
 bis coniungimur, iidem alienigenæ, externi, et ut ita di-
 cam barbari iudicabimur? Cur diuino cultui dicatorum ho-
 minum fidem, quæ iam Deo obstricta est, in suspensionem
 vocare non pudet? Sicut enim non in omni terra eadem fru-
 ges, sic non in omni natura eadem facinora obuenire consue-
 uerunt. Enimvero si contra regis tui decretum, si contra
 uoluntatem principum omnium Galliæ, nos à te repuleris,
 non opinor Honoratum ipsum Pontificem à Pontifice, non
 numerosam cateruam martyrum, quorum sanguine sacro-
 sancta illa insula est dedicata, omnino esse reiiciendos, qui
 te rogant et obtestantur, ne se pristino squalori restituas,
 nec cum legitime et ex pietate Christiana uiuendi formu-
 lam paucis annis apud se custoditam uiderint, corruptum
 uiuendi genus, et morum licentiam iterum uidere cogantur.

tur. Quod profecto accidet, nisi tu ea qua æquum est pietate, atque religione, Deo dicatorum causam et susceperis et confeceris. Quod ut facias, te per ipsum religionis sanctum et venerabile nomen, per diuorum sacrosanctas reliquias, quibus cœnobium illud est refertissimum, oro atque obtestor. Ne cum religionis contemptu, qui nisi tu ei consulueris omnino secuturus est, nationis Gallicæ infamia apud exterarum nationes coniungatur. Quod si nobis, ut speramus, à te præstitum fuerit, id tibi polliceor atque recipio, quicquid sacrificiorum, quicquid religionis, quicquid diuinarum laudum in augustissimis illis ædibus deinceps peragi contigerit, id omne humanitati pietatiq; tuæ acceptum nos relaturos esse. Daturosq; operâ, ut quando alia ratione à nobis tibi opera reponi non potest, precibus saltem assiduè Deum Opt. Max. rogemus, ut tibi, uniuersoq; huic regno propitijs esse velit. Id vero à te facile nos impetraturos esse, cum humanitas et benignitas tua, tum etiam dies hæc diuino spiritui ritu solemnè dedicata mihi persuadent, futurumq; ut propediem pro eiusmodi negotio nõ tibi amplius porrecturi preces, sed gratias æturi simus. Vale.

Michaëli Placentino Monaco. Greg. S.

DUm heri in Vallauriano essemus ego et Venusinus Pontifex, qui Antipoli ad nos confugit ob seuientem illic vim pestilentiae, redditæ mihi sunt à Grassensi literæ, iij. Calen. Mart. Monæci datæ, in quibus erat adscriptum,

ptum, missum ad se à duce Genuensium Myoparonem cum certissimo nuntio, qui referret maxima Gallorum strage de Ticinum esse pugnatum ad vii. Cal. Mart. Cum enim in castra Hispanorum paucis antea diebus superuenisset plenissima Germanorum phalanx, uelletq; rex ab illorū incursum tutiorem reddere exercitum suum, dimissa Papiensi obsidione, in conseptum locum quem Parcum appellant, copias omnes contraxerat, imminutas sane atq; debilitatas, quod militum pars longe optima cum Albanæ duce in regnum Neapolitanum esset profecta. Tum vero Hispani duce Federico Aterni, quam nunc Peschariam vocant, Marchione, nocte quæ diem Matthiæ Apostolo dicatam præcedit, maximo silentio de tertia vigilia ex castris profecti, ut ad locum eum venire, magno cum strepitu muros demoliri cœperunt, excitatisq; custodibus & rege ipso, tumultuarieq; instructo exercitu, ante lucem in aciem est descensum, conflictumq; miserabili euentu Gallorum. Si tamen is conflictus appellandus est, ubi alteri tantum persequiebantur & hostes cadebant, alteri vero fugiebant & trucidabantur. Postremo is rei euentus fuit, ut Rex ipse captiuus fuerit, & cum eo rex Nauarræ, Comes Sancti Pauli, & Sabaudia nothus, quem magnum regie domus Magistrum appellant. Ex Italici Federicus Gonzagha, qui honoratissimum apud regem locum tenere solitus est. Periere autem in conflictu Galeacius Sanseuerinus regis ἀσπίδος ὄψος, Boniuetus præterea qui superiore anno cum uniuersi exercitus dux esset, æque infelici euentu cum Hispanis bellum gesserat.

serat, Dux Lanchonij, cui in matrimonium soror regis coniuncta est, audito tumultu fœdissima fuge se commendauerat. Pauci præterea ex regis exercitu in acie periere, longe vero maxima pars in traiectu Ticini, vi fluminis absorpta est: direpta castra, omni genere prædæ refertissima, capta bellica machinæ, quorum incredibilis pene erat numerus. Hispani hac parta uictoria, tantos sibi spiritus sumpserunt, ut maxima licentia atq; impunitate ad radices usq; alpium excursionem faciant, & quod magis admirandum est, quaterni tantum senie ex populosissimis ciuitatibus per vim captiuos abducunt, & si inuitis populis, non repugnantibus tamen. Nihil harum rerum adhuc provinciales isti nostri intellexerunt, quare magnopere cauendum est, ne nos eiusmodi rumorum primi autores fuisse dicamur. Tanta enim sunt socordia atq; stoliditate, ut veluti certa uictoria securi, in utranq; aurem dormiant. Tu vero uelim tibi persuadeas, omnia hæc ex Apollinis oraculo proficisci. Omnino tibi curandum est, ut per omnes noctis uigilias, diligentissima in turri fiant excubiæ, & si enim nihil dum de classe auditum est, vereor tamen nihilo melioribus auspicijs illam Massilia soluisse, ac rex ipse Lugduno discessit. Meministi sanè quæ nostra fuerit expectatio, & qualis suspensio animi, cum rex in Italiam proficisceretur: cum non satis illi faceret de Hispanis & duce Mediolani atq; adeo de regno Neapolitano uictoria, sed uana quadam elatione, Hierosolymam & Constantinopolim primo. Vere se petiturum iactaret. Nunc autem video in tanto

H b discrimine

discrimine res Gallorum constitutas, ut in eo solum spem salutis collocare possint, si hispani vel nescierint vel noluerint tanta hac victoria uti. Eadem enim, ut opinor, facilitate, Galliam Cisalpinam sunt inuasuri, quo regem ipsum & cum eo totius Galliae robur inuasurunt. Certus tamen quodammodo sum, illos usque ad facietatem repletissimos praeda, nihil de superandis alpihus cogitatuos, maxime cum regem captiuum habeant, à quo quascunq; voluerint pacis conditiones facile se expressuros arbitratur. Interim vero quotidie pro captiuis τὰ λύτρα, ut in conficiendis literis traiectionum pecuniarum non sufficiant trapezite. Vale.

Michaëli Placentino Monaco. Greg. S.

Certissima sunt omnia, & longe veriora his quae ad Sagram Rex captiuus et tantum non coniectus in uincula, Picighitonum deductus fuit. Est id oppidi nomen in citiore ripa Abduae fluminis, natura atq; opere munitissimi. Ibi pluribus dispositis Hispanorum cohortibus, incredibili diligentia asseruatur, custode illi Larchonio dato, cuius in hoc bello longe maxima virtus fuit. Caterum penè incredibilia sunt, quae de horum militum importunitate atq; superbia narrantur, ut nulla unquam natio adeo insolenter victoria abusi esse existimetur. Aiunt ex Sabaudiae ducis cubiculo per vim quosdam esse abstractos, quod rebus Gallicis fuissent, qui illuc ex pugna velut in asylum confugerant. Romae Pontificem maximum à paucis, cum quaedam
veluti

veluti iniqua denegaret, publice affectum conuicijs. Ital-
lis principibus, miserandæ regis captiuitatem molestissimā
esse, certissimum est, instructissimos habent exercitus, miri-
ficos hosce successus imperatoris habent suspectissimos (nec
enim dubium est, tanto rege profligato, victorem non quie-
turum) & tamen trepidi stupentesq; quiescunt. Tanquam
uenientem ad se calamitatem non sensuri sint, sed inspectu-
ri tantummodo, ὅτι πότερ καὶ ἐλέγχεσθαι αἰχμαῖδες, οὐκ ἐπ' ἀχαιοί. Ru-
mor est, Sabaudie nothum Papia ex animi mœrore decessis-
se, serius quidem aliquanto quàm oportuit, tunc enim erat
æquius illum mori, tum Gallia regnum tanta cum auaritia
expoliabat, ut nec hominibus nec diuis parceret, Classis
quæ in uadis Sabatijs diu stetit ad anchoras deligata, sol-
uisse dicitur & Populoniam, vel ut complures affirmât,
ad hostia Tyberina proficisci, ut Albaniæ ducem & Ren-
cium Orsinum Masiliam trajiciat, qui eo consilio ex regis
castris, cum non contemnenda manu, paucis antea diebus
discessere, ut motus aliquos in regno Neapolitano excita-
rent, nec omnino irriti cecidissent eiusmodi conatus, nisi re-
gis captiuitas & reliqui exercitus profligatio, in diuersa
parte essent obsecutæ. Nunc vero nihilo felice euentu il-
linc est regnum illud tentatum, atq; hinc Mediolanense.
Aiunt certe intra Urbis Romæ mœnia utranq; factionem
Columnensium, scilicet atq; Vrsinorum, pene iusto prælio
aliquot horis cœnfluxisse, discessumq; esse expugna in neu-
tram adhuc partem inclinante victoria, una tantum ra-
tione Columnenses esse superiores, quod ea factio victori-

Hb 2 bus

bus fœdere est coniuncta. Horum malorum Pont. maximus spectator non arbiter sedet. Veruntamen quod ad nos potissimum attinet, danda tibi diligentissime est opera, ut die noctuq; custodes arcis nunquam ex specula discedant: incertum enim est, quidnam consilij classes Imperatoris & Genuensium sint captura: & si vix mihi persuaderi potest, nisi prius in provinciam hanc irruerint terrestres copiae, classes ad nos aduenturas. Pridie certe quam hæc ad te scriberem, duo Myoparones stationi applicuerunt, quibus Hieronymus Auria Massiliam deferrebat, qui assidue, (ut nosti) maximis pedum articularumq; doloribus laborat. Rettulit is mihi, Classem quæ Genuæ in portu, est inanè penè esse, cum à militibus tum etiam à remigibus, ut nihil à nobis inde penitus sit timendum. Nec tamen iccirco committendum esse arbitror, ut non diligentissime habeantur excubiae. Non enim ceterorum nostraq; e qua conditio est: nam si quippiam à ceteris est offensum, fortuna tantum id assignari consuevit. A nobis si quid peccabitur, experimento iam docti didicimus, fore, ut non fortuna, sed fides nostra accusetur. Vale.

Dionysio Monaco. Gregorius S.

Recte atq; ordine à te factum est, quòd musam nostram ineptam sanè atq; inuenustam à candidissima atq; elegantissima deduci volueris: & si enim politioris nitidiorisque comparatione maculae fortasse omnes illustrius sunt appariturae, id profecto accidet commodi, quod quicunq;

cunq; eas visuri sunt, politioris tuæ admiranda pulchritudine illecti, minus attente nostrā intuebūtur. Posthac tamē omnino tibi cauendum esse censeo, ut non ad eius generis homines carmina nostrā deueniant qui, ut tu recte de surinio sentis, non Lerinam tantum, sed gladios etiam atque ignes possint adhibere. Quod vero ostendis te adeo moleste ferre, quod labores illi nostri omnino perierint, nequaquam tibi eo nomine tantopere est dolendum, cum quod minima industria & paucarum vigiliarum opus erat, tum etiam quod in locum pleraq; aliorum longe doctiora atq; utiliora successerunt. Saulio Episcopo a te salutem plurimā dixi, qui te vehementissime amat, tuiq; visendi est cupidissimus. Is nuper commentarios Euthymij monachi in omnes Psalmos è græco in latinum cōuertit, opus elegans, ingeniosum, eruditum, & in quod ferè omnia quæ à maximis illis viris Origene, Didymo, Eusebio, Basilio, Chrysostomo, in eo genere scripta fuerant, breuiter & miro cū artificio sunt coniecta. In eo elimando atq; expoliendo, nunc assiduus est, egoq; illi minister assideo. Maximam præterea græcorum librorum copiam, et eorum antiquorum incredibili sumptu atq; industria nactus est, partim Roma, Florentia, atque Venetijs, partim etiam è media græcia allatorum, miraq; diligentia operam dat, ut eius generis ornamenta, non iam ex languenti, ut ille ait, sed penè funditus deleta græcia, Genuam transferantur. Sunt iam apud nos ferè omnes antiquorum in sacros libros commentarij, in quibus legendis ea ratione afficior, ut tandem videar mihi occultissima mysteria

mysteria, atque ut ita dicam adyta penitus ingredi posse, & nunc demum intelligo, quàm nihil scire possint in sacris literis, qui græcæ linguæ omnino sunt ignari. Hæc ideo ad te scribere volui, ut coniectura assequerere me huius loci atq; eiusmodi consuetudinis cupientissimū esse. Vale.

Ioannes Moronus. Greg. S.

G Valterius Corbetta, vir cum utriusq; nostrum amicissimus, tum multiplici literarum eruditione (ut nostri) optime præditus, mecum tam honorifice de te locutus est, ut diceret, se multos quidem literarum & græcarum & latinarum studiosos vidisse, in utroq; autem genere consummatum æque, ac tu es, inuenisse neminem. Ex quo me tam ingens cepit desiderium amicitiae tuæ, ut amplius differre nequieuerim, quin quacunq; ratione possem gratiam inire tuam, atq; id, quo negligentia mea multos dies carui, nunc nouo quodam & fortasse temerario literarum genere mihi acquirerem. Quare te etiam, atq; etiam rogo, pro ea quam in te esse humanitatem ab omnibus audiui, ut his scriptis patiari fundamenta amicitiae nostræ, ita iacta esse, ut super his (si tibi libuerit) exædificare possimus. Vale.

Ioanni Morono. Gregorius S.

E T si amplissimam testificationem humanitatis tibi reddebant ciues mei, quos omnes suauitate morum & facilitate congressus, adeo tibi deuinxisti, ut ipsa etiam memoria consuetudinis tuæ nihil illis iucundius possit accidere,

re, longe tamen ampliore nobis reddiderunt perelegātes
literæ, quæ plenissime & humanitatis & officij declarabāt
singulare ingenium tuum, coniunctum pari erga me bene-
uolētia. Habeo igitur Vualterio nostro immortales gratias,
qui licet immodica nostri commendatione, magis amoris er-
ga me quā erga te fidei rationem habuisse videatur, eo
tamen pacto maxima te nostri prædicatione deceptum gau-
deo, quod mihi incredibilem voluptatem amicitia tua con-
ciliatione, eiusmodi deceptio procreauit. Eius vero curā re-
linquam, an ea quæ de me præstiturum recepisse tibi vide-
tur possit repræsentare, te certe tenebo: quando nullo meo
dolo malo huc es deductus, ut sponte etiam mihi amicitia
tuam obtuleris, cuius ita facile patior fundamenta à te posi-
ta esse, ut eo tantum nomine conqueri posse videar, quod
præoccupatis partibus, quæ honestiores sunt, nobis difficilio-
res reliqueris, quando cumulatione mensura reddi iubet
Hesiodus, fruar tamen interim amore tuo & ipsius Vual-
terij errore, tibiq; polliceor, nūquam in mutua amicitia no-
stra excolenda, me uel literis uel officijs defuturū. Vale.

Leoni X. Pont. Max. Greg. S.

SCio fore complures qui tibi ob demandatam ampliſimā
dignitatem, maximumq; Pontificatum, mirum in mo-
dum sint gratulaturi, idq; non suo sibi tantum iudicio, sed
fortasse etiam cæterorum omnium recte atq; ordine facere
videbuntur. Si enim cum mediocris alicuius dignitatis
cuipiam, quo cum nobis uetus amicitia intercedit, fiat ac-
cessio

cessio, alienum quippiam ab officio facere videmur, si non perinde ostenderimus eo nomine latari, quasi nosmetipsi eodem honore aucti & cumulati fuerimus. Quid eos facturos putamus, cum tibi hac dignitas, praesertim nec ambiendi nec expectanti, sit demandata. Qua maior aut amplior ab homine Christiano nec desiderari quidem posse videtur. Habet enim summum illud sacerdotium amplius quiddam atq; augustius, quam ut id in ceteris dignitatibus inuenire possimus. Excellit qui eo fungitur communem hominum statum, medius inter diuos atq; mortales est constitutus. Ceteris nempe ut sint maximi, ut sint potentissimi reges, in corpora tantum atq; res nostras imperium exercere est permissum, ut recte à quopiam dictum sit, equā eos cum cantaride vim esse sortitos. Tibi vero immortalis illa nostri, atq; adeo diuina pars, animus ipse, scilicet, est subiectus. Nihil in iurisdictione tua humanum, nihil terrestre inuenitur, diuina omnia atq; cœlestia sunt. Quo fit, ut non certis limitibus, montibus, scilicet, fluminibus aut mari, imperium tuum terminetur, quodcunq; ab ortu ad occasum die noctuq; sol aspicit, tuis nutibus, tuoq; imperio est subiectum, nec ea ratione ut id imminui aliquando aut labefactari possit, quoad Romana religio, quoad nomen Christianum denique, quoad Christus ipse regnabit, quod futurum est ad omnem aeternitatem, catenus summi Pont. auctoritas, maiestas, atq; imperium perdurabunt. Hac atq; eius generis complura scio eorum nomine qui tibi gratulantur, ad te quotidie perferri, auresque tuas eiusmodi vocibus circunsonare,

circumsonare, ut mihi nequaquam sit necesse, trito iam ve-
stigijs omnium, & conculcato itinere proficisci. Ego vero
pro hac dignitate, quæ omnium patrum suffragijs tibi nec
expectanti nec desyderanti est demandata, omnium ordinũ
sacerdotibus, principibus, regibusq; , qui eadem nobiscum re-
ligione censentur, vniuersæ deniq; Reip. Christianæ mi-
rum in modum gratulor. Cum enim vitam moresque tuos
ab ineunte ætate consydero, cum castissime superatam ado-
lescentiam, iuuentutem ætatem grauiissime atq; sanctissime.
Cum præterea intueor quanta animi fortitudine atque con-
stantia, paupertatem, diuturnumq; exilium toleraueris,
qua prudentia, errore fortasse aliquo, grauem tibi aduersa-
rium Alexandrum Pontificem Maximum, eò deduxeris
facilitate tua & suauissimis moribus, ut non modo odium
dissimulare vellet, se etiam ad declining inuidiam, se
tibi cuperet haberi amicissimum. Omitto hic domesticam fa-
milie tuæ disciplinã, qua nihil sanctius, nihil moderatius,
præsertim in hac morum corruptela, excogitari potest. Hac
atq; eiusmodi pleraq; mihi ad memoriam reuocanti, facile
persuadetur, fore ut planè ostendas, non te hac potissimũ
ætate electum esse, ut ad corruptos huius temporis mores,
hi qui te sibi prætulerunt suffragia sua accommodarent, sed
ut declararent istis quoque temporibus mira accidere pos-
se, ut cum admodum iuuenis, nondum scilicet annum quin-
tum & trigesimum supergressus, tanto oneri idoneus es iu-
dicatus, id ea ratione factum esse, quod quasi lumen quod-
dam in hisce tenebris elucere viderent sanctitatem & pru-
dentiam

dentiam & magnanimitatem tuam. Præterea te esse solum qui posses ad tam vastæ navis gubernacula, veluti in summa puppi sedere, inter medios fluctus & undiq; circumstrepētes procellas tuto cursum tenere. Quo fit, ut nunc demum sibi omnes polliceantur pristinos Christianorum ritus, & mores sanctissimos, qui ex minimis initijs in hunc amplissimum rerum statum, Remp. nostram prouexerunt. Tibi vero priuatim haud satis scio an debeam gratulari, & si enim fieri non potest, ut maxima te dignitate auctū, pro ea quæ mihi tecum ab adolescentia intercessit, seruitute, non vehementer gaudeam, sæpius tamen mihi venit in mentem periculi quā dignitatis tuæ. Licet enim ad maxima quæq; natus esse videaris, licet magnanimitatis atque innocentia nemo me tibi testis certior esse possit, tam graue tamen est onus quod tibi nuper impositum est, præsertim cum tibi tam lubrico infestoq; itinere sit incedendum, ut nulli dubium sit, minimum esse debere securitati, maximum autem timori locum. Quid enim, ut in aliquo simili verser, nonne pastori timendum esset, cuius cura innumeri greges, infinita armenta ea ratione commendarentur, ut capitis sui periculo custodienda susciperet, præsertim lege posita, ut culpam omnem & periculum ipse esset præstiturus? Vigilandum utiq; assidue, sui minima gregis autē maxima cura esset habenda. In hoc rerum statu cū tibi Leo agendum esse videam, mihi quidem gratulor, cæterisq; omnibus qui tuo equissimo imperio sunt subiecti, tibi vero eo tantum nomine, quod post diuturnos maximosque labores,

res, post pericula maxima quæ spero fore, uti præclara hac indole virtutibus omnibus cumulata, facile superes, par tanto discrimini, atq; adeo longè maior merces est præparata: danda igitur tibi opera est, ut ei opinionem quam de te in inferioribus magistratibus concitasti, in maximo hoc atq; supremo studio, labore, diligentia atq; animi magnitudine respondeas. Et ut patres qui tibi munus hoc demandarunt, in eo admirandi esse videantur, quod si se æquo animo passi sunt præteriri, id maximo iudicio fecisse sint putandi, quod ei potissimum cesserunt, qui ingenio atq; industria, adde etiam moribus & sanctitate, tantum cæteros omnes excelleret, quantum loco & dignitate esset præstiturus. Vale.

Augustino Grassensi Episc. Greg. S.

Quanti ego Christophorum Longolium faciam, quantumq; semper fecerim, nemo, ut opinor, te melior testis aut locupletior esse potest. Meministi enim cū primū Venusinus noster Roma rediens eius literas græce scriptas mihi reddidit, cuius antea nec nomen quidem audiuerā, quale fuerit nostrum de Longolio, deq; eius eruditione iudiciū, cum tibi affirmare non vereretur propediem fore ut elegantes literæ, orationis incorruptæ candor (&) puritas, (&) quod ijs omnibus maius est, syncerum rectumq; iudiciū, tum demum ipse ab Italici acceptum in Galliam transferet. Meministi præterea, ut opinor, me dicere, esse apud vos viros complures excellenti ingenio atq; doctrina, me tamen

Fi 2 in

in tantam spem eius iuuenis venire, ut crederem ceteros omnes ab illo longo interuallo superatum iri. Cumq; intellexissem quosdam Romæ esse, qui illi negotium facerent, confestim ad ipsum literas dedi, quibus hortabar ut Lerinam secederet, operamq; & fidem nostram benigne pollicebar. Quo factum est ut paucis postea mensibus ad nos venerit, vixeritq; nobiscum dies aliquot, maxima cum familiaritate & amicitia. Accidit vero, ut ego eo tempore grauissimis molestissimisque curis Cœnobij nostri distinerer, quod cum iniquissimo animo ferrem, mirificoq; ardere desiderio oculi et quietis adipiscendi, (quod postea opera et beneficio tuo nactus sum) forte euenit ut inter quotidiana colloquia apud illum, eo nomine mirum in modum conquerer, qui, ut ex te postea auditum est, re tecum comunicata, sponte se cum Pont. Maximo acturum recepit, daturumq; operam, ut cum Pontificis autoritas tanta sit apud patres nostros, quanta esse debet, ego eius interuentu à curarum molestia, quæ animum meum distrahebant liber aliquando fierem, cumq; tu pro eo mirum in modum mihi gratularere, negavi mihi opus esse illius opera aut labore: habere me Romæ fratrem gratiosissimum apud omnes ordines: habere Sadolettum qui sanctissimo patriæ vinculo & iure etiam propinquitatis mihi esset coniunctissimus, quorum gratia & fauore nihil esset quod Romæ à nobis confici non posset: vetustissimam præterea seruitutem mihi cum Pont. Maximo intercedere, ut nihil esset quod nobis de eo polliceri non possem. Sed meum sanè de ea re iudiciū semper fuisse,

uti

ut ne quid nisi explorata patrum meorum voluntate fieri deberet: nolle enim me, ne si possem quidem, quippiam ipsis inuitis tentare, ne dicam transigere aut pacisci. Sed quod summopere admiror de eiusmodi cogitatione sua mecum nihil egit Longolius: quare accidit, ut multo etiam magis admirer, quid ita illi uenerit in mentem, nunc demum hanc epistolam ad me dare, cuius exemplum ad te mitto, ubi ne scio quia intempestiua grauitate, Catonem mihi agere uelle uidetur, sed sunt omnia illa οὐδὲν ὑπὸς Εἰρος, ut suspicari possis hominem Hippocratis uinculis astringendum esse. Mitto etiam ad te eius epistole exemplum, quam ad Longolium dedi, ut tuum sit iudicium satis ne moderate & absque stomacho eius ineptias tulerim, qui etiam simulat se magno pere cupere, ut de ea re excusationem eius accipiam, pro qua nihil omnino à me habuerat in mandatis. Postremo mihi mirum in modum gratulatur pro adepta animi quiete, hortaturq; uti hac in posterum frui uelim, cum mihi ad superioris anni molestias nuper etiam accesserit, quod tu non ignoras, grauissimum onus & longe omnium difficillimum. Prorsus, ut mihi uideatur, conscripto argumento ludere uoluisse, uimq; ingenij sui atq; eloquentiæ, tanquam in aliqua declamatione experiri. Vale.

Vitali Monaco. Greg. S.

ET si non tantum mihi tribuo, ut acerbissimum hunc fortunæ ictum ea quæ decuit constantia atq; animi firmitate, me omnino tolerasse mihi persuadeam: illud certe dicere

cere non verebor inter has iniquorum temporum molestias
& irruentes undiq; procellas calamitatum nobis aliqua
ex parte concedendum esse, si grauiſſimo hoc caſu me aliquan-
tiſper commotum fuiſſe non diffitebor. Et enim quis tā com-
muni omnium ſenſu priuatus, & penè dixerim ferreus exi-
ſtat, qui primum hac rerum omnium vaſtitate, deinde cre-
berrimis altera ſuper alteram irrudentibus cladibus, vexa-
tus atq; afflictuſ, nunc demum etiam domeſticis ſpoliatuſ
ſolatijs, non paululum dolori concedere cogatur? Ego ve-
ro quàm recte faciam ſi me commotum fuiſſe non negè tuo
relinquam iudicio, literarum certe tuarum autoritas con-
iuncta pari erga me beneuolentia, ita omnè animi mei ægri-
tudinem abſterſit, & penè deleuit, ut illis lectis penitus
acquieuerim. Declarabant enim perſpectum mihi quidem
antea innumeris officijs mirificum amorem tuum, nunquā
tamen nobis æque gratum atq; iucundum. Cæterum quod
alumni tui omnes tanta pietate eius funeri, quem ne de ſa-
cie quidem cognorant iuſta perſoluerunt, totum illud tibi ac-
ceptum reſero, in cuius gratiam id factum eſſe neminem pu-
to fore qui ambigat. Video enim te apud ipſos ita teſtata eſ-
ſe voluiſſe argumenta tuæ erga me pietatis, ut quæcunque
mihi ab ſe tributa fuiſſent, perinde tibi grata fore ſuſpicarè
tur, ac ſi tibi ipſi parentiq; tuæ eſſent perſoluta. Nec ea ta-
men de cauſa minores illis habeo gratias, cum nequaquam
fieri poſſe opinor, ut eum quem à te tantopere amari cum
verbis tuis, tum etiam rei pſa didicerunt, non & ipſi quo-
que mirifico amore proſequantur. Quare nihil alienum ab

ea

ea quæ inter nos pietate intercedit facturum me esse suspi-
cor, si eos maximopere obtestatus fuero, ut ab hac paren-
taliū obsecrationū religione eatenus non desistant quoad
mihi genitriciq; meæ putauerunt esse satisfactum, quod qui
dem tum demum accidet, cum illi ea fide se intelligent obse-
crare, quæ iuxta diuina pollicita, à Deo Opt. Max. nihil
obtinere non potest. Vale.

Paulo Sadoletto. Gregorius S.

Facile ex epistola tua intellexi, quanta orationis ūber-
tate, quantaq; eloquentiā copiosiores materias tracta-
re consueueris, qui nullo etiam (ut ais) proposito argumen-
to, in his literis quas ad me dedisti, tantum absuerit, ut re-
rum aut verborum copia destituereris, ut nihil etiā ūbe-
rius luculentiū sue excogitari posse videatur. Mihi vero il-
lę ipsę literæ unicum argumentum ad te scribendū relinqui-
runt, ut scilicet tantis tuis progressibus gratularer, quan-
tos te ex ipsis habere cognoui, quantosq; ab ineunte pueri-
tia tua, & mihi & patri tuo de te assidue pollicebar. Non
enim ei argumento locum reliquisti, quo potissimum ūti
debuissē, ut te ad bonarum artium studia incitarem atq;
adhortarer, quem egregia quædam atq; admiranda indol-
es, tum etiam mirifica diligentia in optimis studijs, postre-
mo patris & patrui domestica exempla adeo prouocarunt,
ut te non incitandum putem, sed testimonio literarum tua-
rum imitandum alijs proponere debeam. Cuius quidem rei
communis est nobis cum patre tuo, atq; æqua oblectatio, cū
quo

quo mihi *Vetus* & multo antea quàm tu natus es constituta amicitia intercedit. Et cui nequaquam concessurus sum, ut maiore quàm ego de te successibusq; tuis voluptate sit afficiendus. Nec huius animi mei quispiam illo testis certior esse potest, qui ut me quàm maxima iucunditate afficiat, epistolas omnes hendecasyllabosq; tuos non minus venuste quàm eleganter scriptos, simul atque accepit confestim ad me legendos defert, quem optime nouit ingenio atq; eruditione tua mirum in modum oblectari. Nuper etiam epigrammata ad Venerem atq; Dianam, in quibus & acumen & inuentionem sicuti græcos imitantia, ita nequaquam illis concedentia cognoui. Quorum omnium cum ob ipsorum mirificum candorem, tum ob tuum amorem erga me & buccinator & præco fieri non verebor. Tu vero perge per Patruum tui vestigia eo contendere, quo & indoles tua & illius ingentia beneficia te ducunt: illumq; tibi propone quē colas, quem imiteris, cuius vitæ integritatem & mores sanctissimos æquæ atq; eruditionem singularem uno omnium ore celebrari vides. De me vero ea tibi pollicearis velim, quæ ab eo proficisci debent, qui te unice amet, qui studiis tuis mirum in modum faueat, qui denique ingenio atque doctrina tua, supra quam dici potest oblectetur. Vale.

Vitali Monaco. Gregorius S.

Multa fuerunt in posterioribus literis tuis, quæ me incredibili voluptate affecerunt, & primum quidem

dem q uod amorem atq; beneuolentiam tuam erga me facile recognoui: & si enim mihi à primo atatis tuæ tempore nihil magis persuasum fuit, quàm me abs te uehementer amari, præferebant tamen illæ ipsæ literæ incredibilem quandam vim mirifici amoris, siue quod proposita materia quæ me mærentem atq; afflictum consolabare, id ipsum postulare uideretur, siue quod penè æque dolendo ea occurrerunt quæ ad leniendum dolorem meum erant aptissima. Grata præterea nobis fuit maxima illa diligentia, quod non contempsit literis quas ad me prius dederas elegantissimis sanè simul atq; amicissimis, præclarum illud officium nouo hoc beneficio cumulaſti. Poſtremo, feſtiua illa excogitatio qua à nobis literas exprimere conatus es eiufmodi fuit, ut non ſolū omnem à me dolorem potuerit auferre, ſed inuitum etiam & reluctantem compellere ad ſcribendum. Enim uero cum his potiffimum de cauſis humanitatem tuam magnopere ab omnibus commendari debere uideam, illud certe nequaquam commendatione dignum exiſtimo, quod tanta pertinacia ſilentio ſtudere decreuiſti, ut nihil apud te officium, nihil pietas ualitura fuerint, niſi ego conſolatione tibi ſummopere egere uſus fuiſſem. Quanquam enim legifer ille noſter, cuius autoritas apud te tanta eſt, quanta proſecto eſſe debet, ſilentium non ſolum maximopere commendat, ſed decretis ſuis etiam ſanctum atq; inuiolabile facit, cum tamē eius mores uitamq; intueor, quibus nihil abſolutius aut perfectius nec cogitari quidem poſſe uidetur, facile cognosco, nunquam illum intemperato ſilentij amore ea ratione ab officio

K k

fuiſſe

fuisse deductum, ut Pythagoreorū ineptias sequi vellet, qui, ut de Apollonio Philostratus testatum reliquit, magis silendo praeceptoris sui placita observare voluerunt, quā concitatē ad seditionem ciuitatis iram atq; tumultum paucis verbis interrupto silentio temperare. Noster autem hic perpetuam cum sorore noctem inter diuinarum rerum mutua colloquia duxit insomnem. Et id quidem, cum nocturnas potissimum horas inuiolabili silentio observari sanxisset. Quare nihil est quod posthac tantopere taciturnitati studere velis, ut dum alterum declinas vitium, imprudens in alterum, & illud quidem longe maius atq; detestabilius, incurras. Porro, quod tantopere conquereris à me tuis literis non esse responsum, scio id non nostra, sed tabellariorum culpa contigisse, qui fortasse ob infesta undiq; itinera isthuc ad vos peruenire non potuerūt, vel certe, ut est id genus hominum alienum ab omni urbanitate, taciti prae-rerunt. Mitto igitur ad te exemplum eius epistola, qua prioribus tuis literis rescripsi: non enim consilium fuit alienis literis nostrum nomen apponere, ne cum facultatem nostram dicendi longo interu allo superent, siquid in posterum ad te scripsero, nostras illas infantia simul atque temeritatis accusent. Vale.

Dionysio Monaco. Greg. S.

ET si non dubito omnem apud te excusationem nostram superuacuam fore, id quē pietati, quae mutua inter nos intercedit mirum in modum est consentaneum, non commit

tam

tam tamen, ut vel tacita cogitatione peccati alicuius in tā
constituta beneuolētia nostra me accusare possis. Cum enim
molestissimis occupationibus nostris factum sit, ut serius
suauissimis illis tuis literis rescripserim, quibus me de ma-
tris meae obitu mœrentem consolabare, omnino subuerebar
ne me vel parum tu memorem vel officij oblitum suspica-
reris. In eiusmodi autem tempora incidimus, tantisq; rerū
turbationibus impedita, & in his potissimum locis, in qui-
bus ego degebam, ut ne dicam apud te virum summa pru-
dentia, sed nec apud propemodū rerū humanarū expertes,
excusatione me egere suspicer, si in scribēdis epistolis paulo
fuerim negligentior, magis fortasse mirum videri debeat,
me nunc demum etiam ad eius generis literas animum adie-
cisse. Ceterum tibi persuadeas velim, hoc meo tempore nihil
mihi tuis literis neq; gratius neq; iucundius accidere po-
tuisse. Cum enim pleriq; soleant magis ex consuetudine quā
ex animo eiusmodi officijs satisfacere, ob id potissimum in-
credibilem accepi consolationem, quod te velut in proprio
luctu perinde affectum mœrentemq; intellexi, quasi nunc
demum, tu etiam maternis esses solatijs destitutus. Rursus
eiusmodi rationibus usus es, ut me afflictum iacentemque
excitares, ut pene nefas putarim consilijs tuis verioribus
nescio, an grauioribus non obtemperare. Fuit certe acerbissi-
ma nobis eius matris amissio, quæ altero iam & quadragin-
ta annis vidua perseuerans, cum me quadrimulo minore,
orbatum patre educandum suscepisset, filios præterea com-
plures tanta cum charitate et disciplina enutriuit, ut nul-

K k 2 lum

lum nobis locum reliquerit patris desyderio. Quare si vera sunt quæ Paulus scribit, ut vera sunt profecto, honore eas affici debere, quæ vere viduæ sunt, rectissime omnino à te scriptum suspicor, illam iam pro vitæ integritate & castromonia, proque sanctissimis moribus beata perfrui immortalitate. Habeo vero tibi immortales gratias, quod tanta pietate illi iusta persolueris quæ cum me filium haberet, eam tu quoq; matris loco à te mirifico honore prosequendam esse duxisti. Etenim ea ratione græcum illud semper in amicitia nostra à te custoditum est. τὰ φίλων κοινὰ καὶ φιλίας ἰσότης, ut merito me te esse alterum existimare debeam. Vale.

Amico cuidam.

Binas ad te superioribus diebus literas dedi, quæ quoniam certissimis hominibus commendatæ fuerunt, coniectura assequor, tibi redditas fuisse. Cumq; ut à te nobis responderetur mirifico arderem desyderio, obtulissetque se nobis rursus certi hominis commoditas, non sum veritus tertijs etiam tibi molestus esse, eoq; libentius id feci, quod is ad nos, confectis istic aliquibus negocijs, confestim est reuersurus. Primis igitur à te summo opere flagitabam, uti ne ad me rescribere grauareris, qua nam ratione machinam illam confici posse putares, quam ab Euclide nobis ostensam fuisse scripsisti in globi definitione. Et si enim intelligere mihi uideor te ex circunductione semicirculi, in lignea æreæue materia, sic tornatilem globum fieri posse opinari, quemadmodum

modum ex circini circunductione fit circulus, quo tamen pacto id fieri debeat, cuperem ut à te illustrius esset declaratum. Cum enim nulli dubium sit, rem ipsam seiunctam à materia consideranti, quod suum proprium est mathematicorum, Euclidis definitionē intelligi posse, in materia certe, cum in eo diu & torno & ascia laborarim, nondum tamen id quod volebam sum assecutus. Quid vero obstat, tum facilius à te intelligetur, si non cogitatione tantum, sed instrumentis etiam volueris experiri. Ego sane adhibitis eius generis artificibus admodum peritis, non difficilem solum, sed eiusmodi ut omnino confici non possit machinam illam tuam inueni. Et nisi descriptione aut certe verbis id à te nobis illustrius fuerit expressum, omnino me assequi posse despero. Alteris porro literis petebam, ut ni tibi molestum esset, locum de Fride quem in Meteorologicis Aristotelis, penè in actum reliquisti, diffusius explicares, idque non mea solum ceterorumque, sed tua etiam precipue causa. Cum enim ais præteritum à te locum, quod difficiliori quadam ratione tractandus esset, vereor, ut doctis à te sit eo pacto satisfactum, quorum precipue ratio in his quæ scribimus mihi habenda esse videtur. Si vero rudium etiam gratia te tantum scribere profitereris, nunquam tamen in difficilioribus locis sic essent illi destituendi, ut nihil præter ea quæ omnino cognitu facilia sunt, intelligere posse cederentur. Cum vero nihil sit in Meteorologicis ostensione illa Iridis ingeniosius, sit etiam à græcis potissimumque ab Alexandro, planissime demonstrata, opinor te rudioribus illis

illis gratissimum facturum, si non perinde de ipsorum ingenio desperaris, quasi nihil difficile obstrusumq; labore aut diligentia sint affecuturi. Doctioribus vero hac ratione occurrere à te poterit, qui, ut se habent plerumq; mores, non ita circo fortasse à te prateritum locum iudicabunt quod rudioribus consultum volueris, sed quod nondum à te satis fuerit intellectus. Quare, si denuo curaueris ut paraphrasēs illae imprimantur, opinionem, quam de te apud omnes concitasti, eo pacto sustinere posse videberis, si ea quoq; pars ut pleraq; omnia planè dilucideq; : addo etiam mathematicis demonstrationibus à te fuerit explicata. Hæc illa sunt quibus à te rescribi magnopere desyderabam. Quod quidem si ut facias, poteris animum inducere, id humanitati facilitatique, addo etiam doctrinæ tuæ erit consentaneum. Sin autem secus à te fuerit cōstitutum, ea quoq; de re ut me certiores facias te vehementer etiam atq; etiam rogo, ne & ego posthac frustra in scribendo ad te laborem insumam, & tibi sim fortasse molestior quàm aut tu velles, aut moderationis & communis sensus ratio postulare. Vale.

Vitali Monaco. Gregorius S.

Commodum Mutina literas acceperam, tetra atq; horribilia nunciantes, intra menia scilicet rerum omnium inopia, tributorum exactionibus, militum licentia mirum in modum laborari. Extra uero ob incursiones barbarorum caedibus, incendijs, rapinis, & agrorum depopulationibus,
omnia

omnia fæde misceri, quibus ita affectus sum, ut dolorem diutius nequirem dissimulare, non enim tantum angebar sensu præsentium calamitatum, quantum timore atq; expectatione impendentium cruciabar. Cum ecce subito a te epistola elegans sanè & gravis, & qua vicissim adeo sum recreatus, ut (quod vix credibile sit) omnem pene ex animo meo dolorem abiecerim. Gaudeo equidē mirabiliter te animum induxisse, ut crebras in posterum ad me eius generis literas dares, quæ tantum abest, ut mihi molestæ futura sint, quod subuereri uidebaris, ut nihil aptius esse possit ad leniendas animi mei agritudines. Cum enim sint suauissimi amoris atq; beneuolentiæ tuæ erga me plenissimæ, ob mirificum præterea candorem adeo sunt venustæ & elegantes, ut in illis mihi videatur humanitas cum eloquentia pugnare, & cum utraq; iudiciū. At enim quod vir ille omnium mortalium, ut rectissime scribis, lepidissimus & amantissimus utriusq; nostrum, adeo opportune tibi literas nostras reddidit, cum ad senatum istum, de grauissimis negocijs esset relaturus, ut te cum in disceptando, tum etiam in dicenda sententia promptiorem ingeniosoremq; fecerit: agnosco equidem animi tui moderationem, qui id literis nostris volueris acceptum referre, quod tu & rerum usu et ingenij deferitate iampridem es affecutus. Nec tamen id oneris sumam, ut te decipi de me coner ostendere, cum literis nostris tantum tribuis, quantum nec à me cognosci nec à cæteris intelligi posse non dubito. Erit profecto tuus hic error eiusmodi, ut mihi & utilitatis & voluptatis plurimum

plurimum possit asferre, quando hac ratione creberrimas à te literas sum expressurus. Vale.

Sëuero monaco Cisterciën. Gregorius S.

Cum me dudum per literas in spem maximam adduxisses fore, ut M. Tullij orationes opera & ingenio tuo ad vetustissima exemplaria emendatæ, breui ad me deferrentur, ita muneris tui pollicitatione sum incensus, ut nihil à me potuerit maiore cum desyderio expectari. Cū quod id opus fide omnino laceratum, pristina à te restitutum integritati intellexeram, tum præcipue quod mihi perspectissimum esset, nihil à te proficisci posse, quod non idem esset in suo genere absolutissimum. Quare diligentissime operam dedi, ut illi ad quos rerum Aldi procuratio eius morte deuenit, opus ipsum simulatq; Venetias delatum foret, summa fide & diligentia excusuros se esse reciperent. Id enim ex literis tuis te vehementer desyderare intellexeram, deq; ea refeci te continuo per epistolam certiore. Tanta vero & temporum iniquitas, & rerum omnium perturbatio est consecuta, ut nec nostras tibi redditas fuisse suspicer, & te fortasse quod desperaueris inter has temporum calamitates id posse confici, omnem eius rei curam penitus abiecisse. Nunc vero cum Hercules Gensiaqus Mantuæ Pont. qui optimorum studiorum, iure suo quodam, patrocinium sibi sumpsit, idem ex me cognouisset, mecum egit diligentissime, ut ad te denuo de ea re accurate scriberem, ne & nos diutius tanta utilitate careremus, quantam ex eo opere perci-

pi

pi posse certissime intellexit, & tu frustra laborem & industriam insumpsisse videreris: futurum enim, ut eius favore & gratia nostra ad te literæ deuenirent. Et si orationū volumen ad nos dare voluisses, curaturum se, ut summa fide & diligentia redderetur. Quare maximis precibus te oro atq; obtestor, ne nos diutius eius rei desiderio & expectatione torqueas, quam, & tu prior debere voluisti, & nos tanta cum animi voluptate excipiemus, ut nunquam pro eo munere pares tibi à nobis gratias relatum iri posse putemus. Tibiq; recipio, non solum me, sed ipsum etiam Herculem, qui, ut merito esse debet, Venetijs apud omnes ordines gratiosissimus est, diligentissime curaturum, ut primoquoque tempore labores isti tui in publicos doctorum usus prodeant, cum maxima verissimaq; ingenij & industrię tuę testificatione. Vale.

Francisco Bellincino Iureconsul. Greg. S.

EGo uero, mi Francisce, nondum satis constituere potui, iucundiorne mihi sit, an acerbior, recordatio pristinae consuetudinis nostræ. Cum enim præclaram indolem tuam, suauissimos mores, multiplicem atq; adeo in omni genere literarum, mirificam eruditionem consydero, fieri profecto nō potest, ut acerbissimum non sit, perspectis iam mihi atque etiam paulisper degustatis bonis, plurimis iam diebus caruisse. Contra vero, incredibili me affici voluptate necesse est, recordatione amoris tui erga me, iucundissimiq; cōgressus. Plus tamē omnino iucunditatis quàm acerbitalis eius-

L l mod;

modi recordationem habere, ea potissimum de causâ nunc demum statuo, quod uiuit adhuc uigetq; certissima spes fore ut breui ad oblectationem maximam uberrimosque fructus consuetudinis tuę reuertar, qua quidem si destituerer, uehementiam tanti desyderij ferre non possem. Cæterum, & si me non diutius istinc absfuturum certissime scio, ut tamen nihil de die certum polliceri audeam, faciunt iniquissimi huiusce temporis motus & perturbationes, ob quas non ego solum de remansione profectiōe uel suspensio animo sum, sed maxime etiam & potentissimi reges. coguntur de status sui ratione dubitare. Nuper quidem certe cū maxima et instructissima copiâ Venetorum ad Padiripas confederint, quæ, ut certissimis coniecturis assequimur Hispanos, Germanosq; consecuturę, extructo iam nauibus ponte, de traiectione cogitant, tutissimum uisum est eatenus me itineri partim, suspecto, partim etiā certissime infesto non cōmitere, quoad a militari tumultu fuerint omnia tranquilliora atq; sedatiora. Eo enim potissimum, ut nosti, consilio Mutina discessi, uti ne insolentium hominum, & (quomodo nunc est) in ui & audacia omnia posita esse existimantium, iniuriam et contumelias cogerer perpeti, quod experimento didiceram, paulo me esse delicatioris in eo genere stomachi, quàm ut ea deuorare absq; nausea possem. Eset uero insipientis & inconsiderati, cum plurium mensuram æquo animo tolerauerim, nunc demum rebus prope modum constitutis, paucorum dierum expectationem ferre non posse. Vale.

Guliermo

Gulier. Langiço Regis Franciæ Secr. Gre. S.

Cum vix fieri posse putarem, ut non modo tibi con-
gredi, teq; coram alloqui possem, sed etiam, ut si quat
ad te de disse litteras, ea, aliqua ratione reddi possent, ob tē
porum iniquitatem, atq; infesta, undiq; itinera, repente
mihi allatum est, te in Italias aduentasse, eo potissimum
consilio ab rege optimo, & (quæ verissima præfatio est)
Christianissimo missum, ut non nutantibus tantum, sed pe-
nè funditus iam euersis Christianæ religionis rebus, studio,
atq; dexteritate tua opem ferres. Quo quidem nūcio, nihil
iucundius, nihil optatius nobis accidere potuit. Ex quo enim
primum mei in te amoris fundamenta posuit vir optimus,
& utriusq; nostrum amantissimus Venusinus Pontifex,
cum à nobis in Lerina Longolij orationes describendas ac-
cepisti, nullum à te, prætermisum officium est, quo singula-
ris tua in me benevolentia illustrius aut expressius declara-
ri posset: nec enim mihi memoria excidit, sed nec profecto
excidet aliquando cum tu mihi Lugduni gratiam, consiliū,
autoritatem tuam, ita sine ulla exceptione, aut laboris, aut
occupationum pollicitus es, ut tamen amplissimas pollicita-
tiones opera & studio superaueris. Accesserunt deinde fra-
tris tui uiri sancti, atq; innocti, innumerabilia in me me-
rita, quibus factū est, ut cū omnino mihi persuasum sit, ne-
quaquā fieri posse, ut tantis uestris in me beneficijs aliquā
do respondeam, non tamen verear, longe maiora mihi de
vobis in posterum polliceri. Ea nempe ratione à maximis

Ll 2

Viris

Viris beneficia collocari consueuere, ut ea non facultate accipientium, sed dantium magnanimitate aestimentur. Accidit vero incommodissime, quod tu eo præcipue tempore Mistina iter factururus es, quo ego ob longe difficillima, mihi que mirum in modum molesta negocia, absens esse cogor, ut non te coram alloqui, tuisque illis suauissimis congressibus perfrui possim. Et si enim te grauissimis negocijs pro suscepta prouincia assidue distineri certissime scio, mihi tamē adeo perspecta est morū tuorū incredibilis facilitas, pari ingenio cōiuncta, ut mihi persuadeam futurum etiam fuisse, ut inter tantos negociorum (ut ita dicam) fluctus, te per ocium perfrui possem. Quod quando iam ne sperandum quidem mihi esse videtur, consilium fuit, certum hominem ex collegio nostro ad te mittere, qui mihi exploratissima omnia de te referret, quique eius cœnobij, quod fidei nostræ creditum est, ea ratione tibi negocia commendaret, ut certo scires, quicquid studij et operis in eo tuendo collocasses, te non in alienis rebus, sed in ijs quæ iure optimo, et tanquam mancipio et nexu tuæ sunt, te collocaturum esse, quod ut libenter facias, meque in posterum eius spei usura sinas perfrui, te vehementer etiam atque etiam rogo. Vale.

Paulus

PAVLVS PAPA III.

Dilecto filio nostro Gregorio Cortesio
S. R. E. Presbytero Cardinali.

Dilecte fili noster salutem, & Apostolicam benedictionem. Hodie in his sacris leuijs, atq; in Consistorio nostro secreto, inducti singulari tua probitate, religione, integritate, ac doctrina, te Sanctæ Romanæ Ecclesiæ Presbyterum Cardinalem cum Deinomine, de Venerabilium fratrum nostrorum, eiusdem Sanctæ Romanæ Ecclesiæ Cardinalium consilio, creauimus: firmiter sperantes, quod his difficillimis temporibus, tua opera & consilio nobis & ornamento futurus sis & adiumento. Cui nostræ spei, ut (quemadmodum te dignum est) respondeas, utq; à nobis pileum rubrum Cardinalatus insignis, iuxta veterem & probabiliorem morem præsens accipias, te hortamur, tibiq; iniungimus, ut primo quoque tempore venire matures ad nos, qui te libentissime videbimus. Interea, has nostras literas testes ac nuncias tue dignitatis, unà cum birreto rubro de more à nobis benedicto, per dilectum filium Cornelium Bellenzinum nepotem tuum, ad te mittimus, quas tu debita cum reuerentia recipies. Dat. Romæ apud Sanctum Petrum sub annulo piscatoris die 11. Junij M. D. XXXXI. Pontificatus nostri, Anno octauo.

Paulo

Paulo III. Pont. Max. Gregorius S.

Vix fieri posse credidissem, ut oculis S. vestra in supremo rerum vertice constitutis, inter tot graues, tamq; multiplices, curas quibus in Christianæ Reip. gubernatione animum eius necesse est distrahi, ego in infimis positus, & velut in abdito quodam delitescens, aliquando possem occurrere: Præsertim cum memetipsum penitus intuens, nihil cognoscerem, quod à longe quasi lumen aliquod elucere posset. Enimuero cum fama primum, deinceps compluribus nuncijs, postremo honorificis S. vestra litteris factus sum certior, me in Sacrosanctum Cardinalium Collegium cooptatum, equidem sic exhorruui, ut vix longo demum interuallo animū potuerim recolligere. Ab eius enim rei expectatione adeo longe aberam, ut nec mihi aliquando in mentem venerit, tale quippiam suspicari. Præclareque mecum agi putabam, si in inferiori ordine & gradu constitutus, ea quæ mei muneris essent præstitissem. Cum uero intellexi id etiam ea ratione factum, quod spes aliqua esset, me S. vestra. opera & consilio istis difficillimis temporibus & ornamento & adiumento futurum, grauem mihi aduersariam constitutam esse perspexi, concitatam de me expectationem: quam decipere quodammodo nefarium, sustinere autem longe difficillimum esset. Ego certe P. S. cum me ob istud vestrum de me indicium obstrictum videam memoria beneficij sempiterna, & non modo ad referendam gratiam, sed nec ad habendam quidem aut prædicandam

candam satisfacere possim, quod unum possum polliceor,
eximium, scilicet, ac singulare studium, fidemq; erga S. Se-
dem Apostolicam, uniuersamq; S. V. cognationem. Qua
in re, & si fortasse ceteris ordinis nostri ingenio, eruditione,
& usu rerum, amore tamen, diligentia, atq; fide nemini
certe sum concessurus. Quod vero ad profectiōem meam
ad urbem attinet, quam ut amplissime huius dignitatis in-
signia præsens accipere possim, primo quoq; tempore S. V.
aggredi iubet, & si obtabiliter nobis iter illud est ineundū,
quo ad beatorum pedum oscula, ad agendas gratias, & ad
munus nostrum exequendum ocysime aduolem, attamen
si S. V. à se impetrari permittet ut isthac nostra profectio
in Calendas Septemb. reijci possit, istud profecto multis de
causis rationibus nostris conducere uideretur. Primum
quidē, quod celeberrimi huius cēnobij, cui præsui quinquē-
niorebus constitutis, rationes omnes confectas solidatasq;
relinquam. Deinde quod cum proxima hieme & vere to-
to satis uehementer agrotarim, tum demum valetudine
melius confirmata, iactationem, ceterasq; itineris mole-
stias, absq; omni periculo sustinebo. Postremo, quod esti-
uis caloribus mitigatis, quibus imbecillia corpora maxi-
me tentari solent, expeditius & maiori cum securitate iter
conficiam, Quā in re, ita demum consilium nostrum S. V.
probatum esse cupio, si nulla ex parte ab eius animo & vo-
luntate discreparit. Cum enim ad hanc etatem, omne uite
meæ curriculum, ita semper dirigendum esse duxerim, ut
quasi signum mihi esset propositum, ad quod omnes actio-
nes:

nes meas intenderem, superiorum meorū in primisq; Beatitudinis vestrae voluntas, nunc eo magis enitar, ut omnes obedientiae numeros, partesq; impleam, quo quasi membrum proxime capiti adiunctum, totam uiuendi rationem, tamquam vitalem spiritum potissimum à Sanctitate vestra petere haurireque debeam. In columnen Sanctitatem vestram Deus Opt. Max. seruet. Ex cœnobio S. Benedicti Mantuani iij. Id. Junij M. D. XLII.

Paulo III. Pont. Max. Gregorius S.

Cum in hoc extremo rerum omnium discrimine atq; in istis difficillimis tēporibus mirificos sedis Apostolicæ labores, ancipites variosq; casus intueor, rursusq; excelsi constantisq; animi Beatitudinis vestrae magnitudinem, neminem adeo impium fore arbitror, qui denegare audeat, diuinitus istud procuratum fuisse, ut qualia pericula quanti q; labores futuri erant Reip. Christianæ, talis etiam tantusq; propugnator & conseruator existeret. Ut enim à maximis periculis initium sumam, quis non videt iam inde à Christi saluatoris nostri obitu, cuius tu vim nomenq; sanctissime refers, nunquam uno eodemq; tempore, tot prodigiosis dogmatibus, tot monstris opinionū verā sanctamq; religionem nō oppugnatam modo, sed debilitatam propemodū fractamq; fuisse. Cum interim uniuerso Christianorum nomini bellum violentissimus hostis indixerit, & ferè omnium qui aliquando fuerunt, rex maximus atq; potentissimus, longe q; præterea sauior & perniciosior pestis adhæreat

reat uisceribus. Crudeliora nāq; inter se bella Christianire
ges haecenus gesserūt, quā à Turcarū imperatore ipsis Chri
stianis fuerint illata. Quantos vero contra haec omnia la
bores S. V. suscepit satis declarant, etate iam ingraue
sciente saepius suscepta itinera, ut ad congressum eorum per
ueniret, quorum animis recōciliatis, pax intus, foris victo
ria futura esse sperabatur. Nec te aliquando ab eiusmodi la
boribus asperitas viarum, aut longitudo itineris retarda
uit. Quo vero studio, quāue laboraueris diligentia, ut eos
qui in ignorantiae dicam an magis pertinaciae tenebris errāt,
ad veritatis lucem reuocares, testes sunt viri doctrina et
ingenio excellentes, quos maximis sumptibus paternaque
solicitudine ad eos, velut ad oues perditas, saepius destina
sti: testes indicti conuentus, ad quos uniuersos christiano
rum ordines, edictis publicis, publicoq; praconio tamquam
ē sublimi quodam excelsaq; loco conuocasti. Sunt ista qui
dem maxima Pater Beatissime, Dei Opt. Max. Vicario
dignissima, quaeq; Christi saluatoris nostri animū pietatēq;
referant. Est tamen aliud quiddā longe maius, quod miri
ficis laudibus uno omnium ore celebratur, quoq; non solū
ceteros omnes qui ante te fuerunt, sed te ipsum etiam,
tuasque praclaras actiones longo interuallo superasti, admi
randus scilicet ille virorum delectus, quos in sacrosan
ctum Cardinalium collegium cooptasti, in quo, tātum abest
ut aliqua subsit opinio sordidi, illiberalisq; questus, ut admi
rabili etiam diligentia ipsam Italiam, omnesq; exterar na
tiones animo menteq; saepius peragraueris, ut uita san

M m Etimonia,

Etimonia, doctrina multiplici, usu rerum, ingenioq; præstā
 tes viros, velut è tenebris eductos ad lucem, ignarosque
 omnino eius rei ad summum gradum, ordinemq; prouehe-
 res, esq; ideo consilio affecutus, ut quasi pratum quoddam
 multiplici florum varietate, suauissimis odoribus, colori-
 busq; distinctum, sic amplissimum istud collegium omni
 virtutum, omni doctrinarum genere ornatum refertumq;
 intueamur. Cum vero hæc sapienter diuinitusq; gesta, non
 modo tacitus mecum admirarer, sed maximis etiam laudi-
 bus celebrarem, repente nec sperantibus, nec opinantibus
 nobis redditæ sunt S. V. literæ, quibus me quoq; in Sacro-
 sanctum illud Collegium, inter tot Christianæ religionis lu-
 mina, ascriptum cooptatumq; refers. Qua in re, & si ne-
 fas omnino iudico de Beatitudinis vestræ consilio iudica-
 re, cum tamen meipsum penitus cognitum perspectumque
 habeam, videamq; omnino futurum, ut tantæ de me ex-
 pectationi quantam in eisdem literis cōcitata fuisse S. V.
 scribit, minime sim responsurus, summopere vercor, atq;
 adeo pertimesco, ne maximæ illi providentiæ quæ hætenus
 usa est in eiusmodi delectu habendo, aliqua in eo nomine
 macula inuratur, quod accessione ista dignitatis tantum mi-
 hionus impositum cognoscent omnes, ut facilius opprimi
 possim, quàm illud valeam suscinere. Sed quoniam in re lo-
 coq; admodum difficili versatur oratio: & fieri nequit, ut
 S. V. preceptis non obtemperem, quam diuino instinctu
 agi mihi certissime persuasum est. Illud tantum habeo polli-
 ceri, me quidem cæteris ingenio, eruditione, & rerum ex-
 perientia

perientia concessurū. Sed neminem fore qui preceptis S.V. obsequentior & ad omnem nutum paratior inueniri possit. Quod nolim tamen arroganter dictum existimari, siquidem ceteras morum, intellectusq; virtutes concedēs multis, si illud mihi assumpsero quod diligentis obedientisque proprium est: quoniam sedulo studio seq; in eo ab adolescentia versatus sum, iure illud meo mihi quodammodo vindicabo. Reliquum esset, ut S. vestre pro isto de me iudicio proq; amplissimo honore delato, gratias agerem: sed quoniā quibus id verbis, quāue ratione sit faciendum ne cogitari quidem à me hactenus potuit, & quæ debetur gratia minime à nobis prædicari aut celebrari potest, habebo certe & immortalem & quantam animus noster capere poterit.

P. Card. Bembo. Greg. Card. Cort. S.P.D.

HEri te in nostrum Cardinalium Collegium à Paulo tertio Pont. Max. incredibili totius ordinis consensu, cooptatum fuisse, valde letor. Quod quidem tametsi ferius factum est, quàm oportuit, quamq; ipse credideram futurum: nam cum anno superiore apud illum hac ipsa in causa plurimum de te sermonem habuissem, sic ab eo discessi, ut considerem cum ijs, qui paucos post dies eundem honorem assequuti sunt, te renuntiatum iri: tamen cum sit is uniuersi Christiani orbis concilium, hieme proxima concelebraturus; à Deo Opt. Max. te in hoc tempus reseruatum facile crediderim; ut tibi ad hoc muneris accersito, statim quasi campus latissimus pateat, in quo se virtus laudabili-

M m 2. ter

ter ostendere & exercere possit tua. Quare de eo non tibi soli gratulor, cuius nomen doctrina tua excellens, religio, pietas, incomparabilis prudentia, tam clarum iam apud omnes gentes reddiderunt, ut postrema hæc dignitas, non tam priorem tuam dignitatem auxisse, quam ad illam accessisse videatur, sed & collegio ipsi nostro, quod mehercle te addito valde erit posthac ornatius; & toti plane Reip. quam qui lem es ab ijs hominibus, qui eam hostiliter inuadunt, tuo illo prope diuino ingenio et sapientia & reliquarum virtutum plurimarum, tamquam acie ac robore peropportune defensusurus, eiq; magnæ tum gloriæ, tum utilitati futurus. Me quidem habebis eundem in posterum, quæ adhuc multos ab hinc annos habuisti, amantissimum & cupidissimum tui: & præterea, quoniam in eodem collegio erimus, & in consilijs capiendis, & in sententijs dicendis, & in omni vita tecum imprimis coniunctissimum. Vale. iij. Non. Jun. M. D. XLII. Roma.

Greg. Card. Cort. P. Cardinali Bembo S.

Facit tua singularis humanitas & perspecta erga me beneuolentia, ut eadē tibi cæterisq; de me audeas promittere, quæ ego de teipso, summisq; tuis virtutibus, tuto ac verissime polliceri possem. Hæcque potissimum causa fuit, ut tantam operam curamque susceperis, quantam & tu in literis tuis scribis, & mihi certissime est persuasum, ut ego in istum amplissimum sacrosanctumque ordinem cooptarer. Qua quidem in re, cum ita à te laboratum sit, ut nullam rationem

tionem præterieris ornandi mei, vereor sanè, ne me tantis præconijs & eiusmodi laudibus, maximo tuo periculo obligaris, & cum ego soluere nequeam, tibi dependendum sit, quod Paul. tertio Pont. Max. cæterisq; pro me adeo prolixè spondesti. Reciperem fortasse me omni diligentia omniq; studio posthac curaturū, ut quoad possem, maximæ illi expectationi à te potissimum concitatæ, aliqua ex parte responderem, nisi cernerem, sacrosanctum istud collegium uiros ferè omnes doctrina, ingenio, vitæ sanctitate, cæterisq; animi virtutibus adeo illustres, eximiosq; habere, ut nullus non inscitia modo, sed nec, ut ita dicam, mediocritate virtutis in eo locus esse videatur, nihilq; nisi sublime & excessum de se ipsis cum polliceri, tum maxime præstare eos oportere, qui in illum ordinem, gradumq; deliguntur, cum etiam quod ad concilium attinet, quod proxima hieme celebrandum scribis, plerosq; in isto collegio videam ita eloquentia, multiplicibus linguis, & eruditione sacrarum literarum præditos, ita deniq; in omni doctrinarum genere excellentes, ut nihil præterea oportuerit desiderari, nisi Paulus Max. Pont. admiranda quadam sapientia, & penè diuino consilio, si quid vspiciam est adeo perfectum, quod omnes in se habere numeros virtutis videatur, illud totum amplissimo isti collegio deberi existimaret. A quo quidem ego tam longe absum, ut ad id etiam niti quod assequi nequeam, superuacuum & temerarium videatur. Verumtamen, quoniam tecum propediem futurus sum, quo cum omnia quæ me maximis curis afficiunt communicare potero, breui

breui quod nunc instat expediam. Ita tibi velim persuadeas, nihil mihi gratius iocundiúsue futurum, quam assiduam tui consuetudinem, & in omni vita coniunctionem. Vale. Ex Monasterio S. Benedicti Mantuani iij. Cal. Julij M. D. XLII.

Cardin. Rodulphus. Greg. Car. Cort. S.

GRatulor tibi vir optime, quod eum honorem, qui probitati, virtutiq; tuę iam pridem debebatur consecutus sis: Deumq; Opt. Max. testor, tantam me cepisse ex hac tua dignitate voluptatem, quantam capere debet, qui cunq; bonos in pretio esse, ac virtutem ipsam honori esse letatur. Noueram quidem ipse ingentem doctrinam tuam, summamq; animi tui moderationem & probitatem, tacitusq; prope indignabar, quod tam sero in nostrum hoc summorum patrum collegium ascisceretur; id quod ego propterea desiderabam, ut tua ipsa virtus nobis quidem ornamento, Christianæ vero Reip. utilitati esse posset. Vides enim in quæ tempora incidimus; quæ tam seua, tam aspera sunt, cum ubiq; discordiæ vigeant, atq; undiq; arma metuantur, ut nisi viri sapientes clauū in hac nostra Rep. teneant, magnum illam discrimen subituram esse existimare debeamus. Quod intelligens summus, idemq; optimus, & sapientissimus Pont. viros undiq; sapientia & virtute præstantes accersit, quorum opera atq; industria, in hac christianæ Reip. administratione utatur. Cum autem qua tu sis probitate, qua rerum omnium peritia ornatus, et instructus

instructus, nequaquam esset obscurum: quomodo enim late
re virtus potest, quæ velut ignis si se ipsa prodit atq; apē-
rit? eo factum est, uti te in hoc dignitatis gradu, qui post
pontificium numeratur, atq; amplissimus habetur, colloca-
rit, ut te scilicet lateri suo hærentem, assidue consulere atq;
ex tua, sicuti ex cæterorum sententia de maximis quibusq;
rebus statuere possit. Quod cum omnibus nobis gratissimū
acciderit, mihiq; imprimis, qui te propter tuas innumera-
biles virtutes tot annos amo; statui quod præsens facere
non possum, per literas tibi de isto honore, quem cum tanta
tua laude consequutus es, gratulari. Neque id solum, ut
meæ, sed ut aliorum etiam erga te voluntatis testimoniū
tibi darem: quam cum veneris, tam egregiam cognosces,
ut ab aliquo nostrū nihil sis præterea requisiturus. Vale.
Romæ Jd. Junij M. D. XLII.

Greg. Card. Cort. Cardinali Rodulpho S.

Quod mihi pro hac amplissima dignitate eloquenter &
benevole es gratulatus, id non tam rei ipsius cōtem-
platione mihi iucundum fuit, quàm quod ex epistolæ tuæ ala-
cribus, latiq; verbis, et crebritate sententiarū facile intel-
lexi, propensum animi tui erga me affectum, ingensq; stu-
dium, quandoquidem ipsius veritatis sententia est, oratio-
nis copiam ex cordis ubertate solere proficisci. Illud qui-
dem persæpe accidisse video, atque adeo in me metipso mul-
totiens sum expertus, ut alicui artissime afficerer, qui me
rursus inscium ignarumq; eius rei, pari benevolentia pro-
sequeretur.

sequeretur. Tibi enim persuadeas uelim, me multis ab hinc annis, quodam intimo animi sensu, ob præclaras, eximiasq; tuas uirtutes, singulari obseruantia tibi fuisse coniunctum. Quod et si frequentiori consuetudine, apertioribusq; signis à me nunquam est declaratum, id solum ob diuersa instituta, longissimeq; dispares dignitatis gradus accidisse certissimum est. Nunc uero mirifica hac occasione oblata, dabo diligenter operam, ut quod in sola mentis agitatione uersabatur, aliquando foris exprimam, & quanti te tuasq; præclaras uirtutes faciã, aperta declarem significatione. Quod uero me in istum amplissimum ordinem cooptatum ita gratularis, ut penè sero id fieri aliquando apud temetipsum lamentarere, id solum ab animi tui candore quodam eximio, intelligo proficisci, cum nullius tam egregiæ uirtutis mihi sim conscius, ut ea à te, tuisq; similibus præstantissimis uiris queant desyderari. Equidem cum eiusmodi uestras de me prædicationes mecum ipse reputo, cogor non tam latari quod à uobis lauder laudatissimis uiris, quàm dolere quod istis uestris laudibus, & huic tantæ de me expectationi minime sim responsurus. Te tamen in posterum à me omnia summa in te studia officiaque expectare uelim, quæ ab amicissimo coniunctissimoque poterunt proficisci, quod quidem amoris tantum mei testificandi gratia, uelim dictum existimes. Vale. Ex Monasterio S. Benedicti Mantuani, iij. Cal. Julij M. D. XXXXII.

G. As.

G. As. Car. Cam. Greg. Card. Cor. S.

Cum omnes Cardinales hoc ipso nomine, & hac sanctissimi muneris societate, magno apud me in honore esse debeant: tum si quis præterea aliqua insigni virtute præditus est, quales iam in nostro collegio plerumque videmus, is mihi in parentis ac plane domini loco semper habetur. Existimo enim id quod re ipsa experior, horum hominum laudibus non modo ipsos frui, verum etiam uniuersum ordinem ornari: quarum cum in me quoque nonnulla pars redundet, tum communi nomine, tum meo ac proprio, plurimum illis me obligatum duco. Itaque nihil mihi gratius aut optatius accidere potest, quam cum talibus viris nostrum collegium frequentari video. Quam in re, cum S. D. N. singularis sapientia, ac plane diuina mens, sicut in cæteris extiterit, siquidem hoc genere laudis facile superiores omnes superauit, tum in te legendi multum perspexisse ac nomini Christiano consuluisse existimatur. Omnes enim de doctrina, de sapientia, de religione tua ea prædicant, ut his præstantissimis virtutibus, cuius clarissimorum virorum te parem esse confirment. Quamobrem tibi primum, ut debeo gratulor, nec solum quod Cardinalis factus es, quæque id est maximum, verum etiam quod ego non minoris æstimo, quod omnium approbatione ac plausu factus es. Quæ dignitatem tibi uniuersæque Christianæ Reip. (id quod spero) Deum fortunare volo, omne meum studium tibi polliceor ac defero, ut quod ætas nostra, tuaque summa virtus
Nn postulat,

postulat, in te colēdo patriam mihi obseruantiam statuam,
 ut tibi hoc affirmē, neminem neq; nostri neq; alterius vl-
 lius ordinis, magisquā me, in tua potestate unquam futu-
 rum. Vale. meque commendatum habe. Postr. Non.
 Junij, M. D. XLII. Roma.

Greg. Car. Cort. G. As. Car. Cam.

Sunt quidem omnes Cardinales iure, ut scribis, apud
 te in honore maximo, cum singuli ob eximias virtutes,
 tum precipue uniuersus ordo, quo nihil augustius, nihil
 sanctius excogitari potest. Quid enim illi ordini conferri de-
 bet, in quem mira prouidentia, prudentissimoq; delectu ita
 omnes assumuntur, ut in Reip. gubernatione Pont. Max.
 quasi membra capiti adiuncta, adiumento, ornamētoque
 sint? Illorum potissimum integritati, innocentiae, et consi-
 lijs, si quid vspiam est religionis, si quid pietatis, si quid fi-
 dei, secundum Deum ascribi debere, nemo est qui ambigat.
 Ipsorum attentione et vigilantia, qui Dei Opt. Max. vi-
 ces, potestatemq; referunt, non humana solum, sed diuina
 etiam ubique terrarum procurari administrariq; debent.
 Quo fit, ut tuum singulare iudicium, egregiaq; indolem,
 satis admirari nequeam, quod magnam in te partem carū
 laudum redundare putes, quibus singuli eius ordinis affi-
 ciuntur. Nunquam enim adeo illorum, ut ais, laudibus te
 frui arbitrareris, nisi quadam virtutis similitudine, non
 nomine solum, eisdem esses coniunctus. Videmus etiā Pau-
 lum III. Pont. Max. propter eam potissimū causam, uno
 omnium

omnium consensu celebrari, quod plerisque præstati ingenio, excellenti doctrina, omni denique virtutum genere præditos viros, in sacrosanctum illud collegium cooptarit. Fecit vero hoc Pontificis Summi in cæteris deligendis penè diuinum consilium, ut ego quoque, qui nec de nomine quidem tibi fueram cognitus, non dissimilis eorum existimer, qui hætenus admirando iudicio, solertiq; examinatione, in amplissimum illum Senatum cooptati fuerunt. Cuperem sanè ut me talem ipsi, cæterisque præstare possem, quale illius fuit de me iudicium; ne quod hætenus prudenti consilio fecisse putatur, nunc demum meo potissimum nomine minus probari possit. Sed quoniam plurimum abesse sentio, quàm ut ego tantæ de me expectationi respondere possim, eosdemq; intelligo futuros esse iudices inscitæ meæ, qui nunc magnum quiddam de me sibi polliceri videntur, dabo posthac diligentissime operam, ut deceptæ huius expectationis incommodum, aliorum officiorum compensatione leniam, studiumq; omne meum ad singulos eius ordinis suspiciendos colendosq; conuertam. Inter quos cum tibi plurimum debeam, non ob eam solum de me expectationem, qua me potissimum oneratum sentio, sed ob amoris tui erga me singulare testimonium, & maxima beneficia, te etiam inter cæteros mihi proposui, quem obseruantia, cultuq; precipuo venerarèr. Quam in re, nisi animum hunc meum aspèrnatus fueris, polliceri tibi posse videor, nihil ita domi tuæ tibi paratum fore, quàm omnibus in rebus studium seruitutemq; meam. Vale. Mutinæ Calen. Jul. M. D. XLII.

N n 2 lo.

Io. Card. de Saluiatis. Greg. Car. Cor. S.

Optaui equidem antea omni tempore pro mea tū summa erga te beneuolētia, tū honorificentiss. de tua virtute opinione, ut peruenires ad hunc dignitatis gradum, virtutisq; tuæ hoc premium, quod esset amplissimum aliquando reciperes. Proxime vero fatebor ingenue, ut multo id magis optarē, faciebant summa perturbationes, atq; incōmoda, quibus res & religio Christiana tot annos adhuc vexatur, & si enim Pontificis praesertim optimi ac maximi Pauli III. cura & virtute collegium nostrum nunc habet clarissimos ac sapientissimos viros, quorum virtus & prudentia mirifice opportuna & salutaris ipso Paulo III. Duce Religioni Christianae potest esse, tamen videbā si te quoq; socium in consulendo & subueniendo Reip. recepissemus, quantum esset ipsa Resp. fructum atq; utilitatē acceptura. Nunc igitur cum sis adeptus hunc honorē, quem admodum cupiebam, potes iam tua sponte intelligere, quanto sim affectus gaudio, & si tua quidem virtute, popularis quodammodo & accepta omnibus tua dignitas est, mihi autem hoc magis quod te praeceteris amaui: sic mihi enim persuadeo, & plurimi semper feci, quam quidem voluntatem erga te conseruabo continenter, ante hac, & quibuscunque officijs potero, semper, ut debeo, colam. Sed ut illuc reuertar, his de causis, quas modo commemorauī, haec tua dignitas maximam, incredibilemq; mihi latitiam attulit. Itaq; quod sequitur, gratulor tibi magnopere, optoq; ut

Ut hunc tibi honorem fortunet Deus immortalis. Et sicut illum tu summa cum tua gloria consecutus es, praeclaro et insigni iudicio de te facto, à sapientissimo Pontifice, clarissimisq; ordinis nostri Viris, ita etiam in futurum tempus gloriae is tibi et ornamento sit, quemadmodum fore spero, adductus prudentia et virtute tua: quod reliquum est, si tibi studium, officiū, res omnes meae usui poterunt esse unquam, et tu omnia tibi prolixè pollicitus de me fueris, curabo enixe, cum certio rem me feceris, ut opinioni tuae respo deam, quoad potero, et satisfaciam voluntati. Vale.

Romae i i j. Non. lunij, M. D. XLII.

Greg. Card. Cort. Io. Card. de Saluiatis.

Cuperem certe, ut quale de me semper fuit iudicium tuū, donec in inferiori gradu, ordineq; constitutus, te maxima cum veneratione, et colebam et admirabar, talem nunc adepti hac insigni, amplissimaq; dignitate, tibi ceterisq; me praestare possem. Ea etenim ratione sperare me id fortasse affecuturum, quod tibi de me, ut video, polliceris, sed quoniam memetipsum penitus intuens, nihil inuenio quo tibi praeclara non expectanti solum, sed etiam praedicanti respondere possim, video sane te singulari eruditione et modestia praeditum, idem tibi de ceteris facile persuadere, quod de teipso cognitum perspectumq; habes, et ex proprijs virtutibus, aliorum facere coniecturam. Ego vero cum sacrosanctum illud collegium animo menteq; perlustro, in quod nec sperans nec ea de re, aliquid suspicās, Pau
li

li III. Pont. maximi multorumq; doctrina & ingenio uirorum illustrium fauore gratiaque cooptatus sum, Verissime mihi persuadeo, maximam hanc dignitatem mihi magis oneri quàm ornamento futuram. Quod quidem ita demum intelligi poterit, cum inter tot præclara christiana religionis lumina, inter tot viros eruditione, vita sanctimonia, cæterisq; tum corporis, tum animi virtutibus admirabiles, ego qui nullam illarum partem assecutus sum, quod quidē hactenus in hac solitudine occultari, potuit, cogar omnino quàm longe ab sim à tanta omnium de me expectatione declarare: qua quidē in re, si qua mihi spes consilij præsidijue in aliquo hominum collocanda est, ea omnis in tua humanitate, prudentia, & natura bonitate est constituta. Mihi enim nequaquam sit verisimile, ut quem in inferiori ordine positum, & penè dixerim in nulla re tibi coniunctum, adeo humaniter es complexus, nunc in eodem collegio in dicenda sententia & ferè in omni vitæ ratione coniunctissimum, tuo fauore tuisque paternis consilijs priuare velis. Si uero quippiam in posterū acciderit, quod tibi vsui, ornamento, uoluptatiue sit futurū, quod opera nostra confici præstariue possit, tibi omnia officia, studia, curas, cogitationesq; polliceor, & illa etiam quæ ab obsequentibus seruis expectari, desiderarique possunt. Ex S. Benedicto vj. Calen. Junij M. D. XLII.

D. Card. S. Marcelli. Greg. Card. Cort. S.
EGo vero domine, licet nō sim tibi de facie cognitus, mirum tamen in modum gaudeo, cum mea tum collegij nostri

noſtri cauſa, quod proximis comitijs Cardinalis renuntiatus es Reip. item vehementer gratulor, cui tanta facta eſt de tui honoris acceſſione, dignitatis acceſſio. Ea enim eſt tua iam diu apud omnes laus & fama, ea prædicantur tam inſigniter exornata ornamentis omnibus literæ, is animi, vitæque candor & puritas, ut ſummum Pauli Pontificis auctoris noſtri iudicium, in mentibus hominum, hoc ſit factum illuſtrius, & gradus culmen hoc noſtrum quod merito conſcendiſti, conſilio, pietate, & virtute tua iam credatur eſſe munitius: ſed his omiſſis, de me ſic tibi perſuadeas velim, quod Jacobo excellenti fratri tuo dixi, me quem tibi Religio, habitus, uotum cæteris alijs proximiorẽ facit, aditum hunc ad te, & quaſi feliciter apertas ſeruitutis meæ fores perlibenter intraſſe, & eas fideliffime ſemper obſeruari ſeſſe, ita ut honeſtiſſimum hunc galeri apicem, exiſtimem fructum meritorũ ac laborum tuorum, atq; ſperem eum Senatui bonis omnibus, Rei denique publicæ ſigil latim et vniuerſim magno uſui, ac voluptati fore. Vale.
Romæ die V. Junij, M. D. XLII.

G. Car. Cort. D. Car. S. Marcelli.

ET ſi mihi gratiſſimę fuerunt in hac publica omniũ gratulatione, pleręque literæ illuſtrium Virorum, quæ bene uolos illorũ erga me animos declarabāt, nulla tamen nec gratior, nec iucundior, tua illa & graui & eloquentiſſima Epistoła ad nos peruenit. Ea etenim humanitatis officia nobis in. undiora accidere conſueuerunt, quæ ab illis proficiſcuntur,

scuntur, qui nobis propinquiori similitudine sunt cōiuncti. Cum vero sint complures qui eiusdem iure collegij nobis arctissime copulantur, propinquior tamen & fere eadem, ut recte scribis, & concepti voti, & seuerioris instituti professio, longe arctiori beneuolentiæ vinculo nos colligāt, atq; constringunt. Et quidem huic tantæ coniunctioni quasdam etiam accessiones fieri posse cōfido, paribus, scilicet studijs, vitæ consuetudine, communicatione consiliorum, & ceteris eiusmodi, quæ amicitiam incundiores, suauioresque efficere consueuerunt. Quo in genere, ita tibi omnem operam, omneq; studium meum polliceor, ut omnino nemini in te amando obseruandoque sim concessurus. Vale.

In Sancto Benedicto.

Collegium Mutinensium Canonorum.

Greg. Card. Cort. S. P. D.

Quod à Deo Opt. Max. summis saepe precibus contendimus, id iam te consecutum cum tuarum uirtutum plurimis ornamentis, quibus præditus es, tum ipsius imprimis saluatoris nostri benignitate, cui maximas agimus gratias, tibi, ut par, est, gratulamur maxime, nobisq; gaudemus, & eo magis, quod in extrema Christianæ Reip. tempora, tuam in collegium Cardinalium cooptionem, ab eodem Jesu Christo patre nostro, collatam esse, omnibus exploratum est: nobisq; maxime, quibus quidem nihil præter opinionem accidit. Is mehercle vere appellandus est honos, qui non spe futuri beneficij, neq; remuneratione

tione præteriti, sed summis viris sola virtute defertur ac datur: Hinc profecto ipsius Summi Pontificis Pauli, tum in labenti Reip. consulendo prudentia, tum liberalitas in omnes virtutibus ornatos, facile cernitur. Nunc qui religiose in literis versantur, quid sperent habent, nunc autem illud seculum reditutum conijci potest, sed fortasse plura, quam putaramus: quare reliquum est, ut tibi quæ voluntate in te affecti simus, significemus, quæ quando in te maxime propensa est, cum nos ipsos, fortunaſq; nostras tibi, tuiſq; offerimus, tum omnia quæ ad tuam amplitudinem & gloriam, pertinere arbitramur, summo studio fa-cturos pollicemur. Quod ut experiare à te vehementer (maius enim signum amoris erga nos tui nullum dare potes) nostrum uniuersum collegium etiam, atq; etiam contendit: simul Deum orat, ut quàmprimum omnia summa consequaris. Vale. Mutina Jd. lun. M. D. XLII.

Greg. Card. Cort. Vener. Collegio Canonorum Mutinensium. S. D.

ET si dudum compluribus humanitatis officijs, summus erga me amor, & singularis istius venerandi collegij beneuolentia mihi adeo perspecta erant, ut neq; testimonio, neq; confirmatione aliqua egere viderentur. Proximis tamen literis, quas & eloquentiæ & grauitatis plenissimas accepi, ita animum mentemq; vestram, mihi uideor perspexisse, ut nihil neque expressius, neq; illustrius potuerit desiderari, cum etiam antea, & nuncijs, & fama dese-

Oo rente,

rente, intellexissem votis, supplicationibus, omni denique
ceremoniarum genere, Deo Opt. Max. Velut in publica leti-
tia nostro nomine redditas esse gratiarum actiones. Quæ
quidem animi nostri declaratio, uoluptati magis nobis, quàm
admirationi fuit. Nec eam tantum ob causam, quod mihi
vobiscum omnia coniuncta sint, quæ ciuibus inter se esse cõ-
sueuerunt, sed quod in sinu quodãmodo vestro educatus,
si quod in me meritum est, quo amplissimam hanc dignita-
tem consequi potuerim, id me vobis totum, vestriscq; insti-
tutis acceptum referre, & profiteor & præ me fero. Sed
quoniam genere ipso gratiarum actionis recte à vobis est
declaratum, vos satis intelligere, Dei solum id fuisse mu-
nus, nihilq; in ea re nostris aut meritis, aut virtutibus tri-
buendum, rogo obtestorq; ut quod hætenus sponte à vo-
bis factum est, ut Deum Salvatorem nostrum, modis om-
nibus nobis propitium facere niteremini, idem rogatu no-
stro, frequentius, cumulatusq; faciat. Maiorem porro
facit istam gratiæ referendæ obligationem, incredibilis quæ-
dam & admiranda letitia, quam in incremento dignitatis
Pontific. nostri patris & domini Cardinalis Moroni, vos
omnes percepisse mihi persuasissimum est, in eaq; re, facio
animarum vestrorum ex animo meo coniecturam. Quare
summis assiduisq; precibus à Deo petendum est, ut quem
nobis ducem custodemq; animarum dedit, eundem etiam
velit esse diuturnum. Postremo ita vobis de me velim
polliceamini, ut si qua nobis facta est, fietue in posterum
accessio dignitatis, aut gratiæ, eam potissimum Vener. isti
Collegio

Collegio arbitremini esse factam. Dabo enim diligentissime operam, ut fide, amore, & studio omnium vestrum superem expectationem.

Iacobus Sadolettus Ca. Greg. Car. Cort.

MUtua nostra vetusq; benevolentia, quam sancte & fideliter ab utroque nostrum cultam esse intelligo, facit ut in mei maximis rebus, quæ nunc quidem in bonarum, & sacrarum literarum studio omnes mihi constitutæ sunt, tuum in primis amorem, tuamq; eximiam excellentemque doctrinam mihi requirendam esse putem. Cum enim, ut tute scis, comentarium quendam de peccato originali iampridem confecissem, hacq; maxima re & postulatione facultatem in has regiones reuertendi à summo Pontifice essem consecutus, quod me quoad possem ocius & tranquillitatem nactus, literis & scriptis sanctam fidem catholicam decusq; & auctoritatem Apostolicæ Ecclesiæ defensurum pollicitus essem, statui mihi ut primū huc me retuli, eundem esse de originali peccato librum accuratius retractandum. Quod cum diligentissime fecissem, addi diffemq; non pauca, quæ mihi ad rem uberius explicandam idonea visa sunt, illum tanquam meæ diligentiae testem Pontifici ipsi Maximo auctori mei ocij dedicandum putavi, scripsiq; ad Amplissimum Farnesium, ut cum quibusdam ex collegio nostro, tibiq; in primis legendum considerandumq; permetteret. Quod factum fuisse, etsi certi nihil dum scio, ut confidam tamen adducor. Nunc alterum

O o 2 *parquet,*

p^unua, iam elucubratum in manibus habens, nondum illud
 quidem dolatum & expositum, quemadmodum & res ip-
 sa, & mea diligentia postulat, sed tamen eiusmodi, ut in ea
 quanquam imperfecto, velut in quadam forma prospici iā
 et cerni possit, quid ego habeam de Purgatorio persuasi atq;
 certi, quæ res una omniū maxime hoc perturbatissimo tem-
 pore ab Ecclesia hostibus oppugnatur, in quo ego catholice
 suffragor Ecclesie, quod sane mihi in omnibus meis & cu-
 ris & actionibus semper est propositum, statui id mitten-
 dum ad te esse, ut tu, mi optime doctissimèq; Cortesi, pro
 tua in me benevolentia, proq; ea fide quam ego tibi habeo,
 summam laborum meorum, multarumque Vigiliarum par-
 tem aliquam mecum atque onus communiter subeas, meq;
 adiutum velis opera & sapientia tua: primum ut quæ scri-
 buntur à me, ea sancte & recte, & ex integra veraque re-
 ligione scripta sint, deinde quæ pertinent ad politiores lite-
 ras, quando utriusq; facultatis summum tuum est iudiciū
 de his etiam me admoncas, neq; patiaris quæ apte & orna-
 te imprimis oportet scribi, ea me barbare, et incōdite scribe-
 re: quanquam hoc alterum leuius fortasse est, illud primū
 grauissimum, ut ne quid prorsus à nobis effluat, quod cuiq;
 bene intelligenti queat vel minimum aliquem spiritū per-
 uersæ religionis afflare. Et si enim ego in hoc quidem offir-
 matissimo sum animo, ita ut corpus & vitam potius, quā
 studium veræ pietatis amittere paratus sim, idemq; cum
 Catholica ecclesia arctissime sum coniunctus, propter tamē
 imbecillitatem ingenij mei, debilitatemq; doctrinæ diffide-
 re

re mihi cogor, et doctiorum ac sapientiorum quàm ego sim, nostrique praesertim ordinis iudicia implorare. Quo e numero cum tu mihi precipue occurras qui consulendus sis, mihi que iam diu persuasum sit, te & velle mea causa & pro singulari doctrina qua es praeditus, posse plurimum mihi opis & subsidij afferre, omni animi studio te obtestor, ut quicquid futurum est negocij & laboris in legendis duabus hisce nostris lucubrationibus, eisq; seuerè animaduertendis ac notandis, id ne te pigeat summo tuo in me beneficio suscipere ac preferre, cum honoris mei, tum aliorum etià utilitatis causâ, cum omnes qui in gradu tanti honoris locati sumus, hæc aut agere ipsi, aut agentibus adesse, fauereque debeamus. Vides tempora, vides hominum mores, ut quisque nostrum aliquid edit in publicum, quod aut contra falsas religiones, aut pro veris scriptum sit, non modo qui palam aduersantur nobis & repugnant (nam hi fortasse minus pertinescendi sunt) verum etiam qui nostrarum ipsarum sunt partium, quasi ex insidijs repente egressi circumsistunt, accusant, inuehuntur, veluti proditoris insimulant, nec quicquam hoc tempore periculosius est, quàm de rebus bonis sanctisque differere: à quo genere scribendi si abstinere velimus, cautiore forsitan sapientioresque iudicabimur, iustiores certe & meliores non erimus. Non enim qui talentum condidit sub terra, sed qui id exercuit fructumq; ex eo quasiuit, is à Domino in Euangelio laudatus est: quem quidem ego negotiatorem bonum, studeo imitari, ita animo paratus, ut omnibus

bus ijs qui me redarguunt, meaq; mihi errata faciunt manifesta, modo ut ipsi sine contumelia id agant, non solum non succenseam, sed ultro magnarum illis gratiarum debitorem me confitear. Neq; enim quicquam facere erga me possunt, quod mihi accidere queat vel utilius vel gratius. Quamobrem mi optime Cortesi, cum ego & iudicio tuo plurimum, & voluntati erga me omnia tribuam, simq; ipse ut tute nosti, semperq; fuerim tui cupidiss. & amantiiss. da mihi hanc operam quaeso, & in hac re officio verae amicitiae inserui, ut meae lucubrationum tuae sint doctrina & lima emendatiores. Quem ad laborem curamq; corrigendi ut tibi adiungas homines nostri ordinis grauissimos & eruditiss. Polum Burgen. Saluiati. Moro. Bembum, & si qui alij eiusmodi sunt, qui bonas artes literasq; sectentur, magnopere etiam a te peto. Nam qui in alio quodam genere doctrinae versati sunt, neq; attigerunt musas politiores, cos te arbitror existimare minus ad nostra haec diiudicanda idoneos esse posse, qui soleant vos non tam ad catholicae fidei sanctaeq; vniuersalis ecclesiae instituta atq; decreta, quibus propense, & sine cunctatione ulla parendum & obediendum est, quam ad suos quosdam nimium litigiosos, & parum graues magistros iudiceq; reuocare. Sed de his satis. Illud quoq; te rogo, quoniam ego ex Italia discedens ampliss. Cardinali Sanctae Crucis pollicitus fueram, me hanc compositionem de Purgatorio cum primum habuisssem confectam, illi esse missurum, ut eam tu cum acceperis continuo cum illo communices, quo mea promissionis fides apud eum

con-

constare possit; Vale, & nos dilige. Ex S. Felice V. Id. Iun.
1544. Facies hoc quoq; mihi gratum, ut cum Ambrosio
Catherino mecum hunc libellum conferas.

Amico cuidam.

ET si ratio officij postulabat, ut postuum a nobis disces-
sum crebras ad te literas darem, quibus, & de rebus
publicis, & de priuato rerum mearum statu fieres certior,
Hoc enim & constitutę inter nos amicitia, & maximis mul-
tiplicibusq; beneficijs in me tuis fuisset consentaneum. Ne-
scio tamen quo pacto factum esse dicam, ut cum dies nullus
esset quo non id facere cogitarem, omnes tamen re, ut ita di-
cam, infecta elabebantur. Cum vero tandem nos diuturni
silentij suppuderet, constituissemq; omnino in posterum eius
modi negligentia maculam Epistolarum delere frequentia,
repente redditus est mihi à te fasciculus, in quo, non solum
ad me & ad complures amicos literę fuerunt, sed elegans
etiam de Purgatorio loco libellus, cuius, ut facile intellexi,
maxima apud omnes expectatio, iam antea concitata erat,
quod dum tu Bononiae esses, nescio quid de ea re, & doctis
& tui amantissimis fuisses pollicitus, visum est nobis nihil
opportunius accidere potuisse. Quod enim prius, nullo ferè
proposito argumento facere cogitaram, ut ad te scriberem,
nunc tali subiecta materia, longè facilius mihi videor esse
facturus: licet hactenus quidem mecum acciderit incom-
modissime: tanta enim fuit flagitantum molestia, ut vix se-
mel libelli legendi, et id ipsum cursim, facultas nobis data
fuerit.

fuerit. Qui enim literas tuas reddidit, nescio qua ratione, intellexerat librum in eundem fasciculum fuisse coniectum, cumque id palam pradicaret, non potuit a me amicis postulantibus diutius denegari, praesertim illis ipsis, de quibus ad me scripseras. Ex eo tamen quod primis (ut aiunt) labris gustare licuit, intellexi, maxime obscuritatis locum, & à nullo antea satis diligenter tractatum, & nescio an omnium qui nunc praecipue in controuersiam venere, longe difficillimum, à te & tractari commodè, & luculentissime explicari. Qua de re, tamen, non solum quid ego sentiam, cum ex amicorum manibus librum recuperauero, sed & quid ipsi iudicauerint summa fide & diligentia te faciam certiorè. Nunc ea tantum de causa ad te scripsi, ne fortasse, ut nunc sunt tempora, suspicareris literas tuas, ad nos non peruenisse. Quod ad publica attinet, scias velim omnium animos ex rerum euentu, hic suspensos esse, nec quieturos aliquando, donec ad huius miserrimi belli exitum perueniatur. Et si enim non magnopere adhuc Romae tumultuatum est, Summ. Pont. consilio, & pene diuina prouidentia, cum tamen omnia armis undique circumsonent, vix fieri potest, ut ex aliorum calamitatibus non cogamur de proprijs periculis cogitare. Tu quando honestissimum ocium nactus es, & in ea potissimum ciuitate, in qua, & tui sacerdotij munera praesens obire potes, & qua caeli clementia et amœnitate locorum, maxima te potest afficere incunditate, partem velim credas magnam felicitatis te esse affecutum. Praesertim cum prope omne tempus insumas in opprimenda, extinguendaque perditorum hominum

minum

minum impietate, qui non iam, ut antea, occultis cuniculis, sed aperte, arcem ipsam caputq; totius religionis inuasere. Vale. Et recuperato ab amicis libello, longiores à me literas expecta.

Iacobus Sadolettus. Greg. Card. Cort. S.

Sigismundus Albanus Urbinas, ex eo videlicet genere hominum, qui tuę fidei, iustitię, religionique crediti & commissi sunt. Idemq; præstantissimi Cardinalis Farnesij familiaris: hic nunc apud nos procurat negocia quædã, quę ad dominum suum, & ad Summum Pontificem pertinent, quorum ipse agendorum & curandorum causa, dedita opera ab illis in hæc loca missus est. Procurat autem eo modo, ut quantum perspicui adhuc a nobis, & cognosci potuit, neque integritatẽ in eo, nec prudentiam desideremus. Quod hoc magis etiam à nobis omnibus animaduersum, et summa laude dignum visum est, quod eiusmodi habet ille mandata, quę nec temporum nunc quidem, nec rerum perturbatio facile patiatur, ad effectum suum perducere. Is à me in amicitiam studiose receptus, & mihi factus per familiaris, rogauit me, uti causam quandam suã, & seipsum unã literis tibi diligenter commendarem. Non enim dubitat quin pro nostra mutua, insigniq; beneuolentia, magni momenti apud te mea commendatio esse debeat, in ea re præsertim etiam, quam si minus mihi esset tecum quàm est, tamen ab æquitate atq; humanitate tua speraremus posse impetrare. Ea porro huiusmodi est. Sacerdotia ecclesię tuę Urbinatis,

Pp quæ

que Canonatus uocamus, ea conditione esse idem Sigismundus affirmat, ut si quod forte vacet illorum, pertineat non in sacerdotis cooptatio ad collegium illic canonicorum, quos habere iam diu dicit & ius & consuetudinem cooptandi: quorum Sacerdotiorum nuper unum cum eius morte, qui id obtinebat vacauerit, ipseque iure expectatiue, quæ sibi à Summo Pontifice dudum concessa consensu etiā & cooptatione collegij totius sit comprobata, aditum se habere confidat ad eum Canonatum, iure optimo possidendum: tamen intellexit nec sine aliqua quidem mea suaque molestia, te aliter de ea re ac nos vellemus statuisse, inque demortui locum alterum in illo sacerdotio canonicum suffecisse. Quod & si optimo animo abs te esse factum arbitramur, nec ut cuique ius suum eriperes, sed ut tuum conseruares, tamen quoniam negocijs Principum suorum non solum, sed utilitatibus etiam (¶) bono huius prouinciæ hic nunc apud nos Sigismundus detinetur, quod eam multis rationibus perturbatā ipse dat operam, me quidem hortante & adiuuante, quoad potest, ut pace & concordia sedet ac leniat: ob eamque rationem absens nequit tibi coram causam suam exponere, (¶) ipse abs te hoc desiderat, (¶) ego omni animi mei studio & conatu te rogo atque oro, ut quoad ipse redeat in Italiam, quod proximo Septembri mense omnino facere constituit, uelis ita trahere & sustentare rem, ut cum eum audiueris, causamque omnem cognoueris. Namque alium neminem Sigismundus præter te totius iuris sui iudicem & disceptatorem habere uult, sit tibi integrum quod uerum tunc (¶) honestum

honestum tibi fuerit visum ex consueta tua uirtute, prudentia, æquitateq; discernere. Non enim dubitamus, quin acturus omnia sis, quæ ab integerrimo & Sapiëntissimo homine expectanda sunt. Porro Sigismundus ipse eo animo est, tantiq; estimat gratiam & beneuolentiam tuam, ut etiam ius suum posteaq; tibi probauerit, sit tamen paratissimus, si tu ita iusseris antepondere tuam voluntatem cui-cunque commodo suo. Ego uero qui illius causa laboro non secus quàm facerem mea: aut hoc etiã amplius quòd honestius est pro amici utilitatibus, quàm pro suis curam & laborem capere, peto à te optime Cortesi, ut in hac re in qua nihil tibi detrahitur, tantum benignitas & comitas tua à nobis flagitatur, uelis omnibus ijs qui fortasse nesciunt ostendere, plurimi à te fieri & voluntatem & commendationem meam. Quod cum feceris, & mihi egeris gratissimum, & Sigismundum ipsum, qui te summo cum honore & colit & obseruat, hoc tantæ humanitatis tuæ signo atque officio, tibi in perpetuum obstrinxeris. Vale. Ex S. Felice prid. Cal. Jul. M. D. XLIIII.

TRACTATUS

*Eiusdem DD. Gregorij Cortesij Cardinalis,
Aduersus negantem Petrum Apost.
Romæ fuisse.*

Adriano VI. Pontifici Max. Greg. Cor. Mu-
tinen. Casinas Monachus. S. D.



*E*t si mundum, quæq; in eo sunt uniuersa ma-
ximo consilio, prouidentiaq; diuinitatis regi,
& administrari: iam ferè uniuerso hominũ
generi persuasum est, id ipsum tamen præ-
cipuè in Republica Christiana tam certum esse uidetur,
tamq; expressum, quàm ea, quæ sensibus experimentoue
percipi consueuere. Ut enim miranda illa omit tam, quibus
historiæ omnes iam inde à Christi obitu sunt refertæ, ex qui-
bus manifestis coniecturis assequi possumus, exhorrenda
tempestate, irruentibusq; procellis, solum diuinitatis guberna-
culo Petri nauim sæpius, & receptam, & conseruatam: il-
lud certe diuinitus procuratum fuisse, neminẽ adco propa-
num fore arbitror, ut negare audeat, qualia, scilicet pericu-
la fuerint, quantiq; labores Reip. Christianæ, acq; etiam ta-
les, tantosq; propugnatores conseruatoresq; extitisse. Sic in
initio nascentis Ecclesiæ non defuerunt, qui aduersus Ne-
rones, Domitianos, Decios, Dioclitianosquẽ cum animi
robore, tum etiã proprio sanguine decertarẽt. Pace demum
à Tyrannis undique parta, cum in ipso sinu Reip. pernicio-
sa

sa dogmatum dissidia quotidie orirētur, aduersus Arrium, Manicheum, Eunomium, cæterasq; eiusmodi pestes; Didi-
mus, Nazianzenus, Basilius, Hieronymus, (et) pleriq; alij, doctrina, & sanctitate excellētes, Dei optimi Maximi be-
neficio sunt cōcessi. Jam verò quis non vidit miseris illis tē-
poribus, quibus Italiam omnem longobardorum furor, im-
petusq; deuastabat, prius Benedictum apud Casinum mō-
tem, deinde verò Romę Gregorium summa diuinitatis pro-
uidentia, in solatium tantæ calamitatis, repenti, velut è
cælo delapsos esse? Et in Gregorio quidē ea magnitudo ani-
mi, ea vis consilij viguit: Ut cum vitam eius moresq; ue-
considero, intueri mihi videar par illud pulcherrime com-
positum, fortem scilicet virum cum aduersa fortuna decer-
tantem. Ab eo vero tempore, cum iā leges ex hostibus serui
Christi effecti essent, nec in dogmatum varietate ulla am-
plius esset controuersia, ut pleraq; mortalium se habere cō-
sueuerunt, diuturnum otium, & tranquillitatem, morum
corruptio, & vitæ luxuria sunt cōsequuta. Quæ mala,
tamq; animorum caligines, ut facilius dissipari possent:
Dominicus, & Franciscus repente exorti, velut duo so-
les, vniuersum orbem aduentu suo exhilararunt. Jam ve-
rò nostris istis temporibus, cum omnia calamitatum gene-
ra, veluti repentino terræ fœtu, de improviso simul erupe-
rint, in eam rerum omnium non difficultatem modo, sed pe-
ne etiam desperationem peruentum est, ut omnibus Reip.
membris pessimè affectis idoneum satis remedium non ad-
hiberi modo, sed nec excogitari quidem posse videatur:
Remp.

Remp. Christianam oppugnat violentissimus hostis, et post Macedonas Romanos q; omnium qui aliquñ fuerunt Rex maximus, atq; potentiſſ. At verò longe ſeuior, pernicioſiorq; pestis adheret visceribus, crudelibus nanq; inter ſe bellū Christiani Reges gerunt, quàm à Turcharum Imperatore ipsis Christianis inferatur. Pestifera insuper contagione, & inopia ita ferè in vniuerſa Europa laborari ſcimus, ut penè altera pestis alterius ſolacium futura videatur. Nuper verò pulcherrimā Bætica partem prius terremotu concuſſam, abſorptam, deinde repentino terre hiatu, nemo ferè eſt qui non audierit. Qui mores autem ſint omnium ordinū, quæ in Deum pietas, quæ religio, non minus dolore, quàm verecundia ne dicam abſterreor. Nam, ut fidem attingā, nemo eſt qui neſciat, quàm pernicioſa dogmata, quàm nefariæ in ſacris ritibus opiniones, nuper emerſerint, ut auſi etiam fuerint quidam, Petrum ipſum a Romano Pontificatu deturbare. Inter tot clades, et erumnas, tibi potiſſimū Hadriana ſexte, Pōtifex maxime, Chriſtianum orbem adminiſtrandum communi ſuffragio Patres conceſſerunt. Et ea quidem ratione, ut nemo tā vehemens hoſtis prouidentie exiſtat, qui id diuino factum conſilio audeat denegare. Ignarus ſiquidem, et in extremis orbis partibus agens, ad ſupremum dignitatis faſtigium es euectus, quam tibi potiſſimum illi commiſerunt, quibus liberum erat præſentem, & ex ſe ipsis Pontificem creare, cum ne nomine dicam, certe ſerè nemo eſſet, qui te de facie cognosceret. Quid vero ex mira hac electione ſtatim omnes ſperare cæperint, ita vulgò

Vulgò iactatum est, ut citrà notam assentationis, quæ tam ab auribus tuis, quàm ab instituto nostro abesse debet, literis commendari possit. Pollicentur siquidem sibi de te omnes animi magnitudinem, vitæ innocentiam, providentiam in administrandis: in constituendis verò rebus solertiã, pacem postremò illam Augustam. Quantum deniq; assequi poterimus si Deum opt. Max. in cuiusui, et potestate Regum, Imperatorumq; animi sunt, humano generi prius conciliaueris. Nec id quidem dico, ut te admoneam qui hætenus munus tuum tam præclare obijisti, quàm mirificè tibi antea commissum fuit: sed ut ope diuinitatis nostra quoque atate par tantis erumnis præsidium concessum esse aliorum temporum exemplo sperare non dubitemus. Cum vero multa sint & infinita, in quibus tibi elaborandum esse video, illud potissimum dignum arbitror, in quo nervos omnes intēdas, & animi, & ingenij tui, ut noua perniciosaq; dogmata, quibus perpetuam Christi vestem quidam lacerare nituntur a Christiano orbe consilio auctoritateque penitus exterminēs. Qua in re, cum viderem quosdam arcem ipsam caputq; totius religionis Christianæ tormentis, machinisq; oppugnare, eo potissimum, ut opinor, consilio, ut penitus abrogata Ro. Pont. auctoritate, reliqua corporis pars trunca capite inanis, penitusq; inutilis abijceretur, nisus sum pro virili huic ulceri pessimo, & iã latius serpere incipienti, salubre medicamentum apponere. Non quin illa suprema Ro. Pōt. Maiestas, & vi sua, quæ opi diuinitatis innititur, & omnium gentium opinione satis firma persisteret,

ret, sed quod plerique sacrarum literarum ignari, commentis fabulis decipi posse videbantur. Id verò mihi precipue illustrandum esse proprio quodam iure sum opinatus, quod ab ipsa iuuentute in Casinatē Familiam nomen dederim, quæ à Romanis primū Pontificibus plantata, cisdem secundum Deum robur incrementumq; præstantibus, in eā diuinorum, atque humanorum amplitudinem creuit, ut meritò de referenda gratia quòad ipsius fieri possit, debeat cogitare. Tuæ igitur censuræ opus subiicio, quod nuper aduersus eum scripsi, qui primus negare ausus est, Petrum Apostolum non modò Ro. Pontificem fuisse, sed omnino in ea urbe decessisse, quam aliquando videre non potuerit. Et si suspicionem mihi iniiciebat, non tam ex animo id eum fecisse, quòdque ipsi ita persuasum foret, quam ut tali facinore nomen, & famam apud posteros proderet, consilium siquidem, animumq; suum visus est ipsemet declarasse, cū fronti operis vulgata illa carmina inscripsit.

Aude aliquid breuibus Gyaris, & carcere dignum:
Si vis esse aliquid, probitas laudatur & alget. Vale.

Aducrsus

Aduersus negantem Petrum Apostolum
Romæ fuisse.

Cum me sæpius complures maxima pietate, et ingenio
viri hortati essent, ut in nouo hoc Theologiam profi-
tendi genere: quo iam constituti ritus, receptæ ceremoniæ,
fundatæ stabilitæq; consuetudines, velut quibusdam ma-
chinis adhibitis frangi debilitariq; videntur, iudiciū meū
interponerem, multis grauissimisq; de causis diutius id fa-
cere renui. Quamquam enim me omnino imparem tanto
oneri fore non ambigebam, duplici præterea ratione, non tu-
tum modò, sed honestissimum etiam silentium nostrum fore
arbitrabar. Ea siquidem, quæ hætenus disputata fuere, par-
tim eiusmodi sunt, ut utrinque sacrarum literarum aucto-
ritati inniti uideantur, ut nec diligentissime intuenti, faci-
le sit in alterutram partem iudicium, quæ & si secus nemi-
ni persuaderi debent, ac passim institutis, moribus que ec-
clesiæ sunt recepta, non tamen, qui alterutrum defendere
velit ex sacris litteris certum omnino iudicium proferre
potest. Partim verò eiusmodi, ut magis assuetudine, riti-
busq; quàm diuinis libris, aut exemplis Apostolorum inni-
ti uideantur. Quæ cum cognoscerem, non magis ambigua,
quàm difficilia explicatu, honestius mihi uidebar, quod ne-
sciebam, fateri nescire, quàm temere arroganterq; in gra-
uissimis rebus iudicium meum interponere. Præsertim cū
mihi semper persuasum fuerit, quamlibet priuatim cōplu-
res disputent, & diutius easdem quæstiones conterant, nū-

¶ ¶

quam

quam tamen futurum, ut hoc attritu flamma veritatis eluceat. Sed ita demum controuersias omnes auferri posse, si (quod alias sæpè factū est) communi Patrum omnium totius orbis Christiani decreto, de his omnibus statutum fuerit. Nemo enim est qui ambigat, iure in dictis, habitis quæ conuentibus, profidei pietate non pro contentione summi sacerdotij (quod postremis ferè omnibus cōcilijs factum est,) Remp. Christianam institutis legibus, placitis, auctam, ornata, stabilitamque fuisse. Illud quoque magnoperè ut si-lerem hortabatur, quod inter eos qui hæc tractarunt, non tam exemplis, rationibusque actum est, quam conuitijs, & maledictis. Nec christiana pietate: sed (quod quidam dixit) canina facundia, ut mihi in animum induxisse videantur, ita demum seuictores in causa futuros, si in maledicendo fuissent. Nec iurgijs modò, sed quod dictum quoque nefas est, in grauissimis rebus, iocis, & scōmatis libros referferunt. Enimuerò, qui veritatis indagandæ studio scribunt, mites, modestos quæ seipsos exhibent Christi exemplo; qui cum ipsa esset veritas, in se ipso quoque māsuetudinem prædicaui, tantumque absuit, ut ultrò maledixerit, ut etiam quod Petrus ait, maledicenti nō minaretur: simus enim ita affecti oportet, ut nec in ferre iniuriam velimus, nec si acceperimus referre. Iam verò si sanctissimos, doctissimosque viros enumerare velim, qui cum aduersus apertos fidei hostes scriberent, à Christiana tamē modestia non recesserunt. Illis opinor mirum videbitur, qui remotis iurgijs, & obtrectationibus, ipsum verum nec satis rectè
inquiri

inquiri, nec facile inueniri posse arbitrantur. Scribunt Origenes in Celsum, Eusebius in Porphyrium, Basilus, Nazianzenus in Iulianum, quem Græci παραβάτης vocāt. At quos Hostes, quā acres, quā impios bone Deus? Arguunt illi quidem insaniam, furorem opposita ratione, veluti quibusdam catenis iniectis, compescere nituntur, hostem denique appellant, ea tamen ratione, ut non stomacho indulgere, sed pietatis rationem habere videantur. Nec tamen aduersus eos scribebant, qui diuerso sensu atque ceteri quipiam in sacris litteris interpretarentur, aut qui diuinos libros impietati suæ patrocinari vellent, sed eos, qui tamquam furibus exagitati, aris, templis uniuerseque Reip. Christi. bellum indixerāt. Paulo forte vehementior Nazianzenus cuius in Iulianum videatur, verumtamen in tam impio hoste, tamque dolo, nihil erat, quod leuius dici posse videretur, qui non tormentis aut armis, sed dolis, insidijs, et astu viros innocentissimos persequeretur. Cum vero contra Eunomianos scriberet, qui se Christianos dici volebāt, τὴν ἀλλοτρίαν πατρὶνὴν μοῦν ἑαυτοὺς ἐκκαλεῖσθαι, deinde etiam φίλους καὶ ἀδελφοὺς nominat. Quid? nonne Basilus in eundem Eunomium, tantum abest ut contumelijs utatur, ut festiuis, etiam interrogationibus urgeat τὸν καὶ τοῦ μύστηκος φουδὸς: Sic Basilij frater Greg. in Apollinarium, in Eunomium; in Manichæum, Tertullianus aduersus Valentianum et omnes Hæreses, Augustinus in Manichæos, in Donatistas, in Eutychen: Leo, aduersus alios, alij, longum est enim omnes enumerare. Sciebant enim facile pro maledictis maledicta referri, sed ratione

¶ 2 pugnare

pugnare, id verò longe esse difficillimum. Quare non defuerunt, qui non satis probarent Hieronymi in Rufinum, rursusque Rufini in Hieronymum actiones, quod alienum quippiam à Christiano more habere viderentur. Augustinus certè cum ipsos ad pacem reuocat, nè ea aspergant, obtestatur, quæ deinceps delere non poterunt. Cum igitur diutius in eadem opinione perstitissem, detulit ad me Ottobonus Fliscus libellum, qui Petrum non modò non Romæ mortuum, sed nec aliquando Romam vidisse affirmat. Quo lecto, cum dixissem (quoniã in capita diuisus est) quæ Autor persuasiones appellat, id ipsum nequaquam mihi illis persuasionibus persuaderi: rogarunt me complures amici, potissimumq; is qui librum attulit, & studio sacrarum litterarum oblectatur, ut quid ità sentirem, scribere non grauarer. Quod quidem omnino facere renui, timens scilicet, nè huic assertioni, ut puto, uerissimæ, pro rationibus iurgia, pro testibus maledicta rependerentur. Quòd ego vicissim facere, ut fortasse possim si velim, certe non velim. etiam si possim, cum id tam à moribus meis, quàm ab instituto sit alienum. Verumtamen cum illi instarent, egoque sæpius quidnam id operis esset perscrutarer, casu incidi in
,, hac verba. Candidum lectorem admoneo, ne protinus ip-
,, so libri titulo offendatur, & rursus cōscientiam meam ob-
,, testor, nullas hic fraudes, nulla mendacia, nec dolos, me in-
,, trudere voluisse. Tum verò intra me metipsum cogitare cæpi, cum qui candorem ab alijs exposceret, vicissim quoq;
,, se candidum exhibiturum. Dixiq; contra aliorum opinionem
non

non rationibus: sed iurgiis, & maledictis pugnare non cā-
didi est, non ingenui, non docti, sed ineruditi, petulantis,
inuidi, & eius, qui bellum indixerit veritati. Porro ra-
tionibus miscere contumelias, perinde est, ac si purissimæ lu-
tulenta aqua miscueris, quò fit, ut utraque lutulenta eua-
dat. Cum igitur ab eo ipso, qui illa conscripsit, candoris, ac
conscientiæ pignus haberem, subito mutata voluntate ad
scribendum accessi, quod mihi visus sum non dubiam, sed
illustrem, non difficilem, sed perspicuam causam habere. Ac
cedit etiam, quòd nihil mihi gratius, nihil iucundius accide-
re potest, quàm in sacrarum litterarum studiis, cum exerci-
tatis hominibus assidua exercitatio. Sic enim facile, quod
verum est, inueniri potest. Prasertim si, ut nunc fore con-
fido, nihil aliud quàm veritas, immo Deus ipse queratur,
quem ipsum verum esse ex sacris litteris didicimus. At ue-
rò lectores admonitos velim me, nihil de Pontificis Roma-
ni auctoritate, nihil de donatione Constantini, nihil de Pe-
tri inter ceteros apostolos loco disputaturum. Non quin id
copiose facere queam, prasertim cum nihil sit, hoc tempore
clarorum virorum ingenio, tritum, elaboratum què magis,
sed eo potissimum consilio, quòd cum ea proprium opus desi-
derarent, non id tantum quod nuper in eo libello in contro-
uersiam vocatum est, fuerit ne aliquando Romæ Petrus, ac-
cepimus discutiendum. Prior verò ante persuasorem in hac
opinionem fuisse videtur, celebri ille impietate Marsilius Pa-
tauinus, qui in Lodouici Bauari gratiam à lo. XXII. di-
ris, execrationibus què ab Imperio deiecti, opus edidit contra
Ro.

Ro. Pontifices, quod & si belli maximi seminarium, ipse tamen pacis defensorem appellauit. Quare id solum querimus: potuerit ne Petrus Romam aliquando proficisci, ut ex eiusmodi profectioe nihil contrarium, nihil pugnans, ijs quæ in sacris litteris habentur, omnino resultet. Quod cum (ut spero) dilucidè ostensum fuerit, reliquum erit tātum, ut illorū auctoritatibus innitamur, qui proxime ad Apostolos accedunt, & tempore, & sanctitate, qui uno ore eiusmodi profectioem ad urbem Romā tam verè quàm constanter asseuerant. A Christi morte ad annum postremū Imperij Neronis, quo demum Petrum cruci affixum fuisse auctores ferè consentiunt, septem & triginta anni fuere, paucis mensibus detractis. Si quidem Tiberius annis viginti tribus in Imperio vixit, quorum decimo octauo duobus Geminis Rubellio et Fusio Cons. passum fuisse Christū, nemo ferè est qui ambigat. Nam Tertulliani opinio, in libro quem aduersus Iudæos scripsit, manifestè repugnat testimonio Luca. Scribit enim, quinto decimo anno Tiberij, Christū actum fuisse in crucem, habentem annos, ut illius verbis utar, quasi triginta, cum pateretur: Lucas verò quo tēpore a Ioanne baptizatus est, quod accidit anno quintodecimo Tiberij Cæsaris, Jesum scribit tum demum annum trigimum attigisse: cum tamen ex Euangelij historia certum sit, eundem postea vixisse annis tribus, ut, quemadmodū diximus, eius mors inciderit in decimum octauum annum Tiberij, ut supersint ad mortem Tiberij integri anni quinque. Tiberius enim septimo, Christus octauo calendas Aprilis

lis decessere. His adde Caij cognomento, Caigule, triennium, & menses decem, quaternos denos Claudij & Neronis annos, simul omnes, plus minus septem & triginta colliguntur. In quibus non semel tantum, sed iterum, ac tertio, potuisse Petrum Romam proficisci, manifestissimis argumentis conuinci potest. Sed quoniam primam eius profectiōem in secundum Claudij annum reijcit Hieronymus, qua ratione id fieri potuerit, diligentius inquirendum est. Cumq; omnes consentiant, Paulum anno primo à Christi morte euocatum fuisse ad fidem, ijdem anno quarto Hierosolymas uenisse, & uidisse Petrum concedant, necesse est. Si quidem triennio post illam euocationem (ut ipse ait) ascendit Hierosolymas, & mansit dies quindecim, anno scilicet Tiberij vigesimo secundo. Ad quam diem, varijs coniecturis assequi possumus Petrum ex Iudaea, & finitimis locis non discessisse. Statim verò, dimisso Paulo, profectus est Lydam, ubi Aeneam Paralyticum saluti restituit: accersitus deinceps à discipulis, Ioppem, Tabiam mortuam reuocauit ad uitam. Cumq; dies aliquot, apud Simonem (ut Lucas ait) coriarium hospitatus esset, accitus Caesariam, à Cornelio Centurione primus, ex gentibus trophaeum crexit, sic enim appellant sacre literae eos, qui ex Iudaeorum secta non erant: Anno demum septimo rursus Hierosolymas derelinquens, Caesaream profectus est, cum Simone samarita disputaturus. Paucisq; eiusdem anni interpositis mensibus, peruenit Antiochiam, ut refert Clemens in primo recognitionum libro. At verò mira incrementa, vera religio acceperat Antiochia, iam inde ab

de ab obitu Stephani, eò enim peruenerant discipuli profugi ex Iudæa, quo deinde quoq; iussu Apostolorum, profectus Barnabas, adiuncto sibi Paulo qui à fuga ex Hierosolymis, ad eam diem in Cilicia ociosus sederat, eiusmodi adiuumentum, iam inualeſcentibus rebus, præstitit, ut primò Antiochiæ sint appellati Christiani, Ibi verò hoc eodem septimo anno à Christi obitu, sacerdotii Cathedram, Petro erexerūt discipuli, ut in postremo decimo libro eiusdem operis idem Clemens testatur, ut verò constat Paulum eo tempore Antiochiæ non fuisse, quippe, quem non deinceps uiderit Petrus usque ad annum duodeuicesimum à Christi morte, sic rursus à plerisque dubitatur, quot annis ipse Petrus Antiochenam sedem tenuerit, nam septennium illud Damasti, et Platini, salua auctoritate grauiorum historicorū, defendi non potest. Ego verò quinquennio ab ea die Petrum in Asia se continuisse, non dubito, & eas regiones circuisse, quas ipse in epistola sua enumerat, cum interim tamen Pontifex Antiochenus haberetur. Unde cum rursus undecimo post Christi mortem, anno, Hierosolymas uenisset, ea acciderunt, quæ de Iacobo fratre Ioannis scribuntur in Apostolorum actis. Quod secundo Claudij anno euenisse credo, & rationem quare ita credam afferre possum. Duo fuerunt eodem tempore, cognomento Herodes, alter Antipas Tetrarcha Galileæ, eius filius, qui pueros trucidarat. Hic Christo illudit veste alba, hic violato sanguinis & hospitij iure, uxorem Herodiadem, à fratre Philippo abduxit, hic denique humana, diuinaq; permiscens,

miscens, in Macherunte castello iugulauit Baptistam. Alter natus Aristobolo, filio Herodis regis, & Marianne Agrippa in gratiam generi Augusti Caesaris appellatus à Caio Caligula, Rex Judeæ, simulq; Philippo defuncto, Tetrarcha Iтуреæ, & Traconitidis regionis constitutus. Postremò etiam Abellæ tetrarchiam, quæ Lysaniæ dicebatur obtinuit. Inter hos Herodes, diu occultæ inimicitia, odiaque intercesserunt, nutriende potissimum. Herodiade alterius sorore, uxore alterius, femina uehementis ingenij, et supra muliebres spiritus. Postremò tamen Antipa à Caio tetrarchia multato, pulsoq; cum Herodiade, Lugdunum in exiliũ, pars quoq; ea Syriæ, cessit Agrippæ, qui primus post Herodem Idumæum, partem Syriæ longe maximam, solus obtinuit. Hic quò munitior esset ad omnes casus, contra vim, dolosq; et sororis, et Antipæ, si populariũ animos sibi conciliaret, gentem Iudæorum, statuit insigni aliquo munere demereri. Cũq; uehementer illos insensos Christianis sciret, iniecit manus, ait Lucas, ut malis afficeret quosdam de ecclesia. Trucidato igitur Jacobo fratre Joannis, Petrum, qui illis diebus, ut diximus, Hierosolymas uenerat, coniecit in carcerem. Qui diuino beneficio, Angeliq; ministerio eductus, exiens abiit in alium locum: quæ omnia secundo anno Claudij contigerunt, si quidem Lucas de scripta famis acerbitate, qua sub eo Principe, per uniuersum orbem laboratum est, statim subiunxit illud tempus, scilicet, quo famis, inualuerat, nec illud postea accidere potuit, quando ut Iosephus, & Egesippus scribunt, tertio

Rr

Claudij

Claudij anno, Agrippa ipse, qui Petrum coniecit in carcerem, fato concessit. Cuius cum tam late pateret imperium: vim furoremque declinaturus Petrus, simul etiam ut Simonis samaritanæ vestigijs insisteret, Romam profectus est, nec eius ulla est deinceps in actis Apostolorum mentio, usque ad tempora conuentus Hierosolymitani, in quo, de circumcisione actum est, ut septem Petri annos, Lucas silentio præterierit. Cum igitur Romam peruenisset, per initia Imperij Claudij, ut Orosius scribit, siue quod nequam diuersum est, anno secundo, ut ait Hieronymus, eiusmodi religionis fundamenta posuit, ut postea ad Romanos scribens Paulus, quos nondum viderat, gratias agat Deo, quod illorum fides, in uniuerso mundo nunciaretur. Jam si ab hoc tempore supputetur annorum ratio, ad postrema Neronis tempora, quinque et viginti inuenientur, tot nempe, quot scribit Hieronymus, ut illius verbis utar, cathedram sacerdotalem tenuisse. Nec tamen toto eo spatio Romæ permansit. Inciderunt, namque deinceps ea tempora, quibus Iudæi tumultuantes, cum in proprium excidium precipites ferreretur, Roma expulsi sunt, neque id ego in odiū Christianorum factum esse opinor: fecerat enim idem antea Tiberius, qui nobis non modo non aduersatus est, sed Christi etiam imaginem habuit in arcano. Cum enim consueissent Iudæi vim auri magnam ad templi ornatum, ex omnibus prouincijs, quotannis Hierosolymas portare, M. Tullio Cicerone Cos. ut ipse ait, in oratione pro Flacco, iudicauit Senatus aurum exportari non oportere: quod cum sub Tiberio secessissent,

cissent quidam ex Iudeis, Roma, Iosepho & Egesippo testibus, omnes expulsi fuerunt, quos publice odio fuisse, præter ea, quæ sunt apud Trogum etiã ex Quintiliano conijcimus, Est cōditoribus (inquit) Urbis infamia, contraxisse aliquã perniciosam, cateris gentē, qualis est primus Iudaicæ superstitionis auctor. Minime autem mirū est, in tam magna ciuitate; Iudeos tumultū excitare potuisse, cū multi foret ex Romanis, illorum superstitioni addicti. Unde illud Iuuen.

Quidam sortiti metuentem sabbata patrem,

Nil præter nubes, & cœli numen adorant.

Quod manifestius, ipse testatur Cicero pro Flacco. Sequitur inquit, auri illa inuidia Iudaici, hoc nimirum est, quod illa turba quæ sita est, scis quanta sit manus, quanta concordia, quantum valeat in concionibus, summissâ uoce loquar, tantum ut Iudices audiant. Neq; enim desunt; qui istos in me, atque optimum quemq; incitent: nihil igitur mirum si sub Claudio quoque tumultus & nouarum rerum cupidi, non secus, atque sub alijs Imperatoribus vexati sunt, maxime cū, ut Tacitus ait; illis ipsis diebus, Cumano procuratore Iudeæ, non tumultum modo, sed pene etiam iustum bellum, in Syria excitarint. Quare a principe, ut ingenij obtusi, & stupidi, sic præcipiti iracundia, Roma expulsi fuerent, quod Apostolorum quoque acta testantur. Denique Traquillus, Iudeos inquit, impulsore Christo, assidue tumultuantes Roma expulit. Cū namque nouum illud nomen ex Iudea audiret, vulgoq; iactaretur, nuper Christianorum exortam factionem, inquam ipse & Dion. & Tacitus ad

eo impie inuehuntur, credidit tumultus illos à Christo, qui tamen multis iam antè annis abierat excitari. Ut erant fere omnes ignari eorum, quæ de Christo loquerentur, quod probat contra Celsum Origenes, & apud Tertullianum ridiculus ille Ononychites, & quòd quidam Galileòs Nazarenos quidam, non Christianos appellabant, quin & emendati codices Tranquilli, non Christū, sed Chrestum habent. Cum namque causam ignorarent, sacrosancti nominis, non ^{ἀπὸ τοῦ χρίστου χριστὸν, ἀλλ' ἀπὸ τοῦ χρεστού χρεστόν} dici putabant, quod Lactatius, in lib. de vera sapientia, & Tertull. in Apologetico testantur. Expulsos etiam à Claudio nō Christianos, sed Judeos illud maxime probat, quod ut Tertullianus ait, & ceteri consentiunt, non ille, sed Nero primus, in Christianos. desuit. Quo nomine Petrus, qui gēte Judeus erat, ex Bets hayde Vico Galilææ, simul cum cæteris discedere est coactus, quod Priscillæ quoque, et Aquilæ accidisse scimus, ex Apostolorum actis. Eo igitur tempore, Hierosolymas rursus adueniens Petrus, quo per totum orbem fame laborabatur, cuius historici fere omnes meminerunt, Paulum vidit, qui Antiochia in Judeam, simul cum Barnaba profectus erat. Quandoquidem opulentiores Antiocheni, qui nec possessiones vendiderant, nec largitionibus exhausserant patrimonium, ea subministrabant pauperibus Hierosolymitanis, quæ tunc Barnabas, Paulus quæ detulerunt. Id verò circa Claudij annum nonum accidisse potest, qui duodevigessimus fuit à Christi morte, quando Paulus contulit cum ipsis Euangelium, ne forte in uanum curreret. Petrus verò, ab

rò, ab hac die Romam non venit, usque ad postrema Neronis tempora. Ut absuisse possit annis plus minus quindecim, in quibus rursus Antiochiam reuerti, & id accidere potuit, quod est in epistola ad Galatas. Disceptatio quoque de circumcisione in conuentu Hierosolymitano, & quæ de obitu Deiparæ virginis à Dionysio sunt tradita. Contra Simonem demum Samaritam rursus disputaturus Romam venit, postremo Neronis anno, ubi de morte eius, ea subsecuta sunt, quæ consensu omnium scriptorum memoriæ sunt cõmendata. Si enim vitæ eius decursum sic distinxerimus, nihil est, ut opinor, quod sacris literis repugnet, & maximorum, sanctissimorumque auctorum, de illius profectiõne ad Romanam urbem, tam piè, quàm verè tuta erit opinio. Superest; ut quoniam nihil obstare diuinos libros assertioni nostræ ostendimus, auctores quoque enumeremus, qui in hac nobis cum opinione fuerunt; Enimuerò, non eadem differendi ratio est in disciplinis, & in rerum gestarum indagatione: in illis enim minimum valet auctoritas, ut, si enunciati alicuius veritatem, vel naturæ vim, vel quippiam in diuinis, postremò, quid expetendum, fugiendumue sit, quærimus, tunc necesse est, ut ratio sibi, ipsa argumeta conquirat, a primis, manifestis que initijs proficiscens, ut consequentium certa fiat ostensio. Cum vero quærimus, vel de historiæ alicuius veritate, uel de gestis institutisq; maiorum, omnis diligentia versetur, necesse est, in indagandis ijs, quæ auctores memoriæ prodiderunt, & si inter ipsos contrarium aliquid videatur, tunc discussioni relinquitur.

tur locus, si fortè exquisitis rationibus conuenire possint, At si id nequit, superest, ut quid potissimum verum sit inuestigemus. Quoniam igitur auctoritatibus nobis tantum agendum est, prius quod illud, quod longè videbatur difficilimum, absoluiamus, consequens est, auctores, qui opinioni nostræ consentiunt, enumerare. Et quoniam (ut spero) in causa admodum facili, & explicata versabimur, non erit nobis cum aduersario summo iure agendum. Quinetiam cū quippiam de iure nostro concesserimus, ita tamen erimus superiores, ut dubitaturus sit nemo, secundum nos iudicare: scriptores igitur (ut ita dicam) minorum gentium, aduersario donabimus quales sunt Orosius, Eutropius, Suidas, Platina, Blondus: & in diuinis Rufinus, Beda, Remigius, & eius generis complures. Magnos etiam illos viros, qui auctoritatis suæ viribus totam causam nostrā singuli sustinere possent, clementem scilicet Romanum, Damasum, Gregorium, Leonemque omitemus. Quoniam, si Deo placet, hac demum tempestate, cō deuenimus, ut licet viri sanctissimi & grauissimi, quoniam tamen Romani Pontifices fuerunt, eo nomine suspecti esse possint, & Clementis disputationibus, quibus tantum & Chrysostomus, & Leutherius tribuunt, & quas doctrinam vcrè apostolicam cōtinere dicit Joannes Picus, quasquē à se in latinum conuersas, Hieronymus ait, in interpretatione commentariorum Origenis, in Epistolam ad Romanos, licet nunc à Rufino cōuersos habeamus, non tuto credi, scribit huius nouæ opinionis assertor: quasi non tantum in dogmatis, sed in rerum quoque

quoque gestarum fide sit corruptus, (quāquam in Clementis nomine, hominem errare simus ostensuri) Leonem vero nuper Lutherus ita se uere accepit, ut magnopere verear, ut denuo in eadem fere causa loqui audeat. Jam Ambrosius Mediolanensis Pontifex, silentio quoque pretereundus est, qui quoniam ciuis Romanus fuit, nimium patriæ tribuisse, et videri, et argui potest. Donabimus quoque ex hac nostra testium affluentia, Augustinum, Hieronymum etiā donaturi, nisi in quæstione hac ita comparatum esset, ut si ea vera concesserimus, quæ hic nouus assertor comminiscitur, sit omnino vel pudendi erroris, vel impudentissimi mendacij, Hieronymus ex postulandus, seu quod æque reprehendendum est sibi met manifestissime contrarius conuinci possit. Ille, inquam Hieronymus, quo nemo fuit in historiarum veritate indaganda, diligentior, in explicanda eloquentior, cautior in conferenda. Ille qui modò hoc fabulā, modò illud confictum mendacium (ut erat veritatis assertor ingenuus) dicere non verebatur. Ipsius nempe illud est, quæ de diuinis scripturis testimonium non habent, eadē facilitate contemni, qua probari; ipsius quoque in libro de *Viris Illustribus*, Baptizati Leonis, rursus quæ in *Daniele*, *Susannæ* fabula. Hic ipse Hieronymus, ut sibi contrarius, ut malos sequutus auctores, in hac causa reprehenditur, Vir certè, ut omnibus latinis, multorum iudicio præferendus, ita fortasse cuius græco iudicio; doctrina & eloquentia comparandus. Hic, quod ipse in opere contra *Iovinianum* testatur, annis quadringentis elapsis à Christi morte,

te, iam senex scribebat, ut certum sit, ad id tempus, quo primò adolescens adhuc Romam venit à morte Petri, qui annis duodequadraginta post Christum uixit, non plus annis trecentis fluxisse, ut fere adhuc Romæ uestigia mortis Petri impressa essent. Cum igitur locum illum in Epistola ad Galatas tractaret, quo se scribit Paulus in facie Cephe
 > restitisse, sic ait. Sunt qui Cepham non putent Apostolum,
 > sed alium. de LXX. discipulis, isto vocabulo nuncupatū,
 > & dicunt, nequaquam Petrum, à conuietū gentium se po-
 > tuisse subtrahere, qui Centurionem Cornelium baptizarat.
 Maximè cum Lucas, scriptor historię, nullam huius dissen-
 sionis faciat mentionem, nec dicat unquam Petrum Antio-
 chie fuisse cum Paulo, & paulò post: non mirum est inquit,
 > si Lucas hanc rem tacuerit, cum & alia multa, quæ Pau-
 > lus sustinuisse se replicat, historiographi licentia prætermise-
 > rit. Denique primum Episcopum Antiochenę ecclesię Pe-
 > trum fuisse accepimus, & Romam exinde translātū, quod
 > Lucas penitus omisit. Poterat uel hic tantum locus silen-
 tium imponere cuilibet, secus opinanti, sed longe expressiora
 sunt, quæ in libro de Viris illustribus scripsit. Vbi cum id
 tantum ageret, curaret quæ uir, omnium diligentissimus, ut
 quæ de unoquoque certa erant, affirmaret, notaret quæ du-
 bia, nequaquam sit uerisimile, aut uulgi tantum opinionem,
 aut quod Petrus ait, doctas fabulas secutum. Præsertim
 cum id nequaquam de Hieronymo dici possit, quod passim
 nunc in Theologos, nec satis scio, an falsò iactant, non satis
 scilicet fuisse uersatum hominem in sacris literis, ut pugna-
 tia,

tia, consequentiaq; non videret. Sic vero ait. Simon Pe-
 trus, post Episcopatum Antiochensis Ecclesiæ, & prædica-
 tionem dispersionis eorum, qui de circumcissione crediderāt,
 in Ponto, Galatia, Capadocia, Asia, & Bithinia, secundo
 Claudij anno ad expugnandū Simonē magū, Romā pergit,
 ibique vigintiquinq; annis cathedram sacerdotalē tenuit,
 usq; ad ultimum annum Neronis, idest quartum deci-
 mum, à quo affixus cruci, martyrio est coronatus: idem cō-
 tra Luciferianos scribens dicit Beatus Cyprianus ad Ste-
 phanum, tunc Romanæ Urbis Episcopum, qui à beato Pe-
 tro vigesimus sextus fuit: Sed à Hieronymo, ad eiusdem
 ætatis virū transeamus, quo nemo sanctior, nemo grauior
 apud Græcos Ioannem Antiochenum, dico, Constantinopo-
 litanum Pontificem, ob loquentiam, cognomento Chrysostomum.
 hic in epistola ad Timotheum posteriore; ubi Paulus ait:
 Salutant te Eubolus, & Pudens, & Linus, & Claudia,
 apud latinum interpretem sic habet. Hunc Linum aiunt
 quidam, secundum post Petrum, Romanæ Ecclesiæ episcopum
 fuisse, quo in loco verbum aiunt (de quo tã multa
 verba Persuasor facit, ut etiam ad grammaticos descen-
 dat) præter id quod de re multis iam annis ante præterita,
 aliter loqui non poterat: patet etiam, non ad Petri in Roma-
 na urbe sacerdotium: sed quod tunc agebat, ad Lini succe-
 sionem referendum esse. Dubitariq; non utrum Linus se-
 cundus fuerit à Petro Romanæ ecclesiæ Pontifex, sed an-
 nus, idemq; ille esset, de quo Paulus in epistola meminit,
 & is qui Pontifex Romanus fuit. Theophilactus quoque
 S s Bulgariæ

Bulgaria Pontifex, cuius commentarios, Chrysostomi epitomas dixerit, nihil enim ferè apud ipsum est, nõ à Chrysostomo, eadè prorsus repetit verba. Corpus præterea Pauli, de quo æque ac de Petro negat persuasor; Romæ quiescere, idem Chrysostomus ait in ea actione, quam habuit contra observantes Neomcnias his verbis. Nuper, inquit, cū Paulum laudarem, non secus gestiebatis, ac si ipsum vidissetis presentem. Et quidem corpus eius, in Regina Roma positum est: utrumque verò in disertatione, quod Christus Deus est; sic enim ait, Romæ, quæ omnibus posthabitis, ad sepulchra piscatoris, & coriarij currunt Reges. In commentarijs quoque epistolæ ad Romanos, truncatum capite Romæ Paulum fuisse scribit. Veruntamen ad superiora tempora veniendum est, quæ quosuerint ipsius Petri morti propinquiora, eo minus dubitationis habere potuerunt. Vixit Magni Constantini ætate Eusebius, Cesareæ Pontifex, in indaganda veritate, digerendis quæ rerum gestarum temporibus, ita diligens, ut non erubuerit Hieronymus, opus, quod ille ^{griecè} inscripsit, multis etiam in fine additis, interpretari, quod nisi spreta eius obestatione in annotatione temporum, innumeris, manifestis quæ mendis scateret, non adeò nunc nobis fuisset elaborandum. In eo enim, & aduentum Petri ad urbem Romam, & mortem, signatis etiam annis, dilucide posuit. scripsit etiam librum Ecclesiasticæ historiæ, in quo & ipse sæpius de Petro affirmat, et magni nominis autores se secutum testatur. Eadem quoque ætate Lactantius, qui in postrema senectute Crispum Constantini

stantini filium, liberalibus disciplinis erudit, vir omnium Christianorum disertissimus, in libro de Vera Sapientia, sic ait. Discipuli vero per prouincias dispersi, fundamenta Ecclesie ubique posuerunt, facientes & ipsi, in nomine magistri Dei magna, & penè incredibilia miracula, quia discens, instruxerat eos virtute ac potestate, qua posset noue annuntiationis ratio fundari & confirmari, sed & futura aperuit illis omnia, quae Petrus & Paulus Romae praedicauerunt, & ea praedicatio, in memoriam scripta permansit. Deinde subdit. Itaque post illorum obitum, cum eos Nero interemisset, Iudeorum gentem, & nomen, Vespasianus extinxit. Dicamus & hos mentiri, falsamque vulgi opinionem secutos, quorum alter innumeris probatissimisque testibus innititur, alter usque ad sua tempora predicationem, in memoriam scriptam ait, permanuisse. Eadem ferè aetate Alexandriae, Petrus Pont. quem Graeci, ἱερομάρτυρα vocant, regulas quasdam edidit ab illis seruandas, qui minus constantes in martyrio fuissent. In earum nona sic ait: Ut graeca interpretemur, Petrus apostolis praefectus, sepe captus, & coniectus in carcerem, et ludibrio habitus, postremò Romae affixus est cruci: Aequè etiam splendidissimus Paulus, in eadem urbe, capitali supplicio est affectus. Cyprianus praeterea Carthaginensis Pontifex, de cuius laudibus extat Nazianzeni Oratio elegantissime scripta, quam nos latinam fecimus, adeo manifestè Romanorum Pontificem Petrum fuisse testatur, ut impudentissimi mendacii semet reum constituat, qui id ausus fuerit denegare. ait enim ad Cornelium

S S 2

scribens,

, , scribens , Audet & ad Petricathedram, atque ecclesiam
 , , principalem, unde unitas sacerdotalis; exorta est, à schis-
 , , maticis, & prophanis, literas ferre; nec cogitarit eos Roma-
 , , nos esse, quorum fides Apostolo prædicante laudata est. Sed
 iam propius ad Apostolorum tempora accedamus, & eos
 authores, qui si non ipsi Petrum viderunt, potuerunt qui-
 dem certè & locum & genus mortis de illis audire, qui
 forte affuerant. Floruerunt sub Seueroprincede, & Antonio,
 cognomento Caracalla, Tertullianus Afer; & Alexandri-
 nus Clemens, qui cum senes iam scriberent, poterant certè
 memoriam habere Antonini Pij temporum, qui Seuerum
 præcessit annis circiter quinquaginta, paulo pluribus distans
 à Nerone, ut verisimile sit temporibus Pij, aliquos su-
 persuissè, qui Petrum viderant, quosque Tertullianus &
 ceteri, quos postea testes accersimus, alloqui potuerunt.
 Tertullianus igitur, ut illius libri testantur, vir fuit acer-
 rimi ingenij, quem & Cyprianus martyr, præceptorem so-
 litus est appellare. Et Lactantius in omni genere literarum
 peritum fuisse scribit. Hic in libro ad Seuerum (quem in-
 , , scripsit Apologeticon) sic ait. Discipuli quoque diffusi per or-
 , , bem, ex præcepto Magistri Dei paruerunt, qui & ipse à lu-
 , , deis insequentibus multa perpassi, utique pro fiducia ve-
 , , ritatis, libenter Romæ, postremò per Neronis seuitiam san-
 , , guinem Christianum seminauerunt. Video quomodo quidam
 hic se iactaturi sint, quod Petrum & Paulum non nomina-
 rit. Ad id minime necesse erat, ad illos nempe scripsit, qui-
 bus cum Christianum nomen cognitissimum esset, nomina
 tamen

tamen Apostolorum omnino fuissent incognita. Ceterum quid refert, in rei cuiuspiam notatione: nomine an finitione utamur? Ita enim describit Petrum & Paulum, ut nemini dubium esse possit, alios quosdam intelligi non debere. Eum paruisse dicit praecepto magistri, multaque perpeffos a Iudeis insequentibus, postremo interemptos a Nerone. Enim vero a contentionibus abistamus, & longè manifestiorem ex eodem autore citemus locum: scribit enim tertio aduersus Marcionem, libro: Videamus quid Romani de proximo sonent, quibus Euangelium, & Petrus & Paulus, sanguine quoque suo signatum reliquerunt. Clemens uerò Alexandrinus; qui eadem aetate, qua Tertullianus vixit, ille est in cuius nomine errauit noster hic nouae opinionis assertor: credidit namque, eum qui librum scripsit, cui nomen κλεμεντις. Clementem Romanum Pontificem fuisse: Quare idcirco eius auctoritatem redarguit, quod non sit tutum illius libris credere, quod supposititij sint, quod falsò Clementi ascripti, quod denique ab haereticis, magna ex parte deprauati. Qui si, ut falsò distinguere voluit inter duos Marcos, sic verè duos Clementes distinxisset, non utique in tam manifestum incidisset errorem. Duo siquidem Clementes fuerunt, alter Romanus, & Petri discipulus, qui librum scripsit Recognitionum, apud quem nihil eorum reperitur, quae Persuasor citat: nec eius nos opera ab Haereticis, potissimum quae Eunomianis in quibusdam, quae ad dogmata spectant corruptos negamus. Alter Alexandrinus, Praceptor Origenis, qui cum alia plurima, tum eum quem iam diximus librum

librum cōposuit à Hieronymo, latine informationum appellatum. Quod opus, sicut nec alia eiusdem (extant enim etiā ad hanc diem complura) corruptum fuisse mihi persuadeo, nam cum id affirmare voluisset Rufinus in opere quod inscripsit, de adulteratione librorum Origenis, eo potissimum argumento, quòd nequaquam illi credibile videretur eruditum adeo catholicumque virum, vel sibi contraria sensisse, velea quæ de Deo credere impium est, scripta reliquisse. Hieronymus in hac fere verba respondet. Si conceditur, ut quicquid in libris omnium reperitur ab alijs corruptū sit, nihil eorum erit, quorum fertur nominibus, & quomodo, inquires, in libris eorum vitiosa nonnulla sunt? Si me causas vitiorum nescire respondero, non statim illos heretici cos iudicabo: fieri enim potest, ut simpliciter errauerint, vel alio sensu senserint, vel certe antequam in Alexandria, qua si Demonium meridianum Arrius nasceretur, innocenter quædam, & minus caute locuti sunt: & quæ non possunt peruerforum hominum calumniam declinare. Cum Hieronymo igitur, non modò Clementis Alexandrini scripta adulterina non esse opinor, sed eo magis illis fidem adhibendam puto, quod Alexandrinus patria, nec ita multum distans à Marci Euangelistæ temporibus, ea quæ scripsit, ab illis potuit accepisse, qui rebus gestis interfuisent. Ait vero: cū Petrus Romæ Euangelium diuulgaret, rogatum Marcū, ea quæ à præceptore dicebantur, excepta publicasse, quod cum intellexisset Petrus, tantum absuit, ut grauate tulerit, ut etiam mirum in modum sit delectatus. Accedat

nunc

nunc testis magno praeceptori discipulus, longe maximus Origenes, qui in libro tertio explanationum in Genesim scribit, Petrus Pontum sortitus, & quas in epistola suas enumerat provincias Iudaeis tantum praedicans circumijt. postremo in urbe Roma commoratus est. Verum enimvero, quoniam in re manifesta longiores esse nolumus, difficileque est omnes enumerare, qui hoc idem de Petro testantur, quatuor postremo, cursim citabimus, qui si non singuli, at certe omnes non minus apud doctos authoritatis habebunt, quam hic nosler, qui nouam hanc opinionem tutari est conatus: non enim puto inferiores futuros tum eloquentia, tum sacrarum literarum cognitione, tum sanctitate & moribus, postremo etiam superiores propinquitate temporis, quippe qui (ut ita dicam) respersam adhuc terram, viderint sanguine Apostolorum. Horum primus Iustinus martyr, cognomento Philosophus, in Apologetico ad Antoninum: scripsit enim, & alterum ad gentes: in priore igitur omnia illa, quae de Simone Samarita à ceteris dicta sunt, longissime prosecutus est. Alter Egesippus Vicinus, ut Hieronymus ait, temporum Apostolorum, in tertio libro eius operis, quod Ambrosius Mediolanensis Pontifex latinum fecit, aduentum Petri ad urbem sub Nerone disputationem, cum Simone Samarita, mortem denique tam luculenter quam vere descripsit. Accedit tertius Hiraneus, Lugdunensis Pontifex, Polycarpi smirnaei Episcopi discipulus, qui fuit Apostoli Iohannis auditor: hic enim diuinarum scripturarum indicem texens, sic scribit. Matthaeus hebraeis propria
eorum

eorum lingua conscriptum edidit Euangelium, cum Paulus & Petrus, in Urbe Roma, annunciarent, ibiq; ecclesie fundamenta solidarent. Idem Hyginum ait nonum ab Apostolo Episcopum Romanæ Urbis fuisse, in tertio aduersus hereses libro. Postremus accedat Papias Hieropolitanus Pontifex, Papias inquam, Ioannis Euangelistæ auditor, qui ut Eusebius, Hieronymus q; testantur, Petrum dixit priorē epistolam Romę scripsisse, in qua tropicē Romam Babiloniā nominauit. Ij sunt nempe auctores, quorum fidei hæc veritas innititur, hos omnes redarguat necesse est, qui diu inoli tam opinionem voluerit infirmare. Istis obijcienda est sacrarum literarum ignorantia, æta Apostolorum, & Pauli Epistolas, non satis diligenter euoluisse dicēdi sunt. Quorum pleriq; vel in Paulum ediderunt commentarios, vel proprijs commentationibus Reip. Christianę mirum in modum profuerunt, dicendi erunt temporum rationem non habuisse, qui ut nos, qua quidque etate gestum est, sciamus labore & diligentia sua, perfecerunt. Ad summam penē ea quę viderunt, dicendi sunt ignorasse. Enimuerō si hoc temerarium, si omnino alienum à Christiana moderatione, si denique impium tot sacris authoribus fidem abrogare diuinis libris, ut satis patuit non aduersantibus, eorum opinioni omnino est accedendum. Nec committendum est, ut uel odio in Romanum Pontificem, vel in mores Deo datorum hominum, si fortassē à prisca seueritate discesserunt, mēdacij alicuius patrociniū assumamus, Studium magis omne, & cura ad id cōuertenda sunt, ut vel nostris moribus

bus castigatis, ceteris exemplum vitæ esse possimus. Cum plerosque sciamus aliquando labentibus, & pene iam euer-
sis Christianorum rebus, morum magis integritate, quam
aduersus peccantes cõtumelijs, & opprobrijs tulisse opem.
Adhibenda est quidem seueritas orationis, paulo etiam inci-
tatiores adhortationes habenda, castigatio denique vehe-
mentior, grauitate coniuncta, & hæc omnia si ita prius nos
instituerimus, ut cum ardua, cum difficilia, cum deniq;
Christianæ religioni consentanea nos ostenderimus deside-
rare, nobis ipsis parcamus, decretisq; nostris, ne cum vi-
ta pugnet oratio. Quod ij mihi facere videntur, qui non
pia eruditione, sed conuicijs & maledictis libros refertiūt.
Si enim index vitæ morumq; est oratio, satis patet eos, qui
mente effrenata animoque præcipiti ad maledicendum se-
runtur, interius æstu tumultuq; pessimorum affectuum
laborare. Enimuerò, quoniam diximus, nihil nobis illis per-
suasionibus persuasum esse, rationem quoque quare id di-
xerimus, afferre necesse est.

Disuasio Prima.

Prima igitur persuasio, diuersitati, quæ inter authores
est inniti, videtur. Nos verò, nihil inter illos diuer-
sum esse iam diximus. Quod si maxime esset, non tamen il-
lico esset consequens, falsum esse, quod asserunt. Quot nam-
que historias legimus, quas qui scripsere, non omnino in tē-
poribus consentiunt, cum de rebus ipsis, nulla sit ambigui-
tas: & ut omittamus extera, non nè idem in sacris histo-

T t

rijs

rijs contigit, in quibus, quoniam neque Moses, neque Jesus Naue, neque Samuel, neque Esdras, nec ceteri, qui scripserunt, aut olympiadibus, aut annis, aut alia simili ratione, ut graci latiniq̃ue scriptores annotarunt tempora. Varia deinceps de rerum gestarum temporibus, authores prodiderunt: Mosē scribit Tertullianus annis trecentis ante Troiæ excidium fuisse, non gētis Laetāttius, aliter alij: in quā multis discrepat ab Africano Eusebius, ab utroque Orosius. Cū igitur tam variæ sint, tamq̃ in multis diuersæ sententiæ, illud quidem fieri non potest, ut plus una vera sit, nec tamen contra necesse est, ut falsæ sint omnes, quoniam non de re gesta, sed de tempore tantum dubitari contingit. Id vero quod nos quarimus, de prima Petri profetione, ad urbem Romam, nihil habet controuersiæ. Hieronymus namq̃ anno Claudij secundo, Orosius per initia imperij eius euenisse scribunt, quibus in verbis, quid contrarium sit, non video. Nam de fasce illo temporum à Persuasore citato, & si is ego sum, qui non libenter de scriptore aliquo grauius iudicare uelim, cū omnes, quoad ipsorum fieri potest, pro communi omnium utilitate laborent, illud tamen nunc cogor dicere in fasce illo, non ordinis, non temporum, non denique veritatis ullam rationem haberi, & si singula exequi uellemus, in quibus peccasse conuincitur; doctis, ut opinor, superuacuum uideri posset, apud quos iam eiusmodi de illo præiudiciū factum est, ut quosdam audierim, qui fascem mendaciorum non temporum appellarent. Picus certè in defensione Origenis, festinè simul, & grauiter

grauiter opus illud exagitat. Nam de libro, qui sanctorum
 vitas continet, à Persuasore citato, superfluum est omnino
 loqui, prater enim eadem cum fasce, illo peccata scimus (au-
 thore Hieronymo) quod ad Apostolos attinet, nihil esse sin-
 cerum. Eiusmodi igitur authores, si quis in delitiis habere
 voluerit, per me habeat, licet nos certè æmulos non habe-
 bit. Ceteri verò, qui posterius scripsere, et quos Persuasor
 hic citat, à Hieronymo, Eusebio, Orosioq; non dissentiunt,
 ut ibi mirus sit authorum consensus, ubi hic noster potissi-
 mum super eorum dissensione innitebatur. Nam, quod ait
 Si Petrus Romanorum fuit Pont. dicant, quis in locum
 ipsius sit suffectus, Nihil est, quod facilius explicare pos-
 sim. Clementem enim dicam, & eo potissimum authore, qui
 proximus fuit temporibus Apostolorum. Tertullianus in-
 quam in libro de præscriptionibus hæreticorum, qui cum
 aliquot apostolicos viros enumerasset (sic enim ipse disci-
 pulos Apostolorum nominat) qui præceptoribus in pontifi-
 catu successissent, ordinatum scribit à beato Petro, Clemē-
 tem Romanum Episcopum. Chrysostomus quoq; in eo loco
 epistolæ ad Timotheum quem citauimus: aiunt, inquit secū-
 dum à Petro Linū fuisse Romanum Pontificem, sciēs sci-
 licet priorem illo fuisse Clementem. Hieronymus porrò nihil
 affirmat, plerosq; tamen latinorum, ait Tertulliano accessis-
 se. Enimuerò ipsemet Clemens in epistola ad Iacobum epi-
 scopum Hierosolymitanum, si illā recipere velimus, illud
 ipsū, quod Tertullianus scribit, demumque totidem fere
 verbis repetitum est à Simeone, quem Græci Paraphrasten

I t 2

vocat.

Vocat. Addā præterea Eutheriū prius in Ierina Insula monachum, deinceps Episcopū Lugdunensem, qui eadē etate, qua Augustinus vixit, non minus celebrem eloquentia quā sanctitate, qui in epistola ad Valerianum ait. Clemēs vetusta prosapia senatorum, atque etiam ex stirpe Cæsarum, omni scientia refertus, omniumque liberalium artium peritissimus, ad hanc iustorum viam transit, itaque in ea excellenter effloruit, ut principi quoque Apostolorum successor extiterit. Nec in hac parte Græci à latinis discrepant, etiam si qui dixerunt in exercendo Pontificatu, Linum, Clementemque præcessisse. Si quidem omnes consentiunt, viuentē adhuc Petro, qui ferē toto tempore sui Pontificatus absens fuit, illos Romanæ ecclesiæ curam gessisse: mortuo deinde Petro, Clementem qui ab illo designatus fuerat, successisse. Hoc Rufinus in probemio interpretationum ipsius inet Clementis recognitionum, compluresque alij affirmauere. Quod si daremus nescire nos, quis Petro successerit, num idcirco statim sequeretur Petrum Romæ non fuisse? Quæro quis locus hic argumentandi sit, qualis sit hæc obiectio? quam si concesserimus, nihil tamen inferior causa nostra futura sit. Quod rursus dicemus de illa nominum Pontificaliū congerie, de quorum temporibus dubitat Persuasor noster.

Diffusio Secunda.

Quod verò ad secundam persuasionem attinet, Et si satisfacere poterant, quæ diximus, rursus tamen quædam repetere non grauabimur. Itā a nobis digesta sunt
Petri

Petri tempora, ut septem annis dixerimus in Iudaea stetit, deinceps profectum Antiochiam, sumptaque sacerdotij sede, eas circuisse regiones, quas & ipse, & Hieronymus enumerant: Undecimo demum anno Hierosolymam profectum, & inde à fuga carceris Romam peruenisse anno secundo Claudij, quo fit, ut annis circiter quinque moram traxerit Antiochia. Quod uero Platina ait de septennio, si bimet dilucidè contrarius est, idem enim secundo Claudij anno, Romam profectum scribit. Nec quispiam grauis author, quem hactenus legerim, septennium illud approbat. Hieronymus certè, & Eusebius, non de finito tempore, quo ibi moram traxerit Antiochia, Romam profectum scribunt. Mirifica deinde sequitur Persuasoris huius argumentatio, quoniam inquit, anno duodeuagesimo à Christi morte, Hierosolymis erat Petrus, patet illum non antea Romam potuisse proficisci. At uerò istud non dicet Hieronymus, qui & secundo Claudij anno Romam profectum, & Hierosolymis, duodeuagesimo, à Christi morte fuisse scribit, ut nisi impudenter dicere uelimus: Hieronymum sibi met contrarium, necesse sit confiteri Roma Hierosolymas reuertisse, Quod nos tunc accidisse dicimus, cum ab urbe expulsi fuere Iudaei, liberrima autem sunt nobis tempora, de Petro iudicandi, ab octauo decimo anno à Christi morte, ad septimum & trigesium. Nec enim ulla in actis Apostolorum Petri mentio fit, post id tempus, in quo quaestio incidit de circuncisione. Quod uero legimus Petrum Romanum Pont. annis viginti quinque fuisse, miror quid in mentem uene-

rit

rit Persuasori opinari consequens esse illum eo interuallo non alio in loco quàm Romæ, moram trahere potuisse. Quasi minus futurus fuerit Romanus Pont. si quod Paulo contigit, cura omnium Ecclesiarum sollicitaretur. At verò assiduū non fuisse Romæ, Hieronymus quoq;, quod Paulo ante diximus testatur, ubi secundo Claudij anno, Romam profectum dicit, & cathedram annis viginti quinq; tenuisse. rursus autem in Epistola ad Galatas, quæstionem illam de circumcisione, & congressum Petri & Pauli Hierosolymis, reijcit in annum duodeuigesimum, à Christi morte, septimum scilicet, ab eo quo primum Romam peruenerat: nihil igitur obstant sacræ literæ, quin dicamus, & secundo Claudij anno Romam profectum, & postremò Neronis qui fuit ab illo quintus, & vigesimus actū in crucē fuisse.

Disuasio Tertia.

Quod de exturbatione Iudeorum ab Urbe Roma scribunt Lucas & Tranquillus, nequaquam de Christianis intelligi debere manifestis, ut opinor, argumentis ostendimus, quandoquidem ut Tertullianus, ceteriq; testantur, primus Nero, Christianos pœnis affici iussit, & tunc deniq; per tempora illius calamitatis meminere Christianorum Tacitus, Dion, & Tranquillus: cū autē nulla apud ipsos gentis nostræ mentio sit, Petrus vero Priscilla & Aquila, & quot quot gente erant Iudæi, Roma coacti sunt discedere. At si edicto Claudij utriq; comprehensi essent, poterat quidem Trāquillus, vel certe Lucas, ut Iudæos,
sic

sic & Christianos nominare, Quod vero Persuasor ait de Aquila & Acyla, miror hominem non vidisse, quod opinor omnibus, & lippis notū et tonsoribus esse, ut Flacci utar verbis, nihil illa inter se differre, & alterum latinum, alterum græcum esse. Cum enim secundo nominis Aquilæ careant græci, elemento similem effectū, speciemq; esse scribit Fabius, eius quod secundū est in nomine Acyla: quare quod nos dicimus, Quintum, illi νοτιον Varrone quoq; id attestante in initio libri quinti de lingua latina, Ut patet apud Josephum de Cyrino, qui Quirinus, est apud Latinos, licet apud Lucam Cyreneus legatur, & apud Paulū in νοτιον qui est quartus.

Diffuasio Quarta.

Nec ita multum laborandum fuerat, in quarta, ut iste opinatur, persuasione. Jam enim concessimus Hieronymo teste, duodeuigesimo, post Christi mortem anno, Petrum, Paulumq; simul Hierosolymis congressos: Illud uero mirum est, quod ait, Certum est totis illis septēdecim annis, Hierosolymis, & in Collimitaneis regionibus, Petrum sese cōtinuisse, nec nunquam Romam recessisse. Unde istud tibi adeo certum? opinor Petrus dum claudū curaret, claudus ipse euaserat, qui non potuerit tot annorum spacio Antiochia Romam, rursusque Roma Hierosolymas proficisci, Quinetiam obiurgationem Pauli, quam iste anno vigesimo accidisse auguratur, in vigesimum secundum si illi commodū sit reijciemus. Policiti enim sumus, multa nos de iure

re

re nostro concessuros, At si contentiosè agere animus esset, poteramus certe, ut Beda ante primum Petri aduentum ad urbem, omnia hæc accidisse contendere. Poteramus etiam cum ijs, quos Eusebius recitat, alterum Cepham, alterum Petrum esse affirmare. Quid? quod Sophronius ille adeo laudatus a Hieronymo, Petrum, etiam dicit ad Hispanias accessisse, nonne eodem itinere Romam profectum potuissimus asserere, quod se facturum, Paulus ad Romanos scribit? Attamen id omnino vitare est animus, quod tantopere in alijs ducimus reprehendendum, cum perspetum sit scilicet iamq; cognita veritate luctari. Accidit igitur hæc Pauli redargutio, non modo post id tempus, quo Petrus Roma profectus est Hierosolymas, verum etiam post ipsius Pauli, cum Petro, Jacoboq; pacti conuentionem: cuius cum Lucas non meminerit, licentia, ut Hieronymus inquit, historiographi, mentio habetur in epistola ad Galatas. Hac igitur ratione, quod Persuasori tantopere iniquum videtur, nulla fiet Vespasiano iniuria, cautumq; erit, ne eo nomine à quopiam tanti criminis expostulemur.

Disuasio Quinta.

Sequitur difficile illud, & ineluctabile argumentum quod ad Romanos scribēs Paulus, Petrum non salutavit, omnino parum urbane, & ab officio discedens: si quidē tunc Petrus Romæ fuit. Quid vero, peccatūne Pauli confitebimur? qui nec ad Hebræos scribens, nominatim Jacobum salutavit? Sed dicent, neminē ibi salutari: fortasse etiam

etiam Pauli negabunt esse epistolam. Aliò igitur confugien-
dum est. Nec enim illud dicere audebimus, aut immemorẽ
Paulum, aut ab eo Petrum contemptum. Cum igitur Per-
suasor ipse confiteatur, post secundam ad Corinthios, prio-
remque ad Thessalonicenses, epistolam ad Romanos scri-
ptam fuisse, cum iam tertio Corinthum venisset, ipse idem
nodum soluit, qui ante implicuerat. Satis verò constat per
Neronis tempora, aut certè postremis Claudij annis scri-
ptam, in qua ait, Salutant vos Timotheus cooperarius me-
us, & Lucius, & Jason. Enimverò Timotheus iam ela-
psis viginti, & eo amplius annis à Christi morte, adhæsit
præceptorì, dimisso exim conuentu Hierosolymitano, in quo
de circumcisione actum est, Paulus profectus est Antio-
chiam, nec multò post accidisse par est, & Peruasor ipse cõ-
cedit, quæ de Petri redargutione scripta sunt in epistola ad
Galatas, ab ipsomet, in vigesimum annum à Christi mor-
te reiecta, nam, ut Apostolorum acta narrant, orta inter
Barnabam, & Paulum disceptatione, post eum quem di-
ximus conuentum, & digressum ab Antiochia, peruenit
Paulus Derben, & Lystras, ubi erat discipulus nomine
Timotheus, cui cum testimonium redderent fratres, qui
erant Lystris, & Iconij, voluit illum Paulus secum pro-
ficisci. At verò vigesimo Anno à Christi morte, qui un-
decimus fuit Claudij, satis ostensum est, Petrum Romæ,
non fuisse, nec deinde ad annum usq; trigessimũ septimũ,
qui fuit Neronis tertius decimus. Hic verò instabit Per-
suasor, cum scriberet Paulus ad Romanos, Priscillam, &
Vu Aquilam,

Aquilam ibi fuisse, qui simul cum Petro Roma discesserāt, sed liquet autore Origene, in eiusdem epistola commentarijs, iam iterum ipsos illuc reuertisse. Ait namq; Paulus, Salutate Priscillam & Aquilam, adiutores meos in Christo Jesu, qui pro anima mea ceruicē suā supposuerunt. Sed cum primū Roma cum Petro discedere sunt coacti, edicto Claudij, nondum pro Paulo ceruices supposuerāt, quos tū demū Corinthi nactus est Paulus, cum Roma profugi in Achaia perueniunt, ut Apostolorū acta testantur: si igitur, ut manifestē ostendimus, nō antē decimum Claudij annum scripta est epistola; fortasse & illud consequens est, nec temporibus Claudij fuisse datam, cuius edicto Iudei urbe Roma prohibiti fuere. Quare superest, ut dicamus Roma Petrum ea tempestate non fuisse, qua ex Cēchris portu Corinthiaco, epistolam per Pheben dedit Apostolus ad Romanos. Enimuerō quod Persuasor dicit de ordine epistolarum Pauli ex Athanasio, fateor me nūquam opus illud Athanasij legisse, sed nec Hieronymus, qui omniū fere eius ætatis commentationes enumerat, nec in Athanasij Epicedio Nazianzenus, nec is, qui fere illius autoritate utitur Damasceus, eiusmodi commentariorum meminere. Video autem Persuasorem credidisse commentarios Theophilaeti, qui passim conuersi habentur esse Athanasij, quod falsum esse ex authoribus, qui in eo opere citantur, cautus lector animaduertere poterat, cum quidam illorum posteriores Athanasio fuerint. Deuenerūt autem ad manus meas Theophilaeti commentarij in totum nouum instrumentum
græce

græce scripti: in quibus illi quoque sunt, qui latine sub nomine Athanasij circumferuntur ea præcipue de causa, quod ita ab interprete sunt inscripti accedente etiam Theodori Gaze authoritate. Quares autem errori causam dederit, satis constituere nondum potui.

Diffusio Sexta.

Nulla mihi cum Persuasore controuersia est de Archiepiscopis, & Patriarchis, si quidem, nemo quod sciam, tam ignarus antiquitatis fuit, qui Apostolorum temporibus hæc nomina dixerit in Ecclesia extitisse, cum superessent ipsi ad quos omnia referebantur. Nam quæ fertur Anacleti Epistola de eiusmodi ordinibus fictitium, nescio quid nobis subolere videtur. Sed & quandoq; eosdem fuisse episcopos, et presbyteros, Hieronymus in commentarijs epistolæ ad Titum dilucidius ad Euagrium, scribens nos admonuit ad tollendaq; dissidia, & regendam multitudinem sequenti tempore, toto orbe decretum fuisse, ut unus ceteris præficeret. Quod item opinor postea de ijs, quos nunc Archiepiscopos, & Patriarchas uocant, accidisse, ordinatos scilicet ad tollendas controuersias, quæ in unaquaque prouincia oriebantur. Hieronymus enim contra Luciferianos, & Bizantinæ, & Piceni, prouinciarum Episcopos nominat. Illud uero mihi commune est cum Persuasore, quod iam diximus Petrum eo tempore Romæ non fuisse, quo ad Romanos scripsit Apostolus, Quod uero Episcopum Romanum quempiam Narcissum nominat, vix mihi persuadere potest eadē credidisse

didisse, quæ scripsit. Diu enim credidi dum hac legerem, Petro Urbis Romæ sacerdotio deiecto, & velut redacto in ordinem, vel Apostolum quempiam, vel aliquem ex ijs qui qui proxime ad Apostolos authoritate accedebant suffectum iri: in Urbe enim totius orbis longe principe, & omnium penegentium victrice & rerum domina, quo ex omnibus regionibus infinita illa hominum multitudo confluebat, ubi statim ab ipsa Christiani nominis prædicatione conuentus pro copia ciuitatis amplissimi sunt instituti, ubi denique futurum erat, ut primò aduersus impetum, gladios, cruces, ignesq; Neronis non verbis iam, sed ceruicibus & sanguine decertarent, consentaneum est parem tanto oneri, & non solum moribus & sanctitate, sed loco etiam, & authoritate inter ceteros præcipue ordinatum. At hic noster Narcissum quendam expiscatus est, ut duplicem iam de Narcisso fabulam habeamus, Quem nec Ambrosius omnino affirmare audet presbyterum fuisse, sed tanquam vagum quendam, & ut ita dicam, erronem describit. Mirum præterea cum adeo exacte omnes Romani Pontifices, à doctissimis, diligentissimisq; viris enumerati sint, illi saltem fasciculo temporum, aut supplemento alicui ^{govinæ} Narcissum, nec inter tot somnia aliquando obseruatum. Quatuor certè insignes ecclesias videmus, dum adhuc fides adolesceret celebrari, & eæ potissimum fuere quæ in splendidioribus, amplioribusq; ciuitatibus congregatæ erant. Rationi quoq; consentaneum est, quo plures mortales confluebant, ibi ceteris honoratiores fuisse præfectos. Quare qui fuere Pontifices eo ordine, quo

quo sibi singulatim successerunt, à maioribus nostris memoria sunt commendati. Quod non item de ceteris accidit, sic Hierosolymis, post Jacobū, Simeon iustus, Marcus, Cassianus, Publius, Alexandriae, quæ ea tempestate ut Strabo, Iosephus, & Marcellinus testantur, post Romam principem locum in uniuerso orbe obtinebat, Marcus, Annianus, Abilius, Cerdos, Antiochia autem, ubi primum Christiani appellati sunt, post Apostolos Euodius, Ignatius, Eros: similis quoque cura fuit Romanos Pontifices recensere, & eò diligentius, quò plus ceteris omnibus, Urbs ipsa præstabat. Cum igitur numerent, Petrum, Clementem, Linum, & qui sequuntur, quis istius Narcissi unquam nomen audiuit? Rogo quæ noua hæc fingendi licentia est, historiasque euertendi, ut quicquid nobis in mentem uenerit, etiā contra receptas sanctorum opiniones, ne quicquam dissidentes a sacris literis, illico Verum esse contendamus? Hac certe ratione, nemo erit, qui non sibi ex cubiculo historiā possit præferre, sed uideamus, Persuasor hic, quibus argumentis utitur, Christum inquit, prædicabat Narcissus, Audio non Romæ, si credis Ambrosio, Agè uero Romæ etiam prædicarit, quasi non ceteri idem facerēt. Andronicus, quem insignem inter Apostolos, & ante se in Christo fuisse, Paulus scribit. Urbanus illius auditor, ceterique complures, quos longum est enumerare. Dicamus & quempiam illorū, uel certè, si ita libuerit, omnes simul Romanos Pontifices fuisse, dum Petrus exturbetur, turba non deerit eorum, qui Pontifices dici possint.

Dissuasio

Dissuasio Septima.

QUod adhuc maxima, cum animi tranquillitate à me factum est, ut maledictis & calumnijs temperarem, id usq; ad calcem diligentissime me obseruaturum esse confido, quando nullo odio Persuasoris, aut stomacho, sed ueritatis amore, ad scribendum accessi. Enimuerò si unquam locus fuit, in quo conuicijs agendum esset, hic potissimum occurrebat, ubi adeò manifestè uerbis Lucæ contradicit, ut omninò ipsorum alterum mendacij reum oporteat constituisse. Ait namq; Iudæos, qui Romæ Pauli orationem audiuerunt, aliquos quidem credidisse, aliquos uerò renuisse credere. Hactenus rectè. Quod uerò subdit, & nunquā antea audita auribus audientes, adinuicē tumultuabantur. Istud certè omninò apud Lucā nō legi. Quinimò, id quod magis contrarium uideri possit. De hæresi autem hac, notum est nobis, inquiunt, quod ubiq; contradicitur: quomodo ergo nobis notum, si antea inaudita? Nonne illud præterea certum est, Paulum cum ad Romanos scriberet, quorū fidem annunciari dicit, in uniuerso mundo, plerosque esse omni scientia, ut ceteros admonere possent, id potissimum tentasse, ut Iudæos, gentilesq; (qui crediderant) inuicē conciliaret? Nempè illi Iudæi erant, qui audito Petro crediderant. Illa omnis Romana ecclesia fidem secundū Deū acceptam, referebat Petro: Et si enim authore Clemente, anno à Christi morte septimo, Barnabas Romæ Christum nunciauerat, constat tamen, ad paucissimos eius prædicatio

nem

nem peruenisse. Nam quod ait Persuasor, si ita dixerimus, consequens esse, ut Petrus temere in alienas possessiones inuasit. Jam facilis obuiaq; est responsio, quam obiectio ipsa leuis et inconsiderata. Si enim Persuasor recte meminisset, quo tempore dicant authores Petrum Romam profectum, rursusq; quo tempore pactum inierit, ut Paulus inter gentes, ipse vero Iudeis predicaret, illud ipsum posterius integro septennio inuenietur. Aliud enim undecimo, duodeuigesimo, aliud anno contigit à Christi morte. Nec si secus esset, statim mihi videretur pactum illud ita intelligi oportere, ut utriq; non licuerit, ubicunq; commodum accidisset annunciare: sed ut præcipua cura esset Pauli in gentibus, Petri autem inter Iudeos. Alioquin circumscriptis sibi quibusdam veluti cancellis, Petrus ipse cæteris longe inferior inueniretur, quibus aliquo pacto interdictum non erat, ubilibuisset predicare. Nonne & ipsa Babilon & Arabia, ubi annunciaſſe Petrum dixit se credere Persuasor, gentium erat, non Iudeorum? Quin & Paulus deinde in sinagogis, & Iudæa, publice annunciauit. Notum est præterea, quod Petrus dixerit in actis. Vos scitis, quod ab antiquis diebus, Deus in vobis elegit per os meum, ut audirent gentes verbum Euangelij. Num pactum Apostoli inirent, quod diuinis decretis esset contrarium, ut Petrus Iudeis solum, non etiam alienigenis Christum annuntiarent?

Diffusio

Diffuasio octaua, nonam decimam &
vndecimam continens.

QUod quatuor deinceps capitibus persuadere nititur, paucis omninoq; iisdem verbis dissuaderi potest. Iam enim dedimus ab eo tempore quo sub Claudio expulsi fuere Iudaei, Romam, Petrum non reuertisse, usque ad postrema Neronis tempora. Quare nec quando Paulus à Iudæa deductus est Romæ fuit. Accidit enim aduentus Pauli, per initia Regni Neronis. Si quidem Luca historiam usque ad quartum illius annum peruenisse dicit Hieronymus, nec tamen ita diu Romæ permansit, profectus ad occidentis partes: minime igitur mirum, si in epistolis quas Romæ conscripsit, nulla prorsus de Petro mentio habeatur.

Duodecima, & tertiadecima Diffuasio.

QUo tempore Paulus Romam ab Hispanijs, & alijs occidentis partibus reuersus fuerit, si modo illuc profectus est, scriptores non adeo constanter affirmant, ut tutum sit quippiam certum asserere. Coniecturis tamen assequimur, circiter postremum Neronis annum id accidisse. Prima autem Pauli defensio, eo tempore contigit, ut ipse semet Persuasor affirmat, quo primum ex Iudæa Romam deductus est. Cum autem dixerimus, ea tempestate absuisse Petrum, superuacaneum est quærere, cur Paulo, coram Nerone non assuerit.

Decima

Decima quarta dissuasio.

Dicat per me Romana colluuius (sic enim appellat Persuasor) Petrum à secundo Claudij anno, usque ad postremum Neronis, assiduam Romam fuisse: tantum enim abest, ut colluuiem illam discutiā, ut etiam me nescire fatear, quos hoc nomine, admodum certe contumelioso Persuasor velit intelligi, Hieronymus certe, qui ut puto ex illa colluuiem non fuit, idem non dicet, qui secundo Claudij anno Romam profectum, & octauo decimo, à Christi morte, quod sepe iam diximus, Hierosolymis fuisse scribit. At quoniam inquiet aliquis, pastoris hæc erat diligentia, tot annis à grege abesse? illud scilicet nequaquam animaduertens, non sponte, sed Claudij edicto coactum discessisse. Nullum igitur illi periculum imminabat, ne absentis locum occuparet alius, quando & Linus, & Cletus, sacrarum procuracionem habebant, & emulus aberat Narcissus, nec minus Romanorum erat Episcopus Hierosolymis, quam Romæ. Num quid enim non Athanasius eo tempore Alexandrinorum Episcopus fuit, quo Arii factione, impietate Constantij coactus est in exilium proficisci? quorum sententijs, cum nolisset Liberius Romanus Pontifex subscribere, ipse quoque (ut Ammianus ait) in insulam est deportatus. At de Athanasio scribit Nazianzenus, quod non exilium, sed peregrinatio illa fuerit, nepe quod aliquandiu exul pro fide, demum reuertens, totius Ægypti humeris sit reportatus. Numquid non item Eusebius Pontifex Vercellensis erta, cum eadem actus tempestate, ab occidente in

X x orientem

orientem delatus est. Ille inquam Eusebius, ad cuius reditum Hieronymus scribit, vestes lugubres, latis uniuersam Italiam commutasse. Numquid non Hilarius Pictauiorum erat Pontifex, cum à propria sede exul, uniuersam Galliam discessu suo afflictā & consternatā reliquit? Quod si omnino, absentes Pontifices dicendi non sunt, videamus ne illi trecenti decem & octo à Constantino magno euocati tantisper Episcopi non fuerint, quoad Nicee pro Christiana republica constituenda sunt commorati: idcircoq; nihil eo nomine potuerint statuere. Porro, si Epistola ad Timotheum posterior, anno Neronis quarto decimo scripta fuit, quo tēpore nos diximus Petrum Romae fuisse, nec illius nomine salutem dicit Paulus discipulo, mirū videtur Persuasori, mihi verò nequaquā. Ut enim mirū fortasse confiteremur, si cū aliunde Romam scriberet, nō salutasset Petrū qui princeps in ea ecclesia erat, sic cū Roma aliò scribit, non necesse est omnium qui Romae sunt nomine salutē ascribere. Prius namq; illud nisi faceret, alienum ab officio posset videri. At vero alieno nomine salutare ita demum cōsueuimus, cū ab ipsis, quorū nomine salus est ascribēda, id accepimus in mandatis. Nisi fortasse Paulum per preconē annunciaſſe credimus, quotiescunque literas daturus erat, ut illis omniū nomina ascriberētur. Pudet, pudet profecto in puerilibus, leuibusq; nē dicā coactis, coniecturis refellendis operā ludere. Si enim sola antiquitate teste uti vellemus, maximū robur haberet, sacris etiā literis attestantibus. Quò enim propius aberat à Petri obitu, eò certius,

ti us, quæ vera erāt, scire poterat, quæ deinceps per manus tradita ad nos usq; deuenere. Nunc vero, cū ad lōgissimi temporis persuasionē sanctissimi quoq; & antiquissimi aucthores accedant, simile est huic opinioni contradicere, & quod de Gigantibus Poeta fingunt, pugnare cum Dijs.

Decima quinta Dissuasio.

Q Voad Epistolas Senecæ et Pauli attinet, credo utiq; dicenti Hieronymo, aliquando extitisse eas, quæ vere germanæq; putarentur: At quæ nunc circumferuntur, neutrius esse magnopere cōtenderim, si tamē ibi sit contendendū, ubi neminē alicuius vel ingenij, vel ludicij virū, secus atq; nos opinaturū esse confido, eaq; potissimū coniectura, quæ plurimū semper apud doctissimos quosque valuit, stili scilicet, & elocutionis. Si enim lectioni mistum debet esse iudiciū, qui Senecam, qui Apostolū paulō diligentius legerit, istud ipsum, ut puto, statim nō verebitur affirmare. Quare non timebo id quod aliqui hac demum ætate in ijs quæ Hieronymi nomine inscribebantur, quod humaniorū literarū professores, in Dialogis Platonis in Rhetoricis ad Herennii, in problematis Alexandri, in Luciani Dialogis, in epistolis Phalaridis, quod olim Aristophanes in eo opere, quod Hesiodi dicebatur, quod denique ut ait Fabius identidē seueri illi ueteres fecerūt, ut libros qui falsō viderentur inscripti, familia summonerūt, et ego nunc facere, ut paucas, breuesq; epistolas ab eorū, quorū nomine scriptæ sunt, elocutione penitus diuersas, ipsorū ne-

X x 2

quaquam

quaquam esse pronunciem: praesertim cum adeo grauis hac causa sit, ut pene Paulo abstulerit epistolam ad Hebreos, quod stilus non Pauli, sed Clementis esse videretur. Nolum tamen Persuasorem idcirco hac dicta esse opinari, quod aliter non potuerim, iectum illius declinare. Nam etsi illorum esse concedimus, quorum nomine inscribuntur, nihil ea propter fit nostra causa deterior: quandoquidem ex Tacito certum est Senecam duobus saltem annis ante Neronis mortem fato concessisse. Hieronymus quoque in libro de viris illustribus, Seneca, inquit, biennio antequam Petrus & Paulus coronarentur martyrio, a Nerone interfectus est: nos vero postremo denique Neronis anno, Romam Petrum aduenisse iam diximus, nec tamen si Roma fuisset, eo tempore quo scriptae finguntur, proptinus necesse esset Petri mentionem fieri. Quod satis ostendimus, cum de epistola ad Timotheum loqueremur.

Sexta decima Dissuasio.

EX recentioribus quendam, moribus atque doctrina, hac aetate celebrem, eius candoris esse ex ijs quae scripsit, & quae grauissimi testes retulerunt nobis est perspectum, ut moribus suis ceteros fingens, non facile sibi persuadere possit aliquos fuisse, qui a se scripta, sub aliorum nomine publicarent, quod ut modeste ipse credit, utinam ita vere nobis persuaderi possit. Recte enim Nazianzenus inquit, cum qui male facere paratus non sit, non temere etiam id de alijs opinari. Minime igitur mirandum, si vir candoris ingenui, Petri & Pauli vitas ab eo scriptas credidit,

didit, cuius nomine erant inscriptæ: licet eiusmodi non sint, ut Petri successoris non autoritate tantum, sed doctrina etiam & sanctitate dignas etiã suspicemur. Quare nõ solũ id quod Persuasor sentimus, sed eo etiam nomine præclare de illius iudicio iudicamus. At si ut Lini & Dionysij suppositas vitas recte intellexit, sic eodẽ iudicio cauisset, ne argumento uteretur, quod cõtra se posset retorqueri, nequam tam longus fuisset in ijs enarrandis, quæ Josephus scripsit. Mirũ inquit, quod qui libetẽr Christianos nominat: Petrũ Romæ occisum nõ dixerit. Quare par est credere Hierosolymis trucidatũ eadẽ tẽpestare, qua Iacobus, et Annianus, quorũ in Vigesimo antiquitatũ Josephus mentionẽ facit. At vero illud magis mirandũ, si Petrus Hierosolymis trucidatus est, ubi & Iacobus, cur illius, sicut & Jacobi obitum Josephus nõ describat. Nec id quidem aduertit Persuasor, cum tãta Christianorum eedes extiterit, ut et apud Romanos, authore Tacito, orta sit miseratio: eius tamen rei Josephum omnino nõ meminisse. Pereuntibus inquit, addita ludibria, ut ferarũ tergis contecti interierint, aut crucibus affixi, aut flãmibus traditi, atque ubi defecisset dies, in usum nocturni luminis sunt adusti. Sumpserat nẽpe Josephus Judeorum res, non Romanorũ narrandas. Quod vero scribit Persuasor de filijs, uxore, & socru Petri, licet bene latine, & verbis sanè bonis sibi loqui videatur, nondũ plane intelligere potui, quid sibi velit: auguror tamẽ ea etate sibi Petrum confinxisse, ut ad Neronis postremum annum peruenire non potuerit. Nos vero si qua Sybilla nobis
in explicanda

in explicanda sententia accesserit, tum demum, cum ea declarata fuerint: responsionem accommodabimus. Interim, cum nihil ea de re certum acceperimus, Persuasori lapidem hunc relinquimus commouendum.

Decimaseptima & decima octaua dissuasio

Bene habet, tandem aperuit Persuasor eam quam de Petri morte haberet opinionem, nec eam ipsam Phrygis, aut Mysi alicuius testimonio submissam, sed Hieronymi, inquit, literarum syderis. Illius inquam Hieronymi, qui non semel tantum, sed iterum, et sapius Romae Petrum fuisse, et à Nerone trucidatum scripsit: Illius inquam, qui cum nuper ipsius Persuasoris sententia mendax esset, et sibi contrarius, in celeste sydus repente est immutatus. Nepe quod tandem adhibitis fidiculis, et eculo, visus est Persuasori aliquid confiteri, ijs qui sapius ante dixerat contrarium, et repugnans, sed Hieronymi verba audiamus: Paulus occisus, crucifixus Petrus. Ubi nam rogo Hieronyme? num Hierosolymis? minime id quidem, essem enim hac ratione mihi metipsum contrarius, sed Romae sub Nerone, postquam de ciuitate in ciuitatem, et de Iudaea à Iudaeis expulsi ad gentium populum transmigrarunt: sed hac fortasse ita intelligi debere negat Persuasor. Accedat rursus ipse Hieronymus declarator verborum suorum, qui in epistola ad Galatas, in libro de viris illustribus, et plerisque in alijs locis, non per uerborum inuolucra, et quae interprete indigeant, sed manifeste Romae dicit iugulatum Paulum, crucifixum Petrum. Sed nimirum nihil est,
contra

contra semetipsum tam munitum tanquē armatum quā
mendaciū, quam veridissimulatio. Extorsit nēpe ueritas
ipsa ab imprudēte Persuasore, ut quē prius, si nō uerbis,
re certe ipsa tā male acceperat, nunc, ut uere est, literarum
sydus appellaret, ut uerū illud quod nos asseruimus, eius
testimonio innitatur, qui etiā aduersarij uerbis tātopere sit
cōmēdatus, ut nemo deinde credere possit eum mentitum,
cui etiā aduersarij tā magnificum titulum adhibere nō ue
reantur. Illud insuper quod ex Chrysostomo citat, etiā si ip
se negaret, nos utiq; uerum esse contēderemus. Apostolos
scilicet uentura prädixisse, trucidatosq; Hierosolymis, ut
maiorē minorēq; Jacobum: quare in re non dubia testibus
utitur minime necessarijs: Lyranū uero nobis nō uacat,
nec plane si uacaret, likeret excutere uerba, quē iā sēpius
Persuasor ipse tā acerbe infēctatus est, ut nobiscum ne, an
cum ipso sit, magnopere non curemus: pręcipue cum idē ipse
Lyranus sēpius dicat Petrum Paulumq; Romę sub Nero
ne occisos. Sed si nunquā id dixisset, aduersareturq; omni
no opinioni nostrę, sexcenti superessent quos eidē opponerē,
Vincentius, scilicet, Gallus, Iacobus Varagineus, Ioan. Be
leth, & eius generis complures, ut quod uulgo in pro
uerbio est, cum Bitho Bacchuis.

Absoluta prorsus quęstione, cuius gratia laborē hunc su
scepius, liberum nobis erat finem facere, ni me mouissent
quędā niea parte operis, quā Persuasor cauillos inscripsit,
iā scilicet prauidens, & prope modum diuinās quid a quo
que contradicendum esset. Quod an illi commode ceciderit
aliorum

aliorum erit iudicium. Ibi de duobus Marcis in sacris literis mentionē haberi magnopere contendit. Quæ uidelicet multiplicatio, certissimum iam persugium facta est omnium difficultatum. Si nuper tres inuenimus Magdalenas, olim autem duos Cephass, duos Ioannes, nos quoque in latinum cōuersa Nazianzeni oratione elegantissima, ex unico Cypriano duos factos ostendimus, nunc vero si Marcus etiam Marcum peperit, ut Plauti verbis utar, omnes conduplicauimus. Enimuero mea quidem sententia. Unicus Marcus extitit, gēte Iudæus, discipulus apostolorum, primus Alexandria Pontifex, qui Romæ auctore Clemente, in informationum libro, conscripsit Euāgelium: Aristarchus uero nusquam in diuinis libris cognomen est Marci, ut Persuasor ait, sed hominis proprium nomen, fuit siquidem ut apostolica aetā testantur gente Macedo, patria Thessalonicens. qui simul cum Paulo à Iudæa Romam ductus est captiuus, ubi Aristarchus tantum, non etiam Marcus appellatur. Quod uero in epistola ad Philemonem est Marcus, Aristarchus, Demas, Lucas: credo utique Persuasorem credere sicut Marci Aristarchum; sic etiam Demæ cognomen esse Lucam. At uero quicunque uel prima rudimenta grammatices græce attigerit, facile intelliget apud Paulum, Aristarchum cognomen non esse factū: namque esset per articulum, ut græcis consuetudo est, expressior significatio. Sed tantum abest, ut Marci cognomen sit Aristarchus, ut illud ipsum nomen Marcus, sit Ioannis cognomen, ut Lucas ait, ὁπικαλωμένον μάρκου

μαρκου dixisset igitur, μαρκος, ὁ ἀρίσταρχος vel certe μαρκος ὁς ὑποκα-
 λῆται ἀρίσταρχος postremo vulgatum ad verbum ὅτι κληῖν quo
 ferè in similibus græci uti consuevere, Paulo nō excidisset,
 sed in epistola ad Colossenses, & Aristarchum nomen esse
 sui cōcaptiui (&) alium esse a Marco aperte his verbis de-
 clarat: salutat vos Aristarcus cōcaptiuus meus, & Mar-
 cus consobrinus Barnabæ. Mirum præterea est, ubi nam
 apud Philonem Persuasor legerit Marcum Alexandriæ
 Christi nomen annunciasse: tantum enim abest, ut apud
 illū, vel Christi, vel Marci nomē inueniatur, ut fuerint
 qui ea quæ à Philone dicta sunt, affirmarint de Christianis
 intelligi non debere, sed de Esseorum scēta, de quibus simi-
 lia Josephus scripsit in libro de antiquitatibus, atq; Philo
 in libro de supplicibus: eius opinionis fuit Porphyrius. Nec
 defuere qui de his intelligerent, de quibus tam multa in le-
 gibus Moseos, (&) qui à Judæis Nazareī appellantur: sunt
 (&) qui in Christum credentes suspicantur ibi intelligi, sed
 eos qui legem Moseos in figuris obseruabant. Eusebius ta-
 men Pamphili, & ceteri Christianorum qui de illis memi-
 nerunt, id de Marco, (&) ea quæ sub ipso fuit ecclesia, uti
 profecto sunt, dicta intellexere. Porro congressum aliquā-
 do Petro Philonem, ut non summopere contendam, sic
 non vehementer negauerim, quippe qui sciam eius rei
 auctorem esse Hieronymum, & cum satis pateat congre-
 di potuisse qui gentis suæ legatus diu Romæ moratus est.
 non ab simile, & illud peccatum est, quod reprobatis om-
 nino ijs, quæ sub Lini nomine scripta passim leguntur, de
 Υ υ Petro,

Petro & Paulo, breuiter, & velut aliud agens Persuasor adiunxit, quod idem sentirem, & de Ægesippo, paucis que adiectis omnino ut par est credere, latere volens, cursu pertransijt, quasi vespa dimisso aculeo. Credo etiam si palam ausus esset Ægesippi historiam reprobare voluit, ut simul interpretem illius Ambrosium & qui eius utitur testimonio Hieronymum, & Eusebium reprobareret, cum pluresque alios maximi nominis. Cum vero dubium non sit plerosque antiquiores Ægesippo eiusdem rei mentionem fecisse, consequens est uerum non esse, quod Persuasor ait, confictam fabulam post Ægesippum. Squidem opinor illo potissimum argumento, hominem motum esse, ut falsam narrationem illam crederet, quia scilicet diligentissimus hystoriarum inuestigator: possem, ait, probare nullum sacellum, nec aliam basilicam ad aliquot annorum centurias: sic enim ait ipse Romæ, & locis ei adiacentibus exedificatam fuisse, adderet saltem Christianorum, quasi uero sacelli alicuius, aut basilicæ, vel Ægesippus ipse vel confecta Lini historia mentionem faciat. Platina autem ætate sua extitisse ait, ut hodieque extat in memoriam illius rei gestæ, quando Christus Petro obuius fuit, edificatum sacellum, ut uero prorsus non dubito per Ægesippi tempora Romæ Christianorum sacras ades nusquam fuisse, sic illud mihi fit uerisimile, loca ubi Paulus, Petrusque, capitali supplicio fuere affecti, insigni publicoque aliquo monimento fuisse signata, ut fere ea loca esse consueuerunt, in quibus de damnatis supplicium sumitur. Declarant hoc nē

pe

pe Verba illa Caij antiqui scriptoris, ut ait Eusebius, contra Cataphrygas disputantis. Ego inquit habeo trophea apostolorum, quæ ostendam: si enim procedas via Triumphali, quæ ad Vaticanum ducit, aut via Hostiensi, inuenies trophea defixa, quibus ex utraque parte statutis, Romana communitur ecclesia. Quod utique tunc dixit, cum nondum Romæ Christianorum essent templa constituta. Superest tantum festiua fabula de ægyptia Babilone, adeoque à verisimilitudine longe distans, ut mihi verisimile fiat, Persuasorem cum nequaquam id quod scribebat, crederet, inde tantum quæsisse, ut testatum relinqueret, se non omnino Cosmographiæ fuisse expertem. Qua quidem in fabula, nihil necesse erat Volaterranos, aut Celios tam anxie inquirere: nemo namque ut opinor, negaturus fuit, Babiloniam Ægyptiam extare, Cuius cum & Antoninus & Ptolomeus meminerint, originem etiam ex Diodoro scimus, conditam namque dicit à captiuis Babilonijs Sesostris Regi in Ægypto seruiantibus, à quo cum defecissent, bellum quæ intulissent Ægyptijs, postremo edificandæ ciuitati locum acceperunt, haud procul à Nylo, eamque à patriæ suæ nomine appellarunt Babyloniam: Iosephus vero, in secundo de antiquitatibus libro posterius conditam scribit in ruinis Lyci urbis, à Cambyse deuastatæ, eoque prima die contendisse hebreos cum Ægyptum essent deserturi: Quia in re ne fortasse aliquando similitudinem nominum decipi nos contingat, sciendum est, non de ea Lyco Iosephum locutum, quæ cis Nilum in ea parte Ægy

Ty 2 pti

pti est, ubi asperissimi montes Thebaidem à Septentrione
finiunt, & à qua Lycoplytes nomos, vel ut latine loqua-
mur, praefectura appellata est, sed de Lyco altera, quae trās-
nilum fuit arabiam versus, ubi postmodum Babiloniam
condiderunt. Quod satis patet ex ratione itineris Judeo-
rum, qui ex Gosen discedentes ea autem auctore Hierony-
mo Thebaidos pars est trans Nilum ad Orientem, & ex
Ramesse quae postea, eodem teste, Pagus Arsenoites fuit in
littore rubri maris, versus Palestinam ceperunt iter, &
ad septentrionem proficiscentes eò deueniunt, ubi Nilus
primo scinditur in vertice eius partis Aegypti, quam Gre-
ci deltam vocant, ubi postmodum condita fuit Babilonia,
facile vera coniectura assequi possumus cuiusmodi fue-
rint eius urbis primordia, cuius egena deuastataque ma-
nus, aut certe seruilis, & eiecta, adhuc pressa tot erum-
nis, & calamitatibus fundamenta iecerit: iam infelici-
bus etiam auspicijs, ut per tria prope annorum millia, nul-
la frequentia indigenarum, nullo aduenarum commercio ad
iustam urbis magnitudinem potuerit excrescere. Per Stra-
bonis namque tempora non ciuitas, non oppidum erat, sed
quod ipse ait, προύριον ἑρμυριον, arx videlicet munita quae
Romanorum praesidio tantum tenebatur unica ibi dispo-
sita cohorte, quod esset Arabiae, Aegyptoque contermina:
siquidem Nilus, cui apposita est, ut plerique dicunt, Ara-
biam Aegyptumque determinat, diu quoque in eadem
rerum & hominum egestate perdurauit, donec per tempo-
ra Christianae calamitatis paulo ante exorta Mahometica
impietate,

impietate, rursus in seruatorum recidit seruitutem, iam etis quod
 tum demum fundamentis ibi maximi Imperij mira in-
 crementa accipiens ex ruinis præcipue proximarum ciui-
 tatum Melpheos, & Heliopoleos, in eam creuit ampli-
 tudinem, ut & murorum ambitu, & populorum fre-
 quentia ceteris omnibus longo interuallo Urbs ipsa prepo-
 nenda sit: nuper autem eversa seruili tyrannide per Seli-
 num Turcharum Imperatorem, maximam quoque partem
 pristini splendoris amisit, Cairum autem nunc appellant,
 non quod ibi olim Carre fuerint, ut Platina, Blondus-
 que crediderunt, nec quod idem nomen illud sit cum nomi-
 ne Babiloniæ, ut Persuasori video persuasum esse, sed
 quod inter statum ut periti eius linguæ dicunt, bonum re-
 rectumque significat, cum contra Babilon significet, con-
 fusionem: enimvero si Persuasori quoque dedissemus nun-
 quam Romæ fuisse Petrum, nulla tamen veri esset simili-
 tudo, cur crederemus ex Babilonia scripsisse, aut ibi diu-
 tius traxisse moram. omitto quod licet Babiloniæ Ecclesiæ
 nomine salutem ascribat, non tamen continuo necessarium
 est Babiloniæ quoque scriptam Epistolam: Potest nanque
 & de absente Ecclesia illud intelligi, quod Pauli testimo-
 nio conuincemus. salutant vos inquit, ad Romanos, om-
 nes Ecclesiæ Christi, nunquid nam Paulus aut tunc erat,
 aut olim fuerat apud omnes Ecclesias? rursus in priore ad
 Corinthios: salutant vos omnes Ecclesiæ Asiæ, cum Phi-
 lippis scripta sit epistola, quæ Urbs fuit Macedonia, nunc
 autem eversa, in posteriore vero, salutant vos omnes san-
 cti,

cti, cum paucifortasse admodum tunc essent cum Paulo: dixisset certe Petrus, si in Babilone Ægyptia tunc fuisset. Salutat vos quæ mecum est Ecclesia, velut interim Paulus, qui mecum sunt sancti, nisi & qualis tunc esset Romæ diuinorum humanorumque confusio eo potissimum vocabulo significare voluisset, tacito proprio Romæ nomine, ne forte exceptis literis, incitarentur in Ecclesiam Romanorum animi. Quod & Paulus fecit, scribens se ex ore Leonis liberatum, nisi ridicule non Neronem, sed id animal, quod nomen significat, velimus intelligere. ommitto præterea quod Papias Apostoli Joannis auditor, Romam dixit figurate pro Babilonia apud Petrum intelligi. At vero cum non multum a Strabonis ætate distent Petri tempora, credo equidem Persuasorem opinatum Petrum humanitate ductum in Ægyptum perrexisse, ut milites Romanos, qui illic in præsidio erant, ad Christum cōuerteret, ex quibus illa demum conflata sic Ecclesia, cuius nomine salutem ascribit: cum enim undique solitudines essent, magno iudicio is qui tanquam operarius in segetem missus fuerat, non frequentia populorum celebrem aliquam regionem, sed arcem hanc in desertis munitam sibi elegit, ut ductum quispiam dicat, desiderio visendarum Pyramidum. Cum vero sciamus ubi Paulus prædicarit, vicissim quoque scimus quibus persuaserit fidem, quod item de Jacobo, Thoma, Joanne, & alijs possumus dicere. At vero Petrus ipse, qui primus Christum dei filium confessus est, cui soli dictum legimus, ut oves agnosque pasceret

ret, qui se electum dicit, ut per os eius gentes agnoscerent
veritatem: quæro quidnam in hac solitudine tam longo
temporis spacio fecerit? Antiochia certe prior illius pon-
tificia sedes Emodum Egnatium, & ne plura prosequar ab
illorum disciplina, Chrysostomum nominabit, Clementem
Dionysium, Didimum, Athanasium, Petrum, Cy-
rillum, Alexandria, vere autem Petri sedes Romana ci-
uitas, instituenta Petro, non minus in Ecclesiæ primordiis
sanctissimis doctissimisque hominibus referta fuit, quàm an-
te Christum cognitum in disciplina militari Clarissimis Im-
peratoribus. Quoniam vero in operis peroratione omnino
mihi non admonendus solum, sed increpandus etiam
Persuasor esse uidetur, pollicitusque sum, me non seuerè, non
acriter, non austerè, cum ipso acturum esse, sed leniter, sed
urbane, excitandus mihi esse uidetur à superis aliquis ex
apostolorum familia, qui à Christo sibi concessa libertate
utens, optimam causam paulo uehementiori oratione tuea-
tur. Existat igitur potissime ipse Petrus, cuius negotium
agitur, qui grauitate illa digna principe apostolorum, tanquàm
è sublimi aliquo suggestu totius orbis aduocata concione,
non minore eloquentia, quàm vi efficaciaque orationis, se-
metipsum causamque suam defendat, oblitusque paulisper
incredibilis illius iucunditatis, quæ iam tot seculis fruitur,
dignam dolore maximo, dignam tanta contumelia, vocem
emittat, sic igitur, ut opinor, aget, sic loquetur. Ita ne ego
de uniuerso hominum genere promeritus sum, non modo
cum squallore, cathenis, & carcere, quæ quidem perpeßu
grauia.

grauia & aspera videntur, sed cum immanissimis hostibus, cum crudelissimo totius orbis tyranno, cum flammis, gladijs, crucibus denique die, nocteque; decertans, ut nunc denique; à loco graduque; deiectum in horridas asperasque; solitudines, velut capite damnatum relegaretis? Nonne satis magno impetu arcem totius orbis fulmen illud prædicationis nostræ concussit, ut qui inde secutus est fragor, omnibus notus esse videatur? Nonne præclare testata, inscriptaque; sanguine nostro victoriæ trophea reliquimus, quæ fixa nunc etiam, immotaque persistere, nemo hætenus ausus fuerat denegare? ò, frustra suscepti mei labores, frustraque; superata tormenta. ego cum genus humanum, quod afflictum perditumque; iacebat, à Deo Opt. Max. excitandum suscepissem, ad eam potissimum partem primas cogitationes meas conuerti, quæ non modo plus ceteris teterrimo morbo laborabat, sed quæ in reliquis quoque, crudelissima pestis illius venenum fundere posse videbatur. Ego cum portentum illud ex Samaria profectum, velut Hydram Herculis singulari certamine aggressus, maximis viribus prostrauissem, ego denique; cum salutis vexillum in urbe totius orbis longe principe, atque adeo in ipso Capitolio erexissem, mihi unquam hoc visum sperare venturum, ut quos sudore, quos sanguine meo maxime conseruatos volueram, ab illis potissimum ex ea sede, quam proprio mihi sanguine paraissem, tanto cum scelere deturbarer. Parum profecto nobis erat, quod impia quadam excogitata doctrina, gentem Bohemorum olim hostibus meis infestissimam, nunc in memetipsum tanto cum impetu

impetu commouissetis, Quod ferocissimos Saxonie populos, Præcipuos nominis mei cultores, nefarijs quibusdam persuasionibus, à me alienassetis, Quod facies denique sicuti Alecto illa, per uniuersam Germaniam atque adeo per totum orbem circumferentes amicissimos mihi populos in me quotidie inflammari niteremini? Nisi etiam, à Sanctissimis illis Romane Urbis penetralibus, ab aditu ipso templi mei, ab urbe ipsa, quam expurgandam simul, & conseruandam, Christus mihi tradiderat, nunc demum me expellere, tanto cum populorum tumultu conaremini: & quonam rogo, me ex tanta hominum celebritate eietum relegabitis; an potissimum in Babyloniam & illam quidem non Arabia tantum, sed totius impietatis arcem atque perfugium? Quidnam interroganti Christo responsurus sum, me per tot annos egisse, quot vos me loca illa inhabitasse contenditis? Quod nam adiumentum teneris adhuc Christiane reipublice incunabulis prestitisse nullus certe ad hanc diem Babylonius, nullus Arabs auditus est, non modo pro Christo depugnasse, sed Christiani etiam nominis non inimicissimus: siccine uobis verisimile fit, illius quam vos confingitis Babylonice ecclesie à me posita fuisse fundamenta, sic Arabiam me optimis, & institutis, & moribus constitutam, stabilitamque reliquisse; ut fax illa totius orbis pestis perniciēs que religionis Christiane, ex illa potissimum regione exierit, quam ego regendam gubernandamque suscepissem? Et ex qua nihil unquam non

Z z modo

362 TRAC. ADVERSUS PERSVAS.
*modo pietati Apostolicę consentaneum, sed nisi omnino
tetrum, impium, sceleratum, detestandumque prodisse
non dubitamus.*

F I N I S.


Registrum.


ab ABCDEFGHIKLMNOPQRSTVXYZ.
Aa Bb Cc Dd Ee Ff Gg Hh Ii Kk Ll Mm Nn Oo
Pp Qq Rr Ss Tt Vv Xx Yy Zz.


Omnia sunt folia integra, præter b, quod est dimidium.





VENETIIS, M D LXXIII.
Apud Franciscum Franciscium Senensem.














005644485

